



C. SUP. 25. PL. 5.







THEOLOGIÆ MORALIS DECALOGALIS

Per modum Conferentiarum
CASIBUS PRACTICIS
ILLUSTRATÆ, ET APPLICATÆ,

AD USUM

TUM CURATORUM,

Tum præsertim pro Animarum
Cura Examinandorum,

PARS PRIMA PRÆLIMINARIS

DE

ACTIBUS HUMANIS, ET
CONSCIENTIA.

Nec non

DE LEGIBUS ET PECCATIS,

Tam in Genere, quàm in Specie.

AUTHORE

P. Fr. BENJAMIN ELBEL,

Ordinis FF. Minorum Recollectorum,

Provinciæ Argentinæ SS. Theologiæ

Lectore Jubilato.

Editio tertia priore correctior.

AUGUSTÆ VINDEL.

Sumptibus MATHIÆ WOLFF, Bibliop.

M DCC XXXVII.







Licentia Ordinis.

LECTIS Approbationibus AA.
VV. PP. Lectorum SS. Theologiæ,
Tractatum Præliminarem : *De Actibus*
Humanis &c Auctore Adm. Venerando
Patre BENJAMIN ELBEL, Provinciæ
nostræ Germaniæ Superioris, sive Argen-
tinæ in Conventu Salisburgensi SS. Theo-
logiæ Lectore actuali conscriptum, Typis
publicis exarandi facultatem præsentibus,
concedimus, reliquis de cætero servatis
servandis juribus.

Signatum in Conventu nostro Au-
gustano ad Sacrum Christi Sepulchrum
die 10. Julii Anno 1732. sub nostro Chy-
rographo, Officiique nostri Sigillo Mi-
nori.

Fr. Godefridus Stiive,
SS. Theol. Lector Jubilat,
Totius Ordinis S. P. N.
Francisc. Definitor, & Na-
tionis Germano - Belgica
Commissar. General.



FACULTAS

Admodum Reverendi P. Ministri
Provincialis.

EGO Fr. Kilianus Kazenberger, Ord. FF.
Minorum Recollectorum SS. Theo-
logiæ Lector Jubilatus, Provinciæ Argen-
tinæ, seu Germaniæ Superioris Minister
Provincialis, hisce Facultatem concedo;
quantum in me est, ut *Pars Præliminaris*
Theologiæ Moralis Decalogalis, per modum
Conferentiarum Casibus practicis applica-
ta de Actibus Humanis, & Conscientiæ,
nec non de Legibus, & peccatis, Autho-
re V. A. P. Benjamin Elbel, SS. Theolo-
giæ Lectore composita, atque à Theolo-
gis ad id deputatis lecta, & censurata præ-
lo dari possit. In cujus fidem has Offi-
cii mei Sigillò munitas dedi in Conven-
tu nostro Augustano ad S. Sepulchrum
die 2. Junii 1732.

Fr. Kilianus Kazenberger,
qui supramptiâ.


Pri-



Privilegium Cæsareum.

CUm S. Cæsareæ Majestatis Privilegio cautum sit omnibus, & singulis Typographis, & Bibliopolis, ne Libros à nostri Ordinis Patribus editos, vel in posterum edendos imprimant, recudant, aut alibi recusos intra S. R. Imperii, Regnorumque, ac ditionum hæreditariarum Domûs Austriacæ fines adducant, vendant, vel distrahant absque assensu, & Facultate dictorum Patrum sub gravissima multa &c. Hinc ego Fr. Kilianus Kazenberger, Ord. FF. Min. S. Francisci Recoll. SS. Theologiæ Lector Jubilatus Provinciæ Argentinæ, seu Germaniæ Superioris Minister Provincialis D. MATHIÆ WOLFF, Bibliopolæ Augustano Facultatem concedo, dicto Privilegio utendi in impressione *Partis PRÆLIMINARIS Theologiæ Moralis Decalogalis per modum Conferentiarum Casibus Practicis applicata, de Actibus Humanis & conscientia nec non de Legibus, & peccatis.* à V. A. P. Benjamin Elbel, SS. Theologiæ Lectore compositæ. In quorum fidem has manu meâ subscriptas, & officii mei Sigillô munitas dedi in Conventu nostro Augustano ad S. Sepulchrum die 2. Junii 1732.

*Fr. Kilianus Kazenberger,
qui suprâ mppria.*



Approbatio Theologica I.

TRactatum hunc PRÆLIMINAREM de
Actibus Humanis, & Conscientia, nec non de
Legibus, & Peccatis tam in Genere, quàm in Specie
ad amussim Principiorum Generalium exquisito
fanè studio, & industria singulari elaboratum:
Tum Casibus potissimum *factis*, non *fictis* pro
re nata propositis juxta dilucidèque expositis mi-
rificè illustratum (vitato per omnia laxitatis, ac
rigoris excessu) ab A. R. P. M. Provinciali ad id
deputatus non cursim delibavi, sed libenter, stu-
diosèque legi: à quo tantum abesse compertum
habeo, ut vel fidei Orthodoxæ, vel bonis mori-
bus adversi quidquam contineat, ut eundem non
ab omni duntaxat nota, sed suspicione quoque
erroris alienum pronunciare non dubitem. Quod
si forsan (uti assolet) non nemo ipsius Doctrinæ
Theologicæ rationem, Stylum porro dictionis, aut
Methodum in scribendo adhibitam tentet in quæ-
stionem vocare, responsionis locò illud ipsum
(pro diversitate Materiaram) hodiè confirmo,
ac ratum haberi volo, quod uno circiter ad hinc
anno in Approbatione Tractatûs *De Restitutio-*
ne ejusdem Auctoris operâ in lucem editi asseve-
râsse me memini: Nempe sicut in ILLO nihil
omi-



omisit Auctor eorum, quæ ab Lectore partium
haud Studioſo deſiderari ampliùs poſſint, ita pa-
riter HUNC omnibus adeò numeris abſolviſſe,
digniſſimus ut ſit, qui comuni animarum bo-
no poſt Prælium Scholaſticum é prælo (non
ſum vanus augur) iterum ac ſæpius prodeat.
Ita cenſeo in Conventu noſtro Salisburgenſi ad
B. V. MARIAM in Cælos aſſumptam die 10.
Menſis Maji 1732.

*Fr. Viſtorianus Steidle,
ejusdem Ord. ac Provinc.
SS. Theologiæ Lector E-
mer. ac. p. t. Provinc.
Diffinitor.*



APPROBATIO II.

DE Mandato Admodum Reverendi Patris, P. Kiliani Kazenberger, Almæ Provinciæ Argentinensis, seu Germaniæ Superioris, Ministri Provincialis Actualis, ac Superioris mei observandissimi studiosè perlegi Theologiæ Moralis Decalogalis *Partem Præliminarem* Auctore V. P. Benjamin Elbel, ejusdem Provinciæ in Conventu Salisburgensi SS. Theologiæ Lectore actuali. Nihil autem in hac *Parte Præliminari* inveni, nisi utile, & commendabile; utile quidem singulis animarum Rectoribus, qui se, evenientibus fortè similibus intricatis Casibus juvare, ac læsas Pœnitentium conscientias sanare queant è fundamento. Commendabile autem à solida planè claritate methodo facili, & ordinata, Judicio maturo, ac decocto. Et cum insuper hæc *Pars Præliminaris* nec in minimo impingat in bonos mores, & fidei Orthodoxæ regulas, hinc dignissimam censeo, ut in Lucem publicam, & commune bonum prodeat ad immortalis Auctoris, & Lectoris jamjam Jubilati laudem & Gloriam. Dabam in Conventu nostro Salisburgensi ad B. V. Mariam in Cœlos assumptam die 31. Maji 1732.

*Fr. Leo Stehle, Lector Emeritus
& p. t. Guardianus ibidem.*

Appro-



Approbatio Censoris.

PARS hæc PRÆLIMINARIS de Actibus humanis &c. cum nihil veræ fidei, aut bonis moribus contrarium contineat, materias insuper satis intricatas solidè, & accuratè pertractet, & tot luminibus quot casuum resolutionibus præclare illustret, ideò eundem quemadmodum antecedentes de Sacramentis & Restitutione tractatus, applausum, & prælum meretur. Aug. Vind. 21. Junii 1732.

Imprimatur H. S.

Ex Vic. Aug. 25. Jun. 1732.

Joan. Gottbardus L.

*B. de Vöblin, Vicarius
Generalis.*

Franc. Jos. de Handl,

SS. Theol. Lic. Ser. &

Rev. Princ. & Episcopi

August. Consil. Eccles.

Maj. Pœnitentiarius &

Librorum Censor.



Benevole Lector.

PRæfens Tractatus PRÆLIMINARIS (pro-
ut ex frontispicio cernere licet) comprehen-
dit 1. materiam de Actibus humanis. 2. De Con-
scientia. 3. De Legibus, & 4. denique de pec-
catis nedum in genere, verum etiam in specie.
Etenim materiam de Actibus humanis cuivis fi-
delium, præsertim verò Confessariis scitu summo-
pere necessariam esse, vel inde (ni fallor) facile
colligi potest, quòd omnes, ac singuli median-
tibus actibus humanis, ceu quibusdam passibus
teneamur tendere in DEum velut ultimum finem
nostrum: Actus verò humani duplici regula di-
rigi debent, primò scilicet Legibus, nedum natu-
rali, verum etiam divinis, & humanis, quæ dicun-
tur *regula remota, & extrinseca*, eò quòd intellectu
humano ostendant, quidnam faciendum sit, vel
omittendum. 2dò dirigi debent conscientia, id
est, dictamine practico intellectus, quò volun-
tas nostra, ceu causa, & principium immedia-
tum omnis moralitatis, & actus humani, imme-
diatè dirigitur circa agibilia in particulari, pro-
ptereaque conscientia meritò appellatur *regula pro-
xima & intrinseca*, homini scilicet.


Porro



Porro materiam de peccatis tam in genere, quàm etiam in specie huic tractatui inferendam existimavi, eò vel maximè, quòd tum ad vitam rectè, & debitè instituendam, tum etiam ad pœnitentes salubriter in viam salutis, & ad ultimum finem dirigendos multùm per omnem modum conducere noscatur notitia monstri illius tam abominabilis, tamque execrabilis. Ut autem meliori, quò potui, modò tuo Benevole Lector bono consulerem, totius Tractatus seriem sequenti Conferentiarum, & Casuum Elencho velut in compendio quodam repræsèntandum duxi. Utere igitur hoc meo exiguo labore, eo, quem unicè semper intendi, sine, scilicet ad marem DEI Gloriam, nec non ad propriam, proximique salutem promovendam.



ELEN-



ELENCHUS CONFERENTIARUM, ET CASUUM

Conferentia I.

De natura actus humani, ejusdémque requisitis.
Pag. 1.

C A S U S.

- I. Cujusdam pœnitentis, peccata mortalia dubia adferentis. 12.
- II. Cujusdam Chyrurgi, qui ratione sui officii, & diversarum curationum, variis tentationibus subjicitur. 14.
- III. Cujusdam Hospitissæ, in cujus taberna tum ab hospitibus, tum etiam ab ipsis domesticis multa peccata, committi solent. 18.

Conferentia II.

De impeditivis actuum humanorum, causantibus involuntarium. 27.

C A S U S

- I. De quadam famula, ab Hero suo variè sollicitata, & tandem violenter oppressa. 43.
- II. De



II. Cujusdam famuli, cui Herus voluit mortem inferre, nisi suffocaret Dominam suam. 48.

III. De quodam feripeta, qui præter feram (contra suam intentionem) simul trajecit socium feripetam. 51.

Conferentia III.

De bonitate, & malitia actuum humanorum. 61.

C A S U S.

I. De quadam persona valde malitiosa & plurimis, gravissimisque peccatis obnoxia. 74.

II. Cujusdam Uxoratæ, quæ ad impedienda majora peccata consuevit mentiri &c. 78.

III. De quodam juvene veneri apprimè dedito, sæpius tamen continente eò animo, ut suo Moderatori placeat. 83.

Conferentia IV.

De circumstantiis actuum humanorum. 93.

C A S U S.

I. De quodam Minorista, qui existimavit, se æquo majori pœnitentia fuisse oneratum à Confessario. 104.

II. De quodam adolescente, qui ob furtivas subtractiones à suis Parentibus correptus, eosdem durius increpavit, mortem & alia mala simul imprecando. 107.

III. Cujusdam pœnitentis adferentis peccata varie circumstantionata, de quibus tamen Confessarius nihil aliud interrogavit, quam numerum. 109.

Con-



Conferentia V.

De Conscientia recta & erronea 121.

C A S U S.

- I. De quodam Candidato vocationis suæ gratiam negligente. 132.
- II. Cujusdam pœnitentis sinistrè sibi persuadentis, cogitationes merè internas, quantumvis malas &c. culpâ vacare. 136.
- III. Cujusdam alterius personæ, quæ erroneè existimavit, se incurrissè impedimentum affinitatis. 140.

Conferentia VI.

De conscientia dubia. 152.

C A S U S.

- I. De eo, qui dubitavit, an fecerit verum votum, an verò propositum duntaxat abstinendi ab omni commercio carnali. 166.
- II. Cujusdam alterius dubitantis, an persona à se carnaliter cognita, cuidam alteri non fecerit potestatem sui corporis. 171.
- III. De quodam Sacerdote practicè dubitante, utrum non peccaverit graviter. 176.

Conferentia VII.

De Conscientia probabili. 186.

C A S U S

- I. Cujusdam pœnitentis, qui à Judice fuit declaratus velut hæres legitimus, & tamen noluit persolvere pia legata &c. 204.
- II. Cu-



II. Cujusdam Confessarii, cujus pœnitens moribundus vîsus erat suspectus de sufficientia doctoris, atque propositi. 208.

III. Cujusdam Judicis, qui delinquentem, nec confessum, nec satis convictum condemnavit. 213.

Conferentia VIII.

De Conscientia scrupulosa. 227.

C A S U S.

I. De quodam Clerico, qui noluit celebrare suas primitias, eò quòd putaverit, se defectu intentionis non fuisse valide ordinatum. 238.

II. Cujusdam pœnitentis scrupulosi, qui putat, se hæctenus nunquam valide fuisse confessum vel absolutum. 241.

III. Cujusdam sceminæ scrupulosæ, tentationibus contra fidem &c. mirum in modum exagitæ. 245.

Conferentia IX.

De natura, & conditionibus Legis in communi. 256.

C A S U S.

I. Cujusdam Sacerdotis Catholici, dubitantis an tuta conscientia posset adire Angliam, & ibidem contra edictum Regis saltem in occulto peragere officia divina. 269.

II. Cujusdam alterius Sacerdotis dubitantis, an post factam prohibitionem Romæ possit in his-



hisce partibus nostris tuta conscientia portare
capillaturam adicitiam. 272.

III. Cujusdam Consiliarii asserentis, se insigni-
tur decepisse quendam Judæum ignarum Le-
gis pragmaticæ proximè promulgandæ. 275.

Conferentia X.

De Causa Legum, & potestate Legislativa. 283.

C A S U S.

I. Cujusdam Clerici, qui contra edictum Prin-
cipis territorialis frumentum suum carius ven-
didit. 291.

II. Cujusdam Religiosi, dubitantis an à suo Reve-
rendissimo P. Commissario Generali potue-
rit obligari de ea, quæ sibi videbantur obser-
vatu satîs difficilia. 294.

III. Cujusdam Novitiæ, dubitantis, an in con-
scientia, & sub culpa teneretur observare Con-
stitutiones Ordinis, & mandata suæ Superio-
rissæ. 297.


Conferentia XI.

De obligatione Legum, præsertim humanarum,
& pœnarium. 306.

C A S U S.

I. De quodam Cive, qui contra edictum Prin-
cipis noluit manifestare quantitatem suorum
bonorum. 316.

II. De



II. De quodam Religioso, cui ob periculum
scandali fuit prohibitum tractare Sclopetum,
vel alia id genus arma. 321.

III. Cujusdam malefactoris, qui sæpitis quidem
incarceratus, semper evasit; novissimè verò
ut denuo evaderet vincula, & carcerem, cu-
stodem carceris lethaliter percussit. 324.

Conferentia XII.

De materia Legum, præsertim humanarum.
335.

C A S U S.

I. De quibusdam rebellibus Rusticis, qui contra
edictum Principis ausi fuere instituire non
pauca conventicula hæretica. 349.

II. Cujusdam Clerici, qui pœnitentiã ab Epi-
scopo sibi dictatã negligendo graviter deli-
quit. 352.

III. De quadam fœmina hæretica, quæ, ut,
evaderet pœnas, vel alias incommoditates,
fictè duntaxat professã fuit Fidem Catholi-
cam. 356.

Conferentia XIII.

De subjecto Legum, præsertim humanarum.
364.

C A S U S.

I. De quadam Uxorata, quæ suis prolibus jam
no-





noventibus assueverat carnes dare diebus veneris. 382.

II. Cujusdam pœnitentis, qui tempore quadragesimæ diebus feriatis egredi consueverat ad Vicinum territorium, eò animo, ut ibi velut in loco dispensato posset comedere carnes. 386.

III. Cujusdam famuli, qui ob servitia cuidam Aurigæ addicta sæpè sæpius cogebatur negligere Sacrum diebus etiam feriatis. 391.

Conferentia XIV.


De modo satisfaciendi Legibus. 401.

C A S U S.

I. Cujusdam Musici, qui de Mandato Confessarii tenebatur die Dominica audire duo sacra, & dubitat, an satisfecerit huic obligationi. 409.

II. De quodam milite, qui condemnatus ad compensandum damnum cuidam Rustico præter intentionem illatum, mulctam hanc tacite compensavit.

III. Cujusdam Beneficiati, qui ob neglectum pensum Canonicum jussus expendere unum dugatum, eundem suo famulo pauperculo, cuijam à longo tempore salarium debebat, largitus fuit. 417.



Conferentia. XV.

De cessatione Legum humanarum, præsertim
propter abrogationem, & cessationem causæ
finalis. 425.

C A S U S.

I. De quodam Principe gentili, qui prohibuit
proles suas baptizari, eo quod sinistrè
crediderit, baptismum esse causam mortis.

438.

II. De quodam Nobili, qui, ut hæredem masculinum
obtineret, jurejurando sese obstrinxerat
ad abstinendum à 2da refectione.

441.

III. Cujusdam famulæ, quæ post obitum sui
Hæri non potuit probare donationem sibi
ab eodem factam, propterea que repulsam
passa fuit.

445.

Conferentia. XVI.

De cessatione Legis, per dispensationem &c.

452.

C A S U S.

I. Cujusdam pœnitentis, qui à Confessario petiit
dispensari in esu carnium, etiam diebus veneris.

468.

II. Cujusdam alterius pœnitentis, qui ex Data

) (2

ria



ria Romana. obtinuit facultatem ducendi suam
 consanguineam, cum hac tamen clausula :
Dummodo inter eos copula carnalis non interve-
nerit. 472.

III. Cujusdam alterius personæ dispensatæ in
 voto castitatis eò fine, ut proles jam suscep-
 ta per matrimonium subsequens legitimaretur
 &c. 476.

Conferentia XVII.

De Consuetudine. 487.

C A S U S.

I. Cujusdam Religiosi, dubitantis, an negligendo
 cursum, seu officium majus B. Virginis
 peccet &c. 497.

II. Cujusdam Cauponis Salisburgensis, qui tem-
 pore nundinarum assueverat hospitibus aca-
 tholicis administrare carnes, etiam diebus ab
 Ecclesiâ interdictis. 501.


III. Cujusdam alterius Cauponis, qui ad se in-
 demnem servandum consueverat cerevisiæ in-
 fundere aquam, 594.

Conferentia XVIII.

De Privilegiis. 510.

C A S U S

I. Cujusdam Vicarii ex nostro S. Ordine, qui
 in



in absentia A. V. P. Guardiani non fuit ausus dispensare cum subdito in præcepto jejunii. § 28.

II. De quodam sæculari, qui postulavit sepeliri in nostra Ecclesia, D. Parocho contradicente. § 32.

III. De quadam femina rea fratricidii, & postulante ab hoc casu absolvi. § 35.

Conferentia XIX.

De peccatis in genere. § 45.

C A S U S.

I. Cujusdam hominis scrupulosissimi, qui tandem continui conflictus contra scrupulos pertæsus secum statuit, quòd proximè vellet peccare mortaliter. § 66.

II. Cujusdam debitoris, qui coram Pro-Consule accusatus debitum absolute denegavit, & locò solutionis varias contumelias suo Creditori intulit. § 71.

III. De quodam adolescente, qui resolverat, ducere vitam licentiosam, propterea que studiò quæsit alium ditiozem seducere &c. § 76.

Conferentia XX.

De peccato mortali & veniali in specie. § 89.

) (3

CA.



C A S U S

- I. Cujusdam pœnitentis multum consternati ex eo, quòd in somno pollutionem sæpiùs nedum sentire, verùm etiam procurare soleat. 605.
- II. Cujusdam sponsæ, quæ ex familiariori conversatione cùm suo sponso animadvertit ex utraque parte periculum lapsus, & incontinentiæ. 610.
- III. Cujusdam Sartoris, qui die Dominica mandavit quatuor famulis suis, ut post sacrum auditum unâ hora secum laborarent &c. 615.


Conferentia XXI.

- De superbia, & avaritia. 627.

C A S U S

- I. Cujusdam Militis Emeriti, ambientis reliquis suis Commilitionibus præfici, & ad altiora promoveri. 638.
- II. De quodam Mercatore avarissimo, qui alterius litteras subdolè apertas legit, eidemque propterea ingens lucrum surripuit. 641.
- III. De quodam Viro ditissimo simul, & avarissimo, qui ne micam quidem panis assueverat dare pauperibus. 646.

Con.



Conferentia XXII.

De Luxuria & Invidia.

653.

C A S U S.

- I. Cujusdam personæ valde Luxuriosæ, quæ post varia remedia in ordine ad seducendum Sacerdotem frustra tentata, tandem ab eodem petiit extremam unctionem conduntaxat sine, ut ab eodem tangeretur. 670.
- II. De quodam lascivo Juvene, qui certis quibusdam reliquiis, seu particulis de corpore suæ amatiæ obtentis, eandem mirum in modum fascinoavit amore venereo. 676.
- III. De quodam Mercatore, qui alteri vicino suo gravissima mala imprecari assueverat. 680.


Conferentia XXIII.

De Gula, Ira, & Acedia.

693

C A S U S.

- I. De quodam Nobili, qui Concionatorem ad prandium invitatum fecit inebriari. 716.
- II. De alio quodam Nobili, qui cuidam homini plusquam semisatuo assuevit dare potum excessivum eo sine, ut postea facilius irritaretur. 716.
- III. Cuius-



III. Cujusdam peenitentis, qui posteaquam semel fuit relapsus existimavit, se non amplius posse abstinere, proptereaque in idem vitium pollutionis saepissimè reincidit.

720.



CON-



CONFERENTIA PRIMA.

De natura actûs humani, ejus-
démque requisitis.

SUMMARIUM.

1. Actûs humanus propriè dictus est *actus homi-
nis quâ'talis*.
2. Impropriè talis dici potest omnis actus, qui fit
ab homine.
3. Actus humanus solet etiam appellari moralis,
cò quòd sit regulatus per dictamen rationis &c.
Unde
4. Ad omnem actum humanum propriè talem duo
necessariò requiruntur, scilicet 1. ut fiat cum ra-
tione, 2. ut fiat liberè. Atque hinc
5. Sub ea ratione, sub qua actus non est cognitus,
nequit appellari humanus.
6. Voluntarium propriè tale & perfectum dicitur
id, quòd à voluntàte procedit ex prævia co-
gnitione.
7. Et hoc variè divisum succinctè explicatur.

8. Libertas triplex notatur, scilicet 1. à servitute
2. à coactione, & 3. à necessitate naturali.
9. Arbitrium humanum defacto est liberum libertate indifferentiæ nedum quoad specificationem actûs, sed etiam quoad exercitium.
10. Quin immò ad omnem actum humanum propriè talem defacto necessaria est libertas indifferentiæ, nec sufficit libertas à coactione.
11. Resolvitur Casus I. cujusdam pœnitentis, peccata mortalia dubia adferentis.
12. & 13. An, quomodo, vel quando Confessarius teneatur talem examinare?
14. Resolvitur Casus II. cujusdam Chyrurgi, ratione officii sui, & curationum variis tentationibus subjecti.
15. Quid, quòd sentiat majorem inclinationem, dum ad fœminam, quàm dum ad virum curandum vocatur?
16. Quid de eo, qui ex familiari conversatione cum altero sexu sentit se commoveri ad libidinem?
17. Resolvitur Casus III. cujusdam hospitissæ, in cujus taberna tum ab hospitibus confluentibus, tum ab ipsiis etiam familiaribus peccata committi solent.
18. Huic incumbit pro viribus impedire peccata suorum domesticorum.
19. An possit nonnulla permittere aut dissimulare eo fine, ne fortè famulus renuntiet suo servitio?
20. Omnis, & solus actus deliberatè factus dici potest humanus:
21. Non item actus intellectus, vel incidentiæ quantumvis turpes, prævenientes usum liberi arbitrii.
22. Non tamen semper est necessaria deliberatio formalis & explicita.

23. Ut

23. Ut actus velut indirectè voluntarius imputari valeat ad culpam, necessum est, ut homo 1. Præviderit talem effectum. 2. Ut potuerit, immò verò. 3. Etiam debuerit non ponere causam.
24. Qui voluntariè ponit causam peccati, tenetur etiam in confessione explicare effectum secutum.
25. Et quid, si ante effectum secutum doluit de causa posita?

§. I.

Præmituntur, & breviter resolvuntur quæsitæ, scitu necessaria ad debitè resolvendos Casus practicos de actu humano, & voluntario.

QUæres immò, quid sit actus humanus? 1.
 R. Est actus creaturæ rationalis, liberè & cum ratione factus. Vel quod idem est: est actus hominis voluntarius, & liber. Ita in re communis DD. teste Sporer tr. 1. proöm. c. 2. n. 1. & seqq. Ratio est: quia nomine actus humani propriè talis intelligitur ille, qui fit ab homine quatenus homo est: at tunc is operatur modò homini proprio, quando operatur ex prævia deliberatione, ideòque etiam ex prævia cognitione: nihil enim potest esse volitum, quin præcognitum: ergo actus humanus propriè talis debet esse voluntarius, & liber, seu liberè, & cum ratione factus.

Dixi: *actus humanus propriè talis*: nam latius, & minus propriè loquendo dici potest 2.

actus humanus omnis actio, quæ fit ab homine, veluti est v. g. comedere, bibere &c. qui sunt actus homini communes cum brutis; item omnis actio quæ fit à solo homine, uti est v. g. ridere, loqui &c. qui actus, si fiant sine deliberatione, vel advertentia, uti fieri amant v. g. ab amentibus, aut infantibus &c. potius merentur appellari *actus hominis*, quàm actus humani.

3. Illud porro observandum hic venit, quòd actus humanus propriè talis alio nomine vocetur *actus moralis*, id est, regulabilis, vel potius regulatus per rectam rationem; in hac quippe regulatione consistit moralitas, & hoc ipso, quòd operatio ab homine ex prævia apprehensione Judicii, & deliberatione voluntatis processerit, dicitur moralis, sive dein bona sit, sive non.

Quæres 2dò, quænam requirantur ad actum humanum?

4. R. Duo necessariò requiruntur, scilicet
 1. ut fiat ex ratione, id est, ex prævia apprehensione honestatis, vel inhonestatis &c. 2. ut fiat liberè, id est, ab homine prædito libertate ad agendum, vel non &c. Cæterùm quòd in homine etiamnum post lapsum Adami detur liberum arbitrium, seu libera voluntas agendi, vel non agendi, jubemur credere fide Catholica, juxta illud Num. 30. *in arbitrio viri erit, ut faciat, sive non faciat*: esto multi hæretici moderni temporis contradi-

traducant, contra quos, ait, Sporer *cit. n. 5*, in fine efficacissimè argumentaberis, si protervè negantem libertatem hominis tamdiu bene fustiges, donec fateatur, te habere liberum arbitrium, & pro libitu posse cedere, vel non cedere, adeoque à cædendo cessare.

Quæres tertio, qualis cognitio requiratur ad actum humanum?

R. Cognitio omnium ad actum humanum quâ talem concurrentium, utputa objecti, finis, & circumstantiarum, Ita omnes. Ratio facillè eruitur ex jam dictis: quia actus humanus debet esse voluntarius, & liber; at, nequit esse voluntarius sub ea ratione, sub qua non est cognitus: ergo nec humanus. Ex quo liquet, quodd, si v. g. contrectes, aut usurpes rem alienam, sed ignorans esse alienam, non committas furtum: vel si quidem agnoveris esse alienam, at invincibiliter ignorasti, esse sacrum, non commiseris furtum Sacrilegium formaliter tale; quia actus sub ea ratione; sub qua non est cognitus, nequit imputari homini ad laudem vel vituperium.

Quæres 4to, quid sit voluntarium?

R. Voluntarium improprie, & latius acceptum dicitur illud, quod procedit à potentia appetitiva ex prævia cognitione (saltem sensitiva, & phantastica) objecti, quo modo sumptum coincidit cum spontaneo, & de animalibus quoque dicitur; nam & bruta

animantia sponte, & improprie loquendo voluntarie feruntur in pabulum &c.

At verò voluntarium perfectum, & proprie tale illud solum dici meretur, quod procedit à voluntate ex prævia cognitione intellectiva. Unde etiam advertendum, quòd aliud sit *voluntarium*, & aliud *volitum* (etsi hæc duo nonnunquam soleant confundi) voluntarium quippe debet principiative, & effective procedere à voluntate, non item volitum; quorum differentia in exemplo hoc magis patefit; etenim si v. g. filius deponat votum solemne Religionis, & Parens in eodem sibi complaceat, approbètque &c. hoc votum dicitur filio, utpote de cuius arbitrio effective processit, voluntarium, Parenti autem dici non debet voluntarium, quia ipse non vovit, sed potius volitum, eò quòd illud ceu emissum à filio voluerit, sibi que in eodem complacuerit.

Quæres igitur, quotuplex sit voluntarium?

7. R. Voluntarium proprie tale variè dividi solet, scilicet 1. in perfectum, & imperfectum. 2. In necessarium, & liberum. 3. In formale, & habituale, ac virtuale. 4. In elicitedum, & imperatum. 5. In physicum, & morale. 6. In expressum, & tacitum, sive interpretativum. 7. Denique in voluntarium in se, sive directum, & in alio, sive indirectum. Ita in re communis DD. nominatum

tim Babenstuber *tr. 2. disp. 1. a. 1. n. 9.* Explico brevissimè singula membra.

I. Voluntarium *perfectum* appellatur, quod procedit à voluntate cum perfecta cognitione finis: *imperfectum* verò, quod ex imperfecta cognitione procedit, veluti procedere solent actus primo primi.

II. Voluntarium *necessarium* est, quod procedit quidem à voluntate cum- & ex inclinatione appetitûs, quia voluntas seipsam complacenter determinat, at non cum indifferentia ad oppositum, quô modo amor divinus procedit à voluntate *D. liberum* verò appellatur, quod procedit à voluntate cum indifferentia ad oppositum, veluti amor creatus à nostra voluntate procedere solet.

III. Voluntarium *formale* est, quod procedit à voluntate actu, & exercitè influente: *habituale* verò, quod voluntas semel actu voluit, & hætenus non retractavit; ut si quis semel voluit suscipere Baptismum, nec hanc voluntatem retractavit, dicitur eum habitualiter volens, propterea que adhuc validè baptizaretur, esto hic & nunc nihil de eo cogitaret; ut puta si baptizaretur in amentia, aut deliquio &c. *virtuale* voluntarium appellatur, quod fit dependenter ab actu voluntatis physicè præterito, non retractato, sed etiamnum permanente in aliquo suo effectu, vel determinatione, ut si Sacerdos facta intentione celebrandi Missam, induat se sacris vesti-

bus, procedat ad Altare, consecret &c. Tametsi actu consecrans sit distractus, nec se amplius reflectat ad priorem intentionem, nihilominus consecratio talis censetur virtualiter voluntaria, utpote facta vi & virtute prioris intentionis adhuc perseverantis in illa serie actionum, ut puta induitione Paramentorum, progressu ad Altare &c. quæ omnia sunt vi intentionis prius factæ; unde etiam voluntarium habituale à virtuali differt in eo, quod hoc posterius adhuc activè influat, non item illud prius, velut jam animadvertimus. *part. 1, Theolog. Sacram. Confer. 2. n. 27.*

IV. Voluntarium *elicatum* nuncupari solet omnis ille actus, qui à voluntate procedit ex prævia cognitione finis, eique physicè inhæret, uti sunt electio, intentio &c. *Imperatum* dicitur, quod sit ab aliis potentiis ex imperio voluntatis, uti sunt scribere, legere &c.

V. Voluntarium *physicum* est, quod physicè; *morale* verò, quod moraliter, & imputativè procedit à voluntate; & hoc subdividitur in voluntarium *propria*, & in voluntarium *aliena voluntate*: sic vota à nobis emissa dicuntur nobis adhuc moraliter voluntaria, & quidem voluntate propria, quippe quæ manet iisdem adstricta, quamdiu non relaxantur; peccatum verò Adæ dicitur nobis voluntarium voluntate aliena, sicut & dispositio Tutoris dicitur voluntaria pupillo, saltem in favorabilibus.

VI. Voluntarium *expressum* dicitur, quod verbis vel aliis signis ex instituto significatur, uti solet significari consensus in matrimonium: voluntarium autem *tacitum* reputatur, quod, esto non sit expressum verbis, aut aliis signis ad hoc institutis, nihilominus propter factum aliquod, vel facti omissionem, fictione juris, aut prudentum Judicio censetur à voluntate procedere; quô modo peccata subditorum censentur voluntaria Superiori, quando is non contradicit, nec se opponit, tametsi facile id posset, juxta illam 43. R. J. in 6. *qui tacet, consentire videtur*; de qua fusius agunt Sanchez l. 1. de matr. disp. 5. & 6. item Sporer tr. 1. c. 2. n. 27. Laymann, l. 1. tr. 2. c. 3. n. 3.

VII. Voluntarium *directum* sive in se est, quidquid à voluntate ex proposito fit, intenditur, vel imperatur, sive dein ab operante procedat immediatè, ut furtum à fure, sive etiam mediatè, ut mors à propinante venenum ex intentione occidendi. Voluntarium *indirectum* sive in alio (quod etiam voluntarium in causâ nuncupari solet) est illud, quod quidem per se non intenditur, nec imperatur à voluntate, huic tamen meritò imputatur ex eo, quòd velit aliquid aliud, vel causam aliquam, ex qua prævídetur consecuturus talis effectus; ut si scias te assuetum rixis, & blasphemis in ebrietate committendis & nihilominus te inebrias, hujusmodi blasphemie

miæ tibi censentur indirectè & in causa voluntariæ: si scienter velis occidere mulierem gravidam, convinceris saltem indirectè voluisse occidere fætum, quem prævidisti non posse vivere, nec pervenire ad lucem occisa Matre.

Quæres 6tò, an, vel qualiter homo sit liber in suis operationibus?

8. Ante responsionem notandum, à Docto-ribus triplicem distingui libertatem. Prima dicitur libertas à *servitute*, sive *civili*, qua gaudent ii, qui non sunt mancipia; sive *moralì* quâ gaudent iusti, qui non sunt subiecti peccato, juxta illud Apost. *Rom. 6. liberati à peccato, servi facti estis justitiæ*. 2da est libertas à *coactione*, qua quis operatur sine vi aut violentia ab extrinseco sibi illata: & hæc coincidit cùm *spontaneo*. 3tia est libertas à *necessitate* naturali, quâ agens est ita indeterminatum, & indifferens, ut positus omnibus ad agendum requisitis possit agere, vel non agere (in quo consistit libertas *exercitiî* seu *contradictionis*) vel etiam agere hoc, aut ejus oppositum, utputa amare, vel odisse (in quo consistit libertas *contrarietatis*; seu etiam *specificationis*) hòc supposito & notato.

9. R. Homo defacto est liber libertate indifferentiæ, tam quo ad exercitiû, quàm quo ad specificationem. Ita hodie fides Catholica, & Catholici omnes.

Ratio

Ratio hujus inde colligitur: tum quia aliàs homini frustrâ præscriberentur Leges aut præcepta, si huic non esset liberum, ea adimplere; & hoc ipso nihil amplius posset mereri, aut demereri. Tum etiam quia experientia palpabili constat, dari in nobis consultationem de rebus agendis, vel non, deque variis mediis, quam postea subsequitur mediorum electio: ergo datur in nobis hodieum vera libertas in ordine ad operationes ab arbitrio nostro dependentes. Videatur de hoc Herincx *part. 2. tr. 2. disp. 2. à. n. 6.*

Quæres 7timò, qualis libertas requiratur ad actum humanum?

R. Ad actum humanum requiritur libertas indifferentiæ, nec sufficit sola libertas à coactione. Ita *Catholici unanimiter*. Ratio hujus de facili potest colligi ex Bullis Pii V. *Ex omnibus*, & Gregorii VIII. *Provisionis nostræ* &c. in quibus damnantur sequentes propositiones: *quod voluntariè sit, etiamsi necessitate fiat, liberè tamen sit*. Item *sola violentia repugnat libertati hominis naturali*. Tum etiam ex eo: quia teste Sporer *tr. 1. præm. c. 2. n. 19.* omnium sensu & consensu actus humanus dicitur, eò quòd sit ita proprius homini, ut dependeat ab ejusdem arbitrio, ut fiat, vel non fiat; atqui ad hoc necessum est, ut sit liber nedum à coactione, verum etiam à necessitate, ita scilicet, ut possit omnibus ad agendum requisitis possit fieri, vel non fieri: ergo &c.

§. II.

Proponuntur, & breviter resolvuntur Casus practici concernentes libertatem actuum humanorum.

CASUS PRIMUS.

Titia fatetur se semel maritum suum concitasse ad gravem iracundiam, eo quod certum quoddam vasculum fregerit. 2. Semel ab alio quodam osculum accepisse, simulque inhoneſte contrectatam fuisse, & 3. denique de proximis suis nonnunquam male fuisse locutam. Quid iudicii de tali pœnitente, & de peccatis mox enumeratis ferendum est?

- II. R. Concludendum, rem esse dubiam, an Titia in his graviter deliquerit, necne; quia verò juxta alibi dicta, Confessario ceu Judici spiritali incumbit discernere inter lepram & lepram, de statu scilicet pœnitentis, præsertim an is venialiter duntaxat, an verò mortaliter peccaverit; hinc oportebit paulò acuratiùs examinare Titiam; an intenderit fractione vasculi virum suum graviter exacerbare vel non (quod quidem rariùs fieri assolet à mulieribus, propterea que non illico præsumendum est) 2. An osculum, & præsertim tactus impudicos voluntariè ac deliberatè admiserit? An de proximo suo fuerit male

malè locuta in materia levi duntaxat, an verò in materia gravi? et si hoc: quoties id contigerit? Ratio est: quia tametsi mox enumerata peccata, aut de se sint, aut certè possint esse gravia; nihilominus certò compertum habemus, talia in praxi sæpissimè fieri absque offensa gravi, vel quia pœnitens non habuit intentionem exacerbandi graviter &c. vel graviter damnificandi in fama &c. vel etiam quia oscula aut tactus contigère præter, aut omnino contra intentionem mulieris præfertim conjugatæ. Unde liquet rem de gravitate peccati formalis ab hoc pœnitente commissi esse incertam, & hoc ipso, cum sine difficultate fieri possit, paulò exactius indagandam.

Dices: Ergone Confessarius semper tenetur inquirere, an pœnitens graviter deliquerit, vel non?

R. Non utique semper, sed tunc duntaxat, quando non licet præsumere, sed potius prudenter dubitare, an hoc, vel illud peccatum in his circumstantiis, ab hac persona commissum &c. ascenderit ad gravitatem formalem peccati mortalis, vel non; veluti fit in hoc casu nostro, ubi meritò dubitare licèt, an Titia intenderit voluntariè maritum concitare ad gravem iracundiam, item an hæc persona, utpote jam matrimonio juncta illud osculum & tactus deliberatè admiserit &c. an verò ex improvviso duntaxat, obiter,

obiter, & præter intentionem hæc eidem acciderint, prout non raro accidere solent honestioribus matronis: ergo in his circumstantiis incumbit Confessario paulò exactiùs indagare in gravitatem delictorum.

Secus dicendum foret, casu quo is aliunde satis perspectum haberet, hanc personam, utpote malitiosam satis & vitiis subjectam, similia sine rubore admittere, esse veneri deditam, aut detractionibus assuetam &c. vel si fateatur, se sæpiùs admisisse tactus lascivos & oscula &c. quia his suppositis nulla relinquitur causa dubitandi de gravitate peccatorum, & per consequens etiam nulla obligatio exactiùs inquirendi.

CASUS SECUNDUS.

SEmpronius Chyrurgus non raro vocatur ad medendum, vel quomodocunque demum succurrendum personis etiam alterius sexus, & quia nonnunquam contingit, ut teneatur nēdum aspicere, verum etiam contrectare partes, à quibus castus oculus merito abhorret; hinc fit, ut cogatur satis frequenter sentire rebellionem carnis, motus lascivos, distillationem, immò verò etiam ipsam pollutionem sui corporis: timet proin sibi, suæque conscientia, ed vel maxime, quòd, dum audit se vocari ad curandam huiusmodi faminam, maiorem promptitudinem, naturæ inclinationem &c. sentire sibi videatur, quàm dum postulatur ad succu-

succurrendum viro. Quid judicabit Confessarius, aut quid consulet tali pœnitenti?

R. Confessarius judicabit, Sempronium non peccasse, modò (quod valde notandum) hujusmodi motibus, & delectationibus nullum præbuerit consensum, nec iisdem voluntariè sibi complacuerit, morosè delectando, motus, aut pollutionem ipsam positivè promovendo &c. Ratio fundamentalis hujus resolutionis hæc est: quia nec motus venerei, neque etiam ipsa pollutio est formaliter peccaminosa, nisi sit voluntaria; ad omnem enim actum humanum, & ad omne peccatum formale necessariò requiritur libertas, & quidem indifferentiæ: atqui hujusmodi actus non sunt Sempronio liberi: non enim in se, & directè, uti suppono; neque etiam indirectè, velut in sua causa; quia cum vi sui officii teneatur succurrere, & contrectare hujusmodi partes etiam alterius sexus, vi hujus dici non potest peccare: cumque motus illi ex aspectu, aut contrectatione similium partium naturaliter consequi soleant; hinc planè neque in se, neque in sua causa dici debent voluntarii moraliter, consequenter neque formaliter peccaminosi. Videatur de hoc Laymann *l. 1. tr. 2. c. 3. n. 5.*

Nec refert, quòd Sempronius sibi videatur sentire majorem naturæ inclinationem, dum intelligit, se postulari ad succurrendum foeminae, quàm ad succurrendum viro; non in-

inquam refert: tum quia etiam ſceminæ ſuccurrere, ac mederi malum non eſt, ſed potiùs bonum, & ſi minus ex juſtitia, ſaltem ex charitate debitum: tum etiam quia hujusmodi pruritus naturæ non eſt moralis, & liber, ſed naturalis potiùs ſeu in ipſa natura fundatus, præſertim poſt lapſum, & corruptionem hujus: ergo formaliter malus non eſt, eſſi fatendum, quòd poſſit eſſe ſatis moleſtus caſtæ menti, immò & periculoſus, proptereaſque ſuadendum Sempronio, ut ſtudeat illum per rationem reprimere pro poſſibili, & contrariis proteſtationibus animum obſfirmare.

At verò, dicet fortaffis non nemo; ſentio ego in carne mea tam ardentes ſtimulos repugnantes legi mentis meæ, ut non rarò vel ex ſolo contuitu alicujus picturæ minùs honeſtæ, aut alterius objecti obſcæni, immò etiam ex ſolo ſubitaneo aſpectu alterius ſexus, & multò magis ex familiari, licet cæteroquin honeſta, & inter honeſtiores uſitata converſatione cum illo, aut compreſſione manûs &c. laſcivis motibus, carniſque Tiſtillationibus agitari me ſentiam: an ergo graviter delinquam, ſi animadverſa hujusmodi rebellionem non illicò coergeam viſum, aut ceſſem à converſatione cum tali perſona?

16. R. Non peccas propterea, certè non graviter. Ratio fundamentalis hæc eſt: quia (uti ſuppono, & ſupponi debet) in hujusmodi

modi delectationem libidinosam non consentis, nec assoles consentire: ergo hæc tibi non est peccaminosa, utpote non voluntaria directè, & in se; neque etiam indirectè, & in sua causa; quia ad hoc ut effectus ceu indirectè, & in sua causa voluntarius alicui imputari valeat ad culpam, necessum est, ut is nedum potuerit, sed etiam debuerit non ponere causam: atqui nullo Jure aut Lege obligaris ad non aspiciendum alterum sexum in partibus honestis, ad non colloquendum, aut ad non comprimendum manum &c. quandoquidem hujusmodi actus sint de se indifferentes: ergo non peccas propterea graviter: secus dicendum foret, si aspiceres tale objectum obscænum, quod ex sua natura est vehementer allektivum, & attractivum ad venerem, veluti secundum Doctores sunt aspectus partium verendarum, præsertim inter personas diversi sexûs, coitus &c. & similia; tunc utique graviter peccares ulterius continuando aspectum, & oculos quasi pascendo deliberatè in simili objecto, ex quo advertis tantum tibi imminere periculum: idque à fortiori dicendum, si aliunde scias ab experientia, te solitum consentire in similes turpissimas delectationes; tunc enim temetipsum exponis periculo gravis lapsûs, immò indirectè convinceris voluisse has turpitudines, quippe quarum causam efficacem & potuisses, & debuisses non ponere. Videantur

de hoc Sporer *tr.* 1. c. 2. n. 24. Reiffenstuel
tr. 9. dist. 4. à. n. 71. Babenstüb. ubi *suprà*
art. 2. n. 13. Vega in *summa.* part. 2. c. 55.
cas. 1.

CASUS TERTIUS.

AD certam quandam tabernam Caja vidua
 solent frequenter confluere hospites, quibus
 ipsa liberaliter administrat tam de vino quàm
 etiam de cerevisia, quantum iisdem lubet; unde
 fit: ut alii sese inebrient, alii rixari incipiant,
 alii turpia loquantur, alii filiam Caja ad pec-
 candum sollicitare, & seducere nitantur: &
 quod Caput rei est, insuper jam sapius deprehendit
 famulum suum cum ancilla commercio lascivo vx-
 cantem; quia tamen advertit ex dimissione fa-
 muli, utpote summoperè necessarij rei domesticæ,
 & totam quasi domum gubernantis, sicut & ex
 eo, quod hospitibus negaret vini & cerevisiæ
 abundantiam, aliàsve inconvenientias interdi-
 ceret, non modicum sibi imminere detrimentum,
 idèd non absque re anxia sciscitatur, an hac &
 similia protinùs tutà conscientiâ dissimulare pos-
 sit. Quid respondebit Confessarius?

17. **R.** Confessarius rectè respondebit, quòd
 Caja possit quidem ob evitanda illa damna
 dissimulare & permittere peccata hospitum
 confluentium, non tamen inhonestum illud
 & lascivum commercium famuli cum ancil-
 la. Ratio est: quia Cajæ velut superiorissæ
 & Matri familias incumbit gravissima obliga-
 tio justitiæ impediendi peccata suorum sub-
 dito-

ditorum, juxta illud, Apostoli 1. *Timoth. 5. Si quis autem suorum, & maxime domesticorum curam non habet, fidem negavit, & est infideli deterior*: at verò peccata extraneorum non tenetur impedire ex justitia, ut de se liquet; neque ex charitate; tum quia hujusmodi peccata, utputa ebrietatis, rixarum &c. merè per accidens, & præter intentionem Cajæ sequuntur ex administratione potûs; tum etiam quia sine suo gravi detrimento negare non potest potum; tum denique; quia vix ulla reperietur taberna publica seu popina, in qua aliqui saltem hospitem non soleant sese ingurgitare usque ad ebrietatem, & postea in rixas, vel alias insolentias prolabi; unde tametsi Caja cum suo detrimento potum negaret, nihilominus hujusmodi bibuli facile invenirent alios, qui sibi potum administrarent usque ad nauseam: secus dicendum existimo, si Caja bellô modô, & sine suo gravi incommodo vel detrimento posset impedire hujusmodi peccata, tunc enim nedum laudabiliter & sanctè faceret, sed etiam ex virtute charitatis ad hoc teneretur. Vide Sporer *cit. n. 24.* vel Babenstuber *ubi supra n. 13.*

At, inquires, etiam peccata famuli, & ancillæ suæ Caja impedire nequit sine gravi suo detrimento; nam famulus cæteroquin fidelissimus, & rei domesticæ summopere necessarius à Caja correptus, fortassis cederet suo officio.

18. *¶* Vix esse credibile, quòd Caja ex discessu famuli habeat timere tantum damnum, aut discrimen, quod præponderet obligationi gravissimæ impediendi peccata subditorum; enimverò si famulus iste supponatur esse tam perditæ vitæ, ut ab inhonesto suo consortio, quantumvis correctus, & admonitus desistere nolit, meritò timendum, ne vivendo licentiosè & scandalosè plus maledictionis attrahat super domum Cajæ, quàm commodi sua confert industria, præsertim si Caja omnia quasi dissimulando velit connivere quodammodo hujuscemodi damnabili commercio carnali.
19. Fatendum nihilominus est, quòd si Caja (idèem proportionaliter intelligendum venit de quocunque alio Patrefamilias, Domino, aut Superiore respectu sibi subditorum) sua admonitione, & correctione nihil possit efficere, Confessarius eidem aliquid hinc inde dissimulanti (minimè tamen conniventi, vel approbanti tale commercium) possit condescendere, idque hac ratione: quia Superiori, aut Superiorissæ cuicunque demum, peccata subditorum nullatenus imputari possunt aut debent, quando is pro viribus conatus fuit ea impedire, utpote contradicendo, minitendo &c. & ideò duntaxat aliquid dissimulat, quia id sine graviore, aut certè satis gravi incommodo ac detrimento impedire nequit: ergo neque in nostro casu Cajæ imputari

putari possent peccata famulorum. Caven-
dum tamen meritò est, ne fortè mentiatur
iniquitas sibi, & vano timore perterrita, in-
dulgeat plusquàm oportet, præsertim cum
hiscè temporibus passim haberi possint fa-
muli non minùs utiles ac fideles, quàm hone-
sti; de quibus major benedictio speranda.
Certè Tamburinus in *Decalog.* l. 5. c. 1. §.
4. n. 22. Absolutè negat, licitum esse Domi-
nis, famulum cum amasia domi retinere, etsi
alios servos vel servas de facili invenire non
posset; nam hoc modò (inquit idem) non
solum servus est malus, sed & securius pec-
cans, & commodius: quid de scandalo?
quid de periculo contagii totius familiæ?
Apage à te ejusmodi lues.

§. III.

Corollaria ex dictis in- ferenda.

Colliges ex dictis primò omnem & so-
lum actum deliberatum & liberè à vo-
luntate procedentem, sive dein sit actus eli-
citus, sive imperatus, sive etiam imputatus,
utpote directè, explicitè, sive etiam indire-
ctè, implicitè, tacitè, seu etiam interpretativè
voluntariùs &c. esse actum humanum. Ra-
tio facile eruitur ex hætenus dictis: quia
omnis, & solus talis actus fit ab homine quia
homo est, proptereaque eidem ad laudem,
vel vituperium imputari valet, uti rectè ad-

B 3

vertit



vertit Sporer *tr. 1. c. 2. n. 28.* Ex quo ulterius inferes, &

21. Colliges 2dò, actus intellectus, cogitationes, seu etiam incidentias, quantumvis malas, turpes, vel lascivas &c. quæ non raro ex simplici apprehensione concipiuntur ante omnem deliberationem, & consensum, non esse actus humanos, neque bonos, aut malos, nisi accedat voluntarium: immò verò etiam motus primus appetitus sensitivi, quem subinde patimur sine advertentia intellectus, (idem tenendum est de motu primo primo intellectus, aut alterius potentie) non est actus humanus, veluti bene observat Lajmann *l. 1. tr. 2. c. 2. n. 10.* & alii DD. Ratio est: quia cum tales actus non sint voluntarii, neque deliberatè cum advertentia ad bonitatem, vel malitiam moralem ab homine fiant, eò ipso dici nequeunt regulati per rationem: ergo nec morales aut humani; id quod vel maximè notatum, & altè menti scrupulorum impressum velim, qui quasvis incidentias turpes aut malas, & vel maximè omnem moram intellectus in iisdem, tametsi ad malitiam non adverterint, illico apprehendunt esse peccaminosas, proptereaque non sine permagnis conscientie suæ anxietatibus sese desuper accusare solent. Videantur de hoc dicenda inferius *Confer. 8tava à n. 218.*

22. Colliges tamen 3tiò, ad actum humanum non semper necessarium esse deliberationem

formalem (quæ tunc fit , quando intellectus secum ipso discurrit , & consultat de re quâpiam agenda, ponderando hinc inde rationes v. g. an hic & nunc sit furandum , vindicta sumenda ab hoste? &c.) sed sufficere etiam deliberationem virtualementem (qualis tunc fit, quando quis ex sola apprehensione objecti, sive deinde ob evidentiam rei, sive ob acumen intellectûs illico concludit, hoc velut bonum esse agendum , v. g. DEum esse amandum &c. aut illud velut malum esse fugiendum, v. g. DEum non esse blasphemandum, non esse adulterandum &c.) Ratio autem hujus est; quia stante hac deliberatione virtuali intellectus sufficienter ostendit voluntati bonitatem, vel etiam malitiam: ergo si voluntas de se indifferens postea amplectitur alterutrum, talis actus merito reputatur esse moralis, quandoquidem velut regulatus per rationem ab arbitrio humano liberè processerit. Sporer *cit.* 2. n. 12.

Colliges 4to, ad hoc, ut effectus quicumque demum velut indirectè, & in causa voluntarius tibi imputari valeat ad culpam, necessariò hæc tria requiri. 1. Ut prævideris ex tali causa secuturum talem effectum, aut certè de hoc dubitaveris. 2. Ut potueris liberè non ponere talem causam. 3. Ut etiam obligatoriè debueris non posuisse illam. Unde defectu primi nequit tibi imputari ad culpam gravem; si te v. g. inebriasti

ex eo, quòd non adverteris, nec agnoveris generositatem vini; quia, ut jam suprà dictum fuit, nihil volitum potest esse, quin sit præcognitum. Defectu 2di non peccas, si vi officii tui cogaris v. g. equitare, & inde sentias periculum pollutionis, vel ipsam pollutionem; quia cum hæc naturaliter sequatur, & quidem ex causa tibi non libera, hinc tibi imputari nequit ad peccatum. Defectu 3tii non peccas, si v. g. intentus studio moralium circa materiam lubricam, te exinde commoveri sentias; vel si excipiendo Confessiones de simili materia, sentias te vehementer agitari motibus libidinis, nedum ad distillationem, sed etiam ad ipsam pollutionem, modò semper excludas consersum in delectationem libidinosam & quoad similes effectus merùm permissivè te habeas.

Ratio patet ex jam dictis: quia his suppositis hujusmodi effectus nequeunt tibi imputari velut in se, & directè voluntarii; neque etiam velut indirectè voluntarii in sua causa; tum quia legere moralia ex fine tam bono, vel etiam excipere Confessiones animo juvandi poenitentes & promovendi animarum salutem, non est malum, sed potius sanctum quid & meritorium, fortassis etiam necessarium vi tui officii, vel obedientiæ tibi incumbens: tum etiam quia neutiquam tenebaris non ponere talem causam, id est, abstinere à simili lectione, aut Confessionum ex-
ceptio-

ceptione, tametsi fortassis licuisset abstinere à similibus. Videantur, si placet, Tambur. in decalog. l. 1. cap. 2. §. 2. n. 2. Sporer ubi suprà n. 24. Babenstuber tr. 2. disp. 1. a. 1. n. 12. & 13.

Colliges igitur, eum, qui voluntariè posuit causam peccati, aut omissionis peccaminosæ (ut puta pollutionis nocturnæ, abortûs secuti, vel omissionis Sacri die Festo &c., non satisfactorum præcepto Confessionis, præcisè sese accusando de causa posita, dicendo v. g. quòd ante cubitum cogitationibus lascivis, voluntariè inhæserit &c. vel quòd die festivo se inebriaverit &c. sed tenetur insuper fateri ipsum effectum, tunc præsertim, si antequam effectus fuit subsecutus non retractavit, nec doluit de causa posita. 24.


Ratio est: quia non supposita retractatione hujusmodi effectus sive positivi sint sive negativi, manent voluntarii in causa, ac proinde velut tales merito imputantur ad culpam, esto etiam illo tempore, quò sequuntur, v. g. in somno, aut ebrietate, non amplius subsint potestati liberi arbitrii, uti rectè docet Castropalao p. 1. tr. 2. disp. 1. pu. 3. n. 7. & Mezger tr. 6. disp. 18. a. 2. n. 10.

At quid, inquires, si talis sincerè doleat de causa posita prius, quàm effectus sequitur, tenebiturnè nihilominus in confessione dicere effectum esse subsecutum?

25. R. Per se loquendo non tenetur: idque hac ratione: quia per sinceram retractationem interruptitur, & cessat moralis influxus voluntatis in hujusmodi effectum, & per consequens quemadmodum cessat esse voluntarius, ita pariter desinit esse peccaminosus. Nihilominus per accidens sæpius, immo juxta sententiam Laymanni, & aliorum regulariter adhuc tenetur talis pœnitens explicare effectum secutum; tum ut Confessarius intelligat gravitatem peccati commissi; tum etiam ut discernere possit, an non incurrerit aliquam censuram, irregularitatem, reservationem, restituendi obligationem &c. Videatur Lay-

mann. l. 1. tr. 2. c. 3.

num. 5.



CON-

CONFERENCE SECUNDA.

De impeditivis actuum humanorum, causantibus involuntarium.

SUMMARY.

26. Impeditiva voluntarii sunt quatuor, scilicet violentia, metus, concupiscentia, & ignorantia.
27. Involuntarium dicitur id, quod fit contra inclinationem voluntatis.
28. Nomine violentiæ intelligitur vis ab extrinseco illata; unde
29. Violentia semper causat involuntarium simpliciter.
30. Metus est instantis, vel futuri periculi causæ mentis tripidatio; qui variè divisus breviter explicatur.
31. Metus qualiscunque demum, non causat involuntarium simpliciter, sed secundum quid duntaxat.
32. Concupiscentia est passio, seu motus appetitus sensitivi.
33. Alia dicitur consequens, & alia antecedens.
34. Et hæc augeat voluntarium, liberum tamen minuit.
35. Ignorantia est carentia, vel potius privatio notitiæ in subiecto capaci.

36. Ex-

36. Explicantur succinctè variæ species ignorantiae ut sic.
37. Ignorantia vincibilis rursus subdividitur in affectatam, & non affectatam.
38. Ignorantia; *antecedens* causat involuntarium simpliciter; *concomitans* causat non voluntarium, *consequens* verò causat voluntarium indirectè.
39. Resolvitur Casus I. de quadam famula ab Hero suo variè sollicitata, & tandem violenter oppressa.
40. Quæ non clamando, nec invocando aliorum opem, probabilissimè peccavit mortaliter.
41. Et quid, si ex tali clamore rationabiliter timuisset mortem violentam à stupratore sibi inferendam?
42. Traditur regula specialis ad discernendum, quanta, vel qualis resistentia sit facienda in simili casu violentiæ.
43. Resolvitur Casus II. cujusdam famuli, cui Herus intentavit mortem, nisi suffocaret dominam suam.
44. Satisfit cuidam instantiæ in contrarium.
45. An talis famulus debuisset potius sufferre mortem, esto se scivisset constitutum in statu disgratiæ?
46. Resolvitur Casus III. de quodam feripeta, qui præter feram contra intentionem, simul trajecit focium feripetam.
47. An vel qualiter propterea puniri potuerit?
48. Per se loquendo nullus metus excusat à peccato, licet in nonnullis casibus possit excusare per accidens.
49. Nullus etiam metus excusat ab observantia præceptorum naturalium negativorum.

- §0. Potest tamen subinde excusare ab observantia præceptorum naturalium positivorum.
- §1. Similiter ab observantia præceptorum divinatorum merè positivorum non raro excusat metus.
- §2. Regula specialis ad dignoscendum, quando nam ob metum gravem cesset, vel non cesset obligatio præcepti divini positivi.
- §3. Peccata ex impetu passionis facta, cæteris paribus leviora sunt iis, quæ fiunt ex mera malitia.
- §4. Ignorantia invincibilis excusat ab omni pœna.
- §5. Non item vincibilis, præsertim si fuerit crassa aut supina;
- §6. Nisi pœna sit lata in *scienter*, aut *temerariè delinquentes* &c.
- §7. Ignorantia solius pœnæ, probabiliter non excusat *delinquentem*.
- §8. Nisi hæc sit exorbitans, vel censura Ecclesiastica.

§. I.

Præmituntur, & breviter resolvuntur quæsitæ, scitu necessaria ad debitè resolvendos Casus practicos de impeditivis actuum humanorum.

QUæres primò, quot sint impedimenta, seu impeditiva actus humani?

R. Generaliter loquendo communiter enumerantur quatuor, scilicet violentia, metus, 26.

tus, concupiscentia, & ignorantia. Ita omnes. Ratio est: quia hæc quatuor causant involuntarium; vel enim efficiunt, ut obiectum non sit satis cognitum, uti facit ignorantia, & concupiscentia; vel certè faciunt, ut non sit satis liberè, & perfectè volitum, veluti fieri natum est per metum, & violentiam: ergo hæc quatuor suo modò impediunt actum humanum.

Quæres 2dò, quid, & quotuplex sit involuntarium?

27. R. Involuntarium illud est, quod sit contra voluntatem, aut certè contra ejus inclinationem; unde involuntarium propriè dicitur de actibus, quibus per se loquendo posset quidem convenire ratio voluntarii, aliquid tamen ipsis hìc & nunc deest, quod ad voluntarium requiritur, prout sapienter advertit Herincx noster p. 2. tr. 2. disp. 1. n. 12.

Porro involuntarium ut sic communiter dividitur in *simpliciter tale*, & in involuntarium *secundum quid* tale. Simpliciter involuntarium tunc habetur, quando cogimur aliquid facere, vel pati, ita, ut voluntas simpliciter, & absolute repugnet, & nullatenus illud velit; ut si cuipiam violenter curvarentur genua coram Idolo &c. aut si foemina violenter supprimatur &c. Involuntarium secundum quid tantum dicitur, quando voluntas illud quidem vult, at non sine displicentia

&

& tergiversatione, quia scilicet libentius vellet oppositum; ut si mercator timore naufragii projiciat merces suas in mare, vult utique illas projicere, at non sine involuntario admixto, quia libentius vellet illas retinere, nec unquam projiceret, nisi instante, & urgente periculo eò adigeretur; propterea que saltem secundum quid involuntarie censetur illas projicere,

Quæres 3tò, quid sit violentia?

R. Violentia est vis ab extrinseco illata, 28.
cogens ad aliquid agendum, aut patiendum contra naturalem, vel elicitam inclinationem seu appetitum. Ita in terminis Sporer *tr. 1. c. 2. n. 40.* Et rectè; nam juxta Philosophum 3. *Ethic. 1. c. violentum est id, cujus principium est extra, passio non conferente vim*, id est, contranitente passio, seu contra inclinationem passivi, velut exponit Doctor subtilis 2. *disp. 18. q. un.*

Quæres 4tò, quomodo violentia causet involuntarium, & impediat actum humanum?

R. Violentia causat involuntarium simpliciter, & hoc ipso simpliciter impedit actum humanum. Ratio patet ex dictis in superiori Conferentia n. 6. Quia actus humanus debet procedere à principio intrinseco, scilicet à voluntate: atqui violentia efficit, ut non procedat à principio intrinseco, sed potius
ab

ab extrinseco, & quidem contranitente, & repugnante voluntate: ergo.

Et licet voluntas in actibus à se elicitis, vel imperatis, utpote sibi voluntariis, violentari nequeat, potest nihilominus violenter impediri ab actibus imperabilibus aliarum potentiarum: potest enim aliquis violenter detineri v. g. in carcere, sicque impediri ab auditione Sacri &c. possunt etiam alia membra, v. g. manus violenter applicari ad inter necionem, aut ad thus immolandum idolo &c. quò supposito, sicut cessat voluntarium, ita pariter deficit in hujusmodi actibus violenter extortis omne meritum, atque demeritum, juxta *omnes*.

Quæres 5tò, quid, & quotuplex sit metus?

30. *¶* Metus est instantis, vel futuri mali causâ mentis trepidatio. Ita Ulpianus *l. 1. ff. de eo, quod metûs causâ*. Solet autem metus ut sic communiter dividi 1. in eum, qui ab *intrinseco* proficiscitur, & in eum, qui ab *extrinseco* incutitur. 2. In *levem* & *gravem*. 3. In *reverentialem*. Explico breviter singula membra.

1. Metus ab intrinseco profectus appellatur, qui intrinsecè ab ipsomet metuente concipitur propter aliquod malum sibi imminens à causis naturalibus, vel fortuitis, utputa ab incendio, à naufragio, à morbo &c. Metus verò ab extrinseco incussus appellatur
ille

ille, qui ingeritur ab aliqua causa libera, & extrinseca, v. g. ab homine, inimico, à latrone mortem minitante &c. Unde hic metus potest incuti vel justè, vel injustè: Justè incutitur, quando incutiens habet jus, vel obligationem intentandi hujusmodi malum v. g. carcerem, mortem, excommunicationem &c. è contra injustè incussus merito censetur, quando incutiens non habuit jus intentandi hujusmodi malum, prout fit, si v. g. latro ad extorquendam pecuniam mortem tibi intentet.

II. Levis metus appellatur, quò quis timet leve malum, aut grave quidem, sed inaniter, & sine causa: gravis è contra dicitur, quò quis timet grave malum, v. g. mortem, mutilationem, verbera enormia, exilium, servitutem, carcerem, damnationem ad tiremes, amissionem omnium, aut certè notabilis partis bonorum, infamiam gravem moraliter indelebilem, excommunicationem injustam &c. Et talis metus dicitur à Juristis *cadere in constantem virum*, non quòd solus vir ejusdem capax sit, sed quia tantus est, ut etiam virum fortem, & aliàs satis constantem, terrere, conturbare, & perplexum reddere valeat. Ut tamen talis metus verè gravis dici possit, Doctores satis communiter requirunt sequentes quinque conditiones, scilicet 1. ut hujusmodi malum verè & rationabiliter timeatur. 2. Ut is, qui malum intentat, sit potens illud

R. P. Elbel, de Actib. Hum. C exe-

exequi; secus enim sine causa timeretur vana sine viribus ira. 3. Ut aliàs etiam assueverit inferre, & exequi simile malum. 4. Ut illud malum à metuente de facili nequeat evitari. 5. Denique ut illud malum sit grave saltem respectivè; id est, respectu personæ, cui hoc intentatur: quò fit, ut respectu pueri, aut puellæ aut fœminæ imbellis subinde reputetur metus gravis, qui respectu viri cordati neutiquam gravis diceretur, sed potius levis.

III. Metus reverentialis nuncupatur, quò filius metuit offensionem Parentum; pupillus Tutoris; subditus Superioris; uxor Mariti &c. Et hic metus, præcisè secundum se sumptus, id est, quatenus præcisè importat illum pudorem, verecundiam, aut confusionem, quam pati solet filius, vel subditus, quando corripitur à suo Superiore &c. dicitur levis, quia huiusmodi pudor vel confusio, utpote subito transiens, non est malum tanti momenti, ut ab homine cordato debeat timeri: at verò si huiusmodi pudori aut confusio simul accedant alia mala, utputa, si filius, aut filia prævideat se malè tractatum iri à Parente, exclusum iri ab hæreditate sin minus toto, saltem in tanto &c. tunc etiam timor reverentialis evadit gravis; quia revera huiusmodi austeritas, mala tractatio, continua indignatio, vel perpetua aversio Parentis &c. virum etiam cordatum rationabiliter concutere,

tere, ac perterrere potest, uti sapienter advertit Castropalao *p. 1. tr. 2. Dis. 1. pa. 7. n. 6.* Tambur. *l. 1. Decalog. c. 2. §. 5. n. 8.* La Croix & alii plures.

Quæres 6to, an, vel quomodo metus causet involuntarium?

8. Metus non causat involuntarium simpliciter sed secundum quid duntaxat; unde quod fit ex metu, fit adhuc simpliciter voluntariè, licet plerumque saltem fiat aliquo modo, & secundum quid involuntariè. Ita communis DD. cum S. Thoma *1. 2. q. 6. a. 6.* Ratio est: quia quod fit ex metu, procedit ex deliberata ratione cum cognitione finis &c. ergo fit simpliciter voluntariè, esto fiat, plerumque contra voluntatis inclinationem, ut dum mercator timore naufragii merces projicit in mare, dum viator timore mortis latroni pecunias exsolvit, & in aliis pluribus casibus. Quin immò potest contingere, ut id quod fit ex metu, fiat etiam sine involuntario admixto, idque contingere natum est, quando metus non est totum motivum operis, ut si quis metu poenarum infernalium moveatur ad detestanda sua peccata, talis detestatio potest, immo debet esse ita voluntaria, ut excludat verè omnem affectum involuntarium ad peccandum, secus enim talis dolor non esset efficax, neque sufficiens ad obtinendam peccatorum veniam. Videatur Herinx *Disp. 1. n. 22.*

Quæres 7timò: quid, & quotuplex sit concupiscentia?

32. R. 1. Concupiscentia est passio, seu motus appetitus sensitivi vel prosequentis bonum delectabile, uti sunt amor, desiderium, gaudium, quæ propterea dicuntur pertinere ad appetitum concupiscibilem; vel e contra fugientis malum oppositum, uti sunt odium, fuga, ira, tristitia &c. quæ pertinent ad appetitum irascibilem.

33. R. 2dò Concupiscentia communiter dividitur in *antecedentem*, & *consequentem*. Antecedens dicitur illa, quæ ex sola apprehensione objecti delectabilis, vel contrarii, seu afflictivi absque ulla deliberatione rationis, aut consensu voluntatis confurgit, vel etiam durat in parte sensitiva, & hóc ipso nec meriti capax est, neque demeriti.

Consequens concupiscentia appellatur, quam voluntas ex proposito, & deliberatè excitat, vel imperat vel præviè excitatam admittit, & acceptat. Ita communiter DD.

Quæres 8tavò, an, vel quomodo concupiscentia causet involuntarium?

R. Concupiscentia (sive antecedens sit, sive consequens) non minuit, sed potius augeat voluntarium imperfectum. 2. Perfectum tamen, id est, liberum, concupiscentia antecedens imminuit, & quandoque omnino tollit. Ita cum S. Thoma 1.^æ 2.^æ q. 6. a. 7. & Scotto 4. dist. 29, Sporer ubi suprà c. 2. a.

n. 62. Herincx cit. *disp.* 1. a. n. 24. Reiffenstuel. Babenstuber & alii. Ratio prioris est: quia quod fit ex concupiscentia, non fit contra, sed potius juxta inclinationem voluntatis prout experientiâ constat in illis præsertim, qui ex passionibus iracundiæ, vel libidinis aliquid attentant: ergo concupiscentia non minuit, sed potius auget voluntarium saltem imperfectum. Et licet in rigore loquendo concupiscentia consequens, eò ipso, quòd actum voluntatis primum consequatur, non causet illum actum in esse voluntarii, est tamen signum majoris voluntarii, uti sapienter advertit Herincx cum aliis.

Ratio autem posterioris est: quia concupiscentia antecedens vel tollit, vel certè imminuit deliberationem rationis, nec sinit intellectum sufficienter considerare circumstantias, & motiva in utramlibet partem, sed potius inclinat & trahit quodammodo in eam duntaxat partem, in quam ipsa fertur. Et hanc ob causam communi proverbio dicitur, *unumquemque judicare de rebus, sicut affectus est*. Jacobus quoque Apostolus in sua Epistola Catholica ait; *unusquisque verò tentatur à concupiscentia sua abstractus, & illectus*; ergo concupiscentia antecedens minuit voluntarium perfectum, vel potius liberum. Quin immò experientiâ teste tanta nonnunquam (et si raro) noscitur esse vehementia concupiscentiæ & passionum inordinatarum

v. g. iræ, libidinis &c. ut omnino obnubilet lumen rationis, & ea duntaxat motiva intellectum ponderare sinat, quæ suadent idemmet, ad quod inordinata passio inclinat, scilicet vindictam &c. in quo quidem casu, quemadmodum voluntas non agit ex deliberatione rationis, & cum indifferentia, sed potius necessariô, & cum determinatione ad unum, ita pariter cessat omne meritum, atque demeritum, secundum omnes.

Quæres 2ndo, quid, & quotuplex sit ignorantia?

35. R. 1. Ignorantia propriè dicta est privatio notitiæ in subiecto capaci, id est, tali, quod posset habere huiusmodi notitiâ; etenim ubi subiectum capax non est, non habetur ignorantia, sed potius negatio scientiæ. Hanc ob causam v. g. lapis non dicitur habere ignorantiam Dei: similiter infantes, & amentes, quamdiu in hoc statu morantur, non rectè dicerentur habere ignorantiam v. g. Dei, utputa incapaces ad hunc agnoscendum; sed potius dici debent habere negationem scientiæ: esto non desint Doctores, qui hanc infantium, & amentium negationem scientiæ, intitulent, *ignorantiam negativam*.

36. R. jam 2. Ignorantia propriè dicta rectè dividitur 1. in ignorantiam *meram privationis*, & *prava dispositionis*. 2. In Ignorantiam *juris*, & *facti*. 3. In *antecedentem*, *concomitantem*,

&

& consequentem. 4. Denique in vincibilem, & invincibilem. Ita DD. communiter. Explico breviter singula membra.

I. Ignorantia meræ privationis est carentia notitiæ in subiecto apto; ut si homo jam adultus & ratione utens nesciat v. g. Deum esse trinum. Ignorantia verò pravæ dispositionis appellatur, quando quis non solum caret notitia alicujus veritatis, sed positivè est imbutus errore contrario; ut si v. g. non solum nesciat, Deum esse Trinum, verum insuper positivè credat, eum esse unum duntaxat; proptereaque ab aliis hæc ignorantia appellatur *positiva*, scilicet ob errorem positivum.

II. Ignorantia juris appellatur, dum quis caret notitia Legis sive prohibentis, sive etiam præcipientis, v. g. hodie esse jejunandum, tempore paschali esse communicandum &c.

Facti verò ignorantia dicitur, dum quis ignorat factum aliquod seu actionem particularem v. g. quod explodendo locò feræ occiderit hominem, quod locò Laici percusserit Clericum &c. item si non se reflectat, nec recordetur etiam carniū esse prohibitum tali die &c. etenim nomine ignorantiae hōc loco etiam comprehenditur oblivio, inconsideratio, & inadvertentia, uti rectè movent Reiffenstuel, Sporer, alique.

III. Ignorantia antecedens est illa, quæ prævenit omnem voluntatem tam explici-

tam, quàm implicitam, ac proinde nullo modò, nec directè, neque indirectè voluntaria est: & hæc alio nomine dicitur *causa operis* saltem in tantum, quia si abfuisset hæc ignorantia, tale opus vel effectus nunquam fuisset secutus; v. g. nunquam explosisses, si scivisses te hominem trajecturum &c. Concomitans ignorantia est ea, quæ merè concomitanter se habet ad actum voluntatis nostræ, id est, quando id, quod agimus, ignoramus quidem, nihilominus animo ita sumus comparati, ut idemmet faceremus, tametsi sciremus: v. g. mulier sumit medicinam, ignorans eam esse procurativam abortûs, at nihilominus eandem sumpsisset, tametsi scivisset esse expulsivam foetus. Ignorantia consequens appellatur illa, quæ consequitur aliquò modo voluntatem nostram, sive dein explicitam, sive implicitam, directam, vel indirectam, propterea quæ hæc ignorantia censetur esse voluntaria, & culpabilis, quando versatur circa rem scitu necessariam, veluti constat de eo, qui v. g. dubius, an non sit dies Vigilæ, ideòque jejunii, nihilominus prætermissa omni inquisitione manducat carnes.

IV. Ignorantia invincibilis nuncupatur ea, quæ morali studio & diligentia non potuit vinci, aut deponi: tunc autem meritò censetur non potuisse deponi, quando de opposito

fito nihil incidit, nec unquam in mentem venit aliquod dubium v. g. an non sit dies jejunii? &c. vel siquidem dubium incidit, non tamen erat, qui potuisset interrogari, aut dicere veritatem: unde etiam hæc ignorantia invincibilis reipsa est ignorantia antecedens, de qua mox dictum fuit. Porro ignorantia vincibilis, seu etiam culpabilis non immerito nominatur illa, quæ morali diligentia potuisset superari, ac tolli, & aquiri notitia veritatis: & hæc ignorantia coincidit cum ignorantia consequente; quo circa adhuc

Notandum est, hanc ignorantiam vincibilem à Doctoribus subdistingui in *affectedam* & *non affectedam*. *Affecteda* (alio nomine directe voluntaria nuncupata) dicitur, dum quis studio, & datâ opera vult ignorare, & non inquirere veritatem, sive de inextadio aut pigritia, sive etiam ex mera malitia id faciat, eo scilicet fine, ut stante tali ignorantia Legis possit liberiùs peccare. Non *affecteda* dicitur, dum quis carentiam notitiæ in se, & directe quidem non vult, attamen non vult adhibere sufficientem, ac debitam, rei que gravitati commensuratam diligentiam, ad cognoscendam veritatem; & hoc ipso hæc ignorantia convincitur saltem indirecte voluntaria. Porro si talis nullam prorsus adhibuit diligentiam veniendi in notitiam earum rerum, quæ communiter ab aliis ejus-

C 5

dem

dem status & conditionis hominibus sciuntur, immò sciri debent, dicetur laborare ignorantia *supina*, aut certè *crassa*, aut *lata*: si verò aliquam quidem adhibuit diligentiam agnoscendi veritatem, non tamen sufficientem, seu commensuratam rei exigentiæ, dicetur laborare ignorantia *levi*, vel omnino *levissima* juxta majorem vel minorem diligentiam, quæ usus fuit in indaganda veritate. Ita in re *communissimè DD.*

Quæres 10. Quomodo ignorantia causet involuntarium?

38. R. Ignorantia antecedens causat involuntarium simpliciter; 2. Concomitans verò non causat involuntarium positivè, benè tamen *non voluntarium*. 3. Ignorantiâ autem consequens causat voluntarium indirectè. Ita cum *communi DD.* Reiffenstuel *tr. 1. dist. 1. n. 42. & seqq.* Ratio primi est: quia quod fit ex ignorantia antecedente supponitur nullo modò esse cognitum, immò contra inclinationem voluntatis factum: ergo fit simpliciter involuntariè. Ratio autem 2di est: quia quod fit cum ignorantia concomitante, pariter non supponitur esse cognitum: ergo nec potest supponi volitum aut voluntarium; quia tamen hoc nec fit contra, sed potius juxta inclinationem voluntatis, veluti patet in exemplo mox *num. 36.* allato, hinc etiam dici nequit involuntarium, sed potius dici debet non volitum seu non voluntarium.

Ra-

Ratio 3^{ia} est hæc: quia ipsamet ignorantia vincibilis seu consequens est simpliciter voluntaria, sive directe, si sit affectata, sive indirecte saltem, si est crassa, lata, aut supina &c. veluti rursus constat in exemplo mox supra allato: ergo etiam id, quod vitalis ignorantia fit, dici potest, ac debet simpliciter voluntarium sive directe, sive etiam indirecte, esto fateri cogamur, quod in rigore loquendo ipsa ignorantia utpote consistens in aliqua privatione, dici nequeat causa positiva illius, quod vi ignorantia voluntas eligit, vel imperat.

§. II.

Proponuntur, & breviter resolvuntur Casus practici de involuntario.

CASUS PRIMUS.

Titia famula ab Hero suo frequentissime sollicitatur ad carnalia, & quia ab eodem hac obsequia sibi liberalissime compensantur, hinc admittit quidem oscula, & tactus in partibus inhonestis, ipsam tamen copulam hactenus semper recusavit. At vero nuperrime contra suam voluntatem se ab eodem violenter oppressam conqueritur, simulque sciscitatur 1. An in hoc servitio, & occasione sibi liceat protinus perseverare? 2. An peccaverit, quod in oppressione

sione nuper sibi illata non clamaverit, & clamando aliorum imploraverit opem, an verò licitè potuerit se habere merùm negativè, & passivè, ne berum apud suam Dominam, & alios domesticos diffamaret? Quid respondendum Titia?

39.

R. ad primum. Per se loquendo tenetur Titia hanc occasionem deserere. Ratio est: qui revera in hoc servitio est exposita periculo proximo peccandi, veluti patebit bene ponderanti speciem facti. Enimverò minime dubitandum est, quin ab homine tam lascivo admittendo oscula, & tactus impudicos, & quidem frequenter, ut dicit, peccaverit mortaliter cooperando illius lasciviæ, esto copulam ipsam semper recusaverit (sine dubio non tam amore virtutis, quàm timore infamiæ incurrendæ) at, occasionem proximam peccandi quivis tenetur deserere quamprimum moraliter potest; secus enim peccaret mortaliter, juxta dicta in *Theolog. Sacram. part. 2. c. 4. n. 102. & seqq.* ergo Titia tenetur hoc servitium deserere.

Secus dicendum foret, si moraliter loquendo hic & nunc non posset illico deserere suum Dominum; vel quia alium non potest acquirere, sicque cogeretur miserrimè, & in summa egestate vivere; vel quia rationaliter timet infamiam ex tali discessu quasi instantaneo &c. his enim stantibus Confessarius potest eam ad tempus saltem, usque dum scilicet cessaverit hæc moralis impossibilitas.

relin-

relinquere in hoc loco, modò promittat, quòd impòsterum velit resistere pro viribus, & repudiare omne inhonestum consortium, & ex occasione hac proxima facere remotam.

N. ad 2^{um}, Titiam probabilissimè, immò moraliter certò peccasse graviter non clamando, nec implorando aliorum opem: tum quia, utpote aliunde valde lubrica veneris amica, admittendo copulam sese exposuit evidenti periculo consentiendi in hanc delectationem libidinofam; tum etiam quia foemina stupratori tenetur resistere quantum utiliter potest, & rationabiliter debet; secus enim præsумitur saltem interpretativè consensisse, & cooperari voluisse peccato: atqui Titia nostra potuisset utiliter clamare, & clamando impedire violentam oppressiōnem: ergo non clamando probabilissimè peccavit mortaliter. Unde etiam in veteri testamento, uti habetur *Deuter c. 22*. stuprata in domo debuit obrui lapidibus in vindictam hujus criminis, non item stuprata in agro, eò quòd hæc, utpote in agro constituta, non potuisset clamando resistere, & impedire peccatum, bene tamen illa in domo constituta. Frivola proin & prorsus frigida est illa excusatio Titiae (utinam non plurium) qua scelus suum palliare nititur, quòd scilicet ideò clamare noluerit, ne herum suum diffamaret. &c. frivola, inquam, est: tum

tum quia cum tanto animæ suæ periculo non tenebatur, immò nullatenus debuit præcavere periculum diffamandi violentum aggressorem, præsertim cum is propria sua malitia sese conjecerit in tale periculum: tum etiam quia tantum abest, ut ex tali clamore fœmina se diffamet, quin potius ab omnibus summam mereatur laudem, & ob defensionem pudicitiae revera toti Christiano orbi se summo opere commendet. Videatur *Sporer cit n. 44.*

Dices. At quid, si stuprator tali puellæ stricto pugione mortem minitaretur, casu quo clamando se diffamaret, prout tempore belli Bavarici ab aliquo libidinoso milite factum novimus, tenereturne nihilominus talis puella clamare non obstante evidenti periculo mortis subeundæ?

41. R. cum distinctione. Velenim talis puella prævidet moraliter, se consensuram turpi delectationi (sive dein in principio statim, sive in medio aut fine operis) vel prævidet, se non consensuram? Si 2dum, tunc tamen adhuc pro viribus exteriori corporis renisu teneatur aggressorem repellere, quantum moraliter potest, non tamen tenetur eidem repugnare cum jactura vitæ corporalis; quia hoc supposito obligaretur duntaxat præcepto affirmativo, *custodiendi scilicet suam integritatem*; quod in tanto periculo cessat obligare: Si verò primum, tunc tenetur
etiam

etiam cum periculo vitæ, aut famæ clamare,
& clamando repellere injustum aggressorem.
Ratio est, quia hoc supposito obligaretur præ-
cepto negativo, scilicet *non fornicandi*; quod
semper & pro semper obligat, ita, ut nul-
lius boni spe, aut timore mali unquam liceat
fornicari: fornicaretur autem, si usum cor-
poris concederet cum consensu in ipsam de-
lectationem: ergo &c. Ita in re P. Baben-
stuber *tr. 2. disp. 1. a. 3. n. 28*. Ubi cum Re-
ding, Mezger, & aliis pluribus ad discernen-
dum, quanta in similibus casibus intentatæ
violentia facienda sit resistentia, tradit se-
quentem regulam: *Attenderit oportet* (in-
quit) *an quis actum ejusmodi tenetur impedire*
vi præcepti affirmativi tantum, vel negativi? si vi
affirmativi, non statim peccat, qui non adhibet
omnem resistentiam possibilem, sed sufficit adhibe-
re convenientem habita ratione damni, periculi,
& materia &c. si vero vi præcepti negativi, tunc
vim patiens debet omnibus modis moraliter possi-
bilibus repugnare; secus enim actus malus eidem
velut indirectè saltem, & in causa voluntarius,
imputabitur ad culpam. Ita Doctor cit. Quia
ergo bonum solius pudicitia est minoris mo-
menti, quàm sit bonum vitæ; hinc puella
non tenetur pudicitiam suam tueri cum amif-
sione vitæ, eo præsertim, quòd ad servandam
pudicitiam teneatur vi præcepti affirmativi
duntaxat, ut jam dictum fuit: econtra quia
fornicari, & consentire in illam libidinosam
de-

delectationem est malum intrinsecè tale, præcepto negativo interdictum, vi cuius amittitur gratia sanctificans, & bonum animæ, quod utique longè superioris ordinis est, quàm bonum corporalis vitæ; hinc tenetur etiam cum periculo vitæ stupratori resistere; si videat, se aliter bonum animæ tueri non posse. Et quia rarò invenietur mulier tam fortis, quæ, licet ab initio reluctetur, postea tamen non consentiat in delectationem; hinc credo in praxi rarissimè contingere, ut mulier violenter oppressa evadat sine peccato mortali.

CASUS SECUNDUS.

S Empronius uxoris suæ perasus, fecit sponsalia clandestina cum alia; quare ut à præsentī suā uxore se liberaret, eam in itinere constitutam in quodam loco solitario globo trajecit, cūque adhuc spirantem, & cum morte quasi luctantem cerneret, famulo suo, quem velut comitem itineris secum assumpserat, sub pœna mortis illicò eidem pariter inferendæ demandavit, ut spirantem dominam gladiò trucidaret, trucidatam verò sine mora terræ mandaret. Quæritur an famulus in hoc casu potuerit licitè obsequi suo Domino, & an metus mortis ipsum excusaverit à peccato?

43. R. Non potuisset famulus Domino suo obsequi gladio trucidando Dominam, potuit tamen licitè obsequi eam post mortem terræ mandando. Ratio disparitatis est: quia defunctam

functam terræ mandare, non est malum, sed bonum potius; aut certe de se indifferens: at, quod bonum est, vel saltem indifferens, licite facimus ex fine tam gravi, scilicet evadendi mortem, vel aliud grave malum nobis intentatum: ergo. Econtra trucidare Dominam innocentem erat malum intrinsecè tale, jure naturæ atque Divino interdictum: atqui malum intrinsecè tale nunquam licet committere, quantumvis gravis metus nobis intentetur, & hoc ideò, quia malum peccati incomparabiliter majus est, & damnabilius quocunque alio malo temporali nobis intendendo; quemadmodum jactura vitæ spiritualis incomparabiliter major est jactura vitæ corporalis: ergo quoad hoc famulus illicitè fuisset obsecutus hero suo.

Dices. Famulus in hoc casu videtur solum accelerasse mortem suæ Dominæ, utpote jam prius lethaliter vulneratæ, & certò certius morituræ ex hoc vulnere: atqui ex gravi causa (uti erat metus mortis) licet accelerare mortem: ergo famulus non peccavit &c.

R. distinguendo min. Ex gravi causa licet accelerare mortem, per actionem de se bonam, uti est v. g. baptizatio seu ablutio infantis &c. vel certè per actionem de se indifferentem, trans, per actionem de se & intrinsecè malam, uti erat hæc trucidatio Dominæ à famulo facta cum & ex intentione occidendi, negatur; nam malum intrinsecè

44

R. P. Elbel, de Actib. Hum. D tale

tale scientes nunquam licet facere, uti jam dictum fuit.

Dices adhuc: At quid, si famulus se scivisset actu obnoxium peccato mortali, nunquid licite fuisset executus mandatum sui heri, trucidando Dominam, ne forsitan ipsemet ab eo trucidatus in incontinenti incurreret poenam æternæ damnationis?

45. R. Non licuisset exequi hoc mandatum. Ratio semper manet eadem: quia nimirum in nullo casu licet facere id, quod intrinsecè malum est: occidere autem innocentem privata autoritate, est intrinsecè malum: ergo &c. Quare si supponatur hic famulus non potuisse se aliter defendere contra suum herum, velut injustum aggressorem, v. g. eundem præveniando, & prius occidendo, debuisset potius subire mortem, quàm innocentem Dominam suam trucidare. Nec habuit, cur propterea æternam damnationem metueret; nam qui mortem libentiùs vult subire, quàm DEum offendere, hòc ipso exercet actum charitatis præstantissimum, & ipsò facto monstrat, se DEum diligere super omnia, quippe cujus amorem omnibus aliis, etiam vitæ propriæ præfert: ergo salvabitur certò, non minùs, quàm v. g. Cathecumenus, qui pro fidei, alteriusvè virtutis defensione mortis supplicium perfert.

Fatendum nihilominus est, quòd, si famulus fuisset recordatus sui status, & peccatorum

torum mortalium, debuisset omnimodis conari ad contritionem perfectam, aut saltem imperfectam, quippe quæ cum Martyrio probabiliter sufficit ad obtinendam justificationis gratiam, veluti cum Cardinale de Laueræa, Mastrio, & aliis pluribus diximus *part. 1. Theolog. Sacram. ubi de Baptis. Confer. 4. num. 6.*

CASUS TERTIUS.

CAjus Sempronio familiarissimo persuasit, ut secum pergeret venatum, asserens se certò scire mira magnitudinis cervum haud procul inde in quodam dometo latitare. Cùmque ad præfatum locum pervenissent, Cajus jubet Sempronium cum bombardâ foras subsistere, ipse vero ingreditur dumetum illud, cervum expulsurus. Dictum, factum. Vixdum enim Cajus erat ingressus, & ecce fera fugitiva inde erupit, quam Sempronius globò petiit, sed ita infaustè, ut præter cervum simul trajecerit Cajum. Quaritur jam 1. An Sempronius in hoc facto deliquerit? 2. An ut feripeta simul, & homicida puniri possit?

1. Ad primum. Sempronius ut feripeta quidem peccavit; quia leienter (ut suppono) egit contra justam prohibitionem Principis, vel Domini territorialis: non tamen deliquit formaliter ut homicida. Ratio est: quia hoc fuit homicidium merum casualiter, utpote præter, immò contra voluntatem &

consensum Sempronii factum, prout vel ex eo colligere licet, quod, quamprimum advertit se Cajum simul cum cervo trajecisse, summopere doluerit, & ingemuerit. Cæterum, an Sempronius ut feripeta graviter deliquerit, non est adeo certum; nam Lessius, Tannerus, & Lugo *de jure & justit. disp. 6. sect. 7.* relati à Reiffenstuel. *Theolog. Mor. tr. 7. disp. 5. n. 17.* existimant, non esse peccatum mortale, unam, alteratimve feram petere, vel capere, nisi forsitan quis ex officio, & ob datum salarium esset obligatus ad restituendas Domino suo hujuscemodi feras captas: mihi tamen probabilissimum videtur, quod scriptæ saltē plerumque, & regulariter graviter delinquant; tum quia in materia gravi agunt contra justam prohibitionem Principis, aut Domini territorialis, tum etiam, quia semper subest periculum saltē habituale, ne vel Dominum, vel se suamque familiam graviter damnicent. Quam ob rem feripetas à Confessario semper dehortandos, & suō modo reprehendendos, jam semel monuimus alibi. Ex his

47. R. jam ad 2^{um} dum. Sempronius nequit puniri pœna ordinariā pro homicidis decreta, scilicet ultimō supplicio: immò in foro interno, saltē ante sententiam Judicis, nullius pœnæ reus est. Ratio primi est: quia pœna ordinariā (ultimi scilicet supplicii) iis duntaxat decernitur, qui homicidium *ex proposito*

posito, & dolo perpetrant. *l. qua actione. 7. ad leg. Aquil. de Siccar.* item *l. in lege. 7. ff. ad leg. cornel. eod. tit.* Atqui certum est hoc homicidium à Sempronio non fuisse factum ex proposito, aut dolo: ergo &c. Ratio autem 2di est: quia eò ipso, quòd hoc homicidium in foro conscientie nullatenus fuerit culpabile, nec indirectè quidem voluntarium, utpote nullatenus prævisum, vacat omni culpa; consequenter & omni pœna,

Nec dici potest Sempronium in foro interno esse culpabilem eò, quòd hoc homicidium non satis præcaverit, neque adhibuerit diligentiam possibilem ad illud vitandum; quia cum nullatenus advertit periculum homicidii, non potuit, consequenter nec debuit hic & nunc illud præcavere: unde in foro conscientie neque irregularitatem incurrit, neque ullam excommunicationem, suspensionem, vel reservationem &c. quidquid demum sit de foro externo, in quo fortassis adhuc puniretur à Iudice pœnâ arbitraria; tum quòd vacaverit operi illicito; tum etiam quia præsumeretur aliquam culpam, seu etiam negligentiam saltem politicam admisisse. Videatur de hoc Reiffenstuel *l. 5. Decret. tit. 12. §. 5. à. num. 176.* Herincx *part. 2. tit. 2. disp. 1. n. 32.*

§. III.

Corollaria ex dictis inferenda.

48. **C**olliges primò, quòd, quemadmodum secundum dicta nullus metus, quantumvis gravis, tollit voluntarium simpliciter; ita pariter nullus per se loquendo excuset à peccato, esto illud minuat, in quantum actum humanum suo modò, saltem secundum quid, reddit involuntarium. Nihilominus subinde per accidens potest metus excusare à peccato; vel quia tantus est, ut turbet usum rationis, & deliberationem necessariam ad actum humanum, vel etiam quia gravitas mali imminens tanta est, ut hic & nunc cesset obligare lex. Quare si v. g. propter auditionem sacri, vel observantiam jejunii rationabiliter timeas grave damnum, sive corporis, sive animæ, non peccas omittendo propterea Sacrum, vel non jejunando, uti dicitur *cap. consilium. de observat. jejun.* Ratio est: quia Ecclesia velut pia Mater cum tanto damno, aut damni periculo non vult constringere filios suos. Et idem contingit in aliis Legibus tum Ecclesiasticis, tum etiam Civilibus, uti contra Durandum, Cajetanum, & nonnullos alios rectè advertit Babenstuber *cit. 4. 3. n. 43.*
49. Colliges 2dò, nullum metum excusare ab observantia præceptorum naturalium negativo:

gativorum. Ita communis & certa DD. sententia, conformis *cap. sacris. de his, qua vi, merusvè causâ fiunt.* Ratio est: quia per hæc præcepta naturalia prohibentur actus intrinsecè mali: atqui actus intrinsecè malus scienter nunquam licitè fit. Unde non obstante quocunque metu mortis illicitè adoraretur idolum, illicitè quoque committeretur adulterium, fornicatio &c.

Dictum tamen fuit: ab observantia præceptorum *naturalium negativorum &c.* Nam instante metu gravi subindelicitè aliquid intermittitur, quod præcepto *naturali positivo* duntaxat esset faciendum, veluti constare debet ex dictis *n. 41.* de puella non defendente suam pudicitiam ob periculum mortis subeundæ &c. Et ratio fundamentalis est: quia licet vi præceptorum naturalium affirmativorum præcipiantur actus intrinsecè boni & honesti, ea tamen noscitur esse natura horum præceptorum, quòd, esto semper, non tamen pro semper obligent. Videatur P. Mezger *tr. 4. disp. 7. a. 2. n. 15.*

Colliges 3tio, à fortiori neque præcepta divina *positiva* obligare pro semper; immò verò neque præcepta merè *divina negativa* pro semper obligant. Ratio est: quia per præcepta merè positiva non præcipitur materia intrinsecè bona, nec semper vi negativorum prohibetur materia intrinsecè mala vel inhonesta: ergo potest DEUS in his dispensare;

sare; imò actu nonnunquam jam dispensasse constat ex sacris paginis *1. Reg. 15.* ubi David cum pueris suis legitur manducasse panes propositionis, quibus aliàs vesci prohibitum erat Laicis; & tamen in hoc facto non peccasse innuit æterna veritas *Matth. 12.* similiter discipuli die Sabbati spicas collegisse leguntur, & Machabæos pugnasse; quæ omnia ex necessitate urgente honestabantur, ut tradit D. Thomas *2. 2. q. 100. a. 2. & 3. p. q. 40. art. 4. ad 3^{ium}.* Suarez *l. 3. de Leg. c. 30. n. 6.* Vasquez, Bonacina, & alii plures.

At, inquires, undenam colligendum, quod in casu particulari ob gravem metum cesset, vel non cesset obligatio præcepti divini?

¶ 2.

Ad hoc discernendum attendi debet, an ejusmodi præceptum respiciat particularem ac propriam utilitatem operantis, an vero respiciat bonum commune? Si primum, tunc non obligat cum vitæ, vel alterius gravis jacturæ, aut damni periculo; veluti patet de præcepto materialiter integrè confitendi, item in præcepto de præmittenda Confessione Sacræ communioni, quæ in hujuscemodi casu cessant obligare. Si 2^{dum}, tunc servandum est præceptum, tametsi propterea subeunda esset mors ipsa; veluti rursus constat de præcepto servandi, & nunquam violandi Sigillum Confessionis Sacramentalis, item de Consecratione facienda sub utraque specie &c. quæ non cessant obligare,

eo, quod bonum commune Religionis præferendum sit cuiusvis incommodo, aut damno particulari, uti etiam in aliis pluribus Legibus merè humanis specificari posset. Videatur Castropalao *tr. 2. disp. 1. punct. 13. n. 7.*

Colliges 4to, peccata quæ ex aliqua passione sunt, cæteris paribus esse leviora iis, quæ sunt sine passione prædominante, & ex mera malitia. Ratio est: quia quod vehementior est passio hominem agitans, eo minor est libertas, uti dictum *n. 34. at, ubi minuitur libertas, ibi etiam minuitur malitia: ergo.* Hac de causa facilius ignoscendum putamus illi, qui v. g. vehementi passione iracundiæ, aut libidinis agitatus aliquid tentavit, quàm qui ex mera malitia deliquit: & ob eandem rationem facilius relaxantur vota & juramenta ex impulsu passionis, quàm sine tali impulsu facta, uti rectè advertit Castropalao *mox cit. punct. 5. n. 2. referens pro eadem opinione D. Thomam, Medinam, & Vasquez.*

Colliges 5to, ignorantiam invincibilem, five facti sit, five juris statuentis pœnam, excusare à pœna. Ita omnes. Ratio est facilis: quia talis ignorantia excusat ab omni culpa, consequenter etiam ab omni pœna, quippe quæ non, nisi propter culpam decernitur, aut infligitur. Ob eandem rationem Sanchez *lib. 9. de Matr. disp. 32. n. 29. cum Corduba, Cajetano & aliis pluribus rectè docet, igno-*

rantiam quæ excusat ut transgressio Canonis non sit mortalis, sed venialis duntaxat, pariter excusare ab excommunicatione, & aliis pœnis ob delictum impositis, utputa ab irregularitate ex delicto, suspensione, & interdicto &c. & idem dicendum est pro foro conscientiae de aliis pœnis à quocunque demum statutis: quia pœna debet esse commensurata culpæ: ergo ubi hæc non fuit gravis, sed levis duntaxat, pariter pœna gravis locum habere non potest.

55. Dictum tamen fuit: *Ignorantia invincibilis*; nam vincibilis ignorantia, si est crassa, aut supina, non excusat à pœna etiam gravi (nisi hæc sit lata in scienter, ac temerariè delinquentes.) Ita communis DD. Ratio desumitur ex cap. 2. de constitut. in 6. ubi Pontifex Bonifacius VIII. delinquentes ex ignorantia eximit à pœnis quorumcunque Ordinariorum, cum hac tamen conditione, & clausula: *Dum tamen eorum ignorantia crassa non fuerit, aut supina.* Et meritò; nam ignorantia crassa vel supina non excusat à culpa gravi; ergo talis potest puniri graviter.

56. Dictum fuit rursus per parenthesin: *Nisi pœna sit lata in scienter, ac temerariè delinquentes*; etenim quando pœna statuitur sub his aut similibus terminis: *qui scienter, temerariè, ausu temerario contrafecerit; vel contrafacere ausus fuerit, vel præsumpserit &c.* tunc etiam ignorantia crassa & supina excusat, non tamen excusat

cusat affectata, saltem si hæc sit conjuncta cum ingenti temeritate & contemptu. Ita ex *communi* DD. Castropalao ubi supra pu. 18. n. 1. Laymann *lib. 1. tr. 4. c. 20. n. 2.* Bonacina *de censur. disp. 1. q. 2. pu. 1. n. 11.* Katzenberger in *supplem. 1. P. Sargar Confer. 43. n. 43.* Ratio est: quia quisquis operatur ex ignorantia dici non debet deliquisse *scienter*, nisi tunc, quando ignorantia fuit omnino affectata, & cum ingenti temeritate conjuncta; hæc enim æquiparatur scientiæ: ergo pœnam in *scienter* delinquentes latam nemo incurrit, nisi peccaverit ex ignorantia affectata &c. &c non item qui peccavit duntaxat ex ignorantia crassa, lata, aut supina &c.

Dices adhuc. At quid tenendum de eo, qui ignoravit solam pœnam, non item Legem prohibentem, aut factum Lege prohibitum?

¶ Talis probabilissimè adhuc incurrit pœnam. Ita Molina *tr. 5. de justit. disp. 71.* Sanchez, Laymann & alii contra Castropalaum, Illsung & nonnullos, quorum sententiam Babenstuber vocat etiam probabilem. Ratio nostræ responsionis est: quia ex communi sensu & persuasione hominum justæ Legis transgressorem justè puniri putamus aliqua pœna saltem moderata, & proportionata gravitati culpæ: ergo qui Legem aliquam scienter transgreditur, eô ipso censetur saltem implicite consentire in pœnam aliquam subeundam.

Exci-

18. Excipiunt rursus Doctores : *Nisi talis pena sit censura Ecclesiastica, aut, nisi sit omnino exorbitans delicto.* Ita Spoter *tr. 1. c. 2. n. 39.* eumque secutus Babenstuber *tr. 2. disp. 1. 4. 3. n. 20. & 21.* Rationem prioris dant hanc: quia ad incurrendam censuram Ecclesiasticam debet in delinquente supponi contumacia: hæc autem non rectè supponitur in eo, qui poenam ignorat (ignorantia non crassa vel affectata, ait Babenstuber *l. cit.*) esto Legem cum combinatione poenæ non ignoret: ergo. Rationem verò posterioris afferunt hanc: quia si poena est valde gravis & omnino exorbitans respectu delicti, tunc ignorans nequit prudenter præsumi, quod voluerit vi suæ transgressionis eidem se subijcere.
Ita *DD. cit.*



CON-

CONFERENCE TERTIA

De bonitate, & malitia
actuum humanorum.

SUMMARY.

59. Bonitas moralis consistit in conformitate actus humani cum natura rationali quâ tali.
60. Malitia verò in difformitate; vel potius in privatione hujus conformitatis.
61. Hæc verò bonitas, vel malitia rectè desumitur tum ab objecto, tum etiam à fine extrinseco, & aliis circumstantiis.
62. Licet objectum specificet actum non ut est in se, sed ut substat cognitioni, seu dictamini practico.
63. Et ab hoc derivatur bonitas, vel malitia primaria.
64. Finis alius dicitur in- alius extrinsecus;
65. Ab hoc fine extrinseco, sicut & à circumstantiis quâ talibus desumitur bonitas, aut malitia secundaria duntaxat.
66. Subinde tamen etiam primaria.
67. Ut malitia in actum derivetur, sufficit; cum esse indirectè volita, seu intenta.
68. Tunc præsertim, quando actus ex suo objecto est indifferens;
69. Esto non sit necessum, ut bonitas semper appetatur actu quodam explicito, & reflexo.

70. Actus

70. Actus externus probabilissimè superaddit interno specialem bonitatem, vel malitiam.
71. Resolvitur Casus I. De quadam persona valde malitiosa, & plurimis, gravissimisque peccatis obstricta.
72. Quomodo Confessarius cum tali persona debeat procedere?
73. An expediat, talem dimitti ad meliùs, & exactiùs examinandam suam conscientiam?
74. Resolvitur Casus II. Cujusdam uxoratæ, quæ ad impediendâ majora peccata consuevit mentiri leviter; &
75. Ut hospitibus placeret, se iisdem exhibere familiariorē, ac licentiosiorē quodammodo: insuper
76. Filia suæ consuluit, ut sponso suo blandiatur, oscula, & alia lenimenta admittat &c.
77. An sponsis de futuro liceant oscula, vel tactus &c.?
78. Resolvitur Casus III. De quodam juvene, veneri apprimè dedito, & sæpiùs consistente eò animo, ut suo Moderatori placeret.
79. Quid de valore similium Confessionum tenendum?
80. Et quale Judicium ferendum de peccatis carnalibus ab eodem commissis?
81. In eodem actu non rarò concurrunt plures malitiæ specie distinctæ.
82. Idem tamen actus nequit simul esse bonus moraliter, & malus.
83. Et quid, si fiat ex duplici fine, quorum unus bonus, alter verò malus est?
84. Nihil obstat, quò minùs idem actus de bono evadat moraliter malus.
85. Bonitas solius finis non sufficit ad reddendum actum moraliter bonum.
86. Probabilissimè est possibilis actus humanus in individuo indifferens.

§. I.

Præmituntur, & breviter resolvuntur quæsitæ, scitu necessaria ad debitè resolvendos Casus practicos de bonitate & malitia actuum humanorum.

QUæres primò in quo consistat bonitas moralis actûs humani?

R. Bonitas moralis consistit in convenientia, seu conformitate actûs cum natura rationali quâ tali, id est, operante ex ratione: hæc verò convenientia importat integritatem omnium eorum, quæ actui secundum regulas morum sunt debita. Ita in re Scotus 2. dist. 40. q. un. quem sequuntur Herincx p. 2. tr. 2. disp. 3. n. 3. & seqq. Sporer tr. 1. c. 3. n. 1. Reiffenstuel Theol. mor. tr. 1. disp. 2. n. 7. & alii satis communiter. Ratio est: quia actus moralis ideò dicitur bonus, quia decet naturam rationalem, eidemque specialiter convenit, velut laude, ac præmio dignus: atqui ideò actus humanus naturam rationalem decet, eidemque specialiter convenit velut laude dignus, quia eidem quâ tali, id est, quâ ratione utenti convenit, & ideò reputatur huic conformis, & conveniens, quia habet integritatem omnium, quæ eidem secundum rectam rationem, & regulas morum de-

debentur, utputa objectum, & finem honestum, debitisque circumstantiis temporis, loci &c. vestitus est: ergo in hac convenientia, & integritate bene statuitur bonitas moralis; quemadmodum bonitas naturalis v. g. corporis humani recte statuitur in integritate; seu aggregatione omnium eorum; quæ corpus humanum ad suam constitutionem naturaliter exigit.

Quæres adò, in quo consistat malitia moralis actûs humani?

60.

✱. Hæc consistit in disconvenientia actûs ad creaturam rationalem quâ talem: hæc autem disconvenientia importat privationem, seu etiam defectum omnium, vel saltem unius eorum, quæ actui humano secundum dictamen rectæ rationis inesse debent. Ita rursus Doctores *citt.*, nominatim Herincx *l. cit. n. 6.* Ratio desumitur à contrario: actus enim humanus ideò recte appellatur inhonestus, & moraliter malus, quia dedecet naturam rationalem, proptereaque vituperio, vel castigatione est dignus: atqui ideò hanc dedecet, & est dignus vituperio, quia caret saltem aliquo ad ejus integritatem requisito; utputa objecto, aut fine bono, vel quia alia circumstantia vitiosa est vestitus, & factus (vel etiam omissus) contra dictamen rectæ rationis: ergo malitia moralis recte constituitur in hac disconvenientia, disformitate vel potius privatione conformi-

tatis

tatis ad rectam rationem. Scio equidem, Doctores multum desudare in assignando formali constitutivo malitiæ moralis, sed quia practica sectari statuimus, ideo hanc controversiam, utpote nihil facientem ad praxin, operosius discutiendam relinquimus Scholasticis.

Quæres 3tio, quibus ex capitibus actus humanus suam bonitatem vel malitiam moralem desumat?

R. Actus humanus illam desumit ex triplici capite vel fonte, scilicet 1. ex objecto. 61.
2. ex fine extrinseco, & 3. ex circumstantiis. Itarursus Doctor subtilis 2. disp. 40. & cum eo communissime Theologi. Ratio facile deducitur ex proximè dictis; nam ideo actus humanus dicitur moraliter bonus, quia est factus conformiter ad dictamen rectæ rationis: atqui tunc appellatur & censetur factus conformiter rectæ rationi, quando tendit in objectum honestum, id est, decens creaturam rationalem, simulque factus est ex bono fine, & nulla alia circumstantia, utpote loci aut temporis indebiti vestitus: ècontra si vel uno ex his careat, jam non amplius honestus, bonus & laudabilis, sed potius vituperabilis habetur in prudenti æstimatione hominum, juxta illud effatum D. Dionysii lib. de Divin. Nom. cap. 4. à Doctoribus communiter receptum: *Bonum est ex integra causa, malum vero ex quolibet defectu: ergo*

R. P. Elbel, de Actib. Hum. E. ex

ex his tribus capitibus rectè desumitur bonitas, & malitia moralis.

62. Illud tamen animadvertendum hic occurrit, quòd actus in genere moris non specificetur ab objecto suo prout hoc est à parte rei, sed prout substat cognitioni, & dictamini practico intellectus; cujus ratio est: quia dictamen practicum prudens conscientie nostræ est regula proxima, per quam Deus circa agenda, vel non agenda nos dirigit, & illuminat, juxta illud *Psalmi 4ti*: *signatum est super nos lumen vultus tui Domine*: ergo si ratio practica prudenter dicet, aliquod objectum esse bonum & honestum, seu conveniens rectæ rationi, illudque voluntas quæ tale amplectitur, bene operatur, quantum est ex hoc capite: tametsi objectum à parte rei non esset honestum, sed omnino inhonestum. Hac de causa bene operatur, qui adorat hostiam, quam prudenter credit fuisse consecratam, etsi reipsa consecrata non esset &c. & sic loquendo de innumeris aliis.

Quæres 4to, qualem bonitatem, vel malitiam actus humanus ab objecto desumat?

63. R. Actus humanus ab objecto desumit malitiam, vel bonitatem primariam, specificam, & suò modo essentialem. Ita communis DD. Ratio est: quia quemadmodum forma naturalis se habet in ordine ad compositum intrinsicè specificandum; ita se habet objectum in ordine ad actum humanum extrin-

trinfecè specificandum : ergo sicut forma naturalis v. g. ignis, tribuit composito speciem primam & essentialem in esse naturæ, ita obiectum tribuit actui morali bonitatem vel malitiam in genere moris. Inde est, quòd *Osea 9. c.* dicatur de peccatoribus : *Facti sunt abominabiles, sicut ea, qua dilexerunt* : Cui consonat D. August. *tr. 2. in Joan.* dicens : *Si terram diligis, terra es : si DEum diligis, quid dicam? DEus eris.*

Quæres igitò, qualem bonitatem, vel malitiam actus humanus desumat, tum à fine extrinseco, tum etiam à circumstantiis?

Ante responsionem notandum, nomine finis hic intelligi id, cujus gratiâ aliquid fit. Porro alius dicitur finis intrinsecus : & alius extrinsecus. Intrinsecus appellatur ille, ad quem opus ex sua natura ordinatur : Sic finis intrinsecus v. g. medicinæ, est sanitas ; & finis intrinsecus Eleemosynæ est sublevatio alienæ indigentiae, utpote ad quam Eleemosyna ex sua natura ordinatur, proptereaque etiam alio nomine iste solet dici *finis operis*. Contra finis extrinsecus dicitur ille, quem operans sibi præfigit, tametsi opus ex se ad talem finem minimè sit institutum ; ut si quis Eleemosynam det ad obtinendam peccatorum suorum remissionem, vel pro imperando carnali commercio ab inope puella &c. quò Eleemosyna ex sua natura minimè ordinatur ; unde etiam hujuscemodi finis

merito appellatur merè *extrinsecus* & *finis operantis*. Hoc jam supposito, ad quæsitum

65. *¶* Actus humanus tum à fine extrinseco, tum etiam à circumstantiis quæ talibus desumit bonitatem, vel malitiam accidentalem duntaxat, & secundariam. Ita rursus *communiter DD.* Ratio est: quia hæc bonitas, vel malitia jam supponit aliam ex objecto derivatam in actum, possetque adesse, vel abesse, salva bonitate illa, vel malitia ex objecto petita: ergo rectè appellatur accidentalis & secundaria, ut de se liquet. Quod verò abesse possit, patet in casu, quò quis furatur v. g. Calicem ex Ecclesia, eo fine, ut liberius possit indulgere genio, aut Baccho; hoc enim furtum participat suam primariam & essentialem malitiam ex suo objecto, id est, ex contrectatione rei alienæ, quæ furto in genere moris dicitur essentialis, quatenus essentialiter repugnat dari, aut fieri furtum, sine contrectatione rei alienæ: quia tamen potuisset fieri sine contrectatione rei Sacre, & ex alio fine; hinc profecto liquet, malitiam ex hoc fine, vel hac circumstantia rei Sacre desumptam non esse, nisi merum accidentalem & secundariam. Videatur Reiffenstuel *tr. 1. disp. 2. n. 10.*

66. Dictum tamen fuit: à *fine extrinseco*, & *circumstantiis quæ talibus &c.* ad innuendum, quòd ex his etiam subinde derivari possit in actum quædam primaria bonitas, aut malitia, ut si in casu mox dato fur intendisset aufer-

re calicem, quia est res Sacra &c. item quando objectum, in quod actus tendit, est de se omnino indifferens; uti sunt v. g. ambulare, edere, bibere &c. nam hoc ipso, quod hujuscemodi actus ex se nullam habeant bonitatem, aut malitiam, necessum est ut hanc fortiantur ex circumstantiis vel fine extrinseco: sicut revera evadunt boni, si ex bono, & mali, si ex malo fine fiant. Verum in tali casu finis, aut circumstantiæ utpote per se intentæ suo modo desinunt esse circumstantiæ in genere moris, & induunt rationem objecti veluti rectè advertit Scotus *q. 4. prologi.*

Id, quod vel maximè verum est respectu actus interni, qui à fine suam bonitatem aut malitiam primariam desumere solet, propterea, quod omnis actus specificetur, non tam ab objecto materiali in quod tendit, quàm à formali, secundum quod tendit in illud: atqui finis intentus est verissimè objectum, & motivum formale, propter quod voluntas actu interno vult mediante actu externo tendere in tale objectum: ergo actus internus meritò censetur suam primariam & specificam bonitatem aut malitiam desumere à fine, in quem tendit. Hanc ob causam Aristoteles *5. Ethic. c. 2.* dixit etiam, qui furatur adulterandi gratiâ, magis adulterum esse, quàm furem, Videatur P. Sporer *tr. 1. c. 3. n. 11.*

Quæres 6to quô modo bonitas, vel ma-

litia debeat esse volita seu intenta ad hoc, ut in actum humanum refundatur?

67. R. Ad hoc ut malitia refundatur in actum, minimè necessum est, ut hæc per se, & directè sit volita, sed sufficit, eam esse volitam indirectè: e contra tamen 2. ad hoc, ut bonitas in actum derivetur, non sufficit, hanc esse interpretativè, & indirectè duntaxat intentam, sed debet esse directè volita. Ita Scotus *quodl.* 18. *Malitius insentent. disp.* 5. n. 194. Herincx *ubi supra disp.* 3. n. 54. & seqq. alique DD. passim. Ratio prioris est: quia malum quia tale non est appetibile; nam *nemo intendens ad malum* (id est, intuitu mali quia talis) *operatur*, juxta axioma communiter receptum: ergo ad hoc, ut actus evadat moraliter malus, sufficit, quòd malitia objecti, finis, vel circumstantiarum sit cognita, & nihilominus voluntas consenserit in talem actum: hoc ipso enim convincitur voluisse operari malum, veluti patet de eo, qui v. g. scienter accedit ad non suam. Et licèt talis protestaretur, se nolle habere rem cum aliena, quatenus aliena &c. talis tamen protestatio convincitur prorsus frivola, & inefficax, utpote contraria facto, quod voluntas amplectitur, non obstante quòd agnoverit malitiam necessariò connexam. Ratio autem posterioris desumitur partim ex auctoritate D. Thomæ q. 19. art. 7. ad 3. dicentis: *ut voluntas sit bona. requiritur quòd sit sub ratione boni*, & Philosophus 2. *Ethic.* 4. docet

docet actum virtutis debere esse à sciente & eligente propter ipsam virtutem; tum ex eo etiam; quia objectum potest appeti propter varias rationes, ut de se liquet: ergo objectum nequit actui tribuere aliquam bonitatem moralem, nisi propter bonitatem fiat.

Idque præcipue verum est, quando actus ex se & suo objecto est indifferens, veluti sunt *ambulare, discurrere, comedere &c.* cum enim hujuscemodi actus ex se nullam præferant bonitatem moralem, necessum omnino est, ut hanc sortiantur aliunde, utputa ex fine extrinseco bono & honesto, uti dictum n. 66. atqui finis extrinsecus, eo ipso, quod extrinsecus sit, non tribuit actui bonitatem, nisi sit per se, & directe intentus: Unde v.g. commestio, vel deambulatio semper manebit indifferens, neque evadet unquam bona aut honesta in genere moris, nisi fiat ex honesto, & positive bono fine, uti recte tenet Scotus quodl. 18. §. de primo. Maius ubi supra disp. 5. n. 199.

At (inquires) necessumne est, ut honestas & bonitas illa semper explicitè, & reflectè intendatur?

R. Hoc non esse necessarium, sed sufficit, eam aliquò modo implicito saltem, & æquivalenti appeti; id est: sufficit, actum fuisse apprehensum, & agnitum velut laudabilem Deo placitum, vel præmio dignum, sicque illum fieri de bona voluntate. Inde

sequitur, quòd Religiosus exequendo voluntatem sui Superioris, eo quòd sciat, huiusmodi executionem esse honestam, ac debitam, adhuc exerceat actum obedientiae, tametsi reflexè non dicat, aut cogitet, quòd ideò velit hoc, vel illud exequi, quia honestum, vel praeceptum est. Et hoc Christus Dominus satis perspicuè nobis imuit apud *Matth. c. 10.* dicendo: *Quicumque potum dederit uni ex minimis istis, calicem aqua frigida, tantum in nomine discipuli, amen dico vobis, non perdet mercedem suam.* Videatur Herincx *cit. disp. 3. n. 56.* Reiffenstuel *tr. 1. dist. 2. n. 24.*

Quæres 7timò, utrum actus externus superaddat distinctam bonitatem, aut malitiam actui interno, v. g. furtum opere consummatum voluntati furandi?

70. R. Probabilissimè superaddit. Ita tenet Scotus 2. *dist. 42. q. 4.* & rursus *quodl. 18. §. de 3tiop principali* quem sequuntur Scotistæ communiter, paucis exceptis contra TT. ac RR. Ratio fundamentalis hæc est: quia bonitas moralis consistit in conformitate actus ad rectam rationem, vel Legem, juxta dicta *n. 59.* atqui actus externus habet specialem conformitatem ab ea, quam habet actus internus, velut inde patet, quia non sola voluntas v. g. fornicandi, aut furandi prohibita est, sed vel maximè etiam fornicatio aut furtum opere externo consummatum. Rursus certum esse debet, quod actus externus

ternus sæpe sæpius importet speciale obsequium, & gloriam Dei, veluti rursus liquet in professione externa fidei, & in perfectione Martyrii; melius enim facit, qui actu exteriori fidem profitetur, aut pro hujus defensione Martyrium suffert, quam qui solum habet propositum internum profitendi fidem, vel sufferendi Martyrium: proptereaque talis Martyr speciale præmium accidentale, Laureolam scilicet Martyrum promeretur: atqui nullum præmium speciale datur nisi propter meritum speciale, nec ullum datur speciale meritum sine bonitate speciali: ergo concludendum videtur, quod, licet bonitas vel malitia moralis primario sit in actu voluntatis interno, nihilominus dependenter ab hoc actu interno possit etiam in externo reperiri aliqua specialis bonitas, vel malitia. Hac de causa S. Augustinus *lib. 15. de Trinit. c. 5.* ait: *mala voluntate vel sola quilibet miser efficitur, sed miserior potestate, quâ desiderium malæ voluntatis impletur.* Et Glossa in illud *Exod. c. 20. v. 14. non Machaberis.* ita habet: *Qui opus adjicit voluntati, iniquitatem addit iniquitati.* Liqueat proin, hanc opinionem esse satis probabilem, utpote nixam & ratione, & auctoritate. Verum cum sit magis speculativa, quam practica, hinc fusio-rem hujus discussionem Scholasticis relin- quimus; illud quippe certum & omnibus exploratum habetur, quod in praxi, seu in

confessione actus etiam externus sit explicandus, saltem tunc, quando is in suo fieri adhuc fuit liber, velut satis clarè colligitur ex Decreto Alexandri VII. edito 1665. in quo sequentem num. 25. propositionem damnavit. *Qui habet copulam cum soluta, satisfacit Confessionis praecepto, dicens: commisi cum soluta grave peccatum contra castitatem, non explicando copulam.*

§. II.

Proponuntur, & breviter resolvuntur Casus practici concernentes bonitatem, & malitiam actuum humanorum ex objecto, & fine desumptam.

CASUS PRIMUS.

Titia ab aliquo seducta & quasi violenter inducitur ad peccandum, ingenue fatetur 1. quòd ad illo tempore nullam prorsus devotionem internam senserit, proptereaque horribiliter nedum contra seductorem illum, verum insuper contra Deum ipsum iracundiâ exarserit, eo quòd is permiserit huiusmodi temptationem, & lapsum: quam ob rem, 2. efficaciter proposuit, quòd deinceps nullam amplius occasionem peccandi velit vitare, neque ullum praeceptum servare nisi ad summum pro foro externo, in quantum opus foret ad conservandam existimationem & bonam famam apud homines: quod

quodque caput rei est, fatetur ingenuè, se hoc suum propositum hætenus per plures jam annos inviolabiliter servasse. Quid Confessarius judicabit? & quid agat cum tali pœnitente?

¶ ad primum. Generaliter loquendo de tali pœnitente judicandum, quòd sit in pessimo statu, & ut ad hunc casum particularem propiùs accedamus, concludendum in primis est, Titiam, non obstante illa tentationis vehementia probabiliùs graviter deliquisse, & consensisse delectationi, gratiaque divina excidisse; hujus quippe rei haud obscurum argumentum est, quòd ab eo tempore nullam ampliùs senserit devotionem internam, immò verò exinde illico in alia gravissima peccata, & desperata quasi proposita prolapsa fuerit; etsi fatendum, quòd subtractio illa devotionis internæ, utpote non tam ex voluntate nostra, quàm à gratia divina excitante dependentis, peccatum non sit, sed potiùs peccati commissi index in talibus circumstantiis. Cæterùm si contra seductorem illum excanduit ob violentiam sibi intentatam, utique non peccavit; nam vitia sive nostra sint, sive aliena, nunquam non sanctè detestamur, & abominamur. Nihilominus gravissimè deliquit irascendo contra Deum ipsum, qui hujuscemodi tentationem, utique justissimè permisit. Porro gravius adhuc deliquisse censenda est ex eo, quòd efficaciter proposuerit deinceps
mul.

meritò appellatur merè *extrinsecus & finis operantis*. Hoc jam supposito, ad quæsitum

65. *n.* Actus humanus tum à fine extrinseco, tum etiam à circumstantiis quæ talibus desumit bonitatem, vel malitiam accidentalem duntaxat, & secundariam. Ita rursus *communiter DD.* Ratio est: quia hæc bonitas, vel malitia jam supponit aliam ex objecto derivatam in actum, possetque adesse, vel abesse, salva bonitate illa, vel malitia ex objecto petita: ergo rectè appellatur accidentalis & secundaria, ut de se liquet. Quòd verò abesse possit, patet in casu, quò quis furatur v. g. Calicem ex Ecclesia, eo fine, ut liberius possit indulgere genio, aut Baccho; hoc enim furtum participat suam primariam & essentialem malitiam ex suo objecto, id est, ex contrectatione rei alienæ, quæ furto in genere moris dicitur essentialis, quatenus essentialiter repugnat dari, aut fieri furtum, sine contrectatione rei alienæ: quia tamen potuisset fieri sine contrectatione rei Sacræ, & ex alio fine; hinc profecto liquet, malitiam ex hoc fine, vel hac circumstantia rei Sacræ desumptam non esse, nisi merum accidentalem & secundariam. Videatur Reiffenstuel *tr. 1. disp. 2. n. 10.*

66. Dictum tamen fuit: à *sine extrinseco, & circumstantiis quæ talibus &c.* ad innuendum, quòd ex his etiam subinde derivari possit in actum quædam primaria bonitas, aut malitia, ut si in casu mox dato fur intendisset aufer-

re calicem, quia est res Sacra &c. item quando objectum, in quod actus tendit, est de se omnino indifferens; uti sunt v. g. ambulare, edere, bibere &c. nam hoc ipso, quod hujuscemodi actus ex se nullam habeant bonitatem, aut malitiam, necessum est ut hanc fortiantur ex circumstantiis vel fine extrinseco: sicut revera evadunt boni, si ex bono, & mali, si ex malo fine fiant. Verum in tali casu finis, aut circumstantiæ utpote per se intentæ suo modo desinunt esse circumstantiæ in genere moris, & induunt rationem objecti veluti recte advertit Scotus *q. 4. prologi.*

Id, quod vel maximè verum est respectu actus interni, qui à fine suam bonitatem aut malitiam primariam desumere solet, propterea, quod omnis actus specificetur, non tam ab objecto materiali in quod tendit, quàm à formali, secundum quod tendit in illud: atqui finis intentus est verissimè objectum, & motivum formale, propter quod voluntas actu interno vult mediante actu externo tendere in tale objectum: ergo actus internus merito censetur suam primariam & specificam bonitatem aut malitiam desumere à fine, in quem tendit. Hanc ob causam Aristoteles *5. Ethic. c. 2.* dixit eum, qui furatur adulterandi gratiâ, magis adulterum esse, quàm furem. Videatur P. Sporer *17. 1. c. 3. n. 11.*

Quæres 6^{to} quô modo bonitas, vel ma-

litia debeat esse volita seu intenta ad hoc, ut in actum humanum refundatur?

67. R. Ad hoc ut malitia refundatur in actum, minimè necessum est, ut hæc per se, & directè sit volita, sed sufficit, eam esse volitam indirectè: e contra tamen 2. ad hoc, ut bonitas in actum derivetur, non sufficit, hanc esse interpretativè, & indirectè duntaxat intentam, sed debet esse directè volita. Ita Scotus *quodt. 18. Maius in sentent. disp. 5. n. 194. Herincx ubi supra disp. 3. n. 54. & seqq. alique DD. passim. Ratio prioris est: quia malum quia tale non est appetibile; nam nemo intendens ad malum (id est, intuitu mali quia talis) operatur, juxta axioma communiter receptum: ergo ad hoc, ut actus evadat moraliter malus, sufficit, quod malitia objecti, finis, vel circumstantiarum sit cognita, & nihilominus voluntas consenserit in talem actum: hoc ipso enim convincitur voluisse operari malum, veluti patet de eo, qui v. g. scienter accedit ad non suam. Et licet talis protestaretur, se nolle habere rem cum aliena, quatenus aliena &c. talis tamen protestatio convincitur prorsus frivola, & inefficax, utpote contraria facto, quod voluntas amplectitur, non obstante quod agnoverit malitiam necessario connexam. Ratio autem posterioris desumitur partim ex auctoritate D. Thomæ q. 19. art. 7. ad 3. dicentis: ut voluntas sit bona. requiritur quod sit sub ratione boni, & Philosophus 2. Ethic. 4. docet*

docet actum virtutis debere esse à sciente & eligente propter ipsam virtutem; tum ex eo etiam; quia objectum potest appeti propter varias rationes, ut de se liquet: ergo objectum nequit actui tribuere aliquam bonitatem moralem, nisi propter bonitatem fiat.

Idque præcipue verum est, quando actus 68.
ex se & suo objecto est indifferens, veluti sunt *ambulare, discurre, comedere &c.* cum enim hujuscemodi actus ex se nullam præferant bonitatem moralem, necessum omnino est, ut hanc sortiantur aliunde, utputa ex fine extrinseco bono & honesto, uti dictum n. 66. atqui finis extrinsecus, cō ipso, quod extrinsecus sit, non tribuit actui bonitatem, nisi sit per se, & directe intentus: Unde v.g. commestio, vel deambulatio semper manebit indifferens, neque evadet unquam bona aut honesta in genere moris, nisi fiat ex honesto, & positive bono fine, uti recte tenet Scotus quodl. 18. §. de primo. Maius ubi supra disp. 5. n. 199.

At (inquies) necessumne est, ut honestas & bonitas illa semper explicite, & reflecte intendatur?

R. Hoc non esse necessarium, sed sufficit, eam aliquo modo implicito saltem, & æquivalenti appeti; id est: sufficit, actum fuisse apprehensum, & agnatum velut laudabilem Deo placitum, vel præmio dignum, sicque illum fieri de bona voluntate. Inde 69.

sequitur, quòd Religiosus exequendo voluntatem sui Superioris, eo quòd sciat, huiusmodi executionem esse honestam, ac debitam, adhuc exerceat actum obedientiae, tametsi reflexe non dicat, aut cogitet, quòd ideò velit hoc, vel illud exequi, quia honestum, vel praeceptum est. Et hoc Christus Dominus satis perspicue nobis innuit apud *Matth. c. 10.* dicendo: *Quicumque potum dederit uni ex minimis istis, calicem aqua frigida, tantum in nomine discipuli, amen dico vobis, non perdet mercedem suam.* Videatur Herincx *cit. disp. 3. n. 56.* Reiffenstuel *tr. 1. dist. 2. n. 24.*

Quæres 7^{timò}, utrum actus externus superaddat distinctam bonitatem, aut malitiam actui interno, v. g. furtum opere consummatum voluntati furandi?

70. R. Probabilissimè superaddit. Ita tenet Scotus 2. *dist. 42. q. 4.* & rursus *quodl. 18. §. de 3^{ti}o principali* quem sequuntur Scotistæ communiter, paucis exceptis contra TT. ac RR. Ratio fundamentalis hæc est: quia bonitas moralis consistit in conformitate actus ad rectam rationem, vel Legem, juxta dicta *n. 59.* atqui actus externus habet specialem conformitatem ab ea, quam habet actus internus, velut inde patet, quia non sola voluntas v. g. fornicandi, aut furandi prohibita est, sed vel maximè etiam fornicatio aut furtum opere externo consummatum. Rursus certum esse debet, quod actus externus

ternus sæpe sæpius importet speciale obsequium, & gloriam Dei, veluti rursus liquet in professione externa fidei, & in perpessione Martyrii; melius enim facit, qui actu exteriori fidem profitetur, aut pro hujus defensione Martyrium suffert, quam qui solum habet propositum internum profitendi fidem, vel sufferendi Martyrium: proptereaque talis Martyr speciale præmium accidentale, Laureolam scilicet Martyrum promeretur: atqui nullum præmium speciale datur nisi propter meritum speciale, nec ullum datur speciale meritum sine bonitate speciali: ergo concludendum videtur, quod, licet bonitas vel malitia moralis primario sit in actu voluntatis interno, nihilominus dependenter ab hoc actu interno possit etiam in externo reperiri aliqua specialis bonitas, vel malitia. Hac de causa S. Augustinus lib. 15. de Trinit. c. 5. ait: *mala voluntate vel sola quilibet miser efficitur, sed miserior potestate, quâ desiderium malæ voluntatis impletur.* Et Glossa in illud Exod. c. 20. v. 14. non Machaberis. ita habet: *Qui opus adjicit voluntati, iniquitatem addit iniquitati.* Liqueat proin, hanc opinionem esse satis probabilem, utpote nixam & ratione, & auctoritate. Verum cum sit magis speculativa, quam practica, hinc fusio-rem hujus discussionem Scholasticis relin- quimus; illud quippe certum & omnibus exploratum habetur, quod in praxi, seu in

confessione actus etiam externus sit explicandus, saltem tunc, quando is in suo fieri adhuc fuit liber, velut satis clarè colligitur ex Decreto Alexandri VII. edito 1665. in quo sequentem num. 25. propositionem damnavit. *Qui habet copulam cum soluta, satisfacit Confessionis praecepto, dicens: commisi cum soluta grave peccatum contra castitatem, non explicando copulam.*

§. II.

Proponuntur, & breviter resolvuntur Casus practici concernentes bonitatem, & malitiam actuum humanorum ex objecto, & fine desumptam.

CASUS PRIMUS.

Titia ab aliquo seducta & quasi violenter inducitur ad peccandum, ingenue fatetur 1. quòd ad illo tempore nullam prorsus devotionem internam senserit, propterea quæ horribiliter nedum contra seductorem illum, verum insuper contra Deum ipsum iracundiâ exarserit. 2. quòd is permiserit hujuscemodi tentationem, & lapsum: quam ob rem, 3. efficaciter proposuit, quòd deinceps nullam amplius occasionem peccandi velit vitare, neque ullum præceptum servare nisi ad summum pro foro externo, in quantum opus foret ad conservandam existimationem & bonam famam apud homines: quod.

quodque caput rei est, fatetur ingenuè, se hoc suum propositum hætenus per plures jam annos inviolabiliter servasse. Quid Confessarius judicabit? & quid ages cum tali pœnitente?

¶ ad primum. Generaliter loquendo de tali pœnitente judicandum, quòd sit in pessimo statu, & ut ad hunc casum particularem propiùs accedamus, concludendum in primis est, Titiam, non obstante illa tentationis vehementia probabiliùs graviter deliquisse, & consensisse delectationi, gratiaque divina excidisse; hujus quippe rei haud obscurum argumentum est, quòd ab eo tempore nullam ampliùs senserit devotionem internam, immò verò exinde illico in alia gravissima peccata, & desperata quasi proposita prolapsa fuerit; etsi fatendum, quòd subtractio illa devotionis internæ, utpote non tam ex voluntate nostra, quàm à gratia divina excitante dependentis, peccatum non sit, sed potiùs peccati commissi index in talibus circumstantiis. Cæterùm si contra seductorem illum excanduit ob violentiam sibi intentatam, utique non peccavit; nam vitia sive nostra sint, sive aliena, nunquam non sanctè detestamur, & abominamur. Nihilominus gravissimè deliquit irascendo contra Deum ipsum, qui hujuscemodi tentationem, utique justissimè permisit. Porro gravius adhuc deliquisse censenda est ex eo, quòd efficaciter proposuerit deinceps
mul-

nullam occasionem peccandi recusare, neque ullum amplius præceptum servare; nam quemadmodum propositum *omnia præcepta servandi, & Deo per omnia placendi &c.* est actus honestissimus & sanctissimus, ita sancte propositum *nullum amplius præceptum observandi*, malitiosissimum sit, necessum est: et si tale propositum non sit dicendum peccatum alicujus certæ speciei, sed potius speciei innominatæ, veluti recte docet P. Herincx p. 2. tr. 2. disp. 3. n. 51. Illud verò, quod Titia asserit, scilicet se hætenus hoc suum propositum sancte observasse altiori certe indagine dignum est. Unde

72. R. ad 2dum quæsitum, quòd Confessarius nequeat esse contentus hac accusatione, utpote facta in terminis nimis generalibus; sed debet necessario inquirere 1. quoties, & quibus Titia corporis sui potestatem fecerit, an scilicet solutis, vel maritatis; 2. An non ipsa saltem subinde præbuerit occasionem peccandi: id enim de peccatrice tam habitata & inveterata prudenter suspicari licet. 3. An non subinde impediverit generationem. 4. Insuper, quantum moraliter loquendo fieri potest, debet illam examinare per reliqua præcepta decalogi, & Ecclesiæ, quomodo, & quoties circiter ea fuerit prævaricata. Ratio est: quia juxta communissimam Theologorum Doctrinam Confessarius tenetur indagare 1. numerum 2.

Spe-

Speciem peccatorum, & 3. insuper circumstantias saltem speciem mutantem, nisi poenitens se ipsum satis exprimat, veluti diximus *Theolog Sacram. p. 2. Confer. 17. n. 432.* atqui Titia non satis expressit numerum, neque species vel circumstantias peccatorum suorum, veluti consideranti facile patebit: ergo quoad hæc exactius fuit examinanda.

Dices fortassis. Non videtur possibile, ut Confessarius ad hoc omnia tam exactè se illico reflectat, & poenitentem desuper examinet: nunquid ergo consultius faceret talem poenitentem saltem ad tempus dimittendo sine absolutione, tum ut ipse accuratius in sua delicta indaget, tum etiam ut Confessarius interea maturius deliberare possit, quidnam circa hunc poenitentem in individuo observandum, specialiter inquirendum, aut magis expediens pro salute animæ eidem consulendum sit?

✱. Hæc difficilia quidem esse, non tamen impossibilia cum ordinaria DEI gratia; quòd enim oporteat nedum peccatorum species, verum insuper numerum, & circumstantias speciem mutantem indagare, nullus credo, vel mediocriter tinctus in moralibus ignorabit. Si vero subinde contingat nos in his, aut similibus explorandis ex inadvertentia, oblivione, aliave fragilitate humana deficere, noverit utique clementissimus DEUS labilitati nostræ misericorditer condescendere.

Cate-

Cæterum non diffiteor, per se loquendo hujuscemodi pœnitentes esse dimittendos ad aliquot tempus ad melius sese examinandos, modò appareat certa spes, quòd sint denuò redituri ad Confessionale: at verò quia tales siue ex tentatione diabolica, siue ex tædio laboris, aut timore confusionis lubeundæ tam facile non solent reverti, prout certæ experientiæ compertum habemus, nedum in hoc ipso, sed & in aliis pluribus casibus, hinc consultius videtur, ut Confessarius (nisi aliunde certa spes reditûs appareat) illicò conetur pœnitentem modò præfato examinare, & disponere ad absolutionem, præsertim si urgeat præceptum communionis paschalis, vel indulgentiæ lucrandæ v. g. Jubiæi &c. præcipue tamen conetur illum disponere ad veram contritionem, & ad propositum efficax, moneatque, ut postea sese denuo examinet, & siquidem fuerit recordatus alicujus peccati gravis nunquam adhuc confessi, illud in proxima confessione clavibus subjiciat. Cudendum enim est ferrum, dum calet, inquit sapienter noster P. Sporer in suo *Tyrocin. Sacr. part. 3. n. 516.* Vide etiam quæ diximus *Theolog. Sacrament. p. 3. Confer. 10. n. n. 289.*

CASUS SECUNDUS.

SEmpronia ad impediendas rixas, & juramenta, ad qua Maritum suum nimis proclivem novit,

norit, subinde solet dicere levia mendacia (vulgo
Kleine Hauß-Eugen) eò quòd hac omnino vi-
deantur necessaria ad conservandam pacem do-
mūs. 2. Aliquoties in factis, verbis ac gestibus so-
liberiores ac familiariores exhibere solet hospiti-
bus ad suam tabernam confluentibus, idque eo
fine, ut sapius redeant, sicque capiat lucrum ho-
nestum. 3. Filia suæ ad nuptias valde favorabi-
les aspiranti jam sapius consuluit, ut erga sponsum
cordialem se exhibeat, eidem blandiatur, oscula,
aliavè lenimenta sponſis familiaria nullatenus re-
cusset, sed potiùs admittat, eò fine ut ipsius bene-
volentiam, amorémque capteret? Quaritur an in
his Sempronia deliquerit?

¶ ad primum. Sempronia per le loquen-
do peccavit, sed venialiter duntaxat, id-
que toties, quoties mentita fuit. Ratio est:
quia mendacium utpotè intrinsecè malum
nullo fine extrinsecò, quantumvis bono,
cobonestari potest, nisi fortè fiat ex conscien-
tia invincibiliter erronea, uti inter plebeos
ac rudiores sæpè contingere natum est: ne-
que enim facienda sunt mala, ut eveniant
bona, dicente Apostolo ad Rom. 3. v. 8. eo-
rum damnatio justa est, qui dicunt: faciamus
mala, ut eveniant bona. Fatendum nihilo-
minus est, eum, qui eligit medium malum
in ordine ad finem bonum (prout fecit Sem-
pronia nostra) minùs delinquere, quàm
qui medio malo utitur ad finem malum,
propterea que DD. comunissime asserunt, ma-

Etiani

litiam medii pravi multum imminui per intentionem finis boni extrinseci. Videatur de hoc Reiffenstuel *tr. 1. dist. 2. à n. 12.*

75. ¶. ad 2dum, Semproniam non peccasse per hoc, quod se se liberiolem, ac familiariolem exhibuerit erga hospites confluentes, modò terminos honestatis non excesserit, nec scandalum dederit, vel malum exemplum. Ratio est: quia familiarem, immò & familiariolem aliis se exhibere (intra terminos tamen honestatis) non est malum, sed ex se indifferens: atqui medium de se indifferens licitè amplectimur in ordine ad finem bonum vel honestum, uti erat ille à Semproniam intentus, scilicet ut hospitibus placeret, eos manuteneret, indèque honestum lucrum caperet: ergo &c.

76. ¶. jam ad 3tium, Semproniam probabilius peccasse graviter tum contra pietatem, tum etiam contra castitatem. Ratio est: quia suadendo filix suæ ut sponso blandiatur, oscula, & alia lenimenta sponso familiaria admittat, &c. rem utique pessimam, & inter id genus homines periculo plenam consuluit, eò præsertim, quod indifferenter hæc suaserit sine discrimine inter oscula honesta, & inhonestas &c. Ex quo facile concludere licet, Semproniam magis fuisse sollicitam de bono corporis, quàm de bono animæ: quis enim ignoret hujusmodi lenocinia, & blandimenta sponso cæco amore

re captis familiaria plerumque saltem fieri cum excessu contra virtutem temperantiæ, seu castitatis, cum tactibus venereis, vel certè, cum delectationibus lascivis? &c. Quare minimè dubitandum arbitror, quin filia ex consilio Matris fuerit scandalizata, & suo modò reddita audacior, impudentior, & magis licentiosa in ordine ad ea, quæ castitati sunt inimica: atqui hoc repugnat nedum virtuti castitatis, verum etiam pietatis, quam Parentes debent prolibus suis: ergo &c.

Dices. Juxta sententiam, inter Doctores probatos & classicos hodieum satis receptam, sponsis licent oscula, amplexus, immò & tactus ex objecto non nimis impudici, nec notabiliter moventes ad libidinem, modò fiant ad bonum finem, utputa ad conciliandum, vel contestandum amorem &c. ita profectò tenent Sanchez l. 9. de matr. disp. 46. n. 47. Gobat Theolog. experim. tr. 10. n. 670. Sporer Theolog. mor. tr. 1. c. 6. n. 41. atqui Sempronia consulendo non intendit alium finem: ergo minimè peccavit.

¶ Hanc opinionem esse quidem receptam velut probabilem, at, non nisi cum hac limitatione (videnda apud DD. citt.) ut scilicet absit omne periculum consensûs in delectationem veneream, aut in pollutionem &c. atqui tale periculum in praxi quasi semper occurrir, præsertim inter sponso naturâ sua proclives ad venetem: & ob hanc causam

77.

Suarez de peccat. disp. 5. sect. 7. n. 12. Lessius
 Henriquez, Mendo & La Croix lib. 6. part.
 3. n. 151. Multò probabilius putant, hujusce-
 modi tactus, utpote ex sua natura valde pro-
 vocantes ad venerem & alias impudicitias,
 sponsis de futuro æquè esse illicitos, quàm
 aliis mere solutis, quemadmodum copula
 ipsa aut pollutio his æquè ac illis semper est
 prohibita. Accedit, quòd Sempronia simpli-
 citer & indistinctè (uti jam notavimus)
 filix suæ suaserit oscula, aliæque lenimenta
 sponsis familiaria: hæc autem regulariter lo-
 quendo nunquam à talibus præcitantur sine
 consensu, vel certè sine evidenti periculo
 consensûs in turpem delectationem: ergo re-
 probandum est, & non approbandum hoc
 consilium, seriòque inculcandum Sempro-
 niæ, ut illud revocet, potiùsque conetur filix
 suæ persuadere, quatenus aliis mediis hone-
 stis, ac licitis studeat lucrari animum sponsi;
 sò præsertim, quòd matrimonia turpi quæ-
 stu, aliisve mediis illicitis obtenta, ple-
 rùmque infaustum sortiantur exitum, Deo
 justè sic disponente in vindictam præterito-
 rum criminum, ut ii, qui ex turpi, insano,
 atque illicito amore statum hunc amplectun-
 tur, postea in perpetuis odiis ac rixis vivant,
 tandemque miserrimo fine eundem conclu-
 dant, juxta illud Tobia 6. v. 17, qui conju-
 gium ita suscipiunt, ut Deum à se, & à sua
 mente excludant, & sua libidini ita vacent, si-

ent mulus, & equus, quibus non est intellectus, habet potestatem demonium super eos.

CASUS TERTIUS.

CAjus ingenuus juvenis sapius quidem constituitur, quia id suis Moderatoribus peracceptum novit: sed sine ullo fructu emendationis; nam veneri apprimè addictus, pascere consuevit oculos lascivis aspectibus, animum morosis delectationibus, tactibusque lascivis, nedum proprii, sed aliorum etiam corporum, sub quibus majoris voluptatis gratia sibi diversa, & nescio quæ inhonesta, atque obscæna objecta representare solet, Dubitare jam licet, quid de hujuscemodi Confessionibus, & 2. Quid de peccatis carnalibus à Cajo commissis tenendum, vel observandum in ordine ad Confessionem?

¶ Ad primum cum distinctione. Si enim supponatur fuisse Confessus, & sacram Synaxin sumpsisse eo fine; ut obtineret gratiam efficacius deinceps resistendi tentationibus, & peccatorum suorum veniam impetraret, esto etiam sapius fuerit relapsus, esto insuper id fecerit, eo, quod id suis Moderatoribus gratum noverit, & fortè non sine impulsu vanæ gloriæ inde captandæ &c. nihilominus dicendum, quod Confessiones hæcenus factæ fuerint validæ; quia his suppositis adhuc potuit, immò debuit habere verum dolorem supernaturalem cum proposi-

to efficaci: ergo nihil ad valorem Sacramenti necessarium ex parte ipsius defuit. Econtra tamen si supponatur fuisse Confessus eò præcisè animo, ut placeat suis Moderatoribus, & Superioribus, ita ut hunc finem principaliter sibi præfixerit vel intenderit (de quò proin in dubio specialiter examinari debet) & præsertim si fuit Confessus sine vero dolore, aut proposito efficaci sese emendandi, concludendum est, hujusmodi Confessiones nullius prorsus fuisse valoris, imò verò fuisse Sacrilegas, ideòque necessariò repetendas. Ratio desumenda est à contrariò quia ad essentiam, & valorem Confessionis necessariò requiritur verus, honestus, & supernaturalis, ac universalis dolor, saltem respectu mortalium, cum firmo, & efficaci proposito se emendandi; ergo si hoc defuit, Confessio fuit nulla, & Sacrilega. Et hoc quidem posterius existimo præsumendum in his circumstantiis de Cajo, quippe qui fatur se toties fuisse Confessum, & Sacra Communionem resectum, idque sine ullo prorsus fructu emendationis; impossibile enim videtur, ut remedia, tam efficacia ad salutem, infructuosa remanent, si debita cum dispositione iisdem utamur. Cautum igitur, & maximè sollicitum oportet esse Confessarium circa hujusmodi poenitentem.

Dices contra primum membrum hujus resolutionis. Ad valorem absolutionis necessarium

sum omnino est, ut pœnitens adferat dolo-
rem supernaturalem, moraliter bonum &
honestum: at, qui motivô vanæ gloriæ, ut
puta placendi suis Moderatoribus &c. im-
pulsus confitetur, non facit actum honestum,
utpote destitutum debita integritate: ergo
absolutio fuit nulla respectu Caji.

æ. neg. min. Nam resolutio nostra fuit 79:
merè hypothetica, valuisse scilicet Confes-
siones, si *Cajus supponatur fuisse confessus eo fi-
ne, ut obtineret gratiam remissivam suorum pec-
catorum, & si habuit verum dolorem cum propo-
sito efficaci &c.* Quo suppositô nihil refert,
quod fortassis instinctu vanæ gloriæ fuerit
quodammodo impulsus; quia talis impulsus
propriè non afficit Confessionem, sed ad
hanc merè concomitanter, & per accidens se
habet. Esto proin talis impulsus aut inten-
tio vanæ gloriæ fuerit venialiter mala, Confes-
sio tamen, utpote ex bono fine facta potuit
manere moraliter bona, & sufficiens ad valo-
rem: quemadmodum manet sufficiens, si in
Confessione leviter mentiaris, aut proxi-
mum tuum sine causa leviter diffames: ta-
met si enim talis diffamatio, aut mendacium
maneant moraliter malum, quia tamen in or-
dine ad Confessionem merè per accidens se
habet, & aliunde constat, peccata venialia
non obstare reconciliationi Divinæ, hinc
est, quod Confessionem in se adhuc relin-
quat moraliter bonam, & sufficientem, ad

valorem. Videatur de hoc P. Sporer *tr. 1. c. 3. n. 16.*

80.

¶. jam ad 2dum quæsitum hujus Casus, Cajum utique gravissimè peccasse, & toties quidem, quoties vel oculos pavit aspectibus lascivis vel animum, aliosve sensus delectationibus morosis. Ratio facile erui potest ex jam dictis suprâ *n. 63.* Etenim omnis actus humanus sumit bonitatem, vel malitiam suam per se primò ab objecto in quod tendit, ita, ut si objectum repugnet justitiæ, vel castitati &c. pariter talis actus eidem virtuti repugnet: atqui delectatio morosa est verus actus humanus: ergo ab objecto, in quod tendit, desumit suam malitiam, vel bonitatem specificam. Liquet inde, Cajum procul dubio commississe plurima, eaque nedum numerò, verum etiam specie distincta peccata, necessariò exprimenda in Confessione. Videatur S. Thomas *1. 2. q. 47. art. 3.* Laymann *l. 1. tr. 3. c. 6. n. 6.* Marchantius *noster tribun. tr. 3. tit. 2. q. 6. concl. 4. Regul. 2.* Cæterum, an talis morosus delectator teneatur in Confessione nedum objectum (de quo nemo dubitat) sed etiam objecti circumstantias exprimere, utputa an de persona soluta, vel conjugata, vel consanguinea &c. fuerit delectatus &c. diximus jam *part. 3. Theolog. Sacram. Confer. 17. n. 432.* In hoc verò casu nostro minimè dubitandum, quin Cajus teneatur exprimere circumstantias ob-

je-

jectorum quæ, sive alios, sive se ipsum tangendo &c. sibi repræsentavit, modò supponatur jam fuisse præditus tanta Judicii maturitate, ut agnoverit, esse majus peccatum, habere rem cum consanguinea, quàm cum alia, cum ligata, quàm cum soluta &c. Vide etiam *La Croix l. 6. p. 2. n. 1023. & seqq.*

§. III.

Corollaria ex dictis inferenda.

Colliges ex hætenus dictis primò, in eodem actu physicè spectato non raro posse concurrere plures malitias specie distinctas, & per consequens necessario exprimendas in Confessione. Ratio patet ex proximè dictis : quia unus idemque actus physicè spectatus potest tendere in objecta morali specie distincta, veluti liquet ex eo, si quis in Ecclesia furetur rem Sacram simul, & profanam ; si peccet cum aliena, quæ simul est ligata, aut consanguinea &c. & sic loquendo de innumeris aliis : actus autem humanus specificatur à suo objecto nedum in ratione boni, sed etiam in ratione mali, secundum omnes : ergo &c.

Colliges 2dò, eundem actum humanum in individuo, (sive dein internus sit, sive externus) non posse simul esse moraliter bonum, simulque malum. Ratio est : quia

repugnat, eundem actum habere integritatem, & conformitatem debitam ad Legem, rectamque rationem &c. simulque esse destitutum, ac privatum hac integritate: arqui juxta dicta superius n. 59. bonitas moralis consistit in conformitate & integritate &c. malitia verò in defectu seu privatione hujusmodi conformitatis: ergo &c. Et licet multi Doctores existiment, posse eundem actum externum v. g. Eleemolynæ, in quantum à diversis subjectis procedit, utputa ab hero, & à famulo jussu heri sui eam erogante &c. esse simul bonum, & malum, sicut & passio Christi (inquiunt) in quantum à Judæis processit mala, immo malitiosissima fuit, in quantum autem à Christo, sanctissima &c. Verum si rem bene perpendamus, inveniemus in his, ac similibus revera non esse unum actum, qui simul est bonus, & malus, sed esse actus omnino distinctos; ut enim in eodem exemplo maneamus, liquet profectò, Christi passionem, id est, sufferentiam Martyrii, fuisse sanctissimam, Judæorum verò crudelitatem, vi cujus Salvatorem nostrum crucifixerunt, sublannârunt &c. nequissimam fuisse: at, quis non videat, aliud esse illationem activam Martyrii, (quæ à solis Judæis processit & aliud sufferentiam passivam, quæ sola Christo Salvatori nostro est adscribenda?

Dices tamen: nihil prorsus obstat, quò minus unus idemque Dominus faciat unum eun-

eundemque actum externum, v. g. largiendo Eleemosynam &c. ex duplici fine ac motivo, quorum unum honestum est, ut si det Eleemosynam illam partim ut sublevet inopiam puellæ pauperis, partim verò ut eandem inducat ad illicita, vel ut ab eadem passim laudetur coram aliis hominibus, sicque adipiscatur bonum nomen &c. ergo nihil prorsus obstat, quò minus idemmet actus sit simul bonus, simulque moraliter malus.

N. negando hanc consequentiam. Enimverò in hoc casu largitio Eleemosynæ non est honesta, & moraliter bona, utpote destituta debita integritate omnium eorum, quæ secundum rectam rationem debuissent concurrere; nam recta ratio dicat, Eleemosynam esse dandam in ordine ad sublevandam pauperis inopiam, minimè verò ad obtinendum inhonestum commercium, aut vanæ gloriæ umbram. Quare minimè ambigendum, quin in die Judicii Christus Dominus talibus sit improperturus illud *Math. 6. c. Amen dico vobis: recepistis mercedem vestram &c.*

Colliges tamen 3tib, posse eundem numerò actum successivè transire de bono in malum, & vice versa, de malo in bonum. Ita Scotus *quodl. 18.* quem sequitur Herinex *cit. disp. 3. n. 20. & 21.* Reiffenstuel, alique SS. contra TT. Ratio hujus resolutionis est, quia potest quis v. g. Comestione in-

F §

choare

inchoare ex optimo fine, ut puta ad reficiendas vires &c. deinde eandem continuare ex alio malo fine. Rursus potest quis v. g. die Jovis licitissimè inchoare comestitionem carniū, eandemque continuare usque post medium noctis, in diem veneris, quo evadit illicita, ac peccaminosa: atqui talis comestio, vel cœna moraliter loquendo reputatur una, seu unus actus: ergo potest idem actus, de bōno transire &c.

35. Colliges 4tò, quòd, licet finis bonus se solo præcisè non sit sufficiens ad reddendum actum moraliter bonum; nam bonitas, ut pote desumpta *ex integra causa*, insuper dependet ab objecto, aliisque circumstantiis; nihilominus solus finis malus sufficit ad reddendum actum simpliciter malum in genere moris, prout faciliè constabit perpendenti exempla hæcenus adducta. Ratio: quia *malum* oritur *ex quolibet defectu*, eorum scilicet, quæ actui tribuunt moralitatem: ergo ubi solus etiam finis bonus deficit, pariter deficiat moralis bonitas, necessum est. Hanc ob causam jam communiter recepta est inter Theologos notissima illa pæcemia: *Cujus finis malus est, ipsum quoque malum est*. Videatur de hoc P. Sporer *tr. 1. præm. c. 3. n. 13.*

Dices adhuc. Sed quid tenendum de actu in individuo indifferente, estnè talis possibilis, vel non?

✱.

¶ Probabilissimè est possibilis, esto in praxi fortassis de rarò fiat. Ita tenet D. Bonavent. 3. dist. 41. a. 1. q. 3. Scotus eadem dist. & rursus quodl. 18. & tota Schola Scotist. multique ex RR. nominatim Arriaga, Vasquez, & Oviedo, contra TT. Ratio hujus opinionis est: quia in primis certum est, dari actus ex objecto indifferentes, id est, tales, qui de se nec boni sunt, nec mali, uti est v. g. abigere muscam, levare festucam, decerpere rosam &c. ergo pariter possibile est hujuscemodi actum fieri absque positivo bono, vel malo fine, aliave circumstantia vitiosa: atqui hoc supposito actus erit in individuo indifferens: ergo talis est possibilis. Major inde suadetur: idè enim fieri non posset actus humanus indifferens, quia quotiescunque homo deliberatè agit, teneretur agere ex fine positivè bono: at, de hac obligatione non satis constat, neque potest ab AA. monstrari certa lex, sive positiva, sive naturalis; tum quia hæc esset valdè difficilis, & supra vires humanas; tum etiam quia viri nedum pietatis, verum etiam Doctrinæ, & eruditionis laude clarissimi (quos inter meritò numerandi veniunt S. Bonaventura & Scotus) talem Legem procul dubio agnovissent: ergo dicendum, quòd sit possibilis actus humanus in individuo indifferens. Et certè hanc Scotistarum opinionem ipsimet AA. velut verè, & practicè probabilem agnoscunt,

scunt, esto oppositam ut probabiliorem afferant: ergo qui hanc nostram opinionem in praxi sequitur non præfigendo hujuscemodi actionibus positivè bonam intentionem, eo quòd credat, se ad hoc non obligatum, non peccat: at, nec propterea positivè bene operatur: ergo. Denique probabilitas hujus opinionis vel ex eo clarissimè & efficacissimè suaderi potest: quia si in die feriali, quò non obligor, voluntariè nolim audire sacrum &c. talis nolitio est actus humanus: atqui non malus, utpote nulli Legi contrarius; neque etiam bonus positivè, quia non conformis Legi, nisi permittenti: ergo non est bonus præsertim si non intendam bonitatem positivam, sicuti licitè possum non intendere: ergo est, & manet in individuo indifferens. Verùm hæc, utpote speculationi potius, quàm praxi accommodata, breviter insinuasse sufficiat. Qui latiore hujus questionis notitiam desiderat, consulat. P. Magistrum 2. dist. 5. n. 310. Fabrum de penit. disp. 4. Poncium disp. 3. 22. q. 2. Herinex disp. 3. n. 24.

— 33 —) (— 33 —

CON-

CONFERENCE

QUART

De circumstantiis actuum humanorum.

SUMMARY.

87. Quid sit circumstantia actus humani?
88. Communiter enumerantur septem circumstantiæ actuum humanorum, scilicet: *quis, quid, ubi &c.*
89. Quæ etiam communiter dividuntur in *merum aggravantes, & in speciem bonitatis, vel malitiae mutantes.*
90. Per circumstantiam *quis* intelligitur conditio personæ.
91. Per circumstantiam verò *quid* conditio, vel quantitas materiæ.
92. Per *ubi* intelligitur qualitas loci.
93. Circumstantia *quibus auxiliis* innuit conditionem mediorum, & circumstantia *Cur?* finem intentum.
94. Per circumstantiam *quomodo* signatur modus agendi, utputa, an magis, vel minus deliberate contigerit actus humanus.
95. Circumstantia *quando* tandem vult attendendam esse qualitatem temporis, quo actus humanus fuit factus.
96. Resolvitur Casus I. De quodam Minorista, qui putavit se æquò majori pœnitentia fuisse oneratum à Confessario.

97. Pa-

97. Pastor, qui oviculam suæ curæ concreditam induxit ad peccandum, tenetur hanc circumstantiam exprimere in Confessione.
98. Idque à fortiori tenendum, si in Confessione, vel occasione hujus sumpsit occasionem sollicitandi &c.
99. Resolvitur Casus II. De quodam adolescente, qui furtivas subtractiones à Parentibus suis correptus, eosdem durius increpavit, mortem & alia mala simul imprecaudo.
100. Hanc circumstantiam, quod scilicet Parentibus aliquid subtraxerit, per se loquendo non tenetur exprimere.
101. Nisi propterea eosdem graviter afflixisse, vel ad paupertatem redegissemus supponatur.
102. Resolvitur Casus III. Cujusdam pœnitentis, adferentis peccata variè circumstantionata, de quibus tamen Confessarius, præter numerum, nihil aliud interrogavit.
103. An ille, qui ter fornicatus fuit, teneatur dicere, utrum cum una; eademque persona ter, an vero cum tribus diversis semel rem habuerit?
104. An portans scapulare è collo, vel aliàs Reliquias, simulque operi lascivo vacans, teneatur hanc circumstantiam singulariter exprimere in Confessione?
105. In Confessione necessariò debent exprimi circumstantiæ speciem mutantes; & quid de aggravantibus duntaxat?
106. Circumstantia personæ, quandònam sit exprimenda in Confessione?
107. An fur teneatur specialiter in Confessione exprimere, utrum res furto ablata fuerit Clerici, vel Laici?
108. Utrum detractor teneatur dicere, se proximum diffamasse de furto, vel de adulterio &c.
109. Cir-

109. Circumstantia loci, quandónam debeat exprimi à pœnitente?
110. Tangens impudicè alium, vel aliam, an teneatur dicere, in qua parte corporis tetigèrit &c?
111. Circumstantia quomodo, id est, modus peccandi, quandónam sit explicandus in Confessione?
112. Circumstantia temporis quandoque, cæteris tamen ratiùs exprimenda venit.

§. I.

Præmituntur, & breviter resolvuntur quæsitæ, scitu necessaria ad debite resolvendos Casus practicos de circumstantiis actuum humanorum.

QUæres primò, quid intelligatur, vel quid sit circumstantia actus humani?

R. Nomine circumstantiarum hic intelliguntur quædam particulares conditiones quæ actum humanum in suo esse morali jam constitutum quodammodo afficiunt in genere moris, quatenus eundem reddunt accidentaliter quasi magis laudabilem, vel etiam vituperabilem: v. g. circumstantia personæ conjugatæ habentis rem cum alio &c. hunc actum reddit specialiter vituperabilem, eo quod eundem faciat specialiter repugnare virtuti justitiæ, propterea que appellatur circumstantia, speciem mutans, tribuitque quan-

quandam malitiam secundariam, distinctam à primaria, quam hic actus habet ex objecto, quòd scilicet repugnet virtuti temperantiae leu castitatis.

Quocirca insuper breviter illud advertas velim, scilicet circumstantias quales à fine differre per hoc, quòd finis petat esse directè intentus, circumstantiae econtra indirectè tantum, ita, ut si aliqua circumstantia per se, & directè intenderetur, v. g. si fur vellet auferre rem alienam non quia aliena præcisè, sed quia sacra est, hæc circumstantia rei sacræ jam non amplius maneret mera circumstantia, sed potius respectu actus interni induceret rationem objecti principalis, saltem partialis, utpote principaliter intenti, prout rectè animadvertit P. Sporer *rr. 1. c. 3. n. 12.*

Quæres 2dò, quot dentur circumstantiae actus humani, & quotuplicis generis?

88. R. I. Communiter enumerantur septem circumstantiae actus humani, sequenti versu comprehensæ.

Quis, quid, ubi, quibus auxiliis, cur, quomodo, quando?

Non ignoro à nonnullis plures recenserì, scilicet 1. quamdiu actus duraverit? 2. circa quid? & 3. quoties contigerit? quia tamen *duratio* actus ad *quando*; circumstantia verò *circa quid*, facile reduci potest ad *quid*: quia insuper ly *quoties* numerum potius, quàm
circum-

circumstantiam actûs denotat; (nam circumstantia propriè talis est illa, quæ actum humanum in suo esse substantialijam constitutum accidentaliter modificat; quod non facit ly *quoties*, seu numerus) hinc puto quoad hoc sapiendum cum pluribus, dicendumque, septem esse circumstantias actuum humanorum, versu proximè allegato recensitas.

R. ad 2dum. Circumstantiæ actuum humanorum sunt duplicis generis; aliæ namque dicuntur aggravantes duntaxat, id est, augentes malitiam intra eandem speciem peccati, uti facit major quantitas materiæ in furto (auferens enim v. g. unum dugatum, per se loquendo graviter peccat; & si duos simul auferat, peccat gravius, licet intra eandem speciem) circumstantiæ verò speciem mutantés rectè appellantur illæ, quæ faciunt, ut actus Legi, seu etiam virtuti formaliter diversæ repugnet, aut conveniat, & hōc ipso eundem reddit specialiter laudabilem, vel vituperabilem, veluti mox suprà specificatum est de furto rei sacræ, & de peccato carnali commisso à persona sacra. Ratio hujus est: quia species, & facies rei sunt in moralibus quasi idem, teste La Croix, consequenter illæ circumstantiæ, quæ actui humano tribuunt quasi alienam faciem, ita, ut ad earum intuitum Confessarius prudens debeat formare longè aliud, ac diversum Judi-

R. P. Elbel, de Actib. Hum. Q. cūm

cium, rectè appellantur circumstantiæ speciem mutantes: atqui prudens ratio dictat, longè aliud ferendum esse Judicium de furto, vel peccato carnali, quod simul est sacrilegum &c. quàm de alio merè simplici: ergo hujusmodi circumstantiæ rectè appellantur speciem mutantes. Cæterum omnes, ac singulæ circumstantiæ mox suprà dicto versu comprehensæ nedum possunt peccati malitiam aggravare, sed subinde, & frequenter quidem, speciem mutare, veluti constabit amplius ex mox dicendis. Unde

Quæres 3tiò, quid intelligatur per circumstantiam *quis*?

90.

R. Hæc circumstantia non denotat ipsam substantiam personæ operantis, quippe quæ ad substantiam actus humani est necessaria, eò ipso quòd talis fieri nequeat sine operante: sed denotat qualitatem, seu conditionem personæ; utputa an fuerit consanguinea, conjugata, sacra &c. vel non? Enimverò ex hujusmodi conditione, & qualitate personæ actus humani bonitas, aut malitia nedum notabiliter augmentari, sed etiam specie mutari potest; nam qui sacris initiatus, aut votò castitatis obstrictus &c. vel concupiscit. vel rem habet carnalem cum persona &c. nedum contra virtutem castitatis, sed etiam Religionis graviter peccat. Idipsum intelligendum venit de actibus bonis; conditio enim personæ non rarò tribuit actui bonitatem specie

di-

distinctam, ut si v. g. Parochus subditis suis proponat verbum DEI, nedum exercet actum Religionis, sed etiam iustitiæ laude ac præmiò dignum: similiter si vir magnæ dignitatis aut excellentiæ amore humilitatis alteri se postponat, vel si unus pauper alteri det Eleemosynam, notabiliter sanè bonitas operis ex conditione hujuscemodi personæ aggravatur, juxta communem DD.

Quæres 4to, quidnam intelligatur per circumstantiam quis?

R. Per hanc pariter non intelligitur ipsum 91.
objectum, v. g. in furto *res aliena*; quippe cujus ablatio est de essentia, & substantia furti: sed intelligitur quantitas materiæ, vel etiam conditio objecti. Unde hæc circumstantia pariter nata est, superaddere actui novam speciem malitiæ, v. g. operi carnali cum ligata speciem injustitiæ, seu adulteriî, percussioni personæ sacræ malitiæ Sacrilegii. Potest insuper hæc circumstantia peccatum transferre à veniali in mortale, tunc scilicet, quando tanta materiæ quantitas auferitur, quanta sufficit ad inferendum grave damnum, seu etiam graviter lædendum jus proximi: aliquando tamen hæc circumstantia tantum aggravat malitiæ, vel etiam bonitatem actûs intra eandem speciem, ut si quis pauperi locò denarii donet dimidium florenum &c.

Quæres 5tò, quid intelligendum veniat nomine *ubi*?

92. R. Per hanc circumstantiam intelligenda venit qualitas loci, an scilicet actus humanus fuerit exercitus in loco sacro, vel profano; item, an in loco publico, aut privato &c. Hæc circumstantia pariter actui humano non raro tribuit, novam, & specie distinctam malitiam; utputa, casu quo quis in loco sacro occidit hominem, humanum sanguinem injuriosè, vel etiam semen humanum malitiosè, voluntariè scilicet se, vel alterum pollüendo, effundit, præsertim notoriè. Similiter peccata in loco publico, & coram aliis perpetrata, utputa turpiloquia, detractiones, murmuraciones, oscula item, & tactus lascivi &c. ratione publicitatis ordinariè saltem notabiliter solent aggravari, ratione scandalì scilicet audientibus, vel intuitibus dati, contra virtutem charitatis. Proptereaque hæc circumstantia nedum tunc, quando mutavit speciem, est exprimenda, sed etiam scandalizatorum numerus, quoad fieri potest, declarandus est, uti bene advertit P. Babenstuber *rr. 2. disp. 2. a. 2. n. 6.* Vide, si placet, quæ diximus in *Theolog. Sacram. p. 2. Conf. 7. a. n. 182.*

Quæres 6tò, quid sibi velit circumstantia *quibus auxilium*, & quid circumstantia *cur*?

93. R. Prior circumstantia *quibus auxiliis* scilicet innuit, quòd subinde actus humani bonitas

nitatis, seu etiam malitia possit augeri, vel diminui propter instrumenta, vel media, quibus aliquis usus fuit ad obtinendum suum intentum, veluti patet, si quis ope dæmonis utatur ad consequendas divitias, honores, vel ad eruendum thesaurum; vel si quis utatur mediis superstitiosis ad recuperandam sanitatem sibi, aut animalibus suis; vel denique, quod adhuc pejus est, & detestabilius, si quis utatur mediis sacris ad finem malum, utputa SS. Missæ Sacrificio ad obtinendum amorem impurum &c. vel verò SS. Eucharistiæ Sacramento ad se reddendum invulnerabilem, seu ut Germanicè dicimus: *sich gefrohren zu machen*: quò casu hæc circumstantia superaddit horribilem, ac detestabilem speciem Sacrilegii.

Huc insuper referendum est, si quis ad obtinendum malum finem usus fuit auxilio, seu etiam adjutorio aliorum hominum inde scandalizatorum; quia circumstantia scandali dati necessario est exprimenda in confessione, juxta mox dicta numero *præcedente*.

Ad alteram hujus quæsitæ partem breviter respondetur per *ly cur?* denotari finem propter quem actus humanus fuit factus: de quo, quia jam egimus in conferentia priorè à n. 64. idèò hoc loco nihil speciale superaddendum, vel differendum existimo.

Quæres 7timò, quid intelligitur per *ly quomodo?*

¶4.

¶. Per hanc circumstantiam intelligitur, modus agendi utpote, an actus humanus magis, vel minùs deliberatè, an cum majori, vel minori intensiōe, cum vel sine violentia &c. contigerit &c. Et hæc circumstantia à priori auget duntaxat bonitatem, vel malitiam intra eandem speciem; quò enim, major est intensio, vel deliberatio actus, eò est melior, si sit bonus, aut pejor, si de se sit malus. Huc pariter reduci debent modi nimis lascivi, & rectæ rationis dictamini dissonantes, quò subinde conjugati, vel etiam alii soluti veneri indulgentes uti solent, qui si ita huic operi vacent, ut fiat cum voluntaria pollutione &c. committunt peccatum contra naturam, necessariò exprimendum in confessione.

Insuper huc reduci debet circumstantia *contemptus formalis*, qualis tunc censetur intervenire, quando quis legem, vel præceptum Superioris transgreditur ideò, quia auctoritatem, vel potestatem præcipientis vilipendit, & spernit, proptereaquæ movetur quodammodo ad Legis prævaricationem: & in hoc casu contemptus formalis superaddit actui malitiam specie distinctam ab ea, quam habet de se, & ex objecto, veluti omnes tenent cum Doctore Angelico 3. part. q. 88. a. 8.

Quæres denique 3vò, quidnam denotet circumstantia *quando*?

Hæc

25. Hæc circumstantia intendit qualitatem temporis, quò actus humanus contigit, ut puta an fuerit factus tempore sacro, vel non sacro. Quocirca tamen Laymann, Navarra, aliique plures rectè observant, per se loquendo, & secluso omni contemptu hanc circumstantiam non multùm conferre ad augmentum malitiæ, nisi actus fuerit specialiter præceptus, vel prohibitus intuitu temporis sacri: parum quippe refert, siue ante, siue post prandium detrahas proximo, aut eundem scandalizes, Deum blasphemes &c. nec opus est in similibus exprimere hanc circumstantiam, utpote merùm impertinenter & per accidens se habentem in ordine ad similia peccata.

Secus dicendum foret, si absque necessitate, aut dispensatione in die festivo serviliter labores, vel si in quadragesima, die veneris, vel Sabbati &c. carnes comedas, quia hæc, & similia intuitu temporis ab Ecclesia specialiter sunt interdicta. Videatur

Sporer *tr. 1. Theolog. decalog.*

c. 3. n. 29.



§. II.

Proponuntur, & breviter resolvuntur Casus practici de circumstantiis actuum humanorum.

CASUS PRIMUS.

Titius Sacerdos excepit confessionem alicujus pœnitentis sibi aliàs incogniti: quia tamen advertit eundem habitum, & tonsurâ clericali insignitum & his non obstantibus incidisse in nonnulla peccata carnalia, hinc intuitu hujus circumstantiæ eidem solito graviores pœnitentiam injunxit, idque sine ulteriore indagine, an scilicet jam esset constitutus in sacris, nec ne? Haud multò post Titius noster audire cogeatur, se ab eodem Clerico apud alios fuisse traductum, velut Confessarium inurbanum, indiscretum, & nimis rigidum, quippe qui homini nondum constituto in sacris, sed minoribus duntaxat Ordinibus initiato, nimis gravem injunxisset pœnitentiam. Quaritur jam, an Titius bene fecerit non inquirendo hanc circumstantiam, sed potius eam supponendo, propterea que solito graviores pœnitentiam injungendo?

96

R. Si Titius aliunde non habuit causam dubitandi, (utputa ratione juventutis, vel alterius circumstantiæ) an pœnitens sit constitutus in sacris, vel non? non video, cur ex hoc capite argui posset, aut traduci velut

con-

Confessarius imprudens, atque indiscretus: licet enim hæc circumstantia Ordinis sacri, utpote habentis sibi annexum votum castitatis, actus carnalis speciem mutet, proptereaque in confessione necessario sit exprimenda, aut in dubio rationabili interroganda à Confessario; quia tamen cum habitu, & tonsura clericali incedentes communiter, & regulariter loquendo solent esse constituti in sacris, & aliunde notum est, *ex communiter contingentibus prudentem fieri præsumptionem*, hinc non video, cur Confessarius ex eo, quod præsumpserit pœnitentem in sacris constitutum, & intuitu hujus circumstantiæ graviolem pœnitentiam injunxerit, sit culpandus, vel etiam traducendus velut homo indiscretus.

Immo verò pœnitens videtur potius reprehensione dignus tum quòd Confessarium sine sufficiente causa traduxerit; tum etiam, quòd ipsemet non expresseit hanc circumstantiam, quòd scilicet nondum sit initiatus majoribus Ordinibus, nec voto castitatis obstrictus: si enim fuit tam doctus & sapiens, ut sciverit hanc circumstantiam, non modicè demere malitiam actus carnalis, proptereaque se non fuisse gravandum tantà pœnitentia, procul dubio etiam noverit, eandem circumstantiam esse exprimendam, in confessione: liquet proin, quòd sine causa sufficiente traduxerit Confessarium. Cæterum

an poenitentia injuncta fuerit nimis onerosa & indiscreta, decidere nec volo, nec valeo. utpote ignorans nedum quantitatem poenitentiae, verum etiam qualitatem, aut numerum peccatorum. Videatur La Croix l. 6. p. 2. n. 958.

Dices. At quid, si Pastor, vel curam animarum gerens (quisquis demum ille sit) peccet cum aliquo, vel aliqua suae curae concredita, tenebiturne in confessione hanc circumstantiam exprimere?

97. R. Tenetur sine dubio, nisi Confessarius aliunde, id jam sciat. Ratio est: quia haec circumstantia mutat speciem peccati, facitque illud specialiter repugnare virtuti justitiae: quemadmodum enim secundum dicta n. 90. Pastor erudiendo ovem sibi concreditam in via salutis &c. nedum exercet actum religionis, & charitatis, sed etiam justitiae, vi cujus oviculas sibi concreditas tenetur dirigere ad salutaria animae pascua; ita profecto è contrario dicendum, quod dum Pastor ipse in luum degenerans oviculam jam non pascere: sed devorare nititur, ut puta scandalizando, vel in peccatum eam inducendo &c. procul dubio gravissime impingit, nedum in eam virtutem cui peccatum v. g. luxuriae ex sua natura opponitur, verum insuper contra justitiam. Vide de hoc P. Wigant tribunal. Confessar. tr. 2. exam. 2. p. 28.

Idip.

Idipsum à fortiori tenendum est, si (quod **DEUS** avertat) Confessarius in confessione, vel occasione hujus Sacramenti sollicitasset poenitentem; hoc enim est Sacrilegium prorsus damnableissimum, necessario exprimendum in confessione. Verum cum de hoc jam differuerimus in *Theolog. Sacrament. part. 2. Confer. 20. n. 105. seqq.* ideò ad alia pergimus, remittentes Lectorem ad dicta l. cit.

CASUS SECUNDUS.

S Empronius juvenis Parentibus suis varias merces subtrahere, eisdemque mox pretiò infimo distrahere consueverat, eo fine, ut suo postea genio indulgere, popinas frequentare, promissamque amasia sua mercedem solvere posset; cumque à Parentibus suis propterea aliquoties graviter fuisset correptus, gravius inde exacerbatus, cepit eisdem maledicere in faciem, mortemque, diabolum & alia, nescio qua, malorum genera eisdem imprecari: quin etiam firmissimè sibi proposuit, quòd datà occasione proxima eis vellet machinari mortem, tum ad se liberandum à molestissimis increpationibus, tum etiam ad adipiscendam quantocyus integram hereditatem. Jam verò penitentià ductus, in amaritudine anima sua recogitat hæc peccata, qua bene agnoscit esse gravissima; dubitat tamen, an, vel quales circumstantias ex memoratis in Confessione teneatur exprimere. Quid ad hoc dubium resolvendum?

R.

99.

R. Sempronius præter numerum & speciem suorum peccatorum tenetur etiam exprimere sequentes circumstantias, scilicet; circumstantiam finis, ex quo Parentibus suis subtrahere consuevit; nam finis extrinsecus malus, uti erat intentio indulgendi genio &c. &c. mutat speciem peccati, secundum dicta in Conferentia proximè præcedente, 2. Tenetur item exprimere circumstantiam læsæ pietatis ex eo, quod tam graviter afflixerit suos parentes, eisdem maledicendo in faciem, mortem imprecando, immò & machinationem hujus firmiter proponendo. Unde neutiquam satisfaceret præcepto confessionis, præcisè dicendo, se graviter injuriâsse proximos suos, proposuisse insuper mortem iisdem machinari &c. non inquam satisfaceret, hâc præcisè modo sese accusando; quia Confessarius inde non posset colligere hujuscemodi injurias fuisse illatas Parentibus cum gravi læsione pietatis eisdem debitæ; quæ, cum speciem mutet, necessariò exprimi debet in confessione, uti jam fuit dictum.

At, inquires, nunquid etiam tenetur exprimere illam circumstantiam, quod Parentibus suis, & non aliis extraneis merces subtraxerit?

100.

R. Per se loquendo non tenetur hanc circumstantiam exprimere; cò quod qualitatem peccati potius minuat, quàm aggravet, Enim

Enimverò rationabiliter præsumere licet, Parentes non esse tam graviter invitos respectu suorum liberorum aliquid sibi clepantium, quàm respectu extraneorum, veluti animadvertimus *de Restitut. Conser. 10. n. 280.* Atque hinc *La Croix lib. 6. part. 2. n. 1006.* rectè ait, quòd, si actio contra Parentes facta non adverletur pietati (uti furtum per se non pietati, sed justitiæ repugnat) eò ipso non sit diversæ speciei, & per consequens minimè opus esse, ut in confessione exprimatur hæc circumstantia, scilicet esse factam contra Parentes &c.

Dixi tamen: *per se loquendo non tenetur &c. 101.* Secus enim dicendum foret, si Sempronius noster per hujusmodi subtractiones Parentes suos graviter afflixisset, vel si eòdem periculo paupertatis, alteriusvè gravis damni incurrendi exposuisset, utputa periculo excidendi suo servitio &c. prout fieri posset; si Parens haberet administrare merces, vel etiam redditus alienos. Videatur *la Croix loc. cit.*

CASUS TERTIUS.

CAjo pro sacro tribunali exposito nuper occurrit homo se accusans 1. quòd aliquoties graviter detraxerit aliis. 2. Quòd ter opere ipso carnaliter peccaverit. 3. Insuper attentaverit alios somnò oppressos lascivè contrectare. *Cajus* hæc inaudiens aliud nihil interrogavit, præter-

præterquam numerum, quoties scilicet detraxerit, & quoties attentaverit alios contrectare? Jam dubitatur, an per hoc satisfecerit sua obligationi? & præsertim an non debuerit interrogare, utrum cum eadem, vel cum diversis personis peccaverit carnaliter. Quid respondebit Confessarius?

102.

N. 1. Confessarius non satisfecit suæ obligationi interrogando præcisè numerum, & nihil aliud; sed debuisset ulterius inquirere 1. quot personis, vel coram quibus detraxerit? item an ex hujusmodi detractionibus illis nullum aliud damnum intulerit. Rursus 2. an illi, quos somnò oppressos attentavit contrectare, non fuerint consanguinei, vel affines &c. Ratio prioris est: quia si pluribus detrahatur graviter, peccatum quodammodo, saltem virtualiter, multiplicatur, eo quod plurium jura distincta lædantur, & tantò quidem gravius, quantò plures fuerunt, qui detrahentem sunt auscultati: ergo saltem per se loquendo Confessarius debuisset interrogare (quantum moraliter fieri potest) quot personis, & coram quibus detraxerit, & an inde nullum aliud damnum emergerit? Ratio autem ad 2. est: quia non solum actus, sed & affectus tangendi lascivè consanguineum, vel consanguineam, aut affinem, singulariter repugnat reverentiæ sanguini debitæ, proptereaque meritò reputatur circumstantia speciem mutans: at

cor.

certum est, quòd Confessarius teneatur indagare in circumstantias speciem mutantēs: ergo & in hoc casu debuisset, nisi aliunde fuisset certus, quòd pœnitens non attentaverit tangere consanguineum, vel affinem, sed mere extraneum de sua linea.

R. jam addo. Pœnitens probabiliter satisfecit suæ obligationi dicendo, se ter peccasse carnaliter ipso opere fornicando, esto non exprefferit, an cum una duntaxat persona ter, an verò cum qualibet ex tribus diversis semel, Ratio est: quia in morali hominum existimatione idem censetur, siue quis cum tribus diversis semel, siue cum una tribus vicibus rem habeat: ergo si talis dicat se ter fuisse fornicatum, satisfacit suæ obligationi. Ita tenet La Croix cit. n. 1040. Existimo tamen ego, subesse majus periculum scandali in eo, quòd quis tres diversas personas sollicitet, aut cum tribus rem habeat, quàm si quis cum una eadèmq; persona tribus distinctis vicibus peccet: & hoc indubitabile censeo, casu quo personæ seductæ antehac fuerunt innocentes, seu non informatæ, aut assuetæ similibus: nunquid enim inde sument occasionem deinceps sæpiùs captandi hujusmodi voluptates semel expertas? Neque dubitandum, quin à tribus personis seductis plura committantur peccata, quàm ab una. Censeo proin, Confessarium omnino prudenter facturum, si ex tali pœnitente interroget, an
cum

cum una tantum, an verò cum pluribus rebus habuerit? item an non dederit scandalum seducendo personam innocentem? &c.

At quid tenendum de illo (inquier) qui sive solutus sit, sive conjugatus, dum actu lascivis vacat, è collo portat Scapulare, vel alias Reliquias; tenebiturnè in confessione hanc circumstantiam exprimere?

104. R. Non tenetur. Ràtio est hæc: quia esto in hoc videatur intervenire aliqualis irreverentia, ea tamen morali prudentium existimatione non reputatur gravis, sed venialis duntaxat, prout expresse tenent Lugo, Bonæ spei, Filliuccius *tr. 30. n. 129.* atqui peccata venialia, vel circumstantias venialiter duntaxat malas tenetur confiteri: ergo &c. Quin etiam respectu conjugatorum hæc circumstantia videtur omni culpa vacare; quia cum opus conjugii sit omnino honestum, eisdemque licitum, planè non apparet, cur reverentiæ, S. Scapulari, aliisvè sacris Reliquiis debitæ repugnet: aliud foret, si hoc absque necessitate exerceretur in loco sacro, id est, ad cultum divinum duntaxat specialiter consecrato, veluti jam alibi notavimus. Videatur La Croix *cir. n. 1067.*

§. III.

Corollaria ex dictis inferenda.

105. **C**olliges ex hætenus dictis primò, in confessione necessario exprimendas esse
cir.

circumstantias, quæ speciem peccati mutant; hoc enim expresse declarat Concilium Trident. ss. 14. c. 5, de Sacram. Pœnit. ubi ait: *Colligitur præterea, etiam eas circumstantias in confessione explicandas esse, quæ speciem peccati mutant, eò scilicet, quòd sine illis peccata ipsa neque à pœnitentibus integrè exponantur, nec iudicibus innotescunt &c. &c.* An verò circumstantiæ merum (etsi notabiliter, aggravantes sint necessariò exprimendæ, non ita certò constat, licet speculativè loquendo sententia affirmativa videatur probabilior: tutius insuper esse, si exprimantur, nemini prudentum potest esse dubium: quam ob rem Confessarius indagando in similes circumstantias haud imprudenter facit: nihilominus pœnitenti docto, & erudito, volenti sequi oppositam sententiam, utpote hodiedum satis communem, & toleratam ab Ecclesia, tenetur se accommodare, nisi talis pœnitens esset suspectus de occasione proxima, vel de consuetudine peccandi jamjam contracta, aliavè obligatione v. g. restitutionis &c. inde resultante: quò casu pœnitens tenetur Confessario interroganti respondere, prout facile deduci potest, ex illa propositione n. 58. inter damnatas ab Innocentio XI. *Non tenemur Confessario interroganti fateri peccati alicujus consuetudinem &c.* Ratio autem fundamentalis hæc est: quia Confessario incumbit obligatio judicandi de statu, & de delictis pœnitentis.

R. P. Elbel, de Actib. Hum. H qua-

quatenus hujus salutis meliori modo consue-
lere valeat: ergo similiter poenitenti incumbit
reciproca obligatio respondendi Confessario
rationabiliter interroganti. Videantur de
hoc dicta in *Theolog. Sacram. part. 2. Conf. 7.*
n. 169. & seqq.

106. Colliges 2dò, circumstantiam personæ
tunc solum esse exprimendam, quando con-
ditio personæ facit, ut actus humanus re-
pugnet cuidam alteri virtuti ab ea, cui ex sua
natura opponitur, veluti fit, dum voto ca-
stitatis, vel Ordine sacro obstrictus peccat car-
naliter; hujusmodi enim circumstantiæ fa-
ciunt actum carnalem specialiter repugnare
virtuti Religionis: Idipsum dicendum est suò
modo, casu quo consanguineus cum con-
sanguineo, vel consanguinea, aut affine, Ma-
ritus cum consanguinea Uxoris, sponsus cum
consanguinea sponsæ intra 2dum gradum
carnaliter peccat; item si filius Parentem,
Uxor Maritum, frater sororem &c. graviter
lædat, vel injuriet. Ratio facile patebit cui-
vis rem ponderanti; quia similes circum-
stantiæ superaddunt actui malitiam distin-
ctam ab illa, quam habet ex suo objecto præ-
cisè. Et licet Lugo, & Dicastillo *disp. 9. n. 584.*
apud La Croix *cit. n. 1008. fin.* putent, non
quamlibet injuriam contra fratrem, aut sororem,
Parentes, vel Superiores factam re-
pugnare pietati, sed illam duntaxat, quæ
verè gravis est, puto nihilominus etiam in
his

his dari posse injuriam levem pietati specialiter repugnantem, utputa si quis suo Parenti aut Superiori detrahat, illumvè diffamet, esto non in materia tam gravi.

Colliges 3tiò, non esse necessario expri- 107.
mendam circumstantiam furti illati Clerico, tametsi is rem furto ablatam obtinisset ex suo beneficio Ecclesiastico, vel ob Administrationem Sacramentorum &c. Ratio est: Quia pecunia, & alia res occasione Ecclesiarum, & beneficiorum Ecclesiasticorum pro tempore provenientes, postquam ad manus Beneficiariorum pervenerunt, non ulterius in Ecclesiasticis, sed potius in ipsorum Beneficiatorum propriis, & ab iis acquisitis bonis judicari, & propterea quodammodo pro secularibus, & profanis haberi debent, veluti in terminis declaravit Julius III. 3. Junii 1550. constituit. cum, sicut &c. Unde hujusmodi bona habentur veluti res profana, quandoquidem neque in se sunt sacra, neque propterea, quòd Clerico auferantur, violatur aliquis locus sacer, neque persona sacra, neque etiam immunitas Ecclesiastica: ergo per hoc non committitur sacrilegium, Tamburinus *de Confessione*. l. 2. c. 8. §. 2. n. 5. La Croix cit. n. 1092.

At quid inquires, si v. g. Titius detrahendo dixit de uno, quòd sit adulter, de altero, quòd sit Sodomita, de 3tio denique quòd sit fur, vel impostor &c. teneturne singulas istas circumstantias in individuo, seu etiam

in specie infima exponere in confessionali.

108. R. Quòd non: & ita tenet Lessius in *Aut.* v. *confessio. casu 9.* & Lugo de *pœnitent. disp.* 16, n. 265. Ratio est: quia omnes detractio- nes sumunt suam malitiam ex eo, quòd sint contra unum bonum famæ, quemadmodum furta ex eo, quòd sint contra bonum fortunæ: ergo sicut non tenetur determinatè exprimere, an aurum, vel argentum, vel vestem &c. abstulerit, sed satisfacit dicendo se rem gravem abstulisse &c, ita pariter hujusmodi detractor satisfacit, dicendo se graviter detraxisse proximo &c. nisi præter damnum famæ simul scienter intulisset aliud damnum fortunæ ex hujusmodi injusta diffamatione, prout nonnunquam fieri posset: non enim quævis vitia hominem æqualiter reddunt inhabilem ad quodcunque officium v. g. militare; unde procul dubio majus damnum infert v. g. militi, qui illum infamat de furto, aut proditione &c. &c. quàm qui infamat de fornicatione.

109. Colliges 4tò, circumstantiam loci similiter tunc solum esse exprimendam in confessione, quando peccatum intuitu loci specialem malitiam contrahit, veluti fit, si quis in loco patente, & coram aliis turpia loquatur, vel quod adhuc pejuse est, ipso opere exerceat, utique non sine scandalo contra virtutem charitatis; item si quis in loco sacro, ut-
puta

puta in ipsa Ecclesia, vel Capella ad cultum divinum specialiter consecrata actu externo peccaret, v. g. vel se ipsum, vel alium turpiter tangendo, polluendo &c. quia in hoc casu committitur insuper sacrilegium. Secus dicendum, si hujusmodi impudicitiae committerentur solum in Campanili, vel in Monasterio, aut domo beneficiarii; quia hujusmodi loca non censentur specialiter consecrata ad cultum divinum, prout jam alibi diximus. Videatur de hoc Corduba in *summa* q. 113. Sylvester *v. loca Religiosa*, Vega in *summa* p. 1. c. 52. *v. circumstantia. casu* 29.

Dices adhuc, Quid si autem poenitens alium, vel aliam personam tangat impudicè, teneturne dicere, an in parte superiori corporis, vel verò in inferiori tactus fuerit factus?

¶ Regulariter loquendo præsumi potest, 110. ac debet, hujusmodi tactum fuisse graviter peccaminosum; qui enim fatetur se impudicè tetigisse personam, videtur velle exprimere locum, seu objectum impudicum sui tactus: & certè de tactibus honestis, & non impudicis nemo fortassis, nisi scrupulosus sese accusare solet. Eapropter si Confessorius aliunde, scilicet ex reliqua materia confessionis animadvertat, poenitentem esse valde debitum veneri, minimè dubitandum est, quin tangendo graviter deliquerit; hoc enim

in his circumstantiis prudenter omnino præsumere licet. Arbitror tamen rursus, Confessarium in simili casu sapienter facturum interrogando ulterius 1. An huiusmodi tactus deliberatè, & malo, seu lascivò animo contigerit, & si hoc? 2. An in parte superiore, vel inferiore corporis; supra vestes duntaxat, vel verò ad nudum corpus fuerit factus? *Gravius enim est, respicere, vel tangere animò impudico corpus hominis sub pannis, quàm manum, vel pedem; quia magis libidinosa delectatio est ibi,* inquit S. Thomas *opuscul. 64.* Certum insuper & exploratum esse debet, tactus, qui in partibus verendis immediatè fiunt, præsertim inter personas diversi sexûs, efficacius influere ad pollutionem, quàm si fiant in aliis partibus, præsertim suprà vestes duntaxat.

- III. Colliges igitò, circumstantiam *quomodo* tunc solum esse exprimendam, quando modus agendi actum humanum vel transfert à veniali ad speciem mortalis, aut vice versa; prout fieri amat ratione majoris, vel minoris advertentiæ, seu deliberationis; vel quando modus peccandi superaddit specialem malitiam? veluti fit in furto facto cum violenta aggressione Domini, item in peccato luxuriæ, cum violenta suppressione mulieris commissò &c. Ratio semper manet eadem, quæ mox superiùs fuit data: quia scilicet in huiuscemodi casibus intervenit malitia specie
mora-

morali distincta : violentia enim ex furto simplici facit rapinam, ex fornicatione verò stuprum efficit. Ita cum communi DD. Wigant, *cit. tr. 3. Exam. 2. n. 35. La Croix lib. 6. p. 2. n. 1087.*


Colliges denique 6tò, circumstantiam 112. *quando*, id est, temporis, cæteris rariùs esse exprimendam. Ratio est : quia rarò contingit, ut hæc superaddat actui humano specialem malitiam; parum quippe refert, an v. g. furtum, homicidium, vel detractio &c. ante, vel post prandium, an in die feriali, vel festivo fiat. Posset nihilominus hæc circumstantia saltem subinde specialem malitiam conferre, utputa, si quis in die Jovis sancto, vel parasceves, aut paschæ &c. vellet instituere ludos, choreas publicas, sicut in bachanalibus, inquit Wigant *cit. n. 36.*

Notabiliter insuper peccatum aggravari videtur, si v. g. consuetudinarius, aliivè in occasione proxima constituti, eadem die, qua confessi, & sacra Communione refecti sunt, denuo relabantur; præterquam enîm, quòd hæc videatur palmaris ingratitude erga D E U M, insuper videtur haud obscurum indicium, quòd pœnitentes non habuerint efficax propositum sese emendandi, ideoque meritò timendum, ne indignè, & sacrilegè perceperint

Sacramenta: nec proin mirum, quòd, ipsi-
met plerumque in hoc apprehendant sin-
gularem malitiam, propterea que desuper
singulariter sese accusare soleant, prout ego
non semel, sed pluries audiui. Vide de
hoc, si placet, ea, quæ diximus

Theolog. Sacram. part. 2. Confer.

7. n. 178.



CON-

CONFERENTIA QUINTA

De Conscientia recta & erronea,

SUMMARIUM.

113. Conscientia ut sic est dictamen practicum intellectus.
114. Communiter dividitur in quinque membra, scilicet 1. rectam. 2. Erroneam. 3. Dubiam. 4. Probabilem, & 5. in scrupulosam.
115. Rursus alia dicitur *obligans*, alia *consulens*, & alia *permittens*.
116. Conscientia recta est illa, quæ ex principiis veris aliquid dictat in particulari.
117. Unde etiam hanc tenemur sequi, casu quo aliquid dictat velut præceptum, aut prohibitum.
118. Conscientia erronea dicitur ea, quæ ex principiis falsis aliquid dictat.
119. Hæc duplex est, scilicet 1. vel invincibiliter, vel 2. vincibiliter erronea.
120. Dictamen conscientie invincibiliter erroneæ, præcipientis, aut prohibentis quivis tenetur sequi.
121. Solvitur quædam instantia in contrarium.
122. Non tamen tenemur, immò nec licet sequi conscientiam vincibiliter errantem, quando hæc dictat aliquid, quod reipsa est illicitum.
123. Satisfit cuidam alteri instantie in contrarium.
124. Resolvitur Casus I. De quodam Candidato ad sacram Religionem vocato.

125. An talis relicto ordine denuo revertendo ad sæculum peccet?
126. An peccent Parentes, qui liberos suos nituntur avertere ab amplectendo statu Religioso?
127. Resolvitur Casus II. Cujusdam pœnitentis, qui putavit, cogitationes merè internas, quantumvis de se malas, culpa vacare &c.
128. Et quid de eo, qui nec actus impudicos, neque ipsam etiam pollutionem apprehendit ut peccaminosam?
129. Unde Confessarius debeat colligere, utrum talis homo graviter deliquerit, nec ne?
130. Resolvitur Casus III. cujusdam personæ, quæ erroneè existimavit, se incurrisse impedimentum affinitatis.
131. Quo non obstante probabilissimè contraxit validè matrimonium.
132. Peccavit tamen concedendo usum corporis, quippe quem apprehendit ut sibi illicitum.
133. Non item admittendo tactus impudicos, quos putavit licitos &c.
134. Conscientia differt tum à Synthese, tum etiam à Theologia morali.
135. Quomodo dictamen conscientie practicè formetur?
136. Ad hoc formandum non semper requiritur discursus formalis.
137. Contra conscientiam operari semper est illicitum.
138. Satisfit cuidam Instantie in contrarium.
139. Quomodo peccetur agendo contra dictamen conscientie?
140. Quid de eo, qui apprehendit se malè agere, sed sine reflexione, an graviter, an verò leviter duntaxat peccet?
141. Et quid de illo, qui è duobus unum cogitur agere, quod tamen putat esse illicitum.

§. I.

Præmituntur, & breviter resolvuntur quæsitæ, scitu necessaria ad debitè resolvendos Casus practicos tum de conscientia recta, tum etiam de erronea.

Q Uæres primò, quid sit conscientia? 113.
 R. Conscientia est Judicium, seu dictamen practicum intellectûs, quò is ex principiis communibus judicat, & in particulari deducit aliquid hîc, & nunc agendum velut honestum, aut velut inhonestum omitendum esse, fuisse; vel fore. Ita Scotus 2. dist. 39. q. 2. Sporer tr. 1. c. 1. n. 5. Laymann, l. 1. tr. 1. c. 2. n. 1. & communiter DD. Dicitur autem Judicium, & quidem practicum; nam conscientia ethimologicè sumpta idem sonat, ac *cordis scientia*, vel juxta D. Thomam, & Scotum quasi *concludens scientia*; quod utique ad intellectum pertinet: & quia hæc est regula proxima actionis humanæ, ideò debet dictare, seu concludere de aliqua actione in particulari. Dicitur ulterius: judicans aliquid *velut honestum agendum &c.* Enimverò quando intellectus noster dictat aliquid agendum non secundum rationem superiorem (quæ attendit honestatem operis) sed

sed tantum secundum rationem inferiorem (quæ præcisè attendit utilitatem, aut delectabilitatem actionis, parum, vel nihil omnino curando de honestate operis &c.) hujusmodi dictamen non meretur dici conscientia, sed potius anticonscientia, inquit rectè Sporer. Ratio est: quia conscientia debet esse *regula*, & quidem proxima actuum humanorum, uti jam dictum est: atqui hoc dictamen quod fit præcisè secundum rationem inferiorem v. g. hic, & nunc esse furandum, adulterandum &c. planè non est regula, sed potius corruptela actionis humanæ: ergo &c.

Quæres 2dò, quotuplex sit conscientia ut sic?

- II4. R. I. Est quintuplex, scilicet 1. *recta*. 2. *erronea*, seu *falsa*. 3. *dubia*. 4. *Probabilis*, seu *opinativa*, & 5. *scrupulosa*. Ita rursus communissimè DD. Ratio delumi debet ex mox dictis: conscientia enim ut sic est dictamen practicum intellectus; atqui intellectus noster sic judicando quandoque procedit per præmissas certas, & dicitur *conscientia recta*, quandoque deducit aliquid ex principiis falsis, & erroneis, indeque enascitur *conscientia erronea*; non rarò ex principiis probabilibus remotè saltem concurrentibus, aliquid concludit, diciturque *conscientia probabilis*.

Rursus aliquando non invenit talia principia, ex quibus certi aliquid posset concludere,

dere, unde vel manet intellectus suspensus de honestate, vel inhonestate actionis, aut certe judicat esse dubium, an hic, & nunc liceat operari, vel non: & hæc communiter appellatur *conscientia dubia*. Denique contingere natum est, ut subinde levibus de causis, & sine sufficiente motivo aliquid apprehendat velut illicitum, & peccaminosum, quod tamen tale non est: & hæc tandem appellatur *conscientia scrupulosa*. Res tota fiet clarius per decursum, & alia exempla in sequentibus Conferentiis de singulis adferenda.

¶ Jam 2dò. Conscientia ut sic rursus subdividitur in *obligantem, consulentem & permittentem*. Nomine obligantis intelligitur illa, quæ dictat aliquid velut præceptum, aut prohibitum, propterea quæ ut faciendum, aut omittendum. Nomine consulentis intelligitur ea, quæ aliquid suadet, vel etiam dissuadet solum pro meliori esse, v. g. esse abstinendum ab hac, vel illa recreatione; esse exercendum hoc, vel illud opus charitatis. Denique nomine permittentis intelligitur illa, quæ dictat, aliquid hic, & nunc esse permissum, ita, ut non sit præceptum, neque prohibitum, v. g. esum carniū in quadragesima, casu quo Ecclesia dispensat &c. Ratio hujus subdivisionis liquet ex dictis: conscientia enim est regula proxima, dictans in particulari de re agenda, vel non
agen-

agenda: atqui inter agibilia alia sunt præcepta, alia prohibita, alia rursus permiffa duntaxat, vel certè ad melius effe facienda, vel omittenda: ergo &c.

Quæres 3tiò. Quid fit conscientia recta?

116. R. Conscientia recta est illa, quæ ex principiis veris & certis, cognitis, & rectè applicatis, judicat in particulari: aliquid effe faciendum, vel omittendum &c. Ita rursus *communiffimè* DD. Rectè autem dicitur: *cognitis, & rectè applicatis*? Enimverò si principia certa, vel non cognoscantur ut talia, vel certè non bene, sed erroneè applicentur, jam inde non ampliùs fequetur dictamen conscientiæ rectæ, sed erroneæ.

Quæres 4tò, an teneamur fequi dictamen conscientiæ rectæ?

117. R. Tenemur fine dubio, quando dictat aliquid ut faciendum ex præcepto, aut omittendum ob factam prohibitionem. *Communis*. Ratio est: quia voluntas humana tenetur fe conformare regulæ proximæ actionum humanarum, dum hæc aliquid dictat velut agendum de præcepto, aut omittendum ob justam prohibitionem, ita, ut fecus faciendo delinquat graviter, aut leviter juxta proportionem materiæ: atqui conscientia, præfertim recta, est regula proxima: ergo &c. Unde Mastrius *Theol. moral. diff. 1. n. 15.* rectè docet, hanc obligationem, fequendi fcilicet dictamen conscientiæ rectæ, tam effe
 strin-

stringentem, & arctam, ut ne quidem per DEum valeat dispensari; quia nec DEus facere potest, ut quis sine peccato agat id, quod putat, & rectè quidem, esse illicitum, ac peccaminosum: at quicumque agit contra dictamen conscientiae rectae, eò ipso putat esse illicitum, & peccaminosum id, quod facit: ergo &c.

Quæres 5tò, quid sit conscientia erronea?

¶. Conscientia erronea est illa, quæ ex 118. principiis falsis dictat esse illicitum, quod re ipsa licitum est, aut vicissim, esse licitum, quod re ipsa est prohibitum, atque illicitum: v.g. in quadragesima esse licitum esum carni-um, quia Ecclesia dispensavit, cum tamen non dispensaverit; vel esse indictum jejunium, ubi revera nullum fuit indictum ab Ecclesia. Idque tunc præcipuè verificatur, quando tale aliquid dictat absque fundamento probabili; nam si ex rationabili fundamento formetur hujuscemodi Judicium, potius reduci deberet ad conscientiam probabilem, quæ pariter non raro errare potest saltem materialiter, & speculativè, uti patebit ex dicendis infra à n. 188. Videatur Reifsenstuel *tr. 1. dist. 3. n. 9.*

Quæres 6tò, quotuplex sit conscientia erronea?

¶. Est duplex, alia scilicet vincibilis, alia 119. verò invincibilis. Prior habetur tunc, quando error facile potuisset deponi, ut puta alios

con-

consulendo, aut interrogando &c. posterior autem censetur intervenire, casu quo error non potuit deponi, nec veritas indagari, vel quia erranti nulla venit in mentem suspicio de errore, vel si quidem venit, nihil tamen incidit, quod deberet indagare in veritatem, aut certè non habuit, quem consuleret, vel interrogaret. Ratio hujus divisionis facile constabit; nam conscientia idè appellatur erronea, quia ortum ducit ex aliquo errore: ergo quemadmodum error potest esse, vel vincibilis, & culpabilis, quia scilicet facile potuisset inquiri veritas; alius autem invincibilis, & inculpabilis, eò quòd moraliter loquendo veritas non potuerit indagari, aut agnoscì: ita pariter conscientia erronea rectè dividitur in eam, quæ est vincibiliter, & in illam, quæ est invincibiliter, & inculpabiliter errans.

Quæres 7timò, an teneamur sequi conscientiam invincibiliter erroneam v. g. dum dicat esse mentiendum ad impedienda mala majora?

120. *R.* Quod teneamur sequi conscientiam invincibiliter errantem. Ita *DD. communissimè*. Ratio est: quia voluntas tenetur sequi suam regulam; atqui conscientia invincibiliter errans regulat voluntatem, & quidem prudenter; quia dicat hoc, vel illud esse faciendum ob justam Legem; nam invincibiliter errans hoc, vel simili modo secum ratiocinatur: te-

neor

neor sequi, & exequi id, quod DEUS, vel
justa lex à me exigit: hæc autem exigit à me,
ut v. g. mentiar ad impedienda majora ma-
la: ergo teneor mentiri &c. Ex quo li-
quet, hoc dictamen esse à parte rei erroneum;
nulla enim lege jubemur mentiri; quia ta-
men creditur prudenter verum, hinc sequi-
tur, quòd adhuc possit esse regula volunta-
tis, non quidem quia erroneum, & falsum,
sed quatenus prudenter creditur verum, &
obligatorium. Videatur Henno *tr. de con-*
scient. disc. 1. q. 2. vel Babenstuber *tr. 1. disp.*
2. a. 2. n. 23.

Dices. Mendacium semper manet intrin-
secè malum: ergo in omni casu illicitum. Et
certè si quis in quocunque demum casu tene-
retur ad mentiendum, vi hujus mendacii
posset à DEO prætere præmium: hoc
autem omnino falsum, & absurdum est:
ergo &c.

æ. distinguendo consequens: ergo in om- 121.
ni casu, quò cognoscitur esse malum, est illi-
citur, *conced.* in casu quo non cognoscitur
esse malum, sed invincibiliter existimatur esse
bonum, & à DEO præceptum. *neg. conf.*
Verum quidem est, quòd etiam in tali casu
mendacium maneat malum materialiter sal-
tem, quia tamen ab eo, qui invincibiliter er-
rat, malitia non agnoscitur, hinc etiam for-
maliter non peccat; quamobrem poterit ali-
quando à Deo prætere præmium non

R. P. Elbel, de Actib. Hum. I tam

tampropter mendacium secundum se, sed potius ex eo, quod mentiando voluerit exequi divinam voluntatem; quæ executio utique non est mala, sed bona: & in tali casu DEUS præcipit mendacium non quidem per se, & directè, aut quatenus malum est, sed indirectè, in quantum jubet, ut nunquam agamus contra conscientiam, faciendo scilicet id, quod putamus illicitum, & offensivum Dei, sed potius id, quod prudenter credimus à Deo, aut à Lege iusta præceptum, uti rectè observat La Croix *l. 1. n. 30.*

Quæres 8tavò, an etiam teneamur sequi conscientiam vincibiliter erroneam v. g. dum dicat esse mentiendum?

- 122.** *n.* Vincibiliter erroneam non tenemur positivè sequi, sed deponere potius, licet teneamur eam sequi negativè, id. est, non agere contra illam, quamdiu durat, & non fuit deposita. Ita Pater Sporer *tr. 1. in decalog. c. 1. n. 21.* & re ipsa communis DD. Licet in modo loquendi differre videantur. Ratio hujus est: quia nullus potest obligari ad faciendum aliquod malum formaliter tale, seu ad peccandum: at qui ex conscientia erronea vincibili mentitur, peccat formaliter; jam enim debuit saltem dubitasse, an liceat mentiri in his circumstantiis, & hoc ipso animadvertere, quod mentiando sese exponat periculo peccandi: è contra si contra conscientiam suam ageret, rursus delinqueret, quia

quia juxta Apostolum Rom. 14. *omne, quod non est ex fide* (id est, ex credulitate, ac persuasione, quod sit licitum) *peccatum est*: ergo quisquis agit contra suam conscientiam propriam, peccat; quia hoc ipso consentit in malum, quod ut tale apprehendit, esto à parte rei malum non esset. Quod autem conscientiam vincibiliter erroneam teneamur deponere, inde facile suadetur: quisquis enim tenetur se expedire à laqueo peccandi: at, nisi deponamus conscientiam erroneam vincibilem, perseveramus in periculo, & quidem proximo, ideoque in laqueo peccandi: nam si eam sequamur, peccamus, si non sequamur, rursus peccamus, quamdiu non deponimus eam, indagando veritatem: ergo ad hoc obligamur. Videatur Reiffenstuel *tr. 1. dist. 3. n. 12.*

Dices. Qui non mentitur, dum conscientia etiam vincibiliter erronea dictat esse mentiendum, ille peccat: ergo fuit obligatus sequi hoc dictamen; nemo enim peccat, nisi agat contra Legem obligantem.

n. disting. antecedens. Peccat contra dictamen conscientiae vincibiliter erroneae, neg. 123.
contra dictamen conscientiae rectae, conced. ant. & neg. conf. Qui enim ex errore vincibili putat v.g. esse mentiendum, duo habet Judicia, seu dictamina intellectus, saltem virtualiter distincta; unum quò judicat, se teneri ad mendacium dicendum, & hoc est erro-

neum; alterum verò, quò judicat, *non mentiri in his circumstantiis esse idem, ac peccare, quod utique verissimum est, & non erroneum, hinc fit, quòd, qui stante hujusmodi dictamine non mentitur, peccet, non quidem contra dictamen prius, sed contra posterius, quod erat verum; quia hoc modo consentit malo peccati saltem apprehensi, & existimati. Videatur Laymann, lib. 1. tr. 1. c. 4. n. 3.*

§. II.

Proponuntur, & breviter resolvuntur Casus practici de conscientia recta & erronea.

CASUS PRIMUS.

Tertius studiosus nimium quantum lubricus perbene agnovit hinc suam fragilitatem, illinc verò innumerabilia quasi animæ pericula; quibus exponeretur in saculo: quam ob rem animò induxit, quòd relicto mundo, vellet amplecti sanctius institutum, id, quod, & fecit. Verum, cum paulò post susceptum sacræ Religionis habitum à Novitiorum Magistro se solito rigidius tractatum existimasset, excusso suavissimo Christi jugo ad saculum denuo reversus fuit, sibi que conjugem junxit, quacum defacto vivit in perpetuis rixis, atque discordiis. Unde non raro conqueri solet de miserrimo

rimo suo statu. asserens, se tenere firmiter sibi persuasum, quodd à Deo puniatur ob neglectum vocationis suæ. Quaritur jam-1. an Titius peccasset non obtemperando divinis inspirationibus ad ingressum Religionis impellentibus? & 2. an peccaverit denuo revertendo ad sæculum?

2. ad primum. Titius per se loquendo 124: non peccasset, tametsi inspirationibus divinis statum Religiosum suadentibus non obtemperasset. Ratio est: quia status Religiosus non cadit sub præcepto, sed sub consilio duntaxat: atqui ex eo, quodd quis negligat amplecti consilium Evangelicum, etsi ad hoc amplectendum videatur interiori stimulo excitatus, per se loquendo non peccat, uti bene docet Stoz in suo tribunal. l. 1. p. 5. n. 60. ergo &c. Nec refert: quodd Titius bene agnoverit suam fragilitatem, simulque innumera animæ pericula in sæculo sibi imminentia; quia his non obstantibus potuit habere animum firmissimum resistendi tentationibus cum adjutorio divinæ gratiæ, occasionesque peccandi pro viribus evitandi, vel aliis mediis licitis (utputa statum matrimonialem amplectendo) fragilitatem suam suffulcendi. Esto etiam agnoverit, se in Religione tutius, & securius suam operari posse salutem; certum tamen est, quodd non teneamur semper amplecti id. quodd est tutius; secus enim quivis homo lubricus teneretur fugere sæculum, & cuculum induere; quod

tamen certò falsum est: ergo Titius negligendo, & non sequendo hujusmodi inspirationes divinas ad statum Religiosum impellentes, non peccasset. Dixi tamen, *per se loquendo non peccasset &c.*

129. R. jam ad 2dum quæsitum hujus Causæ, potuit Titius excutiendo suavissimum Christi jugum, & revertendo ad sæculum peccasse, non quidem eo præcisè ex capite, quòd Monasterio valedixerit (cuilibet enim Novitio semper manet liberum, se mediante professione solenni obstringere S. Religioni, vel non) sed idèò, quia fortassis saltem ex conscientia erronea putavit, se revertendo ad sæculum, suamque vocationem negligendo graviter delinquere, vel quia credidit, se in sæculo, utpote tam periculoso non, nisi difficillimè salvatum iri. Unde P. Caspensis *de peccat. disp. 3. n. 9.* Sapienter monet, esse attendendum affectum, ex quo Consilium Evangelicum respuitur, indeque deducendum, an, vel quantum quis respuendo deliquerit. Neque abs re videtur id, quod Titius suspicatur, scilicet se à Deo hac miseranda discordia puniri ob neglectum vocationis suæ; quòd enim plures ob hanc causam non minùs graviter, quàm palpabiliter fuerint puniti, dura nobis, & quidem satis tragica exstant exempla, ita, non immeritò credere liceat, in similibus fuisse verificatum illud *Prov. 1. c. quia vocavit & renuistis* - ego

quo

quoque in interitu vestro ridebo, & subsanna-
bo &c. &c.

At, inquis, quid tenendum de Parenti-
bus, qui filios, & filias suas nituntur avertere
à statu Religioso?

R. Si id faciant ex motivis merè futilibus, 126.
& humanis sine sufficiente causa, procul du-
bio graviter peccant. Ita *communissimè* DD.
Ratio est: quia in eligendo, & amplecten-
do vitæ statu; sive Religioso, sive sæcula-
ri &c. quisque est liber, & sui juris: ergo si
Parentes liberos suos in hoc sine verè gravi
causa impedian, vel impedire nitantur, re-
vera gravem iisdem inferunt injuriam, & hōc
ipso graviter peccant. Nec dubito, quin
graviter delinquant illi Parentes, qui à Reli-
gione avertere conantur v. g. filium ex eo
præcisè, quòd sit unicus; vel quòd amplam
habeat hæreditatem &c. Secus procul du-
bio dicendum, resolvendum est, casu quo
Parentes ducuntur motivis verè ponderan-
tibus, cujusmodi esse possunt 1. si defectu suc-
cessionis verè nobilis, vel antiquissima fami-
lia deperiret, vel 2. si hujus defectu quæ-
dam Dynastia, aut integra aliqua Provincia
deberet devolvī in aliam lineam Aetholi-
cam; vel 3. si Parentes sint constituti in ve-
rè gravi necessitate, quæ aliter sublevari non
posset, nisi ope, & subsidio filii in sæculo
remanentis: hōc enim supposito filius ne-
dum jure positivo, verum etiam jure natu-

rali teneretur Parentibus suis succurrere, post
posito sanctiore instituto. Videatur Reiffen-
stuel *Theolog. Moral.* tr. 9. dist. 2. n. 9. & 10.

CASUS SECUNDUS.

Sempronius sapissimè animò voluit immo, &
fovit cogitationes, & desideria mala, utputa
se vindicandi de suo inimico, eidem graviter no-
cendi, furandi, fornicandi, seu etiam adulte-
randi &c. de quibus tamen nunquam se accusavit
in confessionalì, eò quòd putaverit, ejusmodi co-
gitationes, & desideria merè interna non esse
mala, nisi opere externo compleantur. Quid
jam judicii de hac ignorantia Sempronii, & quid
de confessionibus hòc modo factis?

127. R. In praxi à Confessario attendendum,
& indagandum esse, an Sempronius ex con-
scientia culpabiliter, vel verò inculpabiliter
erronea hoc crediderit: quòd enim multi
saltem è rudioribus, & minùs eruditis incul-
pabiliter possint sibi persuadere hujuscemo-
di desideria non esse mala, nisi opere com-
pleantur, videtur satis certum, quòd, & San-
chez in *Decal.* l. 1. c. 16. n. 16. Stoz tribun.
l. 1. p. 5. n. 64. La Croix lib. 1. n. 35. ex-
pressè docent.

Consequenter dicendum, quòd, si Sem-
pronius fuerit ductus errore, & conscientia
inculpabiliter errante, confessiones hacten-
us factæ fuerint validæ, saltem ex hoc ca-
pite:

pite: at verò si Sempronius laborasset errore, aut ignorantia notabiliter culpabili (quod tamen casus iste non videtur supponere) confessionesque mala fide fecisse, ita, ut agnoverit se graviter delinquere non confitendo hujusmodi desideria &c. dicendum foret, confessiones peractas fuisse nullas, immo sacrilegas. Ratio est: quia peccatum mortale obstat gratiæ justificanti, & reconciliationi divinæ; cum talis non possit habere verum, supernaturalem, & universalem dolorem, vi cujus verè doleat de omnibus, ac singulis peccatis mortalibus, cum proposito efficaci nullum amplius committendi; quod tamen est necessarium ad valorem absolutionis: quò supposito Sempronius adigendus foret ad repetendas confessiones factas, veluti diximus in *Theol. Sacr. part. 2. Confer. 10. n. 257. & seqq.*

At quid, si Sempronius dicat, se in sua juventute sat longo tempore seipsum tetigisse, pollutiones procurasse &c. nunquam tamen de iisdem sese accusasse, eò quòd putaverit hoc non esse illicitum?

N. Si Sempronius supponatur non esse de 128.
classe rudiorum, sed illorum è numero, qui perspicacioris sunt ingenii, & honestioris educationis (veluti regulariter esse solent civitatenes) existimarem, eum non laborasse errore inculpabili, aut cerè non ad longum tempus. Ratio est: tum quia lumen

naturale videtur dictare, in hujusmodi actibus latere quandam inhonestatem, & malitiam; tum etiam quia homo perspicacioris ingenii, & melioris educationis citius incipit dubitare saltem de honestate similium actionum, cumque talibus nunquam deficiat copia Confessarii interrogandi, hinc pariter censeo, saltem ad longiusculum tempus non dari invincibilem, & inculpabilem ignorantiam quoad similes actus. Certum nihilominus videtur, in hominibus rudioribus, iis præsertim, qui ruri, in sylvis, & prope modum inter pecora, & cum pecoribus educantur, dari posse invincibilem ignorantiam de malitia v. g. pollutionis, aspectuum & tactuum lascivorum &c. Ratio est: quia de illis, quæ non illico innotescunt ex primis morum, & totius honestatis principiis, & indigent discursu ad deprehendendam honestatem, vel inhonestatem, potest dari ignorantia inculpabilis, præsertim in rudioribus, veluti tenent S. Thomas 1. 2. q. 100. a. 1. D. Bonavent. 2. dist. 39. a. 1. q. 2. La Croix l. 1. n. 720. Henno de actib. hum. disp. 2. q. 8. art. 4. & 5. At, quod aspectus, vel tactus impudicus, aut captatio voluptatis ex pollutione procurata, vel etiam naturaliter exorta &c. sint mortaliter mala, & illicita, non ita evidenter innotescit ex comprehensione primorum principiorum, sed indigent discursu ad deprehendendam eorum malitiam: ergo
ma.

malitia eorum potest saltem ad aliquod tempus inculpabiliter ignorari. Ex quo facile concludet prudens Confessarius, in tali contingentia facti esse vel maximè attendendum ad circumstantias, conditionem, & qualitatem pœnitentis, cautèque indagandum, an fuerit ductus ignorantia culpabili, seu vincibili; an verò invincibili.

Dices: Sed unde hoc colliget Confessarius?

1. Hoc esse concludendum ex propria confessione pœnitentis: quem in finem oportebit eundem interrogare sequentia. 1. An ergo nunquam dubitaverit, vel certè suspicatus fuerit de aliqua malitia latente; seu, an existimaverit se peccare committendo finis les impudicitias? si dicat, quod non, credendum erit, eum laborasse ignorantia invincibili: si verò asserat, se dubitasse, an non peccet &c. aut certè suspicatum fuisse de malitia: rursus 2. Confessarius instet interrogando, an nunquam eidem inciderit, quòd deberet hac super re consulere Confessarium, vel alium prudentem? &c. Si respondeat, sibi hoc quidem incidisse, ex verecundia tamen, vel alio malo fine neglexisse inquisitionem, concludendum erit, ignorantiam fuisse culpabilem: è contra, si pœnitens asserat, sibi nihil incidisse de obligatione inquirendi ulteriùs, credendum, & concludendum erit, errorem fuisse inculpabilem;

uni-

universaliter enim ad hoc, ut error, vel ignorantia dici valeat culpabilis, necessum est 1. ut taliter errans dubitaverit de veritate, & 2. ut apprehenderit obligationem inquirendi, & 3. ut potuerit inquirendo sibi comparare notitiam: ergo si de aliqua veritate nunquam dubitavit, aut certè obligationem inquirendi nunquam apprehendit, dicendum, quod hòc ipso laboraverit ignorantia inculpabili. Videatur Stoz lib 1. tribun. part. 5. n. 20. Vega in summa part. 2. c. 55. casu 1.

CASUS TERTIUS.

CAja imperfectè fuit cognita à Cajo, post aliquot verò annos à quodam consanguineo Caji in 2do gradu postulata in conjugem, proptereaque in conjugium, utpote valde sibi favorabile visum, consensit, licet mala fide: firmiter enim sibi persuaserat, se propter peccatum olim cum Cajo commissum, non amplius posse nubere ejusdem consanguineo. Hanc ob causam post matrimonium solenniter contractum Marito suo permisit quidem tactus lascivos, quippe quos credidit etiam in hoc statu sibi licitos; usum tamen corporis, quem apprehendit illicitum ob peccatum cum Cajo commissum, per aliquot tempus recusavit, tandem verò partim blanditiis, partim etiam timore gravius offendendi suum Maritum, etiam hunc permisit, licet non sine gravissimo remorsu conscientia.

Tandem de salute animæ suæ timens, & mul-

multum anxia, totam rei seriem aperit cui-
dam Confessario, & quærit 1. quid de valo-
re hujus matrimonii judicet? 2. An, vel quo-
modo peccaverit admittendo tactus, immo,
& usum corporis? Quid Confessarius Cajæ
sciscitanti respondebit?

N. Confessarius pro resolutione primi 130.
quæsitæ debet interrogare, an Caja contra-
hendo matrimonium non habuerit animum
contrahendi, & sese obligandi, quantum
tunc potuit; Si respondeat quod sic (pro-
ut revera semper habere solent) intrepidè di-
cat, standum, & præsumendum esse pro va-
lore matrimonii; consequenter ab ea debi-
tum nedum reddi, sed etiam tutâ conscien-
tia exigi posse. Ratio est: quia re ipsa, po-
tuit validè contrahere, cum nullo fuerit ir-
retita impedimento, simulque supponitur
voluisse se obligare, quantum pro tunc po-
tuit: ergo cum potuerit se validè obligare
standum est pro valore, eò præsertim, quod
ex post facto semper præsumatur pro va-
lore actus, ubi de invaliditate certò non
constat, Sanchez *lib. 1. de Matr. disp. 18. La*
Croix l. 6. p. 3. n. 417.

Neque obstat, quod Caja crediderit, se
esse irretitam impedimento; quia impedi-
menta matrimonii non dependent ex sinistra
persuasionem contrahentium; sed ex inten-
tione Ecclesiæ, vel ex natura rei: atqui Ca-
ja ex natura rei, neque ex constitutione Ec-
cle-

clesiæ fuit impedita ; quandoquidem Ecclesia sancta copulæ imperfectæ, utpote ex qua sola vir, & mulier non fiunt una caro &c: nunquam voluerit annexum impedimentum dirimens: ergo dicendum, quòd hoc matrimonium valeat. Videatur de hoc La Croix lib. 6. part. 3. n. 531.

Dices. Respectu illius, quod apprehenditur impossibile, nequit dari voluntas efficax: atqui Caja apprehendit hoc matrimonium velut impossibile; supponitur enim firmiter credidisse, quòd non amplius huic possit nubere propter peccatum cum Cajo, seu consanguineo perpetratum: ergo non potuit efficaciter consentire in hoc matrimonium.

131. R. distinguendo majorem respectu illius, quòd apprehenditur ut impossibile absolute, conced. ut impossibile secundum quid duntaxat, id est, ideò, quia est prohibitum, nequit dari voluntas efficax absoluta, trans. efficax conditionata, neg. maj. cum cons. Esto igitur Caja firmiter crediderit, se non posse nubere huic, eò quòd putaverit, id esse ab Ecclesia vetitum, quia tamen aliunde constat, quòd homines sæpè sæpius nitantur, aut certè conentur niti in vetitum, hinc procul dubio potuit etiam Caja habere voluntatem efficacem saltem conditionatam, sese obligandi, si & in quantum tunc potuit. Et certè multiplici experientia constat, sponso-
- con-

contra fidem sponsalium priorum contrahere cum alia, esto non ignorent se propterea peccare, eo quod hoc sit graviter illicitum &c. quo casu nemo dubitat de valore matrimonii: quidni ergo & Caja nostra potuisset habere voluntatem satis efficacem sese obligandi?

N. jam ad 2dum, minimè dubitandum est. 132.
se, quin Caja graviter deliquerit, & multipliciter quidem, tum 1. quia tentavit contrahere matrimonium, non obstante, quod illud putaverit graviter sibi illicitum, & fortè omnino nullum ideoque 2. convincitur voluisse hoc Sacramentum exponere periculo nullitatis, utique non sine Sacrilegio; tum denique 3. quia usum corporis, quem putavit graviter sibi illicitum, nihilominus concessit. Ratio horum est: quia secundum dicta superius n. 62. actus humanus sumit suam bonitatem, vel malitiam ab objecto non ut est in se, sed ut proponitur per rationem practicam, seu per dictamen intellectus: atqui Cajæ hæc omnia proponebantur velut illicita, & graviter prohibita: ergo graviter deliquisse censenda est, propterea que exanimanda de numero, præsertim quoties usum corporis stante hac persuasione concesserit suo Marito.

Cæterum, si Caja candidè fateatur, sibi 133.
persuasum fuisse, quod etiam in hoc statu posset permittere tactus impudicos, & quidem

dem sine reatu conscientiae, eidem fides est adhibenda à Confessario, quippe qui juxta *communissimam DD.* tenetur poenitenti tam pro se, quam contra se loquenti credere, praesertim cum aliunde constet circa similia in multis hominibus praesertim simplicioribus dari posse ignorantiam invincibilem, uti latius probat noster Henno *proximè eis. loco.* Utrum verò Confessarius teneatur illico admonere poenitentem, quando advertit eum laborare quadam ignorantia, jam alibi satis diximus nempe *Theol. Sacram. part. 2. Confer. 18. n. 471. & 472. item part. 3. Confer. 14. n. 338. & seqq.* potestque de hoc videri *La Croix lib. 6. p. 2. n. 1759.* vel *Kresslinger in addit. post n. 55. ad tr. 14. dist. 8. Theolog. mor. R. P. Reiffenstuel.*

§. III.

Corollaria ex dictis inferenda.

- 134 **C**olliges ex dictis primò, conscientiam differre tum à Synteresi, tum etiam à scientia morali. Ratio est: quia Synteresis est habitus cognoscitivus primorum principiorum moralium, cujusmodi sunt: *Bonum esse faciendum, malum fugiendum, item non esse faciendum alteri, quod nobis fieri nolumus &c. &c.* Scientia verò moralis occupatur in deducendis conclusionibus universalibus, seu generalibus morum; cujusmodi sunt: *ergo*

Deus

DEus utpote infinitè bonus, est amandus, ergo Superiores, vel Parentes &c. sunt venerandi &c. è contra conscientia dictat agibilia in particulari, id est, hic & nunc facienda, v. g. hanc rem alienam esse restituendam, hac hora esse audiendam Missam &c. &c.

Colliges ex his 2dò conscientia dictamen 135. formari hoc, vel simili modo; dictat Synteresis, v. g. bonum esse faciendum à malo declinandum &c. 2. Subsumit ratio, vel scientia moralis: atqui bonum, immo debitum est hoc tempore v. g. paschali confiteri, & sumere sacram Synaxin: ergo (concludit tandem dictamen conscientia) hoc tempore teneor confiteri &c. Ecce hic dictamen conscientia recta! similiter ad formandam conscientiam erroneam intellectus hoc, vel simili modo procedit: licitè colo DEum sub speciebus consecratis contentum: atqui (subsumit ratio) sub his speciebus (quas erroneè putat consecratas) continetur DEus: ergo sub his speciebus contentum licitè, vel sanctè colo. Ecce hic denuo dictamen de aliqua actione in individuo exercenda, formatum ex principiis generalibus, & communibus: sed quia ortum habet ex una saltem præmissa falsa, seu erronea, hinc juxta dicta n. 118. hoc dictamen rectè appellatur conscientia erronea: id quod DD. communiter asserunt, esto P. Stoz contradicat.

R. P. Elbel, de Actib. Hum. K Il.

136. Illud tamen adhuc observandum est, quod ad formandam conscientiam non semper sit necessarius discursus formalis: quemadmodum secundum dicta superius *Confer. 1. n. 22.* ad actum humanum non semper requiritur deliberatio formalis; secus enim rustici, & alii simplices utpote ignorantes formare discursum formalem, pariter essent incapaces actus humani, vel conscientiae &c. quod tamen liquet esse falsum: sufficit igitur discursus etiam virtualis cum iudicio practico de honestate, vel inhonestate actionis. Ratio inde desumitur: quia saepe saepius contingere natum est, ut, vel ex sola apprehensione actionis humanae hujus honestas, vel inhonestas moralis illico innotescat v. g. blasphemiam esse malam, amorem Dei esse bonum, & hoc ipso illico sine ulteriore deliberatione, vel discursu formali intellectus dicat, unum esse faciendum, & alterum fugiendum, veluti sapienter notat P. Sporer *tr. 1. c. 2. n. 12.* & La Croix *lib. 1. n. 301.*

137. Colliges 3^{ti}o, in nullo casu licite agi contra conscientiam, sive deinde haec supponatur vincibiliter, sive etiam invincibiliter errans. Ratio est: quia in nullo casu licet voluntarie agere id, quod a ratione apprehenditur, & voluntati proponitur velut malum; nam juxta effectum Apostoli *Rom. 14.* jam superius allatum: *omne, quod non est ex fide, peccatum est*; at, quidquid contra conscientiam

fit,

fit, à ratione proponitur velut moraliter malum: ergo voluntariè nunquam licet contra eam agere. Unde S. Thomas 1. 2. q. 19. art. 9. fin. ait: *dicendum, quòd simpliciter omnis voluntas, discordans à ratione, sive recta, sive erronea, semper est mala; quia scilicet hòc ipso consentit in malum.*

Dices: Si non licet agere contra dictamen conscientiae vincibiliter errantis, sequitur, quòd quis, teneatur mentiri, dum conscientia ex errore vincibili dictat, esse mentiendum: at, hoc est contra dicta mox superius n. 22. ergo &c. sequela majoris inde probatur: si enim non licet agere contra conscientiam, tunc non licet omittere mendacium at, si hoc non licet intermittere, necessario fatendum est, quòd talis homo teneatur mentiri; ergo &c.

N. negando maj. ad hujus probationem 138. disting. maj. non licet omittere mendacium, quamdiu error non deponitur, con. supposito, quòd error fuerit depositus, prout vincibiliter errans potest (uti supponitur) & tenetur deponere neg. Cæterum si stante errore mentiatur, utique peccabit mentiendo, at non tam contra conscientiam erroneam vincibilem, quàm contra rectam, uti jam dictum est supra n. 123. Neque ex hoc inferas, quòd talis homo hoc modò redderetur perplexus, immò necessitaretur ad peccandum; quia non necessitatur absolute, sed

ex suppositione duntaxat, quòd nolit veritatem inquirere, & errorem deponere; hoc verò non obstante peccatum meritò eidem imputatur; verè quemadmodum is, qui v. g. tempore paschali voluntariè, & culpabiliter negligit confiteri aliquod peccatum mortale, peccat, sive præsumpserit accedere ad S. communionem in hoc statu, sive non; quia tale peccatum adhuc est liberum sin minus in se, & directè, saltem indirectè, & in causa.

139. Colliges 4tò, eum, qui contra conscientiam suam agit, peccare contra illam virtutem, contra quam se agere erroneè credit, v. g. si putavit se ex charitate teneri ad mentiendum, & non mentiatur, peccabit contra charitatem: si mala fide credidit, se consumere alienum &c. peccat saltem in affectu contra iustitiam, tametsi reapse non alienum, sed proprium consumpsisset: similiter qui credit se v. g. hodie teneri ad jejunium, & abstinentiam à carnibus, comedendo carnes peccat contra præceptum Ecclesiæ saltem in affectu. Ratio est: quia actus sumit suam specificationem, id est, bonitatem, & malitiam ab objecto non ut in se est, sed ut proposito per dictamen practicum rationis: ergo si proponatur velut prohibitum virtute charitatis, & nihilominus voluntas illud amplectitur, profectò convincitur voluisse peccare contra charitatem &c. Vi-
deatur

deatur Sanchez lib. 1. in Decalog. cap. 11.
n. 17.

Sed quid, si poenitens advertit quidem se male agere, at, non se reflexit, an graviter, vel leviter duntaxat peccet: v. g. homo plebejus die festivo laborando advertit, se male agere: Civis verba minus honesta proferendo, apprehendit se peccare: Confessarius dum actu absolvit, recordatur, se non satis indagasse in unam, vel alteram speciem, seu etiam circumstantiam peccati, & nihilominus, etsi non sine remorsu conscientiae pergit absolvere, quia in his circumstantiis tempus non videtur permittere maturiorem reflexionem, an scilicet in his, & similibus casibus committatur peccatum veniale duntaxat, aut omnino mortale? quid Judicii formandum de similibus, an gravis, an verò venialis duntaxat noxae condemnabimus eos?

¶ Quantum ad præsens quaesitum non 140.
unam esse omnium DD. sententiam: aliqui enim putant, quòd taliter operantes peccent mortaliter, eò quòd sese saltem exponant periculo graviter peccandi, & hòc ipso saltem implicite dicere videantur, se hoc, vel illud facturos, sive sit peccatum grave, sive non: alii tamen existimant, tales non nisi venialiter delinquere; esto enim advertant, se male agere, quia tamen ratio malitiae etiam invenitur in omni peccato veniali; hinc non videtur rectè inferri, quòd is, qui advertit se

malè agere, ipsò facto consentiat in malum grave, seu peccatum mortale. Ex quo liquet, utramque opinionem suo non destitui fundamento. Credo nihilominus posse utramque reconciliari ex circumstantiis pœnitentis; nam si is supponatur esse homo malitiosus, qui à mortalibus æquè parùm, quàm à venialibus abhorrere, vel abstinere solet, & præsertim si practicè dubitando, an non graviter peccet, nihilominus non abstinuit, censo eum esse condemnandum gravis noxæ, ob rationem adductam pro prima opinione; at verò, si pœnitens sit homo timoratae conscientia, qui tam facile non solet consentire in peccatum mortale, minime puto, esse præsumendum, quòd graviter deliquerit, ob rationem pro secunda parte allatam. Esto se non ita resolverit prius: & hoc inde facile potest colligi, quòd hujusmodi homines timoratae conscientia à Confessario examinati, & interrogati, an hoc fecissent, etsi putassent se graviter DEum offendere? regulariter respondere soleant, quòd nunquam id fecissent; si putassent se graviter peccare: Videatur Castropalao p. 1. de consc. erron. punct. 3. n. 3. & seqq. Tambur. l. 1. Decalog. c. 1. §. 3. n. 32. fin. Sporer tr. 1. in Decalog. c. 1. n. 17.

141. Colliges denique s̄tò, non peccare illum, qui unum è duobus cogitur facere v. g. manere apud infirmum, negligendo sacrum, aut

vicissim accedendo sacrum, negligere infirmum, & sic loquendo de aliis pluribus casibus, tametsi erroneè existimet se peccare, quidquid demum è duobus faciat. Ratio est: quia malitia peccati non dependet ex sola apprehensione Judicii, sed vel maximè à libero voluntatis consensu: atqui, eo ipso, quòd quis cogatur ad aliquid omittendum, aut faciendum non amplius est liber: ergo hòc ipso non amplius peccat. Unde tametsi infirmus, lecto affixus putet se peccare non accedendo Ecclesiam, revera tamen non peccat, quia non supponitur liber ad accedendum &c. Id tamen advertendum necessariò est, quòd etiam ille, qui unum è duobus, quorum utrumque apprehendit esse malum, cogitur necessariò facere, utputa, vel negligere infirmum, vel negligere sacrum &c. teneatur eligere id, quod sibi minùs malum videtur: v. g. si putet, esse minùs malum negligere infirmum, quàm negligere sacrum &c. tenetur neglecto infirmo accedere sacrum. Ratio est: quia cum ipsi sit liberum amplecti id, quod minùs malum videtur, si id non faceret, perfectò convinceretur voluntariè voluisse amplecti majus malum, proindeque excessus hujus malitiæ, utpote voluntarius eidem merito imputaretur ad culpam. Laymann

l. 1. tr. 1. c. 4. n. 4.

K 4

CON-

CONFERENTIA SEXTA

De Conscientia dubia.

SUMMARIUM.

142. Conscientia dubia est suspensio Judicii de re agenda &c.
143. Dubium aliud dicitur positivum, aliud negativum.
144. Aliud verò est dubium juris, aliud facti.
145. Dubium juris rursus subdividitur in speculativum, & practicum.
146. Ex dubio facti non rarò oritur dubium juris, & vice versa.
147. Aliud etiam est dubium de valore, & aliud de honestate actionis. *Unde*
148. Conscientia dubia ut sic dividi potest, ac debet juxta diversitatem dubiorum.
149. Cum Conscientia practicè dubia nunquam licet operari, bene tamen cum conscientia speculative duntaxat dubia, & practicè resoluta.
150. Debet tamen talis resolutio practica fieri prudenter, & cum ratione.
151. In dubio melior est conditio possidentis.
152. In dubio, an obligatio aliquando sit contracta manet subditus in possessione suæ libertatis.
153. Quando, vel quomodo è duobus malis minus sit eligendum.
154. Quandonam in dubio tutior pars sit eligenda.
155. Recensentur breviter nonnullæ aliæ regulæ com-

- communes, ex quibus resolutio practica concipi potest.
156. Resolvitur breviter Casus I. De eo, qui dubitavit, an fecerit verum votum, an verò propositum duntaxat abstinendi ab omni commercio carnali.
157. Quo non obstante adhuc validè contraxit matrimonium.
158. Persona dubitans post emissum votum virginis matrimonio semel consummato deinceps licitè reddit, immo etiam petere potest debitum.
159. Illicite tamèn peteret, casu quo emisisset votum castitatis.
160. Quid de eo, qui certò scit, se vovisse castitatem, & dubitat solùm, an temporaneam, an verò perpetuam voluerit vovere.
161. Resolvitur Casus II. Cujusdam dubitantis, an persona à se carnaliter cognita non fecerit cuidam alteri potestatem sui corporis.
162. Utrum scœmina, dubitans de quonam è duobus conceperit, tutà conscientia possit ab uno tantùm, an verò ab utroque, prætere alimènta proli necessaria.
163. Post sententiam Judicis uterque teneretur contribuere ad alimentationem prolis genitæ.
164. An persona dubitans à quonam è duobus conceperit tutà conscientia possit jurare, se concepisse ab uno, & non ab altero.
165. Resolvitur Casus II. De Sacerdote practicè dubitante, utrum non peccaverit graviter.
166. Utrum talis teneatur necessariò confiteri ante celebrationem?
167. Dubius, an sit jejunos naturaliter, licitè percipit sacram communionem, modò priùs se resolvat practicè.
- K 5
168. Quæ

168. Quænam sit differentia inter Conscientiam dubiam, & inter probabilem?
169. Dubitans, an lex sit lata, non tenetur eam servare, bene verò ille, qui scit esse latam, & solum dubitat, an non sit abrogata.
170. Dubius, an lex obliget sub mortali, vel veniali tantum, potest se resolvere in partem mitiorem.
171. Et quid de illo, qui solum dubitat, an satis deliberatè, & maturè aliquid voverit, vel iuraverit?
172. Subditus dubitans, an res à Superiore præcepta sit honesta, ac licita, tenetur obedire.
173. Quid si res præcepta videatur nimis ardua?
174. Et quid de iis, qui post factum jam jam perpetratum dubitant, aut quærunt è Confessario, an non peccaverint?

§. I.

Præmituntur, & breviter resolvuntur quæsitæ, scitu necessaria ad debitè resolvendos Casus practicos de Conscientia dubia.

Quæres primò, quid sit conscientia dubia?

142. R. Conscientia dubia est illa, quæ neutri parti ex contradictoriis determinatum præbet assensum, sed manet anceps, & hæsitans, an hoc sit licitum, vel non? Ita cum communissima DD. Reiffenstuel *Theolog. mor. tr. 1. dist. 3. n. 25*. Ratio hujus descriptionis de-

desumi debet ex eo : quia nomine dubii propriè talis communiter intelligitur quædam suspensio Judicii, seu intellectus, quæ tunc propriè intervenit, quando is inter duas propositiones contradictorias v. g. an stellæ sint numero pares, vel impares? suspendit omnem Judicium : ergo etiam conscientia dubia rectè appellatur illa, quando intellectus de aliqua actione in particulari manet dubius, seu suspensus, sitne hic, & nunc licita, vel non. Quia tamen secundum dicta n. 113. nomine conscientia: ut sic intelligitur dictamen practicum intellectus, conscientia verò dubia, ut patet ex descriptione mox data, non importat dictamen, sed potius suspensionem dictaminis ; hinc Doctores communissimè advertunt, conscientiam dubiam non mereri nomen conscientia: propriè talis : solet nihilominus communiter recenseri inter quinque membra dividenda conscientiam ut sic, idque propterea fortassis, quia intellectus dubitando saltem virtualiter dictat, esse dubium, an hæc actio sit licita, vel non, prout rectè advertit Caspensis *tr. 11. disp. 1. n. 22.* Verum pro hujus majori dilucidatione.

Quæres 2dò, quotuplex sit dubium, vel conscientia dubia?

W. 1. Dubium, ut sic communiter dividitur solet 1. in positivum, & negativum ex parte motivi: positivum est, quando intelle-

ctui

Etui pro utraque parte contradictionis v. g. quod peccaverit &c. occurrunt rationes, sed ita infirmæ, ac debiles, ut non possit se propterea in alterutram partem resolvere, sed maneat quasi in æquilibrio suspensus. Negativum verò appellatur, quando nec pro una, neque pro altera parte occurrunt rationes, seu motiva, proptereaque manet suspensus, nec potest discernere v. g. an consenserit delectationi morosæ, vel non. Unde etiam hoc dubium à Stoz & aliis vocatur mera ignorantia.

Rursus aliud est dubium positivum *ex parte actus*, & habetur tunc, quando intellectus actu positivo judicat, rem esse dubiam: aliud dicitur negativum *ex parte actus*, quando scilicet intellectus ita manet suspensus, ut nullum prorsus ferat Judicium positivum, ne quidem dictando, rem esse dubiam, veluti sapienter advertit P. Sporer *tr. 1. prooem. c. 1. n. 65.* & alii plures.

144. n. 2dò. Rursus aliud dici *dubium juris*, & aliud *dubium facti*. Dubium facti est, quando dubitas de aliquo facto v. g. an horas Canonicas recitaveris, an peccato consenseris? an commissum peccatum fueris confessus? an infans sit baptizatus? &c. Dubium verò juris est, quando dubitatur de aliquo jure, aut Lege, vel obligatione, seu etiam de facultate legitima aliquid faciendi, aut de valore actus, & similibus ad jus spectanti-

Etanti-

Quantibus; utputa an lex sit lata? an hic, & nunc obliget? an votum, aut professio Religiosa fuerit validè emissa? an baptismus fuerit validè, id est, cum omnibus de jure ad illius essentiam requisitis collatus? Ita DD. communiter apud Stozl. 1. part. 5. n. 122.

§. jam 3tio. Hoc dubium juris rursus 145. subdividitur in merè speculativum, & practicum. Merè speculativum appellatur, quando non dubitatur de praxi, id est; de aliqua operatione humana, sed potius de aliqua veritate, præscindendo ab omni operatione v. g. an Deus sit Trinus? an stellæ sint numero pares? an baptismus sine aqua naturali collatus valeat? an essentia consecrationis consistat in his præcisè verbis: *Hoc est corpus meum*? &c. Practicum verò dubium est, quando dubitatur de aliqua operatione humana, seu praxi. Porro, si dubitetur solùm de aliqua operatione generatim, præscindendo à circumstantiis particularibus, utputa an liceat exigere censum germanicum? an licitum sit die festivo laborare, aut Sacrum omittere? an liceat baptizare in aqua rosacea, aut in vino acetoso consecrare &c. dicitur dubium speculativo-practicum. Quando autem dubitatur de aliqua actione humana hic, & nunc in his, vel illis circumstantiis exercenda v. g. an liceat ab hoc homine exigere censum, & quidem 6. vel 7. pro 100? an hac die festiva huic personæ liceat laborare

ter-

serviliter, aut Sacrum v. g. propter infirmitatem omittere &c. an relicta aqua naturali hunc infantem liceat baptizare in aqua rosea? an sine necessitate relicto vino justo, seu puro, licitum sit consecrare in vino acetoso? vocatur dubium practico practicum.

146. Illud insuper notandum hic venit, quod ex dubio facti sæpe sæpius oriri soleat dubium juris. E. g. dubitans, an Clericum percusserit, incipit dubitare, an non incurrit pœnam Canonis? dubitans, an commiserit homicidium, postea dubitat, an non incurrit irregularitatem de jure latam in homicidas? Dubitans de peccato commisso, postea dubitare incipit, an teneatur illud confiteri? Econtrario ex dubio juris non raro oriri natum est dubium facti: v. g. dubitans an lex municipalis etiam peregrinos obliget, hoc ipso incipit dubitare, an in hoc loco, hac die teneatur audire Sacrum, vel servare jejunium? similiter dubitans, an res hæcenus à se possessa non sit aliena, postea incipit dubitare, an hic & nunc sibi liceat eam alienare?

147. Ex quibus facile liquet 1. aliud esse dubitare de valore, & aliud dubitare de honestate, seu licentia alicujus actus: si enim dubites v. g. an ad valorem pœnitentiæ sufficiant hæc præcisè verba: *Absolvo te?* dubitas speculative, id est, de aliqua veritate specula-

culabili versante circa valorem Sacramenti :
 è contra si dubites , an absolvendo licitè
 utaris his præcisè verbis : *Absolve?* dubitas
 practicè , quia de aliqua operatione huma-
 na seu praxi licitè exercenda.

Liquet insuper 2dò , conscientiam dubi- 148.
 am ut sic haud incongruè posse dividi 1. po-
 sitivè , & negativè dubiam. 2. In dubiam
 de jure , & de facto. 3. In speculativè &
 practicè dubiam , etsi fatendum sit , quòd
 speculativè dubia non mereatur dici con-
 scientia , eò quòd non dubitetur de aliqua
 operatione in particulari. Ratio autem hu-
 jus divisionis petenda est ex hætenus di-
 ctis ; nam conscientia dubia , utpote deri-
 vata à dubitando , debet dividi juxta diver-
 sitatem dubiorum ; ergo quemadmodum
 aliud est dubium positivum , aliud negati-
 vum ; aliud de jure , aliud de facto &c. ita
 etiam conscientia &c. Videatur Wigant 17.
 2. Exam. 1. ad quasit. 5. respons. 1.

Quæres 3tò , sitnè aliquando licitum ope-
 rari cum conscientia dubia ?

1. Cum conscientia practicè dubia nun- 149.
 quam licet benè tamen 2. cum conscientia
 speculativè dubia , & practicè resoluta. Scot.
 4. dist. 30. q. 1. Maltius *Theolog. mor. disp. 1.*
 n. 47. & 48. Stoz l. 1. p. 5. n. 132. Oviedo ,
 Caspensis , & alii communissimè. Ratio prio-
 ris est : quia operans cum conscientia practi-
 cè dubia , eò ipso , quòd dubitet , an non pec-
 cet .

cet hoc, vel illud faciendo v. g. comedendo carnes? &c. exponit se evidenti periculo peccandi; nam si stante dubio practico comedat carnes, ipso opere videtur dicere: comedo carnes, sive id vetitum sit, sive non: quod est contemnere Legem, & Legislatoris potestatem: at hoc semper est illicitum: ergo &c. Ratio autem posterioris hæc est: quia non obstante dubio speculativo y. g. an res, quam hætenus bona fide possedisti, tua sit, vel non? potest concipi resolutio practica prudens, quod hic, & nunc stante etiam dubio speculativo, non pecces eam consumendo, vel alienando; eò quod stante dubio melior sit conditio possidentis, prout ampliùs patebit ex dicendis in *Confer. prox. à n. 185.* at, qui operando prudenter existimat, se non peccare operando, immò credit se honestè operari, non peccat; quia secundùm dicta n. 62. dictamen practicum prudentiale est regula proxima honestatis moralis; ergo cum conscientia speculative dubia, & practice resoluta licite operamur.

150. Quocirca rursus animadvertendum est, quòd talis resolutio debeat fieri non ex mero libitu, & sine omni ratione, sed potiùs ex rationabili fundamento, utputa ex jure, vel æquitate naturali, aut ex consilio viri prudentis &c. Hac de causa simpliciores, vel quicunque demum sibi met sufficientes non sunt

sunt ad concipiendam resolutionem practi-
cam prudentem, tenentur consulere alios
Doctiores se v. g. Confessarium, Parochum
vel alium virum prudentem, modò id pos-
sint; secus enim non agent prudenter, sed
temerè, & hòc ipso, quòd sese exponant
periculo peccandi, peccant graviter, vel
leviter juxta proportionem materiæ, aut pe-
riculi, cui se exposuere, uti habet *communis-
sima DD.* apud Sporer, Reiffenstuel, *cit. dist.*
3. n. 21. & Babenstuber *tr. 1. dist. 3. a. 1.*
n. 13.

Quæres 4to: an dentur, & quænam sint
illa principia, ex quibus in dubio practico
conciipi possit resolutio practica?

R. Dantur, & quidem plura, è quibus
nos vitandæ confusionis causâ principalio-
ra duntaxat, ceu quasdam regulas universa-
liores recensēbimus. Sit igitur

Regula I. *In dubio melior est conditio possi-
dentis.* Id est: si rem quampiam bona fide
possideas, postea verò incipias dubitare, sit-
ne tua, vel verò aliena, & post factam de-
bitam, scilicet gravitati rei proportionatam,
inquisitionem, non possis deprehendere ve-
ritatem, sitne tua, vel aliena, vi hujus prin-
cipii, & regulæ tutò te resolves, quòd stan-
te hujusmodi dubio speculativo possis eam
consumere, vel alienare pro libitu. Et hæc re-
gula procedit nedum in materia justitiæ, sed
etiam aliarum virtutum v. g. religionis, tem-

R. P. Elbel, de Actib. Hum. l. pe-

perantiæ, obedientiæ &c. veluti bene probant Sanchez l. 1. de Matr. disp. 9. n. 11. Stoz ubi supra n. 125. Herincx p. 2. tr. 2. disp. 4. n. 36. Babenstuber tr. 1. disp. 3. a. 2. n. 13. Castropalao tr. 1. disp. 3. pu. 6. n. 1. contra Confales, Henno & multos alios. Ratio fundamentalis ac principalis hujus opinionis hæc est: quia in omni genere dubiorum ac virtutum illius conditio, debet esse melior, qui simpliciter habet jus majus: atqui possessor habet jus majus; quia præter jus dubium dominii, vel proprietatis (quod habet æquale cum non possidente) insuper habet titulum, & jus certum possessionis, & quidem bonæ fidei, uti supponitur; quo jure neutiquam privari potest, aut debet propter jus dubium competitoris: ergo &c. Hac de causa etiam jura statuere sapienter, ut in pari delicto, & causa melior sit conditio possidentis, uti videre licet Reg. 65. in 610.

152. Regula II. In dubio: an obligatio aliquando fuerit contracta manet subditus in possessione sua libertatis, ita, ut non teneatur subire hujusmodi onus: è contra tamen in dubio, an obligatio semel certa contracta exspiraverit, manet lex vel præceptum Superioris in possessione obligationis. E. g. dubitas, an emiseris votum recitandi rosarium, an verò feceris duntaxat propositum; item: dubitas, an jam compleveris annum 21. ætatis, & per consequens, an contraxeris obligationem servandi jejunium
- Eccle-

Ecclesiasticum? &c. stante hujuscemodi dubio tibi incumbit quidem obligatio inquirendi veritatem; at, si hanc deprehendere non valeas, post factam inquisitionem non teneris jejunare, neque recitare rosarium. Ratio est: quia dubitas de obligatione contracta, de qua hactenus semper, & certò fuisti exemptus ac liber: ergo cum tua libertas fuerit certa, manes in ejusdem possessione, nec teneris ea te privare propter obligationem dubiam, seu de qua dubitas. Econtra tamen, si sis certus, quòd votò te obstrinxeris ad recitandum rosarium, & dubites solum, an huic obligationi jamjam satisfeceris, illud recitando; item dubitas, an compleveris annum 21. ætatis tuæ, & consequenter dubitas, an tuta conscientia possis suscipere Subdiaconatum? stante hòc dubio teneris abstinere à susceptione; quia certum est, quòd hactenus visacrorum Canonum fueris prohibitus accedere, & dubitas, an hæc obligatio jamjam expiraverit. Similiter teneris recitare rosarium, quia obligatio hæc supponitur certa, satisfactio verò dubia: ergo obligatio utpote certò semel contracta manet in possessione, nec extinguitur per satisfactionem dubiam. Videatur de hoc *Sporer tr. 1. c. 1. n. 80. & seqq.* vel *Stoz l. 1. part. 5. n. 127.*

Regula III. E duobus malis minus est eligendum. 153:
dum. Hæc regula est intelligenda de malis

L. 2

pro-

poenæ, & damni, non tamen de malis culpæ, id est, de peccato; quia de hoc procedit illa altera regula: *Non sunt facienda mala, ut eveniant bona*, uti rectè advertit Wigant, *tr. 2. exam. 1. q. 6. Reg. 6ta*. Potest tamen contingere casus, in quo quis tenetur eligere id, quod videtur minus malum culpæ, seu minus peccaminosum, tunc scilicet, quando quis alterutrum cogitur necessariò facere, & putat, utrumque esse peccatum v.g. negligere infirmum, vel negligere Sacrum propter assistentiam infirmi; quò casu illud quòd minus peccaminosum videtur esse eligendum, jam diximus suprà n. 141.

154. Regula IV. *In dubio tutior pars est eligenda.*

Quo circa tamen advertendum, hanc regulam observandam esse in sequentibus 4. casibus, seu circumstantiis I. In dubio proprietati, id est, practicè practico, quamdiu hoc durat, debet elegi pars tutior. II. Item in dubio speculativo, quamdiu ad illud vincendum non fuit adhibita sufficiens diligentia. Item III. quando nulla occurrit alia ratio sufficiens ad dubium prudenter, & practicè deponendum IV. denique, quando jura id expressè præcipiunt; veluti statuitur pro casu homicidii, ubi constat certè de corpore delicti, & dubitatur, solùm, an non alterius influxu, vel operâ illud acciderit; quò casu taliter dubitans debet se habere velut irregularem, & abstinere à susceptione, vel
Mini-

Ministerio sacrorum Ordinum per *c. ad audiendam de homicid.* Ratio horum est: quia qui in his casibus non amplecteretur partem tutiorem, sed se exponeret manifesto periculo peccandi; quod secundum dicta *n. 149.* semper est illicitum. Nihilominus in dubio speculativo invincibili, seu tali, quod post adhibitam sufficientem diligentiam vincere non valemus, neutiquam tenemur eligere partem tutiorem; tum quia hoc esset nimis difficile, tum etiam quia dubium invincibile æquivalet ignorantia invincibili: ergo quemadmodum invincibiliter ignorans Legem, non obligatur Lege; ita etiam invincibiliter dubitans de illa, non stringitur; in tali enim casu debet esse melior conditio possidentis suam libertatem. Tum denique, quia pars, id est, opinio verè tuta, eò ipso quod talis sit, operantem removel à peccato: at, qui amplectitur opinionem se removentem à peccato, non peccat, ut de se liquet: ergo sufficit, ut in praxi amplectamur partem, seu opinionem verè tutam, neque opus est, ut sequamur partem comparative tutiorem. Videatur Stoz *cit. n. 129.* Babenstuber *tr. 1. disp. 3. a. 2. n. 25. & seqq.*

Scio equidem, ab aliis alias adhuc regulas *155.* in ordine ad dirigendam conscientiam dubiam enumerari, prout videre licet apud Sporer, Stoz, Wigant, & alios plures DD. hactenus citatos; verum à pluribus recens

sendis abstinendum duxi, tum ad vitandam confusionem intellectûs, quæ inde oriri posset; tum etiam quia facile reduci valent ad eas, quas proximè statuimus; nam illa regula: *In dubiis reopotius favendum est, quàm actori*, reduci potest ad hanc: *In dubio melior est conditio possidentis*. Illud verò principium: *In obscuris minimum est sequendum*, pertinet ad hanc regulam: *è duobus malis minus est eligendum*. Denique illa regula: *In obscuris respicimus id, quod verosimilius est, vel plerumque fieri consuevit*, affinis est huic principio: *In dubio tuior pars est eligenda*, veluti sapienter advertit P. Mezger, tom. 2. tr. 5. disp. 12. a. 4. §. 1. n. 8.

§. II.

Præmittuntur, & breviter resolvuntur Casus practici, de conscientia dubia.

CASUS PRIMUS.

Tilius recordatur, se jam pridem ad vitandos frequentissimos relapsus carnis firmissimè induxisse in animum, quod deinceps vellet abstinere ab omni commercio carnali. & hoc quidem non semel duntaxat, sed sapius etiam Confessario promississe; nihilominus jam dubitat, an unquam fecerit verum votum, an verò merum propositum abstinendi deinceps à carnalibus; unde non sine permolesto conscientia sua remorsu venit ad Confessarium cum sua conjugē nuper

nuper solemniter sibi desponsata, qua similiter fatetur, se ante aliquot annos suam virginitatem voto simplici Deo consecrâsse, modò autem à Marito suo adigi ad reddendum debitum conjugale: quarit proin 1. an matrimonium valeat? 2. An suo Marito tutâ conscientia possit obedire quoad usum corporis. Quid jam Confessarius utrique conjugum respondebit?

R. Ad primum quæsitum Titii, eum ne- 156.
tquam teneri ad abstinendum à commercio conjugali. Ratio hujus petenda est ex Regula II. n. 152. tradita: quia cùm votum sit dubium, hòc ipso prudenter dubitatur, an unquam contraxerit obligationem abstinendi à commercio carnali honesto (quale est illud conjugum) atqui in dubio de obligatione unquam contracta melior est conditio possidentis suam libertatem: ergo Titius debet relinqui in hujus possessione. Nec refert, quòd certò sciat, se Confessario sæpius promississe, quòd deinceps vellet abstinere à commercio carnali &c. quia promissio soli Confessario, & non Deo facta, non est votum; secus enim quivis pœnitens, qui semel Confessario promisit emendationem vitæ &c. ex voto teneretur abstinere ab omni peccato saltem mortali; quod tamen certò falsum est, & contra communem persuasum omnium Theologorum.

R. Jam ad 2dum quæsitum hujus casus, 157.
matrimonium esse validum. Ratio est: quia

votum virginitatis, immo, & votum simplex castitatis non est impedimentum dirimens, sed impediens duntaxat: ergo minimè obstat valori matrimonii. An verò Titii sponsa etiam licitè contaxerit? est alia quaestio; ad quam breviter respondendum, quòd, si ante contractum matrimonium jam fuisset devirginata, non peccasset contrahendo; quia cum virginitatem jamjam perdidisset (ut supponitur) hoc ipso non amplius potuit servare, & per consequens non amplius fuit obligata ad servandum votum virginitatis. At verò, si adhuc fuit Virgo, illicitè contraxit matrimonium, quia vi hujus sese obligavit (uti regulariter sese obligare solent conjuges) ad reddendum debitum, & ad usum matrimonii, utique incompatibilem cum virginitate servanda. Et certè, si Titia (esto etiam supponatur non amplius fuisse Virgo) matrimonium contraxit mala fide, utputa cum dubio practico de valore, & honestate hujus contractus, minimè dubitandum est, quin mortaliter deliquerit; quia se voluit exponere periculo sacrilegè tractandi, & indignè recipiendi hoc Sacramentum; quòd utique sine gravi peccato Sacrilegii fieri nequit, veluti patet ex dictis n. 149.

158. n. jam ad 3tium. Titia usu corporis semel concesso, nedum reddere, sed etiam licitè petere potest debitum. Ratio est: quia si aliquid obstat, illud esset solum, & uni,
cum

cum votum virginitatis conservandæ: at concessio semel usu corporis perfectæ, jam impossibile est conservare virginitatem, utpote irrecoverabiliter amissam: ergo hoc votum non amplius obstat. Si tamen Titia adhuc fuisset Virgo, tunc petendo debitum intra primum bimestre, certò peccasset graviter ob rationem jam datam. Immo verò etiam reddendo intra primum bimestre probabilissimè graviter peccat, non item si post elapsum primum bimestre illud reddat; quia hoc elapso ex justitia tenetur illud reddere. Videantur de hoc dicta in *Theolog. Sacram. p. 3. Confer. 3. n. 69. & seqq.* vel Reiffenstuel *Theolog. mor. tr. 14. dist. 14. à n. 15.*

Dices: Si Titia fecisset votum castitatis, tunc etiam post elapsum primum bimestre teneretur abstinere à petendo debito: ergo etiam eo elapso tenetur à petitione saltem abstinere propter votum virginitatis emissum, præsertim cum tales personæ non sciant distinguere inter votum Virginis, & castitatis, & hoc ipso dum vovent Virginis, censeri debeant vovisse castitatem.

R. negando conseq. Nam castitas à persona maritata etiamnum servari potest, saltem in tantum, ut ipsa non petat debitum conjugale castitati oppositum; quippe ad quod petendum non tenetur, esto teneatur ad reddendum. E contra Virginis non amplius potest servare; neque per commercium

carnale eam ampliùs potest amittere, utpote jam priùs irrecuperabiliter amissam: ergo non ampliùs peccat contra votum Virginitatis, tamen si petat debitum. Et falsum omnino est, quòd mulieres non sciant discernere inter Castitatem, Virginitatem; nam Virginitatem majori habent in pretio, quàm castitatem, unde etiam virginitate semel amissa faciliùs solent admittere ea, quæ virginitatis conservandæ causâ sæpius fortassis recusarunt. Accedit insuper, quòd juxta regulam mox suprâ n. 155. recensitam, stante dubio *in obscuris minimum sit sequendum, & odiosa stricte interpretanda juxta Reg. 49 §. in 6.* atqui abstinere à commercio carnali procul dubio odiosissimum foret hujusmodi conjugibus præsertim neonuptis: ergo cum aliunde certum sit votum Virginitatis esse diversissimum à voto castitatis, non debet hæc obligatio (servandi scilicet Virginitatem) extendi ad servandam integram castitatem, sed potiùs restringi quantum rigor, & proprietas verborum patitur. Videatur Stoz l. 1. p. 5. n. 131.

At, quid de eo, inquires, qui certus est, se vovisse castitatem, dubitat tamen, an voluerit vovere perpetuam, an verò temporariam duntaxat, scilicet usque dum matrimonium inierit?

160. N. In hoc gnaviter esse attendendum ad verba, seu formulam voti, quòd vovens usus fuit;

fuit; etenim si verba secundum se sonent, seu exprimant castitatem simpliciter sine ulla restrictione ad certum, vel limitatum tempus, tunc juxta communem, & usitatum sensum apud DD. debent intelligi de castitate perpetua, ita, ut stante tali dubio sensus verborum, vel potius obligatio inde resultans maneat in possessione. Secus esset dicendum, si vovens esset certus, quod non habuerit animum per hujusmodi verba sese perpetuo obligandi, vel etiam si omnino esset immemor verborum, quibus fuit usus vovendo; quia his stantibus non teneretur ad perpetuam, sed ad temporaneam duntaxat castitatem servandam, idque ob regulas juris mox allegatas, ut bene probat Sanchez in Decalog. lib. 4. c. 13. n. 16. & 17. eumque secutus Babenstuber tr. 1. disp. 3. a. 3. n. 29.

CASUS SECUNDUS.

Sempronius aliquoties habuit rem cum quadam persona, qua modò portans uterum, asserit, Sempronium hujus exstitisse causam: verum cum de eadem persona satis constet, quod concedendo usu sui corporis sit valde liberalis, simulque circa idem tempus, quò concepit, fuerit ab alio conventa; hinc Sempronius dubitat, an non sortassis huic alteri tunc fecerit potestatem sui corporis, propterea quæ ab eodem fuerit imprægnata. Quærit proin à Confessorio, an ipse, Sempronius scilicet, teneatur ad præstandam
ali-

alimenta proli concepta, vel genita? Quid respondendum ad hoc dubium?

161. R. In hoc casu Sempronius tenetur ad alimentandam prolem. Ratio est: quia supponitur certum, quod ipse cum matre habuerit copulam, & quidem perfectam, seu talem, ex qua solet foemina concipere: ubi autem constat de facto aliquo principali, ibi etiam praesumitur id, quod est accessorium, & solitum fieri, veluti bene docet Malcardus de probat. t. 2. concl. 732. n. 10. Neque dubitandum, quin etiam in foro externo re delata à Judice condemnaretur ad praestanda alimenta proli genitæ. E contra de altero minimè constat, quod cum illa persona habuerit copulam, esto fortassis de hoc possit concipi nonnulla suspicio fundata: ergo cum in dubio facta, (maximè delicta) non sint praesumenda l. in bello. §. facti 2. ff. de capt. & postlim. revers. hinc propter illam suspicionem nullatenus potest, aut debet alter condemnari ad prolem alimentandam. Secus dicendum foret, si Sempronio certò constaret, quod talis persona circa idem tempus quo concepit, habuerit rem cum illo altero, quia tunc meritò dubitare liceret, an non ille alter sit Parens, & per consequens an non alter teneatur ad praestanda alimenta: quo supposito juxta probabilissimam opinionem P. Ilisung tr. 4. disp. 3. n. 96. & aliorum, pro foro conscientiae, & ante sententiam Judicis

cis non tenetur facere expensas de suis bonis, quippe quorum habet certam possessionem, nec tenetur iisdem sese privare propter debitum, vel damnum dubiè à se illatum, veluti etiam diximus in *Theolog. Sacram. part. 3. Confer. 18. n. 443. & rursus de restitut. Confer. 11. potestque de hoc videri, La Croix l. 2. p. 3. n. 335.*

At quid: inquires, si mulier re vera habuit rem cum duobus circa idem tempus, proptereaque invincibiliter dubitet, à quonam illorum conceperit, poteritne hòc supposito ab uno solo, vel ab utroque pro rata dubii prætere alimmenta?

¶ Talis mulier nequit tantà conscientia ab uno solo prætere alimmenta proli necessaria, nisi aliunde ex circumstantiis sit moraliter certa, quòd ab hoc, & non ab altero conceperit. Ita post Molinam *tom. 3. disp. 691. & Lessium de jure &c. l. 2. c. 12. dubit. 10. n. 58. tenet Lugo tom. 1. de justit. disp. 13 Sect. 2. n. 22. & alii plures. Ratio est: quia si omnibus pensatis maneat dubium, uter è duobus sit parens, eò ipso de quovis seorsim prudenter dubitare licet, an teneatur alimmentare prolem genitam: quemadmodum ergo non licet uti occulta compensatione, ubi debitum non est certum, eò quia nefas est propter debitum merè dubium possessorem bonæ fidei spoliare certa possessione suorum bonorum; ita pariter in hoc calu mulieri non licebit*

licebit ab uno eorum, de quo dubitat, an sit Parens, prætere alimēta necessaria. Ob eandem rationem probabilissimum censeo, quòd nequidem ab utroque, ante Judicis sententiam, possit prætere alimēta, quandoquidem uterque rationabiliter dubitet, an ipse potiùs, vel verò alter sit Parens: ergo uterque debet relinqui in certa, & quieta possessione suorum bonorum. Certè etiam filius dubitans, an v. g. à Titio, vel verò ab alio sit genitus, nequit propterea à Titio tacitè subtrahere alimēta sibi necessaria, uti bene probat Lugo *l. cit.* ergo nec mater dubitans, an à Titio conceperit, id potest justè facere, sed debet potiùs sibi imputare; quòd circa idem tempus plures admiserit cum tanta incertitudine cognoscendi certum, ac determinatum genitorem.

163. Dixi tamen, quòd nec ab utroque *ante sententiam* Judicis talis mulier possit prætere alimēta prolis &c. Secus enim dicendum foret, si Judex utrumque pro rata dubii (sicuti potest justissimè, tum in pœnam delicti; tum etiam ob bonum prolis honestè educandæ &c.) ad contribuendum jam jam condemnasset; cùm enim justæ sententiæ quis etiam pro foro conscientie teneatur sese accommodare, necessariò fateri cogimur, quòd in hoc casu uterque condemnatus teneatur in conscientia contribuere, hanc

hanc ob causam pariter existimo, quòd mulier utrumque posset accusare apud Judicem & ab hoc postulare, ut condemnentur, & cogantur ad faciendas expensas necessarias; ferè, quemadmodum v. g. Parens justè potest accusare stupratorem suæ filiae, ut à Judice cogatur eandem ducere, aut dotare, esto ipsumet Parens propria auctoritate nequeat illum ad hoc cogere.

Dices adhuc? at quid, si talis mulier ita dubitans jam actu coram Parocho, vel Judice sæculari unum è duobus dictavit Parentem suæ prolis, Judex autem postulet à muliere, ut juret, quòd ab hoc, & non ab alio conceperit, licebitnè mulieri tutà conscientia jurare?

¶. Non licet. Ratio est; quia juramentum est invocatio divini Nominis in testimonium veritatis: ergo sine gravissima injuria Dei nullus jurare potest, nisi sit moraliter certus de veritate, quam jurando asserit: atqui hæc mulier utpote dubitans è quonam conceperit, non est moraliter certa, quòd non conceperit ab alio: ergo &c. Neque eidem liceret jurare amphibologicè, subintelligendo scilicet, quòd ab hoc conceperit semen; nam Judex prætendit juramentum assertorium in his terminis, an scilicet ab eo, quem dictavit Parentem, & non ab alio conceperit. prolem scilicet: at, hoc affirmare nequit, neque jurare, quòd ab altero non conceperit

ceperit semen : ergo &c. Accedit, quòd juxta receptissimam sententiam Doctorum, præsertim post propositiones ab Innocentio XI. confixas, non liceat uti amphibologia, quando juramentum legitima auctoritate prætenditur saltem in casu, ubi interrogatus non timet periculum vitæ, vel alterius gravissimi mali. Prout videri potest apud Cardenam, Sbogar, & Viva *ad proposi. n. 28.* ab eodem Innocent. damnatam : atqui in nostro casu Judex supponitur legitime prætere juramentum : ergo non licet uti amphibologia. Quænam autem conditiones requirantur, ad hoc, ut Judex à tali muliere possit justè prætere juramentum, non est hujus loci tractare. Potest tamen de hoc utiliter videri sapientissimus Gobat in *appendice 1. ad tr. 2. Theolog. experim. foliò mibi 1014.*

CASUS TERTIUS.

CAjus Sacerdos dubitat, an non cuidam tentationi carnali nimium inhaerit, & eadem delectando morosè, mortaliter deliquerit, quam ob rem non parùm anxius, & sollicitus incipit dubitare ulterius, an in hoc casu teneatur præmittere confessionem prius, quàm celebret, an verè sufficiat conatus ad meram contritionem perfectam ? Quid stante tali dubio Cajo faciendum incumbit ?

165. *n.* Stante dubio practico tenetur Cajus abstinere à sacrificando, aut certè eligere id, quod

quod est tutius, scilicet præmittere confessionem. Ratio petenda est ex dictis n. 154. quia non amplectendo partem tutiorem se se exponeret evidenti periculo peccandi, & hoc ipso graviter peccaret contra reverentiam huic Sacramento augustissimo debitam.

Dixi tamen, Cajum teneri ad abstinendum &c. *stante dubio practico*, ad innuendum, quod etiam in tali dubio speculativo de statu gratiæ, Sacerdos possit se practice resolvere, quod non teneatur ad præmittendam confessionem; tum quia multi Doctores, nominatim Saa, Henriquez, Tannerus, Caramuel, & Gobat tr. 4. *Theol. exper. n. 223.* hanc opinionem censent probabilem ac tutam; tum etiam quia Concilium Tridentinum ss. 13. de *Eucharist. c. 1.* declarando obligationem præmittendi confessionem sacrae communioni, solum ait, quod nullus *sibi conscius peccati mortalis - - accedere debeat sacram Synaxin*, at, qui solum dubitat, an non consenserit peccato, non est sibi *consci*, quod peccaverit: ergo dubitantem non concernit hæc obligatio. Tum denique, quia ex opposita sententia sequeretur, quod etiam positivè dubitans de statu gratiæ, id est, habens peccatum mortale positivè dubium, teneretur præmittere confessionem sacrae Synaxi; quod tamen Patroni adversæ sententiæ à potiori negant. Fatendum nihilominus est,

R. P. Elbel, de Actib. Hum. M op.

dubitat, suspendit suum Judicium, vel quia non invenit rationes judicandi, vel certe quia rationes ita sunt debiles, ut non videantur intellectui præbere fundamentum sufficiens aliquid judicandi, seu determinandi sitne hic, & nunc licitum operari, vel non. Econtra ille, qui ducitur opinione probabili, habet Judicium determinatum de altera parte, v. g. *Quodd census Germanicus sit licitus; quodd ad veram orationem non sit necessaria attentio interna &c.* Inde fit, quodd operans cum conscientia practice dubia semper peccet, & quidem peccato ejusdem speciei, qualitat, & gravitat, &c. cujus committendi periculo practice, & formaliter sese exponit, velut jam suprà n. 149. dictum fuit. Econtra qui cum conscientia probabili operatur, non peccat formaliter, prout videbitur ex dicendis in Conferentia proxima; quia saltem ex principiis reflexis sese resolvit practice, quodd hic, & nunc licite operetur, v. g. exigendo censum, vel sumendo 2dam refectiorem. Videatur Felix Potestas *Exam. Confess. tom. 1. p. 1. c. 1. n. 21.*

169. Colliges 2dò, eum, qui post factam diligentem inquisitionem veritat, adhuc dubitat, an lex sit lata, vel præceptum impostum: &c. non teneri ad hujus observantiam. Ratio est: quia in tali dubio manet in possessione suæ libertat, econtra tamen qui est certus, quodd Lege v. g. jejunii, aut
- præ

præcepto Confessarii, alteriusve Superioris fuerit semel obstrictus, & solum dubitat, an huic obligationi satisfecerit, stante tali dubio tenetur adhuc satisfacere. Ratio est: quia in hoc casu possessio stat pro Lege, vel præcepto Superioris, uti jam dictum fuit n. 152. Idipsum tenendum est, quando quis dubitat, an hic, & nunc à Lege non sit exemptus, aut dispensatus &c. Videatur Sanchez l. 1. Decalog. c. 10. n. 32. & 35. Tambur. in Decalog. l. 1. c. 3. §. 7. v. *Leges & præcepta*. n. 1. 2. & seqq. Babenstuber n. 1. disp. 3. a. 3. à n. 16.

Colliges 3tio, eum qui dubitat, an lex 170 obliget sub mortali, vel sub veniali duntaxat, mortaliter quidem peccare, si stante dubio practico contra Legem agat; nihilominus facile inventurum rationes sese resolvendi, quod sub gravi obligatione non teneatur ad illius observantiam; idque hac potissimum ratione: quia supponitur non constare certo de obligatione gravi: ergo cum aliunde notum sit, *odiosa*, quantum rationabiliter fieri potest, *esse restringenda*, & in *obscuris minimum esse sequendum*, nihil pro suo obstare videtur, quod minus homo prudens, vel etiam Confessarius à pœnitente desuper consultus de facili possit concludere, quod dubitans non peccet mortaliter prævaricando huiusmodi Legem, modo prius practice sese resolvat. Vid. Tam-

burinus l. cit. n. 3. Babenstuber ubi supra art. 3. n. 11. & 25. Sanchez l. 6. in Decalog. c. 4. n. 66.

At, inquires, quid respondendum est illi, qui post votum, vel iuramentum jam pridem emissum dubitat, an revera satis deliberatè vel cum sufficienti apprehensione obligationis illud emisit?

171. R. cum communi DD. esse distinguendum inter statum, & conditionem personarum: enimverò si vovens nondum habuit septem annos ætatis completos, præsumendum omnino est, eum non habuisse sufficientem usum rationis, & per consequens votum non esse validum: contra tamen si supponatur emisisse votum post usum rationis jam plenè adeptum, regulariter præsumendum erit, votum fuisse satis deliberatè emissum, nisi aliunde de contrario constet. Puto tamen ego hisce temporibus de Juvenibus, aut Puellis etiam decem, vel plurium annorum meritò dubitari posse, an tali tempore satis intelligant, quid sit obligatio voti, præsertim in materia tam gravi, uti est v. g. ingressus S. Religionis, vel observantia perpetuæ castitatis. Profecto etiam Ecclesia sancta Mater nostra, videtur de hoc satis dubitasse, dum ob hanc ipsam causam Religiosam professionem ante annum decimum sextum emissam cassam & irritam voluit in Concil. Trid. s. 25. de Regular. c. 15. In simili casu tamen Confessa

cessario cautè est procedendum, ne poenitentem nimis liberaliter à voto absolvat, neque etiam rigorosè nimis voto obligatum declaret. Videatur de hoc Castropalao *part. 1. tr. 1. disp. 3. punct. 11. n. 3. & 4.*

Colliges 4tò, subditum rationabiliter dubitantem, an res à Superiore sibi præcepta sit licita, vel non, teneri ad obsequendum suo Superiori. Ratio est: quia Superior contra subditum est, & manet in certa possessione suæ potestatis, & auctoritatis; tum etiam quia Superiori competit certa potestas præcipiendi non solum ea, quæ sunt reipsa licita, verum etiam illa, quæ prudenter creduntur, & apparent esse licita; & hoc supposito subditus potest esse moraliter certus, quòd non peccet obediendo, & exequendo id, quòd præceptum fuit: ergo pariter certum esse debet, quòd teneatur obedire, quandoquidem obedientiam ex nullo capite recusare valeat, quàm ob periculum peccandi, & offendendi Deum. Ita contra Vasquez, & paucos alios tenet Castropalao *part. 1. disp. 3. pu. 13. n. 3. Sanchez lib. 6. Decal. c. 3. n. 3.*

Sed quid, inquires, si Superior aliquid præcipiat, quod sine gravi damno proprio, vel alieno in honore, fama, divitiis, vel sine periculo vitæ præstare non possum: ut si Superior me interroget de delicto gravi, si ve proprio, si ve alieno, & ego prudenter

dubitem, an juridicè interroget, teneornè in hoc casu obedire?

173. Etiam in hoc casu ad obedjendum te condemnat Joannes Sanchez *disp. 23. n. 28.* quia etiam in hoc casu videtur præsumendum, quodd Superior justè præcipiat; nihilominus Thomas Sanchez *l. 6. in Decalog. c. 3. n. 24.* Lessius *l. 2. de just. c. 31. dub. 3. n. 76.* & *cap. 41. dubit. 9. n. 76.* aliique plures, quos refert, & sequitur Castropalao *cit. n. 16.* probabilius putant, te in hoc casu non teneri ad obedjendum. Ratio est; quia subjeccio & obedientia debita Superiori non tollit jus, & possessionem tuam, vel illius circa bonum honoris, famæ, corporis, aut fortunæ: ergo non teneris te hac certa possessione privare in re tam magni momenti, sed potiùs æquitati consonum videtur, ut habeatur major ratio tuæ possessionis certæ, & hæc præferatur juri, vel possessioni aliquo modò dubiæ Superioris.

174. Colliges denique sibi, ineptè eos agere; qui post actum jamjam commissum, vel omis- sum, primum inquirunt, vel etiam legendo percurrunt Auctores, ut inveniant aliquam sibi faventem, qui scilicet approbet factum, vel omissionem. Similiter ineptè agunt illi, qui è Confessario quærun, an hoc, vel illud agendo v. g. non jejunando, non audiendo sacrum &c. peccaverint, vel non?

non? Nam peccatum præteritum non dependet à Judicio Auctoris, vel Confessarii, sed à Judicio, seu dictamine practico, quod operans habuit, dum actualiquid fecit, vel omisit &c. Unde à Confessario id unum inquirendum est, an scilicet pœnitens eo tempore fuerit in bona, an verò in mala fide, seu an putaverit se hoc, vel illud agendo peccare, aut non? Si bona fide processit, non peccavit: si autem mala, utpote putans se peccare, aut certè practicè dubitans &c. absolute concludendum, quòd peccaverit, prout ex hæcenus dictis liquet. Si tamen hujuscemodi pœnitens alio ex fine non interroget, quàm ut veritatem agnoscat, quidnam scilicet in futurum habeat agere in simili contingentia, omnino prudenter facit, proptereaque Confessario vi sui officii incumbet ignorantem instruere. Videatur Spo-

rer 17. 1. c. 1. n. 33. La Croix

lib. 1. n. 44.



M 5

CON-

CONFERENTIA SEPTIMA.

De Conscientia probabili.

SUMMARIUM.

175. Quid sit, *opinio probabilis*, & quid *probabilior*?
176. 177. & 178. Breviter declaratur quoduplex sit *opinio probabilis*.
179. Quid sit *opinio tuta*; Et
180. Quid *opinio moraliter certa*, vel etiam *communis*?
181. Utrum auctoritas unius duntaxat Doctoris possit opinionem reddere probabilem?
182. Quid intelligatur nomine *conscientia probabilis*?
183. & 184. Satisfit duabus instantiis in contrarium factis.
185. Per se loquendo non est illicitum sequi opinionem minus probabilem, minusque tutam, etiam relicta tutiore, ac probabiliore in questionibus juris, ubi scilicet agitur de sola honestate actionis.
186. Per accidens tamen subinde hoc non licet.
187. Econtra in questionibus facti, ubi scilicet agitur de valore alicujus facti, seu actionis v. g. Sacramentalis &c. per se loquendo non licet sequi minus tutam relicta tutiore.
188. & 189. Solvuntur duæ objectiones factæ contra resolutionem datam n. 185.
190. Resolvitur Casus I. cujusdam, qui ut hæres in-

institutus, & declaratus à Judice, adiit quidem hæreditatem, sed noluit præstare Legata facta à testatore.

191. Unde etiam præscindendo à sententia Judicis fuit obligandus ad ea præstanda.

192. Satisfit cuidam instantiæ factæ contra hoc.

193. Resolvitur Casus II. cujusdam Confessarii, cui pœnitens moribundus certis ex circumstantiis visus fuit suspectus de sufficientia doloris, ac propositi;

194. Quocirca notatur una, & altera cautela in hoc casu singulariter observanda à Confessario.

195. Etiam extra casum necessitatis Confessarius tenetur absolvere pœnitentem, quæm credit probabiliter esse dispositum.

196. Solvitur rursus quædam objectio in contrarium.

197. Resolvitur Casus III. cujusdam Judicis, qui delinquentem non satis convictum, neque confessum condemnavit.

198. Etiam in causis civilibus Judici non licet ferre sententiam in favorem sui amici, quando jura utrique parti litigantium æqualiter favent.

199. Cur Advocatus possit in se suscipere patrocinium causæ minùs probabilis, minùsque tutæ?

200. Opinio sacræ scripturæ, vel rationi contraria &c. hoc ipso nequit esse probabilis.

201. Undenam colligenda sit vera probabilitas aliqujus opinionis?

202. Opinionem dubiæ, vel etiam tenuiter duntaxat probabilem extra casum necessitatis non licet amplecti;

203. Benè tamen in casu necessitatis, in quo tutior praticari nequit.

204. An extra casum necessitatis opinionem probabilem, minùs tamen tutam circa valorem pœnitentiæ, aut matrimonii sequi liceat?

205. Et

oppositam sententiam esse longè tutiorem, & sin minus à ratione, saltem ob auctoritate probabiliorem, quàm proin ob reverentiam huic augustissimo, & divinissimo Sacramento debitam omnimodis sectandam, & à Confessario urgendam existimo, nisi fortè scrupulositas pœnitentis, vel aliæ circumstantiæ contrarium suadeant, veluti jam monui in *Theolog. Sacram. part. 1. Confer. 14. n. 97.*

At quid, si talis Sacerdos, vel quicumque demum, etiam sæcularis, dubitet, an v. g. os eluendo non deglutiêrit aliquot guttulas aquæ; vel certus omnino, quodd aliquid commederit, aut biberit, dubitet, utrum ante, vel post duodecimam noctis? tenebiturne propterea abstinere à Sacrificio Missæ, vel à sacra Communione?

167. R. Probabilissimè non tenetur, modò se resolvat practicè. Ita contra Castropalao, Thom. Sanchez, Sales & alios (quorum sententia procul dubio tutior est) tenent satis communiter DD. nominatim Laymann, Herincx *p. 4. tr. 3. disp. 6. n. 59.* Cardenas in *1. crisi. disp. 26. n. 87.* Gobat *Theolog. exper. tr. 4. n. 280.* & alii plures apud La Croix *lib. 6. p. 1. n. 577.* Ratio est: quia etiam in hoc casu dubitanti favet privilegium possessionis: quilibet enim possidet jus communicandi, donec probetur esse hic, & nunc incapax, aut indignus: ergo cum aliunde constet, quodd facta non præsumantur, sed probari de-

debeant, *l. 1. c. de probat.* hinc nemo tenetur probare, se esse jejunum, seu nihil comedisse, aut bibisse, sed talis probatio potius incumbit illi, qui vult impedire communicantem, uti bene advertit Gobat *l. prox. cit.* Et certè nullibi constat, quòd Ecclesia velut pia Mater cum tanto rigore velit urgere, ut etiam dubitantes, an sint naturaliter jejuni, velit exclusos à mensa Domini: ergo nihil obstat, quò minus taliter dubitans tutà conscientia possit accedere sacram Synaxin, vel Aram conscendere. Idque à fortiori dicendum, casu quo Sacerdos vi suæ obedientiæ, aut officii, aut ratione scandali vitandi &c. urgetur ad celebrandum, uti bene docet Sporer *tr. 1. c. 1. n. 87.* ubi tamen sapienter monet in dubio antecedenti, quando scilicet quis dubitat, an hora duodecima noctis jam sonuerit, vel non, Sacerdotem, qui altera die interdicit celebrare, & Laicum, qui vult communicare, debere abstinere ab ulteriori cibo, aut potu sumendo; hoc enim reverentia hujus augustissimi Sacramenti omnino videtur exigere.

§. III.

Corollaria ex dictis inferenda.

EX hætenus dictis colliges primò, gravi- 168
ter esse distinguendum inter conscientiam dubiam, & probabilem; qui enim merè

M a

du.

dubitat, suspendit suum Judicium, vel quia non invenit rationes judicandi, vel certe quia rationes ita sunt debiles, ut non videantur intellectui præbere fundamentum sufficiens aliquid judicandi, seu determinandi sitne hic, & nunc licitum operari, vel non. Econtra ille, qui ducitur opinione probabili, habet Judicium determinatum de altera parte, v. g. *Quod census Germanicus sit licitus; quod ad veram orationem non sit necessaria attentio interna &c.* Inde fit, quod operans cum conscientia practicè dubia semper peccet, & quidem peccato ejusdem speciei, qualitatis, & gravitatis &c. cujus committendi periculo practicè, & formaliter sese exponit, velut jam suprà n. 149. dictum fuit. Econtra qui cum conscientia probabili operatur, non peccat formaliter, prout videbitur ex dicendis in Conferentia proxima; quia saltem ex principiis reflexis sese resolvit practicè, quod hic, & nunc licitè operetur, v. g. exigendo censum, vel sumendo 2dam refectionem. Videatur Felix Potestas *Exam. Confess. tom. 1. p. 1. c. 1. n. 21.*

169. Colliges add, eum, qui post factam diligentem inquisitionem veritatis adhuc dubitat, an lex sit lata, vel præceptum impositum: &c. non teneri ad hujus observantiam. Ratio est: quia in tali dubio manet in possessione suæ libertatis: econtra tamen qui est certus, quod Lege v. g. jejunii, aut
- p^{ra}

præcepto Confessarii, alteriusve Superioris fuerit semel obstrictus, & solum dubitat, an huic obligationi satisfecerit, stante tali dubio tenetur adhuc satisfacere. Ratio est: quia in hoc casu possessio stat pro Lege, vel præcepto Superioris, uti jam dictum fuit n. 152. Idipsum tenendum est, quando quis dubitat, an hic, & nunc à Lege non sit exemptus, aut dispensatus &c. Videatur Sanchez l. 1. Decalog. c. 10. n. 32. & 35. Tambur. in Decalog. l. 1. c. 3. §. 7. v. *Leges & præcepta*. n. 1. 2. & seqq. Babenstuber tr. 1. disp. 3. a. 9. à n. 16.

Colliges 3tio, eum qui dubitat, an lex 170, obliget sub mortali, vel sub veniali duntaxat, mortaliter quidem peccare, si stante dubio practico contra Legem agat; nihilominus facile inventurum rationes sese resolvendi, quod sub gravi obligatione non teneatur ad illius observantiam; idque hac potissimum ratione: quia supponitur non constare certò de obligatione gravi: ergo cum aliunde notum sit, odiosa, quantum rationabiliter fieri potest, esse restringenda, & in obscuris minimum esse sequendum, nihil pro suo obstare videtur, quò minus homo prudens, vel etiam Confessarius à pœnitente desuper consultus de facili possit concludere, quod dubitans non peccet mortaliter prævaricando hujusmodi Legem, modò prius practicè sese resolvat. Vid. Tam-

burinus l. cit. n. 3. Babenstuber ubi supra art. 3. n. 11. & 25. Sanchez l. 6. in Decalog. c. 4. n. 66.

At, inquires, quid respondendum est illi, qui post votum, vel juramentum jam pridem emissum dubitat, an revera satis deliberatè vel cum sufficienti apprehensione obligationis illud emisit?

171. R. cum communi DD. esse distinguendum inter statum, & conditionem personarum; enimverò si vovens nondum habuit septem annos ætatis completos, præsumendum omnino est, eum non habuisse sufficientem usum rationis, & per consequens votum non esse validum: contra tamen si supponatur emisisse votum post usum rationis jam plenè adeptum, regulariter præsumendum erit, votum fuisse satis deliberatè emissum, nisi aliunde de contrario constet. Puto tamen ego hisce temporibus de juvenibus, aut Puellis etiam decem, vel plurium annorum meritò dubitari posse, an tali tempore satis intelligant, quid sit obligatio voti, præsertim in materia tam gravi, uti est v. g. ingressus S. Religionis, vel observantia perpetuæ castitatis. Profecto etiam Ecclesia sancta Mater nostra, videtur de hoc satis dubitatè, dum ob hanc ipsam causam Religiosam professionem ante annum decimum sextum emissam cassam & irritam voluit in Concil. Trid. s. 25. de Regular. c. 15. In simili casu tamen Confessa

cessario cautè est. procedendum, ne poenitentem nimis liberaliter à voto absolvat, neque etiam rigorosè nimis voto obligatum declaret. Videatur de hoc Castropalao *part.*

1. tr. 1. disp. 3. punct. 11. n. 3. & 4.

Colliges 4tò, subditum rationabiliter dubitantem, an res à Superiore sibi præcepta sit licita, vel non, teneri ad obsequendum suo Superiori. Ratio est: quia Superior contra subditum est, & manet in certa possessione suæ potestatis, & auctoritatis; tum etiam quia Superiori competit certa potestas præcipiendi non solum ea, quæ sunt reipsa licita, verum etiam illa, quæ prudenter creduntur, & apparent esse licita; & hoc supposito subditus potest esse moraliter certus, quòd non peccet obediendo, & exequendo id, quòd præceptum fuit: ergo pariter certum esse debet, quòd teneatur obedire, quandoquidem obedientiam ex nullo capite recusare valeat, quàm ob periculum peccandi, & offendendi Deum. Ita contra Vasquez, & paucos alios tenet Castropalao *part. 1. disp. 3. pu. 13. n. 3. Sanchez lib. 6. Decal. c. 3. n. 3.*

Sed quid, inquires, si Superior aliquid præcipiat, quod sine gravi damno proprio, vel alieno in honore, fama, divitiis, vel sine periculo vitæ præstare non possum: ut si Superior me interroget de delicto gravi, si ve proprio, si ve alieno, & ego prudenter

dubitem, an juridicè interroget, teneorñe in hoc casu obedire?

173. Etiam in hoc casu ad obedjendum te condemnat Joannes Sanchez *disp. 23. n. 28.* quia etiam in hoc casu videtur præsumendum, quòd Superior justè præcipiat; nihilominus Thomas Sanchez *l. 6. in Decalog. c. 3. n. 24.* Lessius *l. 2. de just. c. 31. dub. 3. n. 76.* & cap. 41. *dubit. 9. n. 76.* aliique plures, quos refert, & sequitur Castropalao *cit. n. 16.* probabilius putant, te in hoc casu non teneri ad obedjendum. Ratio est: quia subjectio & obedientia debita Superiori non tollit jus, & possessionem tuam, vel illius circa bonum honoris, famæ, corporis, aut fortunæ: ergo non teneris te hac certa possessione privare in re tam magni momenti, sed potiùs æquitati consonum videtur, ut habeatur major ratio tuæ possessionis certæ, & hæc præferatur juri, vel possessioni aliquo modò dubiæ Superioris.

174. Colliges denique sùò, ineptè eos agere, qui post actum jamjam commissum, vel omissionem, primum inquirunt, vel etiam legendo percurrunt Auctores, ut inveniant aliquam sibi faventem, qui scilicet approbet factum, vel omissionem. Similiter ineptè agunt illi, qui è Confessario quærent, an hoc, vel illud agendo v. g. non jejunando, non audiendo sacrum &c. peccaverint, vel non?

non? Nam peccatum præteritum non dependet à Judicio Auctoris, vel Confessarii, sed à Judicio, seu dictamine practico, quod operans habuit, dum actualiquid fecit, vel omisit &c. Unde à Confessario id unum inquirendum est, an scilicet pœnitens eo tempore fuerit in bona, an verò in mala fide, seu an putaverit se hoc, vel illud agendo peccare, aut non? Si bona fide processit, non peccavit: si autem mala, utpote putans se peccare, aut certè practicè dubitans &c. absolute concludendum, quodd peccaverit, prout ex hætenus dictis liquet. Si tamen hujuscemodi pœnitens alio ex fine non interroget, quàm ut veritatem agnoscat, quidnam scilicet in futurum habeat agere in simili contingentia, omnino prudenter facit, proptereaque Confessario vi sui officii incumbet ignorantem instruere. Videatur Sporer 17. l. c. 1. n. 33. La Croix

lib. 1. n. 44.



M 5

CON-

CONFERENTIA SEPTIMA.

De Conscientia probabili.

SUMMARIUM.

175. Quid sit, *opinio probabilis*, & quid *probabilior*?
176. 177. & 178. Breviter declaratur quoduplex sit *opinio probabilis*.
179. Quid sit *opinio tuta*; Et
180. Quid *opinio moraliter certa*, vel etiam *communis*?
181. Utrum auctoritas unius duntaxat Doctoris possit opinionem reddere probabilem?
182. Quid intelligatur nomine *conscientia probabilis*?
183. & 184. Satisfit duabus instantiis in contrarium factis.
185. Per se loquendo non est illicitum sequi opinionem minus probabilem, minusque tutam, etiam relicta tutiore, ac probabiliore in quæstionibus juris, ubi scilicet agitur de sola honestate actionis.
186. Per accidens tamen subinde hoc non licet.
187. Econtra in quæstionibus facti, ubi scilicet agitur de valore alicujus facti, seu actionis v. g. Sacramentalis &c. per se loquendo non licet sequi minus tutam relicta tutiore.
188. & 189. Solvuntur duæ objectiones factæ contra resolutionem datam n. 185.
190. Resolvitur Casus I. cujusdam, qui ut hæret infli-

- institutus, & declaratus à Judice, adiit quidem hæreditatem, sed noluit præstare Legata facta à testatore.
191. Unde etiam præscindendo à sententia Judicis fuit obligandus ad ea præstanda.
192. Satisfit cuidam instantiæ factæ contra hoc.
193. Resolvitur Casus II. cujusdam Confessarii, cui pœnitens moribundus certis ex circumstantiis visus fuit suspectus de sufficientia doloris, ac propositi;
194. Quocirca notatur una, & altera cautela in hoc casu singulariter observanda à Confessario.
195. Etiam extra casum necessitatis Confessarius tenetur absolvere pœnitentem, quæm credit probabiliter esse dispositum.
196. Solvitur rursus quædam objectio in contrarium.
197. Resolvitur Casus III. cujusdam Judicis, qui delinquentem non satis convictum, neque confessum condemnavit.
198. Etiam in causis civilibus Judici non licet ferre sententiam in favorem sui amici, quando jura utrique parti litigantium æqualiter favent.
199. Cur Advocatus possit in se suscipere patrocinium causæ minùs probabilis, minùsque tutæ?
200. Opinio sacræ scripturæ, vel rationi contraria &c. hoc ipso nequit esse probabilis.
201. Undenam colligenda sit vera probabilitas aliqujus opinionis?
202. Opinionem dubiæ, vel etiam tenuiter duntaxat probabilem extra casum necessitatis non licet amplecti;
203. Benè tamen in casu necessitatis, in quo tutior praticari nequit.
204. An extra casum necessitatis opinionem probabilem, minùs tamen tutam circa valorem pœnitentiæ, aut matrimonii sequi liceat?

205. Et quid, si opinio sit tantum probabiliter probabilis?
206. Quinam in particulari teneantur ad sectandas opiniones tutiores?
207. An etiam Consilarii Principum ad hoc teneantur?
208. Fisto de se sit licitum, non tamen semper expedit amplecti opinionem minus probabilem relicta probabiliori.
209. Merito proin redarguuntur illi, qui passim quarunt Auctores, vel opiniones laxiores.
210. Quid Confessario specialiter sit observandum in directione poenitentium circa opiniones minus probabiles?

§. I.

Præmituntur, & breviter resolvuntur quæsitæ, scitu necessaria ad debite resolvendos Casus practicos de conscientia probabili.

Quæres primò, quid sit opinio probabilis; & quid probabilior?

175. *¶* Opinio probabilis idem est, ac Judicium fallibile quidem, sed rationabili, & tam *absolutè*, quàm *respectivè* gravi motivo innixum. Ita Laymann, Sanchez, La Croix *l. 1. n. 102.* & Babenstuber *tr. 1. disp. 4. a. 1. n. 3.* Ratio hujus descriptionis inde desumenda est: quia probabilitas ut sic nihil aliud importat, quàm apparentiam veri fallibilis.

bilis, ob gravitatem motivi, seu rationis nata fundare assensum prudentem: ergo Judicium illud, quô ex gravi, licet fallibili motivo, aliquid judicamus verum, aut verosimile, rectè appellatur opinio probabilis. Necessum tamen est ad veram probabilitatem, ut motiva tam *absolutè*, id est, secundum se, quàm etiam *respectivè* ad alia huic opinioni contraria, gravia sint, id est, talia quæ prudenter videantur verosimilia, & sufficientia ad movendum virum prudentem; nam si motiva contrariæ opinionis essent certa, tunc talis opinio non amplius maneret probabilis: sic v. g. ex eo, quod nobis certò constet DEum esse unum, & trinum, opinio, vel sententia negans Trinitatem nequit nobis amplius esse probabilis, nec meretur assensum prudentem. Ex quo liquet, illam opinionem dicendam esse probabiliorē, quæ gravioribus nititur motivis, licet non certis.

Quæres 2dò, quotuplex sit opinio probabilis?

1. Est multiplex: ad nostrum tamen propositum haud incongruè dividitur 1. in extrinsecam, & intrinsecam. 2. In speculativam & practicam, & 3. in directam, & reflexam probabilem. Explico breviter singula membra.

1. *Extrinsecè* probabilis dicitur, quæ suam probabilitatem præcisè sortitur ab auctoritate Doctorum, utpote quæ extrinseca opinioni

nioni, vel objecto opinionis: quemadmodum autem hæc auctoritas sola parum confert ad veritatem, ita etiam parum confert ad probabilitatem, esto minimè spernenda sit, eò quòd meritò præsumere liceat, auctores non docuisse sine rationum pondere, præsertim si constet, eos fuisse, & Doctrina, & pietate excellentes. *Intrinsicè* probabilis dicitur ea, quæ nititur gravibus motivis, & rationibus desumptis ex ipsa natura objecti.

177. II. *Speculativè probabilis* dicitur illa, quæ quidem nititur motivis rationabilibus, & prudentibus, à praxi tamen præscindit, vel certè asserit duntaxat genericè aliquam operationem esse licitam, præscindendo à circumstantiis in particulari, v. g. *Baptismum collatum in luxuria esse validum*, vel: *osculum datum personæ alterius sexus, non esse peccaminosum*. *Practicè probabilis* appellatur, quæ ex motivis rationabilibus, & gravibus adstruit, aliquam actionem in individuo, seu in his, vel illis circumstantiis, haud esse illicitum v. g. non esse illicitum pingere die festivo; reticere in confessione circumstantias etiam notabiliter aggravantes &c. censum Germanicum ab hoc vel illo exigere &c.

178. III. *Opinio directè probabilis* dicitur illa, cujus probabilitas desumitur ex ipsa natura objecti: sic v. g. inspecta natura artificii pictorii probabilissimum, & verosimillimum videtur,

detur, pingere non esse opus servile. *Reflexè autem probabilis* nuncupatur illa, cujus probabilitas non attenditur præcisè penes naturam ipsius objecti, sed ex eo, quòd præsupposita probabilitate directà alicujus opinionis, nos reflectamus ad alia principia, seu argumenta, objecto illius opinionis extrinseca (cujusmodi sunt hæc: *In dubio melior est conditio possidentis*: item: quòd perpensis omnibus, plurimi viri docti, probi, atque prudentes asserunt esse licitum, illud facimus absque peccato &c. & alia plura superius n. 152. & seqq. recensita) & ex illis probabilissimè, imò moraliter certò concludamus, hanc, vel illam actionem esse licitam. Exempli gratia supposito, quòd ex argumentis, seu principiis directis probabile sit, agrum, quem habetenus bona fide, utpote titulò emptionis, donationis &c. possedi, esse meum, esto non sum omnimodè certus, sed potiùs dubitans speculativè ob rationes alias, an non sit alterius, postea me reflecto ad alia principia extrinseca, in hunc ferè modum argumentando: *Stante dubio speculativo de Dominio proprietatis, melior debet esse conditio possessoris bona fidei, & huic relinqui Dominium, seu dispositio*: atqui ego sum talis possessor; ergo &c. Item possum me resolvere in hunc modum: *quod plurimi viri, prudentia, Doctrina, & probitate pradii asserunt, licitè à me fieri, illud facio sine peccato; quia prudenter ago*: at, quòd
suppo-

supposita probabilitate directâ, & stante possessione bonæ fidei, licitè retineam Dominium agri, illud asserunt plurimi viri prudentia, pietate, & Doctrina famosi: ergo &c. Ex quo liquet ad oculum, opinioni speculativè probabili, ex hujusmodi principiis reflexis conciliari posse nedum novam, & majorem probabilitatem reflexam, sed insuper posse inferri Judicium practicum, seu dictamen conscientie moraliter certum, vi cujus tutò me resolvo, quòd in his circumstantiis non peccem retinendo v. g. agrum &c. Videatur de hoc *Babenstuber tr. 1. disp. 4. a. 1. n. 9.* Vel *La Croix à n. 113.*

Quæres 3tiò, quid sit; opinio tuta, vel tutior, & quid opinio moraliter certa?

179. *n. 1.* Opinio tuta illa meritò dicitur, in cujus sequela, vel praxi nullum est periculum peccati: illa proin dicitur tutior, in cujus praxi minus periculi apparet: sic in exemplo proximè allato opinio, quæ dicit, quòd velut possessor bonæ fidei stante dubio speculativo possim retinere Dominium agri, est tuta, quia ex tali retentione non pecco saltem peccato formali: si tamen ejusdem agri dominium relinquam aëtori, qui illud ob rationes probabiles, vel etiam probabiliores à me prætendit; tutius ago; quia in hoc nullum prorsus est periculum peccati, nec formalis, neque materialis.

Similiter circa valorem Sacramenti illa opinio dicitur verè tuta, ex cujus sequela
nol.

nullum prorsus periculum invaliditatis Sacramento imminet, cujusmodi est hæc, quòd ad valorem Sacramenti pœnitentiæ sufficiat attritio supernaturalis etiam cognita. Ex quo rursus liquet, non esse idem *opinio tutior & opinio probabilior*, nam ly *tutius* attenditur penes hoc, quòd in paxi talis opinionis appareat minus periculum peccandi; è contra ly *probabilius* defumitur ex rationibus solidioribus, vel ex auctoritate graviori, propterea-que opinio minùs probabilis potest esse tutior, & è contra opinio probabilior esse minùs tuta. Sic opinio asserens post commissum peccatum illico pœnitendum, seu confitendum esse, est quidem tutior; quia hoc faciens nullò modo peccat; est tamen minùs probabilis, quia nititur debilioribus fundamentis, quàm contraria: potest tamen fieri ut eadem opinio sit simul probabilior, & tutior, prout rectè advertunt Doctores communissimè, nominatim La Croix, Henno *tr. de consciens. disp. 3. q. 1. conclus. 5.*

¶ jam 2do. *Opinio moraliter certa* est illa, quæ juxta communem hominum estimationem reputatur vera, licèt absolutè loquendo posset esse falsa: sic opinio illa, quæ judico hunc hominem ab Episcopo ordinatum, esse Sacerdotem, hanc hostiam à Sacerdote consecratam &c. continere Christum &c. est moraliter certa; quo circa tamen advertendum est, posse unam opinio-

180.

R. P. Elbel, de Actib. Hum. N nem

nem esse certiorē altera, quales sunt illæ, quæ nituntur principiis fidei, aut definitionibus Ecclesiæ, de quibus superius jam notavimus, quod excludant probabilitatem opinionis contradictoriæ.

Quæres 4to, utrum auctoritas unius duntaxat Doctoris possit opinionem aliquam reddere probabilem?

181. *n.* Sola quidem auctoritas unius Doctoris opinionem probabilem reddere nequit, prout satis liquet tum ex dictis *n.* 176. tum etiam ex damnatione sequentis propositionis *n.* 27. inter proscriptas ab Alexandro VII. *Si liber sit alicujus junioris, & moderni debet opinio censei probabilis, dummodo non constet rejectam esse à Sede Apostolica tanquam improbabilem*; nihilominus si talis Doctor noscatur verè excellens in sua arte, probus, & timoratus, remque ex professo tractet, & pro ea solidam rationem afferat, nec appareat aliquid oppositum convincens, tametsi doceat contra communem aliorum, reddet opinionem satis probabilem, ita ut hanc vir minus doctus, illiteratus, vel simplex licitè sequatur. Ratio est: quia talis homo prudenter potest supponere, quod vir utpote doctus simul, & probus, sine verè gravi, ac prudenti, & solido fundamento non fuisset ausus afferere illud licitum. Unde etiam discipulus licitè; & tutò sequitur opinionem à suo Magistro in Scholis traditam, quem peritum, & timo-

timoratum iudicat, ait Sporer *tr. 1. c. 1. n. 41*.
De quo etiam videri possunt La Croix *l. 1. n. 153. & 154*. Babenstuber *tr. 1. disp. 4. a. 1. n. 20*.

Quæres 5to, quid sit conscientia probabilis?

R. Conscientia probabilis est illa, quæ ex 182.
principiis verè probabilibus, seu verosimilibus practicè certò dictat, hanc, vel illam actionem in particulari esse licitam, vel esse illicitam. Ità rursus Sporer *tr. 1. c. 1. n. 31*. & se ipsa *Doctores communiter*. Et ratio hæc est: quemadmodum enim in casu, quo ratio sub principio Synterefsis subsumit aliud principium certum, vel pro certo creditum, enascitur conscientia recta, vel erronea, ita pariter in casu, quò eadem ratio subsumit aliquod principium verosimile, & probabile, esto non certum, enascitur conscientia probabilis. Quòd autem etiam hæc conscientia debeat practicè certò dictare, causa hæc est: quia etiam conscientia probabilis debet esse regula actionis humanæ honestæ, & operantem practicè reddere securum de honestate, quòd scilicet hoc faciendo non peccet: at, nisi practicè certò dictaret, actionem esse licitam, & honestam, sed potius relinqueret intellectum in formidine practica; & in dubio de honestate, non esset regula honestatis, nec operantem reddere posset securum de honestate actionis, sed potius relinqueret

expositum periculo formali, & proximo peccandi: ergo etiam conscientia probabilis debet practice certò dictare &c.

Dices tamen contra hoc: ex principiis probabilibus nequit inferri conclusio certa, sed probabilis duntaxat; nam conclusio sequitur partem debiliorem, proptereaque nequit in sua certitudine superare præmissas: ergo prorsus ineptè dicimus, quòd conscientia probabilis possit *practice certò dictare &c.*

183. x. Distinguendo antecedens: ex præmissis probabilibus nequit inferri conclusio certa, ita, ut præmissa probabilis sit causa immediata, & proxima ad talem conclusionem, conced. ita, ut sit tantum causa remota, & mediata, neg. anteced. cum conseq. Judicium practice certum ex præmissis moraliter, & practice certis immediate inferitur, ex probabilibus verò non inferitur nisi mediate, & remote se habentibus; qui enim opinionem probabilem sequitur, v. g. hanc, quòd die festo licitum sit pingere, in hunc ferè modum (sive dein explicitè, formaliter, sive implicitè saltem, & virtualiter secum discurret) omne opus, quod non est servile, licitè perago die festo (nisi scilicet aliunde sit prohibitum) atqui, pingere non est opus servile: ergo licitè pingo &c. In hoc discursu major propositio est quidem certa, minor autem, & conclusio est probabilis duntaxat, & habet adjunctam formidinem, an
scilicet

scilicet pingere sit licitum, & an non sit opus servile. Jam verò eò ipso, quòd cernat, opus pingendi probabiliter non esse opus servile, ulteriùs subsumit, ideòque *mediatè* subinfert in hòc modo: eò ipso, quòd pingere probabiliter non sit opus servile, prudenter judico, illud mihi esse licitum: quia in tali dubio debet esse melior conditio subditi possidentis suam libertatem: atqui, opus, quod prudenter judico licitum, licitè, & sine peccato facio: *Ergo licitè pingo etiam in die festivo.* Similiter is, qui prudenter existimat v. g. hostiam. A. esse legitimè consecratam, prudentissimè sese resolvit in hunc modum: omnem hostiam, quam prudenter existimo consecratam, licitè adoro; hanc autem prudenter existimo consecratam: *Ergo hanc hostiam licitè adoro.* Ecce hic! duo dictamina conscientia, immediatè illata ex præmissis certis; è quibus ad oculum patet, quomodo ex probabilibus præmissis remotè concurrentibus tandem possit iuferrì conclusio, seu dictamen moraliter, & practicè certum de honestate operationis. Et quemadmodum non obstante tali dubio, vel potius formidine speculativa, ne fortè hostia quacunque demum ex causa non sit consecrata, nihilominus practicè nos certò resolvimus, hujus hostia adorationem non esse illicitam; sed certò honestam; ita pariter non obstante formidine illa speculativa, ne fortè pingere sit opus servile,

practicè certò possumus concludere, quòd die festivo pingere non sit peccaminosum. Videatur Babenstuber *tr. 1. disp. 4. art. 2. n. 2.*

Dices iterum. Si conscientia probabilis practicè certò dictat, eò ipso non ampliùs debet dici dictamen conscientiae *probabilis*, sed conscientiae *certa*: at, hoc est contra suppositum: ergo &c.

184. R. Negando illatum: quemadmodum enim conscientia erronea dicitur talis ex eo, quòd ad hujus formationem concurrat aliquod principium erroneum, licet dictamen hujus conscientiae practicè sit rectum, & certum; ita pariter rectè dicimus, illam conscientiam esse probabilem, ad cujus formationem saltem remotè concurrat aliquod principium probabile duntaxat, tametsi ultimum dictamen practicum nullam contineat in se formidinem, sed potiùs practicum certitudinem de honestate operationis, uti benè observat Herincx *parte 2. tr. 2. disp. 4. n. 24.*

Quæres 6tò sitnè licitum sequi opinionem minùs probabilem, minùsque tutam, relicta etiam probabiliore, & tutiore?

185. R. primò. Per seloquendo non est illicitum sequi minùs probabilem in quæstionibus Juris, id est, quando agitur de sola honestate, seu liceitate alicujus actionis. Ita hodie satis communiter Doctores. Terillus *tr. de conscient. probab. q. 22. à n. 9.* referens pro eadem sententia plures quàm 150. Auctores Ean-

Eandem tenent Mastrius *Theolog. moral. disp. 1 q. 4. n. 64.* Herincx *part. 2. tr. 2. disp. 4. n. 22.* Sporer *tr. 1. c. 1. n. 42. & seqq.* Reiffenstuel *tr. 1. disp. 3. n. 50.* Felix *Potestas tom. 1. part. 1. n. 59.* Illfung *disp. 1. art. 6. §. 6. à n. 56.* Castropalaus *part. 1. disp. 2. pn. 2.* La Croix *l. 1. n. 268.* Stoz *lib. 1. part. 5. n. 107. & seqq.* Badenstuber *tr. 1. disp. 4. art. 2. n. 14. & innumeri alii, ita, ut Stephanus Spinola meritis scripserit, hanc opinionem esse Recentiorum omnium calculò, & universali penè populorum usu confirmatam; etsi Gonzales, & alii multi oppositum mordicè teneant, quibus ex nostris novissimè subscripsit Henno, valde liberalis, ne dicam excessivus, in censuranda hac nostra sententia. Ratio autem præcipua, & fundamentalis hujus nostræ benignæ opinionis hæc reddi potest: quia, ut proximè visum est, sequens opinionem probabilem potest se practicè certò resolvere, quòd hic, & nunc non peccet: atqui dictamen practicum est regula proxima actionum humanarum; ergo moraliter certus est de honestate suæ actionis; id quod amplius confirmatur ex eo: quia quisquis prudenter operatur, non peccat; implicat enim operationem prudenter exercitam esse peccatum: at, qui etià relicta opinione tutiore, & probabiliore, amplectitur minus quidem, verè tamen probabilem, uti supponitur, operatur prudenter; qui sequitur*

sententiam gravi fundamento nixam, & omnino dignam assensu viri prudentis, uti satis liquet ex hactenus dictis: ergo non peccat &c. Accedit, quod sine certa Lege non debeat hominibus imponi obligatio gravis, qualis est hæc de sequenda semper opinione tutiore &c. atqui ab AA. nequit ostendi certa lex: ergo &c. Qui plures rationes pro hac opinione desiderat, adeat P. La Croix l. prox. cit. ubi etiam fundamenta contraria inveniet soluta.

186. Dixi tamen: *Per se loquendo non esse illicitum &c.* Nam per accidens subinde non licet sequi hujusmodi sententiam minus probabilem, idque in sequentibus casibus, 1. Si quis advertat, se ex hujusmodi expositione iri periculo peccandi. Ex-gr. esto probabile sit, te posse juxta morem patriæ osculô excipere foeminam, præsertim cognatam; item: posse Confessarium cum altero sexu spiritualis instructionis gratiâ familiarius conversari; item, posse mulierem animô placendi suo marito incedere cum profano illo ornatu, & liberiori denudatione colli &c. si tamen prævideatur ex hujusmodi praxi imminere periculum animæ, seu gravis ruinæ spiritualis, cessat omnino probabilitas practica talium opinionum. Rursus 2. qui ignorat probabilitatem alicujus opinionis, vel omnino credit, eam esse improbabilem, sine dubio peccaret, eandem practicando
3. Simi-

3. Similiter qui ex pacto, vel vi sui officii se obligarunt ad sequendas opiniones tutiores, illicitè agerent practicando minùs tutam; at, hoc per accidens duntaxat, id est, non virtute præcepti divini, quò teneremur in omni casu, etiam ubi agitur de sola honestate actûs, sequi tutiora, sed quia, vel ex præcepto charitatis, vel justitiæ adstringimur abstinere ab hujusmodi praxi. Videatur Sporer *l. 1. c. 1. n. 49.*

N. jam 2dò ad idem quæsitum n. 185. propositum: in quæstionibus facti, id est, quando agitur de facto, vel valore rei v. g. Sacramenti, vel de efficacia actionis cum probabili damno temporali, vel spirituali proximi, vel nullitate Sacramenti, tenemur sequi sententiam tutiorem. Ita in re communissimè DD. nominatim Herincx *p. 2. tr. 2. disp. 4. n. 26.* Sporer *tr. 1. c. 1. n. 51.* Babenstuber *tr. 1. disp. 4. a. 2. n. 22.* Reiffenstuel *tr. 1. dist. 3. n. 56.* Ratio est: quia extra casum necessitatis nunquam licet sese exponere periculo irrogandi injuriam Christo, vel damnificandi graviter proximum &c. constat enim, hoc repugnare virtuti Religionis, vel charitatis, vel etiam justitiæ: at, sequens opinionem minùs tutam, vel minùs probabilem, ubi agitur de valore alicujus Sacramenti, vel actione conjuncta cum periculo damnificandi proximum &c. sese exponit tali periculo: ergo &c. minor facile probari

potest exemplis; nam Sacerdos v. g. baptizando in materia minus tuta, ut puta in lixivio, aut cerevisia, exponit se periculo irreverentiae erga Sacramentum; utique non sine gravi injuria erga Christum Sacramentorum Auctorem; insuper etiam exponit infantem baptizatum periculo salutis spiritualis. Similiter medicus adhibens pharmaca minus tuta, relictis tutioribus, & probabilioribus, exponit infirmum periculo vitae, vel aliorum damnorum. Denique Judex ferendo sententiam pro parte habente jus minus probabile, exponit se periculo graviter damnificandi partem contrariam: ergo peccant graviter.

Dices. Peregrinus tenetur incedere viam securiorem è duabus; ita enim suadet prudentia, & charitas. Similiter secundum mox dicta, medicus, & ægrotus tenentur amplecti salubriora medicamina. Rursus miles tenetur uti armis aptioribus ad obtinendam victoriam, artifex instrumentis magis idoneis ad suum finem: ergo à fortiori quivis Christianus in negotio suæ salutis (quod utique omnium maximum est) tenetur sequi sententias tutiores, tamen si non agatur de valore, sed de sola honestate actionis.

188. R. negando conseq. & paritatem. Nam honestas actionis proximè, & quidem totaliter dependet à prudenti Judicio practico operantis; cui, si actus est conformis, eo ipso

ipso bonus censetur, etsi in se bonus non esset, veluti constat de adoratione hostiæ non consecratæ, quæ tamen prudenter creditur consecrata: è contra valor Sacramenti, efficacia medicinæ, aptitudo armorum, vel instrumentorum &c. minimè dependet à nostro Judicio practico; nam si millies, & optima quidem fide tibi persuadeas, te baptizare in aqua naturali, vel putes baptismum in vino collatum esse validum, talis baptismus in vino collatus erit nullus, neque ob tuam persuasionem infans baptizatus emundabitur à labe Originaria, sed manebit expositus periculo salutis æternæ. Ex quo cuius perpendenti patebit palmaris disparitas inter utrumque casum, seu inter quæstiones juris, ubi agitur de sola honestate, seu licentia alicujus actionis, & inter quæstiones facti, ubi agitur de validitate actionis &c.

Dices adhuc. Qui sequitur sententiam minus probabilem, practicè judicare, & credere debet, hanc suam actionem esse probabilius peccaminosam: at, qui stant tali Judicio operatùr, eò ipso peccat, & incurrit gravissimum damnum animæ: ergo nunquam profus licet sequi opinionem minus probabilem.

¶ Negando majorem; qui enim amplectitur sententiam minus probabilem, non judicat practicè hanc suam operationem probabilius esse peccaminosam, multò minus idèò eam amplectitur; quia judicat minus tutam,

tutam, minùs probabilem, vel minùs probabiliter licitam (prout Adversarii nostri sinitrè sibi persuadent) sed potiùs judicat practicè se hic, & nunc operando non peccare, proptereaque eam sequitur, quia moraliter certus est, se Deum non offendere. Et licèt is, qui v. g. sequendo opinionem minùs tutam, die festivo pingit, maneat speculative dubius de hac veritate: *An pingere fortassis non sit opus servile*, hòc ipso tamen, quòd non constat, esse opus servile, vel ut tale esse prohibitum, practicè certò concludit, *se pingendo non peccare*, patrocinate sibi certò titulo, scilicet possessionis suæ libertatis: ferè, quemadmodum secundùm dicta superiùs n. 156. dubitans, an emiserit votum castitatis, non obstante hoc dubio speculative, practicè certò potest se resolvere, quòd non teneatur ad observantiam voti, & quòd tutà conscientia amplecti valeat statum matrimonialem.

§. II.

Proponuntur, & breviter resolvuntur Casus practici circa conscientiam probabilem.

CASUS PRIMUS.

Titius nuper à quodam insigni suo benefactore, & fautore institutus fuit hæres universalis, & licèt testamentum ab uno, alterove competere

re fuerit efficacissimè impugnatum, nihilominus
 tum ob singularem advocati sui dexteritatem,
 & peritiam, nec non ob peculiarem favorem unius
 alteriusve Judicis in hac causa triumphavit feli-
 cissimè ita, jamjam adierit hæreditatem. Quia
 tamen in eodem testamento reperit multa legata
 pia, sibi valde invisa; hinc sciscitatur, an non
 possit tutâ conscientia eorum executionem inter-
 mittere, pecuniâ sibi reservata; tum quia hanc
 actu jam possidet bona fide; tum etiam quia sal-
 tem probabile videtur, dispositionem testatoris
 fuisse invalidam, & hâc ipso dubitare licet, an
 teneatur eam exequi. Quid Confessarius re-
 spondebit interroganti?

N. Titium esse obligandum ad præstanda, 190.
 & exequenda pia legata. Ratio est: quia ad-
 eundo hæreditatem ipsô facto censetur sese
 obligasse ad portanda onera sibi, ceu hæredi
 universali incumbentiâ; enimverò juxta no-
 tissimam illam Regulam 55. juris in 6to. æqui-
 tati, vel maximè consentaneum est, ut is,
 qui sentit onus, sentire debeat commodum, &
 contra. Accedit, quòd Judex declarando
 testamentum validum, eo ipso saltem impli-
 citè declaraverit Titium de voluntate pii te-
 statoris esse obligatum ad præstanda pia lega-
 ta, ceu contra quædam annexa huic testamen-
 to; esto proin speculativè fuerit probabile,
 testamentum esse nullum, practicè tamen
 probabile non est, quòd Titius, ceu hæres
 universalis institutus, post sententiâ Judicis
 tutâ

tutâ conscientia possit adire hæreditatem, & simul negligere excusationem piorum Legatorum; certum quippe est, quòd sententiæ justæ, & piæ testatoris intentioni teneatur se accommodare. Et licet pecuniam à testatore relictam actu possideat bona fide, eam tamen non aliter obtinuit, quàm cum onere præstandi pia legata; unde hæc possessio in hunc finem nihil suffragatur Titio.

Dices. Saltem hoc videtur certum, quòd insistendo principiis nostræ sententiæ benignæ, & præscindendo à sententia Judicis, Titius posset tutâ conscientia adire hæreditatem; eò quòd testamentum probabiliter fuerit validum; postea negligere legata ex eo capite, quia idem testamentum probabiliter fuerit nullum.

191. *N.* Neque hoc permittendum esse Titio, tametsi præscindamus à sententia Judicis. Ratio est: quia non licet mutare opinionem semel electam, si talis mutatio necessariò cedat in præjudicium certæ Legis, vel alicujus tertii; quævis enim lex possidet jus certum, ne fraudulenter eludatur: ergo pariter obligat, ne semel electa opinio mutetur in manifestum sui præjudicium: atqui talis mutatio in nostro casu necessariò cederet in præjudicium testatoris, cujus dispositio se habet ad instar Legis, juxta *c. ultima voluntas. 4. c. 13. q. 2.* ubi dicitur: *ultima voluntas defuncti modis omnibus conservari debet*: tametsi ergo supponatur probabile, quòd testamentum fuerit

rit nullum, positô tamen, quôd Titius hæreditatem jamjam adierit, minimè videtur probabile, eum posse tutâ conscientia negligere pia legata, quin potius moraliter certum est, quôd teneatur ea præstare, quippe ad quorum solutionem sese implicite saltem obligavit adeundo hæreditatem, & ratificando voluntatem defuncti. Videatur de hoc Stoz l. 1. p. 5. n. 114. Sporer tr. 1. c. 1. n. 35. Esparza de Act. hum. q. 23. Lugo de Eucharist. disp. 15. à n. 46. La Croix l. 1. n. 372. & 373.

Dices: ergo jam cogimur fateri non semper esse licitum amplecti opinionem etiam verè probabilem.

✱. Distinguendo illatum. Non semper 192.
licet sequi opinionem, quæ est speculativè duntaxat probabilis, con. quæ est practicè probabilis, id est, talis, suprâ quam possumus formare Judicium practicum, quôd eam amplectendô hic, & nunc non peccemus, neg. illatum. Gratis ergo fatemur, non omnem propositionem de se, & speculativè duntaxat probabilem illico tutâ conscientia deduci posse in praxin, idque vel maximè, tunc, quando nobis aliunde constat de certa Lege, hujusmodi praxin prohibente. Pro hujus pleniori captu recolendum est ex dictis suprâ n. 177. duplex illud genus propositionum, speculativarum scilicet, & practicarum. Ex gr. hæc propositio: *Paulus mihi debet 100. florenos*, est speculativa, & potest esse

esse verè probabilis; hæc verò: ergo possum eidem centum auferre, est practica, utpote loquens de praxi: prior supponitur vera speculativè; posterior tamen falsa est, quia huic praxi obstat certa lex, quâ cavetur, ne possessor bonæ fidei privetur re possessa ob debitum probabile duntaxat, immò ne quidem ob debitum probabilius; nam juxta Reg. 136. de R. J. bona fides tantundem possidendi præstat, quantum veritas; quoties lex impedimento non est. Similiter in materia facti hæc propositio: Baptismus collatus in lixivio valet, est speculativa, & probabilis, seu probabiliter vera; hæc verò: Ergo in lixivio licitè baptizo sine necessitate, est practica, & certò falsa; quia hæc praxis certò vergeret nedum in irreverentiam huic Sacramento debitam, sed etiam in detrimentum, vel saltem in periculum animarum, contra virtutem charitatis, & Religionis. Vide Sporer tr. proœm. c. 1. n. 52.

CASUS SECUNDUS.

Sempronio quidam ad mortem decumbens fassus fuit, se sedecim annis in continuo concubinato vixisse cum sua famula, & tempore hujus infirmitatis sapius erga eandem exarsisse amore venereo, neque etiamnum ab omni tentatione, aut sinistro erga eandem affectu immunem esse; quo intellecto Sempronius, satagebat infirmum disponere ad verum
do.

dolorem, & efficax propositum, tandemque absolvit. 3tia 4ta & 5ta die eundem infirmum denuo invisit sollicitus pastor, verum, quoties ad illum venit, toties invenit relapsum, sin minus opere, saltem mente, & affectu; quam ob rem vehementer cepit dubitare de efficacia propositi, & de sufficientia dispositionis; partim ob labilitatem infirmi hactenus satis exploratam, partim etiam propter periculum ex occasione proxima imminens: eadem enim famula spe obtinendi quoddam legatum &c. quam officiosissime servavit, & quasi continuò astitit lecto decumbentis. Quare Sempronius dubitat 1. an in his circumstantiis possit absolvere infirmum? & 2. quid agendum;

N. Sempronius Confessarius nedum potest, sed etiam tenetur absolvere talem infirmum, modò seriò promittat 1. quòd cum divina gratia pro viribus velit resistere tentationibus, & insultibus inimici, & 2. quòd quamprimum moraliter (absque periculo scilicet infamiae, vel scandali &c.) fieri poterit, velit hanc famulam, vel omnino à se amandare, vel certè seriò eidem mandare, ne tam frequenter, & quasi continuò subeat conspectum. Ratio hujus resolutionis est, quia cùm hoc Sacramentum sit summopere necessarium, praesertim hominibus tam fragilibus, simulque sit institutum ad animarum salutem; hinc debet administrari toties: quoties ex hujus denegatione immineret peri-

culum animæ, ex administratione verò saltem probabilis spes valoris, & fructus inde percipiendi: at si infirmus seriò promittat servare duas conditiones mox recensitas, apparet probabilis spes salutis, è contra ex denegatione absolutionis imminet evidens periculum animæ: ergo in hoc casu debet illum absolvere. Accedit insuper, quòd in dubio practico, præsertim ubi ex utraque parte videtur imminere periculum peccandi, teneamur eligere id, quod tutius est, juxta dicta superius *de conscientia dubia* à n. 149. at: in hoc casu Sempronio ex utraque parte imminet periculum peccandi saltem materialiter, scilicet contra reverentiam Sacramenti, si absolvat, vel contra charitatem proximi, si denegat absolutionem, & quidem cum periculo animæ: ergo cum ex hoc posteriori capite immineat majus periculum peccandi, tutius est absolvere, quàm non; consequenter Confessarius tenetur absolvere pœnitentem. Videantur de hoc dicta in *Theol. Sacram. p. 2. Confer. 8. à n. 211. vel La Croix lib. 1. n. 474.*

194. *¶* jam ad 2dum dubium hujus casus, Sempronio ceu Confessario singulariter esse observanda sequentia. 1. Ut hujuscemodi infirmo seriò, & frequenter inculcet obligationem gravissimam, quàm primùm, & quantum moraliter fieri potest, amandandi à se personam illam complicem, ceu lapidem offensionis, & petram scandali. 2. Ut eadem

dem infirmo suggerat nonnulla remedia tempore tentationis instantis usurpanda; v. g. ut semper penes se retineat imaginem crucifixi, eandemque præsertim instante tentatione devotè exosculetur, & sese in sacratissima JEsu Christi vulnera quodammodo abscondere nitatur; quod quidem remedium in talibus circumstantiis arbitror efficacissimum. 3. Caveat vel maximè Confessarius, ne per se ipsum, seu propria auctoritate famulam, seu complicem amandet, & exesse jubeat aut alio quocunque demum signo, vel actione, sive deinde directè, sive indirectè eidem det intelligere notitiam concubinatûs, utpote ex sola confessione Sacramentali (ut supponitur) haustam; quia hõc modo violaret sigillum confessionis, ut de se liquet. 4. Denique suadebit charitas, præsertim Pastori proprio animæ periclitantis, ut eidem invigilet, atque ultimo certamini, seu agoni interesse studeat, quatenus oviculam suam contra lupum infernalem defendat, eamque Sacramentali absolutione eo tempore, quò potissimum indiguerit, muniat; quod, esto videri possit difficile, & laboriosum, certissimè tamen non minùs consolatorium experietur, quotiescunque meminerit, se pro sua parte præstitisse omnia, quæ ad lucrandam Deo animam videbantur necessaria.

Dices: at quid agendum, si talis pœnitens supponatur non constitutus in articulo,

Q 2

vel

vel periculo mortis, nunquid Confessarius eidem velut suspecto de sufficientia dispositionis tenetur negare absolutionem, cum talis negatio in his circumstantiis videatur tutior, & magis expediens pro reverentia Sacramenti?

195. R. Ne quidem extra mortis articulum, vel periculum negandam esse absolutionem, modò saltem hac vice pœnitens det speciale aliquod signum doloris, & propositi efficacis, spondeatque exequi consilium Confessarii. Ratio est: quia Confessarius sine injuria non potest negare absolutionem pœnitenti, quem rationabiliter, & probabiliter credit hic, & nunc esse dispositum; nam pœnitens vi confessionis acquirit jus ad absolutionem, quò privari nec potest, nec debet, quamdiu certò non constat, eum esse absolutionis incapacem: at, de hoc non constat, quamdiu apparet probabile, eum esse dispositum; ergo Confessarius tenetur eundem absolvere. Quandonam autem propter dubiam dispositionem pœnitentis absolutio prudenter differri, vel omnino negari possit, diximus in *Theol. Sacram. p. 2. Confer. 4. a. n. 95*, item *Confer. 18. n. 467. & seqq.*

Dices iterum. Minister Sacramenti tenetur (saltem extra casum necessitatis) sequi, id, quod est tutius: atqui negare absolutionem est tutius: ergo ubi talis pœnitens non supponitur constitutus in ne-

cessi-

cessitate aliqua, debet ei negari absolutio.

¶. Negando min, Nam pœnitenti saltem 196.
 probabiliter disposito, & confesso certò debetur absolutio : ergo hanc negare non est tutius, sed potius magis periculosum, utpote repugnans, & voluntati Christi, & juri ipsius pœnitentis, veluti proximè dictum est n. 191. Ex quo liquet, Ministrum in tali casu non posse amplecti sententiam tutiorem; quia negando absolutionem peccaret, violando jus acquisitum à pœnitente, prout bene advertit Babenstuber *tr. 1. disp. 4. a. 3. n. 16.*

CASUS TERTIUS.

Cajus Prator certi cujusdam pagi, ab aliquo suorum subditorum (quem Sempronium baptizamus) falso, & iniquè apud Principem fuit accusatus de multis criminibus: quàm ob rem erga Sempronium aversionem, & indeliblem quasi rancorem concepit. Haud multò post quidam maritatus apud Pratorem accusavit Sempronium, quòd hic cum Uxore sua (delatoris scilicet) commiserit adulterium; quò audito Cajus summopere gravatus fuit, ratus, se jam natum esse occasionem injuriam à Sempronio sibi nuper illatam de condigno vindicandi. Jussit proin Sempronium sine mora comprehendi, & quia ex relatione actoris saltem probabiliter vi-

sus fuit reus; hinc esto neque confessum, neque etiam convictum de crimine, jussit catenis confringi, & equo impositum à satellitibus per pagum circumduci, ac velut adulterum proclamari. 2. Insuper eundem condemnavit ad summam 200. florenorum Marito solvendam, tum in compensationem injuria, tum etiam pro meliori educatione prolis, quam pariter declaravit spuriam, velut ex adulterio natam. Jam verò conscientia stimulis agitatus idem Prator, quarit à Confessario, an vel quomodo in hoc facto deliquerit. Quid respondendum interroganti?

397. R. Cajus in hoc casu probabilissimè peccavit graviter, ideòque obligandus est ad compensanda damna illata Sempronio. Ratio prioris inde defumitur: quia nullus potest, aut debet criminaliter condemnari ad pœnas adulterii Jure Civili taxatas, nisi pro adulterio afferantur tales probationes, aut indicia, quæ contra reum faciant præsumptionem violentam (cujusmodi videri possunt apud Reiffenstuel mox citandum) immò indicia debent esse talia, quæ non solum pariant quandam probabilitatem, sed potius certitudinem moralem de delicto commisso. *L. fin. C. de probat. c. 12. de præsumpt. uti fusiùs probat Reiffenstuel l. 5. decreti. tit. 16. n. 31. & seqq.* At, juxta relatam facti speciem Sempronius nec confessus fuit, nec convictus de adulterio, sed probabiliter duntaxat visus est reus: ergo non sine gravi injuria, & pec-

pec,

peccato fuit condemnatus ad poenam tam gravem; eò præsertim, quòd, *cum sunt partium jura obscura* (uti hic erant) *reo potius favendum sit, quàm actori*, ut habetur *Reg. 11. §. in 6to.* Videatur Laymann *l. 1. rr. 1. c. 5. §. 3. n. 16.* Ratio autem posterioris liquet ex eo: quia quisquis alterum scienter injustè lædit, tenetur pro possibili ad reparationem damni, veluti ex communi Theologorum diximus *in tract. de Restit. Confer. 2. & 3tia*: atqui Cajus injustè, & quidem scienter, vel certè cum ignorantia crassa læsit Sempronium condemnando eum ad poenas tam graves: læsit insuper infantem, declarando eum velut illegitimum in tali dubio, ubi præsumendus erat legitimus *arg. c. ex tenore 14. qui filii sint legit. & L. Nuper C. de natural. lib.* Accedit insuper, quòd Sempronius fuerit in actuali possessione suæ innocentiae, aliorumque bonorum, quibus absque gravissima injuria privari non potuit nec debuit, quamdiu de delicto commissò moraliter certò non constitit: at, non supponitur in hoc casu, delictum fuisse ab actore moraliter certò probatum, esto is adduxerit rationes vel conjecturas probabiles: ergo his stantibus Cajus fecit gravem injuriam, condemnando Sempronium ad tam gravem multam &c. &c.

Dices: Sed quid si talis Prætor, vel quicumque demum Judex in causa Civili ferat

sententiam in favorem sui amici, esto pars adversa pro se attulerit rationes æquè probabiles, aut omnino probabiliores?

198. R. Etiam in hoc casu graviter delinqueret, nisi amicus ille supponatur hætenus fuisse in possessione bona fide cœpta (tunc enim præponderaret, ita, ut jam non amplius manerent rationes ex utràque parte æquè probabiles, sed melior evaderet conditio possidentis) Ratio autem hujus resolutionis est: quia in Judiciis non est habenda acceptio personarum: at, ubi Judex in gratiam amici ex eo præcisè, quòd amicus sit, fert sententiam, de se liquet, intervenire acceptionem personarum: ergo &c. Hac de causa Alexander VII. meritò damnavit sequentem propositionem n. 29. *quando litigantes pro se habent opiniones aequè probabiles, potest Judex pecuniam accipere pro ferendâ sententia in favorem unius præ alio.* Videantur de hoc Matthæucci in *Cautela Confess. lib. 1. c. 19.* Herincx *disp. 4. n. 27.* Sporer *tr. 1. c. 1. n. 61.* Gobat *tr. 1. Cyp. Clement. Jud. sect. 14.*

Dices fortassis contra hoc: juxta communissimam DD. Advocato licet suscipere defensionem causæ etiam minùs probabilis: ergo similiter concedendum est Judici, ut in tali casu possit ferre sententiam juxta opinionem minùs probabilem in gratiam sui amici: secus enim Advocatus inapiter susciperet hujusmodi causam minùs probabilem &c.

R. ne-

§. negando conseq. & parit. Advocatus enim non fert sententiam, sed solum proponit Judici rationes probabiles pro suo cliente, relinquendo illum cæteroquin in plena libertate decidendi causam secundum æquitatem, ergo per hoc nulli prorsus facit injuriam; qualem tamen Judex certò committeret, ferendo sententiam pro ea parte, cui jura videntur minùs favere. Neque propterea Advocatus dici potest decipere suum Clientem, aut circumvenire Judicem; nam non rarò contingere solet, ut rationes, vel allegationes, quæ à principio Advocato videbantur minùs efficaces, à Judice rem melius ponderante, existimentur validiores, sicque inter litigandum (ut dici solet) jus quodammodo crescat pro tali cliente. Videantur Sporer *cit. n. 64.* vel Babenstuber *tr. 1. disp. 4. 4. 3. n. 34.*

§. III.

Corollaria ex dictis inferenda.

Colliges ex dictis primò, illam opinionem, quæ vel 1. Scripturæ sacræ, vel 2. traditionibus, vel 3. communi sanctorum Patrum opinioni vel 4. Ecclesiæ ejusdemque definitionibus, vel denique 5. rationi repugnat, non esse practicè probabilem. Ratio est: quia opinio verè probabilis debet

O §

esse

esse nixa motivo gravi, id est, tali quod per se loquendo sit natum determinare virum prudentem ad assensum; seu (ut loquitur La Croix lib. 1. n. 108.) cui, si quis assentiatur, *Judicio prudentum non mereatur reprehensionem*: atqui opinio, quæ vel S. Scripturæ, vel Patribus, vel definitioni Ecclesiæ, aut rationi repugnat, non est digna assensu viri prudentis; quin immò quisquis talem prædicte sequitur extra necessitatis articulum, meretur reprehendi à prudentibus: ergo &c.

Dices. Undenam igitur dignoscendum, aut colligendum est, an aliqua sententia sit verè probabilis, nec ne?

201. R. Id dignosci posse ex sequentibus tribus Regulis, quas ex Terillo refert Baderstuber tr. 1. disp. 4. a. 2. n. 26.

I. Quotiescunque omnes, vel plurimi asserunt, sententiam esse probabilem, vel paucorum contradicentium rationes non sunt convincentes, talis sententia est certò probabilis.

II. Sententia communis, quæ frequenter docetur in Scholis, & invenitur in Autoribus, tamdiu censei debet certò probabilis, quamdiu nemo negat esse probabilem, vel asserit argumenta convincentia. Ratio hujus, & prioris regulæ est: quia certitudo probabilitatis tamdiu manet in possessione, quamdiu per rationes oppositas non evertitur.

III. Ho-

III. Homini illiterato, & indocto illa opinio potest esse certò probabilis. quam ei ut veram, vel certò probabilem, suadet vir doctus, & probus, nec aliud quidquam occurrat in contrarium. Ratio est: quia eadem Auctoritas, quæ sufficit homini rudi ad prudentem fidem, etiam sufficit ad formandum prudens Judicium de certitudine probabilitatis: atqui auctoritas viri docti, & probi sufficit homini rudi ad prudentem fidem: ergo &c.

Colliges 2dò, extra casum necessitatis minime licere amplecti in praxi talem opinionem, quæ solum tenuiter, aut dubie probabilis est. Ratio est: quia opinio tenuiter probabilis innititur motivo levi; dubie autem probabilis motivo, de cujus gravitate dubitant sapientes; unde oritur dubium practicum de probabilitate, & honestate talis actionis: atqui in dubio practico est tutior pars amplectenda, veluti superius jam visum est: ergo in praxi abstinendum omnino est à sequela hujusmodi opinionis. Ex quo pariter liquet, justissime ab Innocentio XI. damnatam fuisse sequentem *n. 31am.* propositionem: *Generatim, dum probabilitate sive intrinseca, sive extrinseca, quantumvis tenui modo à probabilitatis finibus non exeat, consili aliquid agimus, semper prudenter agimus.* Videatur de hoc Cardenas *cris. differt. 4. c. 5. n. 34.* Reiffenstuel *tr. 1. dist. 3. n. 49.* La Croix *lib. 1. à. n. 126.*

Di-

203. Dictum tamen fuit: *extra casum necessitatis*: nam ubi urget necessitas v. g. administrandi Sacramentum poenitentiae, vel baptismi, simulque sententia tutior praticari nequit, oportet sequi minus tutam, vel etiam tenuiter, aut dubie duntaxat probabilem, v. g. baptizando in lixivio, vel cerevisia &c. aut absolvendo moribundum saltem sub conditione, de cujus dispositione dubitatur. Ratio jam superius n. 191. fuit insinuata: quia nimirum praestat administrare Sacramentum dubium cum periculo nullitatis, quam cum certo, & irreparabili damno salutis infantem, aut moribundum fraudare Sacramento. Neque in hoc casu Minister dicitur relinquere sententiam tutiorem; cum non sit in illius potestate tutiorem sequi: nullus quippe dicitur relinquere id, quod in sua potestate nunquam habet. Videantur de hoc dicta in *Theolog. Sacram. part. 2. Confer. 8. à n. 200.*

204. Porro etiam extra casum necessitatis quandoque licitum esse amplecti sententiam minus tutam circa valorem Sacramenti, nonnulli Doctores existimant, modo sententia habeatur verè probabilis, ita ut probabiliter credatur valiturum Sacramentum, idque praesertim tunc, quando valor Sacramenti dependet ab aliqua conditione ab Ecclesia supplebili; quippe quæ, velut pia Mater in bonum fidelium meritò creditur velle sup-
 plere

plere hujusmodi defectum. Hac de causa 1. cum jurisdictione verè probabili, etsi non omnino certa, Sacerdos licitè absolvit, tametsi non sit necessitas. Item 2. sponsi licitè contrahunt matrimonium præsentè proprio Parocho nondum Sacerdote, vel extra propriam Parochiam assistente. 3. Similiter qui dubitat, an sit potens ad usum matrimonii, licitè contrahit, tametsi non esset necessitas &c. Rationem horum dat P. Illung *tr. 1. disp. 1. n. 78.* quia tunc solùm tenemur ex mente Ecclesiæ sequi tutiores, & probabiliores opiniones, administrationem, vel valorem Sacramenti concernentes, quando ex sequela opinionis minùs utæ non involveremur gravibus scrupulis, vel difficultatibus, quibus reverentia Sacramenti, & bonum animarum impediretur potius, quàm promoveretur, eò quòd talis administratio, vel susceptio redderetur nimis odiosa. Sic etiam, inquit idem Doctor *l. cit.* quia multis esset difficillimum, vel omnino carere matrimonio, vel carere cum persona singulariter amata, ideo licet illud contrahere, etiamsi dispensatio, vel absentia impedimenti diti-mentis, non semper sit moraliter certa, sed solùm probabilior, quàm ejus oppositum. Videatur Illung *loc. cit.* vel Viva *n. 13.*

At quid, inquires, si opinio sit probabiliter duntaxat probabilis, licebitne eam practicè sequi?

205. N. Et si de hoc diffideant inter se Doctores, quibusdam negantibus, aliis verò affirmantibus, prout videre licet apud Viva n. 10. ad propos. 3tiam è damnatis ab Innocent. XI. Existimo tamen, quòd si nomine opinionis probabiliter probabilis intelligatur illa, quæ putatur prudenter probabilis (nam probabiliter & prudenter in practicis sunt Synonyma, ait Cardenas cit. c. 3. n. 18.) existimo, inquam cum eodem Cardena, Illsung, Tamburino in Decalog. lib. 1. c. 3. §. 3. & 8. & aliis pluribus, hujusmodi opinionem absque peccato deduci posse in praxin; nam eò ipso quòd prudenter probabilis supponatur, potest ex principiis reflexis concipi resolutio practica, quòd liceat eam practicare. Et hanc opinionem utpote gravium Doctorum, suæ probabilitate non carere, fatetur Viva cit. n. 12. in fin.

206. Colliges 3tiò, ad sectandas opiniones probabiliores teneri sequentes 1. Tenetur Minister Sacramentorum saltem per se loquendo, extra calum scilicet necessitatis, vel alterius damni &c. 2. Tenentur item Medici, & Chyrurgi in præscribendis, vel etiam applicandis medicamentis, quæ probabilius profutura, & tutiora judicant. 3. Denique tenentur etiam Judices ferre sententiam pro ea parte, cui jura magis favent, velut ex hæctenus dictis satis liquet. Ratio generalis horum est: quia in his casibus agitur.

tur, vel de valore actûs; vel certè de efficacia alicujus actionis in ordine ad effectum dubium, cum periculo damni spiritualis, vel temporalis conjunctum: at, ubi simile periculum timetur, charitas suadet amplecti tutiora: quin etiam ex tacito saltem pacto, ideoque ex justitia tales censentur se obligare, dum hujusmodi officia, Judicis scilicet, vel Medici in se suscipiunt: ergo contrarium agendo peccant pro ratione materiæ, vel periculi &c. ita *communissimè DD.*

Insuper etiam Consiliarios Principum in 207.
dandis consiliis publicis, ubi scilicet agitur de necessitatibus Principis, & Reipublicæ, ut puta de justitia, aut necessitate tributi de novo imponendi &c. teneri ad sectandas sententias probabiliores, & tutiores, satis communiter tenent Doctores, nominatim Sponser *tr. 1. c. 1. n. 62.* citans pro hac opinione Bardi *discep. 4. c. 22.* & Vasquez *de restit. c. 6. §. 3.* Ratio est: quia Consiliarii se habent ad instar Judicis, Principem inter, & Rempublicam, velut inter duas partes litigantes: ergo quemadmodum Judex tenetur causam decidere pro ea parte, cui jura magis favent, ita, & Consiliarii Principum, eò præsertim, quod subditi supponantur constituti in actuali possessione suorum bonorum, & ex opposito nedum una, vel altera persona, sed potius tota communitas, aut Respublica gravissimè lædi posset.

Col.

208. Colliges 4to, quòd, licet secundum hactenus dicta per se loquendo fas sit, sequi opinionem minus probabilem in quæstionibus juris, ubi scilicet agitur de sola honestate actionis, id tamen non semper esse consultum, vel expediens; non enim omnia quæ licent, hoc ipso semper expediunt, juxta illud Apostoli 1. Cor. 6. *omnia mihi licent, sed non omnia expediunt.* Adde, quòd subinde saltem ex sequela opinionum minus tutarum natum sit oriri scandalum, vel periculum animæ ob nimiam laxitatem, præsertim si quis vellet passim sequi sententias minus probabiles; quam ob causam jam suprà n. 186. diximus, subinde per accidens saltem non licere amplecti opinionem minus probabilem. Et certè de se liquidum videtur, consultius esse in suis actionibus se regulare secundum opiniones probabiliiores, ac tutiores: ergo minus probabiles, aut minus tutas sequi non semper expedit, præsertim hominibus aliunde ad majorem perfectionem sectandam adstrictis, uti sunt v. g. Religiosi &c. Vid. Reifensuel *Theol. mor. tr. 1. dist. 3. n. 54.*
209. Colliges 5to, malè eos agere, qui quamlibet Doctorum opinionem illico sequuntur; quia certum, & exploratum est, nonnullos Doctores fuisse nimium laxos, suasque singularitates apparenti duntaxat fundamento nixas contra communem aliorum (fortè ingenii ostentandi causâ) produxisse in publicum;

licum; id, quod quisque prudens facile colliget ex propositionibus proscriptis, & damnatis auctoritate summorum Pontificum, & vel maximè ex illa n. 27. inter damnatas ab Alexandro VII. *Si liber sit alicujus junioris, & moderni, debet opinio censei probabilis, dummodo non constet, rejectam esse à Sede Apostolica, tanquam improbabilem.* Similiter ineptè faciunt illi, qui post factum ad medendum remorsibus conscientiae suae casibus student, ut inveniant fundamenta, vel opinionēs Doctorum, quæ suo desiderio faveant; quod planè est medicinam sperare post mortem, ait sapienter Herincx; siquidem honestas actionis jam pridem peractæ non potest amplius dependere ab illo Judicio Doctorum, qui postea primum consuluntur, sed dependebat solum à Judicio practico operantis, quod is tum habuit, quando actu operatus fuit, veluti jam superius Conferent. 6. n. 174. dictum fuit,

Colliges denique 6to, ad officium Confessarii prudentis ceu Doctoris, & Medici spiritualis attinere, ut suos Pœnitentes pro diversitate subjeetorum dirigat diversimodè, scilicet hunc, quem videt magis laxum, secundum sententias probabiliore rigidiore, & tutiore, illum verò, quem advertit magis timoratum, vel potius timidum, & inclinatum ad perplexitates animi, & scrupulos &c. juxta sententias laxiores, esto minùs

R. P. Elbel, de Actib. Hum. P pro-

probabiles v. g. non requiri attentionem internam ad recitationem horarum Canoniarum ; non esse confitenda peccata dubia, vel circumstantias merè aggravantes &c. Ratio est : quia Confessarius prudens semper debet consulere ea, quæ utilitati spiritali pœnitentis magis deserviunt ; quemadmodum Medicus corporalis debet patienti præscribere ea, quæ magis expediunt saluti corporali : ergo si advertat, huic subiecto magis expedire, ut dirigatur juxta opiniones laxiores, debet illum hōc modo dirigere, alterum verò, quem advertit ob sequelam opinionum laxiorum sensim declinare in libertates noxias, & pericula peccatorum, debet ducere, & inducere ad sectandas opiniones magis rigidas, & tutas, v. g. quòd peccata mortalia dubia sint confitenda ; item quòd circumstantiæ notabiliter aggravantes sint necessariò exprimendæ in confessione. Spörer tr. 1.

c. 1. n. 48.



CON-

CONFERENTIA OCTAVA.

De Conscientia scrupulosa.

SUMMARIUM.

211. Quid sit scrupulus propriè talis ?
212. Et quid sit conscientia scrupulosa, vel esse scrupulosum ?
213. Quænam soleant esse causæ, vel radices scrupulorum ?
214. Quænam item sint indicia, è quibus scrupulositas colligi valeat ?
215. Quid Confessario cum pœnitente scrupuloso sit agendum ?
216. Et quænam remedia tali sint consulenda ?
217. Contra conscientiam scrupulosam nedum licet, sed etiam oportet agere.
218. Modò apprehendatur scrupulus, & ut talis contemnatur.
219. Quidnam scrupuloso agendum sit in casu, quo ita sit perplexus, ut putet se peccaturum, siue hoc agat, siue illud ?
220. Resolvitur. Casus I. De quodam Clerico, qui noluit celebrare suas Primitias, cò quòd putaverit se defectu intentionis non fuisse validè ordinatum.
221. Et quidnam tali consulendum, aut observandum cum illo.
222. Quomodo occurrendum illis, qui nimidum sunt solliciti de sufficientia intentionis circa administrationem Sacramentorum ?

223. Resolvitur Casus II. Cujusdam pœnitentis scrupulosi, qui putat se hæcenus nunquam validè confessum, vel absolutum fuisse.
224. Quid si dicat, se assuevisse quondam reticere peccata in confessione?
225. Et quid, si post confessionem generalem nondum quietatus, sæpius redeat ad Confessarium?
226. Resolvitur Casus III. Cujusdam scœminæ scrupulosæ, temptationibus contra fidem &c. mirum in modum exagitata, & afflictæ.
227. Quidnam tali personæ consulendum sit à Confessario?
228. & 229. Occurritur duabus objectionibus, quas scrupulosi communiter solent proponere Confessario.
230. Quænam sint discrimina inter hominem scrupulosum, & timoratum?
231. Itémque inter scrupulosum, & laxum?
232. Confessarius scrupulosi debet esse discretus, & patiens.
233. An, vel quando oporteat pœnitentem scrupulosum deferere?
234. Omnibus pensatis videtur præstare, esse scrupulosum, quàm laxum.

§. I.

Præmittuntur, & breviter resolvuntur quæsitæ, sciru necessaria ad debitè resolvendos Casus practicos de conscientia scrupulosâ.

QUæres primò, quid sit scrupulus propriè dictus?

✱.

¶ Scrupulus propriè dictus est inani, id est, est, nullo, vel levi fundamento nixa apprehensio, vel suspicio de malitia, seu pravitate operis, conjuncta eum quadam formidine, & anxietate mentis. Ita in re communissimè DD. uti videre licet apud Sporer tr. 1. c. 1. n. 100. & Stoz l. 1. p. 5. n. 172.

Dicitur autem levi motivo nixa apprehensio; quia scrupulus propriè tunc habetur, quando intellectus neque determinatè judicat, neque dubitat practicè, an hoc, vel illud sit peccaminosum, sed potius sola apprehensione, vel suspicione mali ex levi, vel nullius momenti motivo concepta titubabat, fluctuat, & anxie formidat de peccato &c.

Quæres 2do, quid sit conscientia scrupulosa?

¶ Conscientia scrupulosa est Judicium practicum, fundatum in scrupulo, & dictans quid scrupulo supposito, id est, supposita inani apprehensione, seu suspicione de peccato, agendum sit, vel non. Ita Stoz l. cit. n. 174. Et benè; nam quemadmodum conscientia erronea non consistit formaliter in errore, sed in dictamine intellectus ex errore deducto; ita pariter conscientia scrupulosa formaliter non consistit in ipso scrupulo, sed in dictamine practico ex inani motivo concepto, & deducto. Ex quo liquet, illum meritiò dicendum esse scrupulosum, qui

ex levibus, seu inanibus motivis solet concipere dictamina practica de peccato, ubi revera nullum est peccatum, & fortassis nullum omnino peccandi periculum.

Quæres 3tio, quænam sint causæ, seu radices scrupulorum?

213. R. Causæ scrupulorum aliæ sunt in - & aliæ extrinsecæ. Extrinseca causa primaria est ipsq DEUS, qui ex infinita, & nunquam fatis admiranda sua providentia permittit hominem exagitari scrupulis; sive deinde in peccata peccatorum præteritorum, sive ad præcavenda peccata futura; sive denique eo fine, ut talis homo scrupulis agitatus habeat frequentiores occasiones luctandi, & vincendi adversarium, & hõc ipso promerendi majorem gloriam in Patria cœlesti. 2da causa est malignus dæmon, qui injiciendo scrupulos nil aliud intendit, quàm vel inducere in peccatum, vel hominem reddere pusillanimum, & hõc modo impedire à studio devotionis, & reliquarum virtutum, ac tandem in omnimodam desperationem abducere. 3tia est conversatio cum hominibus scrupulosis; quibus 4to accenseri meretur lectio Auctorum, seu librorum nimis rigorosorum. Causæ intrinsecæ scrupulorum esse solent. 1. Nimia tenacitas proprii Judicii, & quandoque etiam occulta superbia, quæ nonnulli proprium Judicium aliorum consiliis præferre solent, abundantes in sensu suo

us.

usque ad insipientiam. 2. Solet esse temperamentum excessivè melancholicum, aut complexio corporis in timorem propensa, qualis (judicio medicorum) reperiri solet in naturis, humidis, ac frigidis; quibus amplius compatiendum est, quantò minùs eorum potestati subjacet, tollere hanc pessimam radicem, sibi que temperare; quam ob rem etiam hujusmodi personæ quærunt angulos, ut indulgeant Lacrymis, tametsi ipsæmet nesciant, cur lacrymentur. 3^{ia} causa intrinseca esse solet læsio potentiæ imaginativæ; quando enim ista non fungitur ritè suo officio, sæpe intellectus apprehendit ut mala, & illicita, quæ talia non sunt, inquit Babenstuber *tr. 1. disp. 5. a. 1. n. 2.* Plures adhuc causæ videri possunt apud Stoz *cit. n. 175.* & La Croix *n. 512.*

Quæres 4^{to}, quænam sint signa, vel indicia, è quibus scrupulositas alicujus hominis conjici possit?

R. Sunt sequentia. 1. Pertinacia Judicii, quâ Doctorum Consiliis, ac Judiciis non acquiescunt, sed varios consulunt, & fatigant, at tandem nullius Judicio stare solent, nisi suo; & hoc ipsò, quòd à diversis diversa audiant, tandem magis implicati evadunt, & perplexi. 2. Ex levi fundamento frequens Judicii mutatio, unde oritur quædam in rebus agendis inconstantia, mentisque perturbatio præsertim in actionibus

bus externis, utputa in oratione, celebratione, vel Sacramentorum administratione &c.

3. Est, habere reflexiones impertinentes circa innumeras circumstantias nedum de præterito, verum etiam de futuro. v. g. an non in hoc, vel illo casu consentiret in peccatum &c. &c.

4. Est, in omnibus time-re peccatum, & contra sapientum, & proprium etiam Judicium inquietum esse; unde experimur, quod tales una assertionem Confessarii non contenti, sapientius etiam in eodem actu confessionis id ipsum quærant v. g. an in hoc, vel illo casu non peccent v. g. non formando intentionem explicitam, ante recitationem officii divini &c. &c. Addit insuper Busenbäum de conscient. dub. c. 3. Resp. 3. Signa scrupuli præsentis in materia particulari esse sequentia duo. 1. Si quis experiatur se nimium angere, & perturbari suspitione peccati. 2. Si aliàs sit expertus se similia apprehendisse sine fundamento.

Quæres 5to, quidnam Confessario agendum cum pœnitente scrupuloso, & quænam talibus remedia sint præscribenda?

- Ans. N. 1. Confessarius ante omnia debet sollicitè expiscari, sitne pœnitens verè scrupulosus nec ne: quod ex signis mox allegatis colligendum erit; quò deprehenso ulterius oportebit indagare, ex qua radice scrupulositas ortum ducat; ferè quemadmodum Medicus corporalis præprimis curare debet, ut depre-

deprehendat statum morbi, & radicem infirmitatis. 2. Confessarius à scrupuloso consultus respondeat absolute, & sine hæsitacione, ne timidiùs loquendo scrupulos augeat. 3. Dubia semper in benigniorem partem interpretetur, ne pœnitentem magis intricet. 4. Nunquam, vel certè non nisi in raro casu, mox infra adducendo, scrupuloso permittat confessionem generalem, aut confessionem peccatorum præteritorum immò verò omnimodis conetur eidem persuadere, ut omissis meris dubiis, vel incidentiis aliisvè ineptiis, quibus scrupulosi continuò exagitari solent, confiteatur peccata certaduntaxat: quòd si ab ultima confessione nullum habeat, cum sine absolutione ad SS. Eucharistiam dimittat, aut jubeat saltem aliquod veniale certum ex jam confessis subjicere clavibus. 5. Vel maximè conetur illum inducere, ut cæca obedientia velit parere, & aquiescere consiliis à Confessario dandis, quippe quæ sequendo certè non peccabit: & hunc in finem Confessarius eidem promittat, se responsurum ante tribunal DEI de omnibus, quæ pœnitens fecerit de consilio suo, Confessarii scilicet. Videatur Stoz l. 1. p. 5. a. n. 212. Vel La Croix lib. 1. n. 527. & seqq.

¶ jam 2dò. Scrupulosis præscribenda 216.
sunt illa remedia, quæ videntur magis expedire pro bono animæ, & tollendis scrupulorum radicibus magis opportuna; inter quæ

P s

præ-

præstantissimum, & summopere necessarium meritò reputatur hoc, ut scilicet scrupulosus sibi deligat Confessarium virum prudentem, & doctum, & huic se totum instar pueri committat, ejusdemque monitis, ac consiliis per omnia aquiescere studeat, non ulterius alios consulendo: quòd si pœnitens præstiterit, liberationem à suis scrupulis sperare poterit, prout experientia multorum probavit: Secus impossibile erit, ut liber evadat ex hoc labyrintho, quemadmodum cæco impossibile foret labyrinthum evadere sine ductore: idque potissimum intelligendum venit de illis, quorum scrupulositas vel ex defectu scientiæ, aut Judicii, vel etiam ex pusillanimitate, vel denique ex superbia, aut pertinacia proprii Judicii ortum trahit. addo. Illis verbò, qui ob excessum melancholiæ scrupulositatem inciderunt, consulendum est, ut convenientibus pharmacis atram bilem evacuent, vel utiosis rebus sese occupent, suis autem temporibus recreationibus honestis tempus fallant, animùmque, quantumvis invitum (ut ita dicam) excitare, & exhilarare conentur. 3tiò. Insuper juvabit iisdem declarare, & inculcare scrupulorum privilegia, quæ sunt sequentiæ.

1. Quòd scrupulosus in agendo non teneatur adhibere examen, & diligentiam, nã valde mediocrem, nec tantam, quantum alii: & quòd, dum angit scrupulus, nec

sup.

suppetit consilium, possit liberè agere id, quod vult, nisi certum, & evidens sit, esse peccatum. 2. Quòd nihil teneatur repetere ex præteritis confessionibus, nisi certò sciat, illud esse peccatum mortale, & se ritè confessum non esse; non est autem certum, quamdiu dubitat. Plura videri possunt apud Stoz *l. cit.* & Laymann *c. 6:* vel Gobat *tr. 7. à. n. 494.*

Quæres 6tò, sitnè licitum agere contra conscientiam scrupulosam?

¶. Nedum licet, sed insuper expedit 217.

agere contra illam stante etiam, & non obstante scrupulo, modò judicetur esse scrupulus, & ut talis contemnatur. Ita communissimè DD. nominatim Bonacina *disp. 2. de peccat. q. 4. punct. 8.* Sanchez *lib. 1. mor. c. 10. n. 80.* Ratio est: quia ad evitandam malitiam peccati sufficit, quòd operans prudenter judicet, se hic, & nunc operando non peccare: atqui non obstante scrupulo potest scrupulosus, modò velit, prudenter judicare, quòd non peccet: potest enim hòc, vel simili modo secum ratiocinari: tametsi mihi videatur hic subesse periculum peccandi, quia tamen Confessarius, aliique Doctores Theologi dicunt contrarium, asserentes, me velut hominem scrupulosum in simili casu licitè operari, immò oportere contemnere similes scrupulos; hinc volo sequi Judicium Confessarii mei ceu interpretis divini volun-

voluntatis. Ita in re Gobat *tr. 7. n. 500.* Et certè cum aliunde constet, scrupulosis gravia imminere damna, nedum corporis, scilicet ex destructione capitis, memoriæ, & sanitatis, sed etiam animæ; quia ut sapienter loquitur Felix Potestas in *Exam. tom. 1. p. 1. c. 1. n. 133.* Scrupulosus suis scrupulis innumeras obligationes indebitas sibi efformat, quas non habet vir sani intellectus, & ita dum est anxius in vitandis peccatis, eadem via ad illa se exponit, quasi sibiimet imponendo innumera præcepta sine ratione; hinc planè cuique prudentium liquet, omni conatu esse agendum, & resistendum scrupulis, ita ut si conscientia scrupulosa dicet v. g. hunc lapidem crucis signo insignitum sine peccato calcari non posse; vel imaginem crucifixi Salvatoris è collo suspendi non posse, èò quòd sit quædam nova crucifixio &c. scrupulosus Crucifixum è collo suspendat, & portet, lapidem calcet, & si placuerit, bis calcet pedibus, nec propterea peccabit; quia practicè certò scit; hoc non esse illicitum, veluti ex dictis patet.

218. Dictum tamen fuit: *modò judicetur esse scrupulus, & ut talis contemnatur &c.* Qui enim judicaret se calcando lapidem &c. peccare, & stante tali iudicio practico nihilominus calcaret, procul dubio peccaret, utpote agendo contra conscientiam vincibiliter erroneam, quæ ceu regula proxima actionis hu-

humanae, huic tribuit bonitatem, aut malitiam specificam, juxta dicta *Confer. 3. n. 62.* Si tamen scrupulosus existimet, actiones, aut omissiones etiam involuntarias esse peccaminosas, propterea non peccat; quidquid demum involuntarie agit, vel omittit; quia malitia formalis peccati non dependet unice à Judicio practico intellectus, sed, vel maxime à libero arbitrio, quò deficiente peccatum formale cesset, seu deficiat, necessum est, veluti constare debet ex dictis supra *Confer. 1. n. 10. item Confer. 5. n. 141.*

Sed quid, inquires, si scrupulosus deveniat in eas angustias, & ita fiat perplexus, ut putet se necessario, & indispensabiliter peccaturum sive hoc agat, sive illud v. g. sive repetat formam consecrationis, sive non?

¶ In hoc casu scrupuloso agendum esse 219: illud, quòd sibi videtur minus malum, sicut jam superius *Confer. 5. n. 141,* dictum fuit de eo, qui laborat conscientia erronea; nam si eligeret id, quòd pejus, seu magis peccaminosum sibi videtur, saltem excessus malitiæ eidem imputaretur velut voluntarius: econtra si agat id, quòd minus peccaminosum apparet, nullatenus culpari potest; quia actio supponitur non esse libera. Denique si scrupulosus discernere, nesciat, quòdnam è duobus sit magis, aut minus peccaminosum, non peccabit, sibi hoc fecerit, sive illud; quia, ut supponitur, fuit coactus ad agen-

agendum, vel omittendum alterutrum. Felix Potestas cit n. 138.

§. II.

Proponuntur, & breviter resolvuntur Casus practici, de conscientia scrupulosa.

CASUS PRIMUS.

Titius Clericus sat longum consecerat iter, animo suscipiendi Ordinem Presbyteratus: at verò, dum Ecclesiam in qua SS. Ordines collati fuere ingressus est, eidem incidit hac cogitatio: Ecce tu nondum elicuisti intentionem formalem, & sufficientem pro susceptione Presbyteratus; nam illa nuper facta jamjam exolevit, & non amplius valet. Hac de causa Titius è vestigio proposuit, & intra se conclusit, quòd vellet elicere intentionem actualem sub actuali collatione Ordinis; at, ubi ad actualem susceptionem perventum est, Titius prioris propositi immemor, sortè ex distractione; vel naturali oblivione, nullam amplius intentionem elicit; quare domum reversus pridie Primitiarum mirum in modum exagitatus scrupulis, dixit, se tutâ conscientia non posse celebrare altera die, ed quòd defectu intensionis non fuerit validè ordinatus, propterea que populo daret ansam idololatriandi, & adorandi hostiam non consecratam locò consecrata. Quid iudicii de Titio?

¶. Fa-

¶ Facile liquet ex hac specie facti, 220. quòd Titius nedum scrupulosus, sed pro-
pmodum stultus sit habendus, quippe qui
ex nullo, aut certè prorsus inani funda-
mento dubitat, de sufficientia suæ intention-
is, & de valore Ordinis suscepti. Et, ama-
bò! quid ineptius, aut stultius videri pos-
sit, quàm longas facere vias, subire exa-
men, & præmissa exhomologesi, aliisque
præparatoriis ad communionem sacram, Or-
dinisque susceptionem sese disponere, & ni-
hilominus ex post facto dubitare de suffi-
cientia intentionis ex parte suscipientis ne-
cessariæ? Nunquid de talibus meritò dici
posset illud *Luc. 24. v. 25. O stulti, & tardi
corde ad credendum! &c.*

Ast, inquires, Titio venit in mentem,
quòd intentio nuper facta jam exoleverit, &
non ampliùs valeat.

¶ Quid tum? Nunquid hæc incidentia 221.
ex parte intellectus præcisè se habens, potuit
invalidare, aut retractare propositum volun-
tatis, de suscipiendo Ordine Presbyteratùs
jam nuper conceptum, & actu satis mani-
festatum per hoc, quòd tam longas fecerit
vias, & hoc animò omnia ad susceptionem
validam, ac licitam necessaria observaverit.
Eximenda proin fuit Titio hæc inanis per-
suasio, eidemque seriò inculcandum, quòd
ad validam susceptionem Ordinis non si ne-
cessa-

cessaria intentio actualis, sed sufficiat habitualis, quam certò sufficienter monstravit; quin immò Superiorum auctoritate meritò & sapienter omnino coactus fuit celebrare primitias, eò præsertim, quòd sine admiratione in populo, aliisque inconvenientiis longius differri non potuerit. Nec refert, quod eidem inciderit, se daturum populo causam idololatræ; quia cum sine omni dubio fuerit validissimè ordinatus, validissimè procul dubio consecravit, proptereaque contemnenda fuit stolidissima hæc, & prorsus inepta incidentia.

222. Id verò, quod modò de Titio diximus, pariter sibi dictum existiment illi scrupulosi Clerici, quicunque demum, qui plusquam oportet anguntur de sufficientia intentionis circa administrationem Sacramentorum. Enimverò compertum habemus, dari hujusmodi homines, qui ad infirmum vocati, eundem visitant, consolantur, & confessum absolvunt; item qui à Parentibus rogati, baptizant prolem recens natam, & de vita periclitantem &c. item qui à pœnitente sollicitati, ut confessionem velint excipere, subito confessionale ingrediuntur, sicque sine ulteriori expressa, & formali intentione administrant Sacramenta postulata, postea verò scrupulis mirum in modum exagitati, incipiunt dubitare, an habuerint intentionem sufficientem, & utrum non tenean-

teneantur hujusmodi infantem, denuo rebaptizare, vel pœnitentem denuo absolvere, aut certè admonere de periculo absolutionis nuper administratæ? Notent, inquam, sibi hanc sanè communissimam Theologorum doctrinam, quòd ad validam administrationem Sacramenti minimè necessaria sit intentio formalis explicita, sed sufficiat virtualis, & exercita, seu in actu exercito demonstrata: qualem certò convincitur habere, quando petentibus administrationem illico condescendunt, & obsequuntur: dum enim rogatus ab aliquo v. g. ut confessionem ipsius excipias, adeoque Sacramentum pœnitentiæ eidem administres, illico confessionale ingrederis, confessionem excipis, pœnitentiam injungis, & tandem solenniter dicis: *Ego te absolvo &c.* nunquid ipsò facto monstras, te habere animum administrandi Sacramentum? nunquid tu ipsemet stultum reputares, quisquis de hoc ambigeret? Quare igitur tu de sufficientia intentionis dubitas vel angeris?

CASUS SECUNDUS.

S Empronius sacrum tribunal ingressus, fatur in hunc modum: Domine, inquis, continuè angor, eò quòd ignorem, & dubitem, an unquam fuerim validè confessus, & absolutus: tempore epim juvenutis meæ, quò proh doleor! totus quan-

R. P. Elbel, de Actib. Hum. Q tus

ius peccatorum ceno immersus volutabar, sapius quidem confessus fui; sed cum illo tempore nondum intellexerim circumstantias, & species peccatorum; hinc dubito, an satis memet explicuerim, an efficaciter doluerim, proposuerim vitare occasiones, immò verò, an non subinde saltem ex damnabili verecundia peccata reticuerim. Quid Sempronio respondendum;

223. R. Confessarius Sempronium jubeat bono esse animo, dicendo, eum sine sufficienti fundamento angere, nec teneri ad repetitionem priorum confessionum; hoc ipso enim quod fateatur se tunc temporis nondum intellexisse peccatorum species, & circumstantias, non potuit obligari ad eorum explicationem, proptereaque minimè dubitandum est de valore confessionum, præsertim si Sempronius nullum aliud motivum suæ inquietudinis allegare potuit. Quin immò tametsi revera tempore suæ juventutis non satisfecisset præcepto Confessionis, nihilominus excusandus videtur ab onere repetendi confessionis præteritas, ob impossibilitatem moralem, & innumera incommoda, animique perplexitates, & angustias, in quas procul dubio incideret, si peccata in Juventute perpetrata denuo rememorare vellet, prout de aliis scrupulosis experientia multiplici compertum est.

At quid, inquires, si Sempronius noster diceret, se tunc temporis per aliquot tem-
pus

pus, vel annos fuisse solitum reticere, peccata in confessione, idque ob verecundiam?

¶ Ex hac suppositione idem à Confessario suaderi potest, & debet (nisi majus malum, utputa omnimoda perplexitas, aut pusillanimitas timenda sit) ut sese per aliquod tempus, vel dies examinet 1. quot, vel quibus annis vitæ assueverit reticere peccata? 2. quibus tunc occasionibus fuerit expositus? item 3. quibus consuetudinibus; aut vitiis, tunc singulariter fuerit deditus: postea verò jubeatur denuo redire, conscientiam suam Sacramentali confessione expiaturus. Et hæc fortassis unica potest esse ratio permit-
tendi scrupuloso homini confessionem, vel simpliciter generalem, vel saltem generalem secundum quid, id est, de illis peccatis quæ eò tempore, quò consuevit nonnulla reticere, commisit, præsertim si tunc mala fide omisit; nam per se loquendo semper adhuc obligatur satisfacere præcepto divino de integritate confessionis, cui nondum satisfecisse supponitur.

Dices adhuc, Quid si autem talis pœnitens scrupulosus post depositam confessionem generalem nondum acquiescat, sed ter, quater, vel sæpius adhuc revertatur ad confessarium, dicens, se hoc, vel illud peccatum certò commisisse, & nondum confessum fuisse.

Respondet La Croix cit. n. 543. in hoc casu pœnitenti dicendum esse, ut juret se scire

Q 2

quòd

quòd per hoc peccaverit mortaliter, & quòd nunquam sit confessus. Porro, si timeat jurare, illum esse dimittendum, nec audiendum, eò quòd non sit certus, sed ad summum opinetur, se peccasse: ècontra si sine mora juret, esse audiendum, & credendum, hunc non fuisse scrupulum. Ita Doctor *loc. cit.* & satis benè. Puto tamen in hoc casu magna circumspèctione, & prudentia opus esse; quia, ut sapienter advertit noster Marchantius *tom. 1. trib. Sacram. tr. 5. c. 6. q. 5.* cùm scrupulorum fluctuatio, & perturbatio animum possidens eorum accusationem, vel narrationem inficiat: hinc sæpe asseveranter dicunt, se varia pati in voluntate, quæ sunt tantùm in imaginatione: dicunt insuper se consensisse (fortè animo se liberandi à scrupulo) cùm tamen revera non consenserint, dumque hâc via evadere cogitant, scrupulorum laqueos amplius incidunt; nam peracta confessione, vel deposito juramento illico anguntur, an fortè non sint mentiti in confessione; immò ad Confessarium revertentes absolute asserunt se commisisse perjurium, proptereaquæ gravius DEum offendisse existimant, veluti Confessarii plurimi sunt experti.

Itaque omnibus perpensis videtur consultum, ut Confessarius hujuscemodi hominem verè scrupulosum non audiat, dum post peractam ?

actam confessionem generalem nondum quietus, sæpius redit, & de præteritis sese accusare vult: quia hoc modo non consulitur bono animæ, neque honori divino, sed potius aperitur via scrupulis, & utinam non omnimodæ stultitiæ, aut delirio.

CASUS TERTIUS.

CAja haud ignobilis fœmina, & optima quidem voluntatis exagitari solet tentationibus, & incidentiis importunissimis, modo contra Deum, & fidem veram, mox contra Cælites, non raro etiam contra virtutem castitatis: & licet omni modo conetur se opponere, & excutere tentationes, aut imaginationes inhonestas, nihilominus fatetur eas illico redire in memoriam, & quidem ad longam satis moram; qua de causa Caja non raro inter conversandum cum aliis honestis personis facie nonnihil aversa solet agitare caput, & altiori etiam, vel saltem satis intelligibili voce dicere: *Pfui pfui: nolo, nolo non consentio &c. &c.* Quid de Caja censendum, vel quid consilii suggerendum?

R. 1. Ex hac specie facti per se satis liqui- 226.
dum videtur, Cajam nimium quantum esse subiectam scrupulis; tum quia continuo angitur, & timere solet de peccato etiam in iis, quæ patitur contra voluntatem propriam; tum etiam, quia quamlibet incidentiam de consensu jam putat esse peccaminosam, & hoc ipso existimat se jamjam peccasse. Ita-

que ante omnia eidem seriò inculcandum est, & omni modo persuadendum, hujusmodi incidentias quantumvis malas, aut etiam lascivas, non esse peccata, sed potius materiem meritorum. Quin immò juxta *communissimam DD.* apud Herincxp. 2. tr. 2. disp. 7. n. 41. & Bosco de pœnit. disp. 7. sect. 8. n. 104. quivis conscientie timoratz, qui non assuevit plenè advertens consentire, potest in dubio præsumere, se non plenè consensisse, eò quia ex communiter contingentibus fit prudens præsumptio: ergo à fortiori id ipsum præsumendum est de scrupuloso, utpote cujus unicum penè studium, & tota sollicitudo eò tendit; ne Deum offendat: qua enim alia de causa tam vehementer angitur, & inquietatur?

227. n. jam 2dò, consulendum porro esse Cajæ. ut hujusmodi importunis tentationibus studeat moderatè resistere, non agitando caput, aliosvè gestus (quibus procul dubio coram aliis sese prostitueret) exercendo, neque etiam publicè, aut coram aliis intelligibiliter protestando, seu dicendo: *Non volo, non consentio &c.* sed potius omnimodis conetur inter tentationum procellas serenum, & quietum conservare animum, excludendo præcisè internum consensum, & quasi iludendo adversario; quòd optimè præstabit intentendo illi, quod actu operatur, utputa orationi, dum inter orandum, vel labori

ma-

manuali, dum inter laborandum tentatur, vel si actu non habet, quod agat, cogitet, quid egerit, aut, quidnam proximè agendum sibi incumbat. Ratio est: quia hōc modo motus, & molestiæ tentationum sensim, & quasi sine sensu evanescent, quandoquidem certum sit, quòd intellectus noster pro hac via non possit pluribus simul tam perfectè intendere, ac proin, quò magis sese uni objecto solet applicare, eò longius solet ab altero recedere.

Adde, quòd Caja sese inquietando, & importuniùs resistendo tentatori maligno potius victa censerì debeat, quàm Victrix; quia ut sanctè notavit P. Druzbiki *de soliditate virtut. consider. 21*. Sæpenumero diabolus homines præsertim perfectiores tentare solet, non tam ut eosdem superet, quàm ut inquietet, & à melioribus studiis, utputa orationis, meditationis, devotæ, communio- nis &c. tentationis abigendæ causâ divertat; id, quod ab huiusmodi hominibus scrupulosis non rarè ad suum placitum adipiscitur; dum enim toti quanti scrupulis suis, seu inanibus apprehensionibus inhærent, interim devotionis, & debitæ dispositionis v. g. per actus humilitatis, amoris, admirationis &c. in ordine ad debitè suscipiendum SS. Euchari- sticiæ Sacramentum obliviscuntur.

Dices. Sed Titia fatetur etiam hoc reme- dium non satis esse firmum, præsertim in or-

dine ad reprimendas tentationes carnales; tametsi enim intendat orationi, vel labori manuali, per hoc tamen non cessant stimuli, & fluctus motuum carnalium, neque illico recedunt turpissima illa phantasmata è phantasia, seu potentia imaginativa.

228. R. Præfatum medium esse prorsus solidissimum, firmissimum ad evitandum formale peccatum; quia, ut rectè advertit P. Dzubiki *loc. cit.* vel maximè deservit ad excludendum consensum voluntatis; ergo etiam ad evitandum ipsum peccatum formale. Nec refert, quòd vi hujus stimuli, & motus carnis non illico cessent, vel quòd ociùs redire soleant in memoriam: nam neque stimuli carnales, nec motus lascivi, neque phantasmata quantumvis turpia, & lasciva ex se sunt peccata, nec unquam evadent peccaminosa, nisi accedat voluntatis consensus. Neque etiam phantasia nostra despoticè subjacet voluntatis imperio: quin immò teste Henrico Suso apud Lohner & La Croix *n. 553.* concors est multorum etiam Sanctorum, sententia, quòd ratio sæpe per importunas incidentias usque in delectationem naturalem perveniat, idque satis longa mora, antequam sui ipsius per maturam deliberationem plenè compos fiat, & in talibus boni homines peccatum mortale metuere non debent, ait La Croix *cit.* sed potius sperare meritum ob victoriam ab hoste maligno reportandam.

At

At, inquis adhuc : Titix durante tentationis procella sæpissimè incidit : *Ecce ! modo delectaris : modo consentis, aut consensisti : jam deliquisti mortaliter &c. &c.*

¶. Etiam hæc incidentia nihil prorsus facit ad peccatum, sed potius contribuit ad majus meritum, longè enim aliud est incidentia de consensu, quippe quæ se præcisè habet ex parte intellectûs, & aliud est ipse consensus, qui se tenet ex parte voluntatis. Rursus, aliud est illa delectatio turpis, naturaliter concomitans, vel subsequens motum lascivum, & aliud acceptatio voluntaria hujus delectationis, seu complacentia voluntatis. Et certè, si hujusmodi personæ bonæ mentis (utî scrupulosi regulariter esse solent) à Confessario interrogentur, an ergo hujuscemodi incidentias, motus carnales &c. libenter habuerint ? sine mora respondere solent ; *Absit à me Domine : utinam talis incidentia nunquam mihi venisset in mentem, neque deinceps unquam amplius rediret.* Ex quo satis liquet, quòd tales personæ longè absint à periculo peccandi formaliter, immò verò multum per omnem modum sibi promereri valeant, modò hujusmodi calamitates, & misérias, sine dubio devotæ menti molestissimas, patienter ferant, & consensum internum constanter excludant.

§. III.

Corollaria ex dictis inferenda.

230. **C**olliges ex hæcenus dictis primò, quodnam sit discrimen inter scrupulosum, & hominem sanctè intoratum, seu inter timoratum, & scrupulosam conscientiam; nam scrupulosorum timor plenus est impuritate, & inconstantia mentis, vi cujus semper quasi perturbati in sollicitudinem, non allacrem, sed potius in anxietatem, pusillanimitatem, ac tepiditatem, tandemque in tædium quasi omnis boni devolvuntur, simulque apprehensio mali sit in ipsis cum perturbatione totius hominis, ita, ut nec se ipsos capiant, sed potius quodam quasi mentis delirio tabescant; è contra verè intorati sancto Dei timore, solent quidem metuere, ne Deum offendant, proptereaq; etiam à verbis otiosis, aliisvè quantumvis levibus offensis quàm diligentissimè sibi cavent, ita tamen, ut sine perturbatione mentis, aut nimia anxietate viam mandatorum Dei cum cordis tranquillitate incedant, & absque perturbatione continuò quasi ad Deum aspirent: ex quo liquet, hunc Dei timorem indèque enatam conscientiam sanctam esse, & laudabilem, è contra scrupulosam conscientiam vituperabilem; quamquam haud ignorem,
non

non esse semper in potestate scrupulorum
sele expedire ab his stolidis apprehensionibus,
proptereaque compassione potius,
quam reprehensione dignos esse. Vid. Marchant. tom. 1. trib. 5. tr. 1. tit. 6. q. 2. vel Reif-
fenstuel tr. 1. dist. 3. n. 76. & 77.

Colliges insuper 2dò, discrimen inter ho- 231.
minem scrupulosum, & laxum: scrupulo-
sus enim de peccato sibi timere solet etiam in
iis, quæ alii flocci faciunt: ubi è contra la-
xus spernit, & pro nihilo habet ea, quæ
alii viri prudentes, & boni communiter sibi
Religioni dicunt. Rursus qui Concionato-
ribus probis non credit, eorumque repre-
hensiones, velut excessivas exaggerationes
spernit, meritò dicitur laxus: è contra scrup-
ulosus aliis viris etiam doctis ac bonis asse-
rentibus hoc, vel illud absque peccato fieri
posse, solet non credere, nec acquiescere. So-
lent insuper laxi in omnibus divinis, seu etiam
animæ salutem concernentibus, utputa in
confessionibus, communione sacra, vel
etiam orationibus inconsideranter, præcipi-
tanter &c. progredi, explicantes quid pro
quo sine numero, & specie, orantes præci-
pitanter, sine devotione, vel attentione &c.
econtra scrupulosi sibi timent si vel minimam
circumstantiam in confessione omittant: so-
lent insuper repetere, quæ cum involuntariis
etiam distractionibus jamjam dixerunt. Et
quod amplius mirandum, nec sibi, neque
aliis

aliis viris doctis satis confidunt, dum hoc vel illud licite fieri posse audiunt, immò novam diffidentiam in eo ponunt, quia putant à Confessario similia ideo duntaxat sibi dici, aut præscribi, quia scrupulosi sunt; quod planè æque ineptum videtur, ac si infirmus tempore quadragesimalis jejunii non auderet comedere carnes, eò quod Medicus harum commestitionem ideo tantum præscripserit, quia judicavit statum hujus infirmi id exigere. Videatur La Croix n. 526. vel Stoz l. 1. p. 5. n. 223.

232. Colliges ex his 3tiò, Confessariis scrupulorum nedum magna prudentia, & discretionem, verum etiam magna patientia esse utendum; discretionem quidem, & prudentiam, quia si talem scrupulosum velint dirigere juxta opiniones magis rigidas, vel multum examinare de circumstantiis, vel etiam interroganti respondere trepidè quasi, aut cum multis distinctionibus &c. nedum nihil efficiant, sed scrupulis amplius eum involvent, patientia verò, quia si impatientes sese exhibuerint, eundem, vel omnino pusillanimum reddent, vel in omnimodam desperationem præcipitabunt, vel maxime autem compassionem digni mihi semper visi sunt illi, qui propter excessum melancholiæ in hanc miseriam prolapsi sunt; cum enim talis infirmitas ipsis non sit voluntaria, simulque propter
- can.

eandem summè affligantur nedum corpore verùm etiam mente; hinc Christiana pietas, & charitas planè obligare videtur, ut quemadmodum ex duplici capite gravissimè affliguntur, ita etiam à Confessario patientiâ duplicata, seu duplo major, quàm aliis monstretur, modò ostendant aliqualem saltem coöperationem, & conatum salutaria media, seu Consilia à Confessario sibi præscripta exequendi,

At verò, ubi pœnitens scrupulosus suo 233. Judicio tam pertinaciter adhæret, ut detrectet pia, & salutaria monita, aut consilia exequi; noverit Confessarius, se Æthiopem lavare, frustra oleum, operamque perdere, ac proin eum velut incurabilem (blandè tamen, ne afflicto addat afflictionem) poterit dimittere. Hac de causa Tamburin. in Decalog. l. 1. c. 3. §. 8. n. 4. Fatetur, se dimisisse quandam fœminam scrupulosam velut immedicabilem, eandemque à pluribus prudentissimis Patribus fuisse dimissam, rectè subdens, hujusmodi homines pro cerebro læsis habendos esse.

Colliges tandem 4tò, Scrupulos partim 234. utiles esse, partim noxios. Utiles sunt 1. quia juvant ad emundandam conscientiam. 2. Quia faciunt hominem cautum in suis actionibus, ne DEUM offendat. 3. Juvant

vant ad internam humiliationem ; nam scrupulosus suas angustias , & miseras etſi occultiffimas cogitur detegere alteri, ejusdémque mandatis, & consiliis obtemperare. 4. Multùm conducunt ad hoc , ut is, qui aliquando fuit scrupulosus , deinde possit alios magis juvare in hac infirmitate. Denique 5. juvant ad magnum meritum , uti jam dictum fuit.

Econtra autem noxii sunt imprimis corpori : quia destruunt valetudinem , attenuant caput, sæpe redigunt hominem ad insaniam, vitam abbreviant, animam reddunt intricatam, perplexam, & quandoque desperabundam, intellectum confundunt, & sæpe totum hominem, licet cæterò bene talentatum reddunt ad omnes functiones ineptum : præterea impediunt multa bona opera, faciunt tempus prodigi multis vanis, & inutilibus cogitationibus. Existimo tamen omnibus bene ponderatis, præstare, esse scrupulosum, quàm laxum, etſi hoc posterius non sit tam onerosum, aut molestum ; laxi etenim, dum quidquid libet, licitum sibi putant, nedum ambulant, sed potiùs currunt viam latam, ac spatiosam, quæ ducit ad interitum : Scrupulosi ècontra, tametsi gravissimè affligantur, malléntque sæpe mortem, quàm ejusmodi angores ferre, incedunt

cedunt tutissimâ crucis via, & quodammodo sine peccato Tyrannorum lentum sustinent Martyrium, proptereaquæ insignem procul dubio (modò patienter ferant hanc infirmitatem) mereantur à DEO coronam; quin etiam teste La Croix l. 1. n. 513. Homo, qui in vita scrupulosus fuit, in morte solet abundare maximis consolationibus ex recordatione, quod semper conatus sit conscientiam habere mundam.



CON-

CONFERENTIA NONA.

De natura, & Conditionibus Legis in communi.

SUMMARIUM.

- 235. Lex ut sic est regula stabilis actionum humanarum &c. &c.
- 236. Recensentur breviter sex conditiones ad rationem Legis necessariæ.
- 237. Lex ut sic rectè dividitur 1. in naturalem, & positivam. 2. Positiva in divinam, & humanam &c.
- 238. & seqq. Singula membra dividuntur succinctè exponuntur.
- 242. Ad hoc, ut lex in actu 2do obliget, necessario prærequiritur promulgatio, id est, solennis intimatio, facta communitati.
- 243. Leges Civiles Imperii non obligant, nisi post duos menses post earum promulgationem in singulis Provinciis factam.
- 244. Idipsum hodieum probabiliter asseritur de Legibus Pontificiis merè constitutivis ;
- 245. Nisi Legislotor aliud exprimat in sua constitutione.
- 246. Aut nisi lex irritans actum, vel inhabilitans personas &c.
- 247. Lex naturalis, & divina non dependent ab acceptione populi.

248, Quin

248. Quin immò neque Leges Ecclesiasticæ, vel politicæ hodie dependent ab ea.
249. Esto ex privilegio speciali, vel alio pacto à Legislatore inito, ita dependere possint, saltem à selecta populi, vel statibus, uti vocant.
250. Quænam sint differentiæ inter Legem & præceptum?
251. Recensentur nonnulli Casus, in quibus præceptum non expirat cum morte præcipientis.
252. Resolvitur Casus I. cujusdam Sacerdotis Catholici dubitantis, an tutâ conscientia possit adire Angliam, & ibidem contra edictum Regis saltem in occulto peragere divina.
253. Non tenebatur morem gerere huic constitutioni, utpote contrariæ Legi divinæ.
254. Solvitur quædã instantia in contrarium.
255. Resolvitur Casus II. alterius Sacerdotis, dubitantis, an post factam prohibitionem Romæ possit in hisce partibus nostris portare capillaturam adscitiam.
256. Qui certò novit, Romæ à S. Pontifice aliquam propositionem velut hæreticam, aut scandalosam fuisse damnatam, tutâ conscientia non amplius potest eam docere, vel prædicare.
257. Resolvitur Casus III. cujusdam Consiliarii, qui dixit, se insigniter decepisse quendam Judæum ignarum Legis pragmaticæ proxinè promulgandæ.
258. Probabilissimè ex hac deceptione non incurrit obligationem restituendi.
259. Incurrisset tamen hanc, si facta jam promulgatione Legis ignarum decepisset.
260. Quævis lex introducit obligationem, vel ad culpam, vel saltem ad pœnam.

261. Qui Legem injustam transgreditur, non peccat.
262. In dubio tamen an sit justa, præsumendum est pro valore & justitia Legis.
263. Undenam colligendum, an lex justa sit, vel injusta?
264. Tamen nonnullæ Leges videantur potius respicere bonum privatum, quàm commune, non tamen illico reputari debent injustæ.
265. Notatur quædam differentia inter promulgationem, & divulgationem Legis.
266. Quid si lex in pluribus quidem Provinciis sit promulgata, à majori tamen parte non observetur.

§. I.

Præmittuntur, & breviter resolvuntur quæsitæ, scitu necessaria ad debite resolvendos Casus practicos.
de natura, & conditionibus
Legis, ut sic.

235. **Q**Uæres primò, quid sit Lex?
R. Lex ut sic rectè describitur, quòd sit: *Regula stabilis actionum humanarum communitati præscripta propter bonum commune ab habente auctoritatem publicam in communitatem, obligans ad aliquid faciendum vel omit-tendum.* Ita in re communissimè Doctores, etsi in terminis seu modo nonnihil varient, uti videre est apud Herincx *part. 2. tr. 3. disp. 1. n. 1.* Reiffenstuel *Theolog. mor. tr. 2. dist. 1. n. 4.*
& no.

& nostrum A. R. P. Kazenberger *supplem.* 2. *P. Sargar. n. 2.* Quòd autem præfata descriptio sit accommoda, vel inde facile potest colligi: quia Lex eo fine præscribitur communitati, ut per eam subditi ad bonum commune conservandum, vel promovendum dirigantur, ac regulentur. Per hoc autem quòd dicatur regula *obligans*, innuitur differentia illius à consilio, quippe quod tametsi hominem valeat dirigere ad bonum, non tamen obligat, uti benè observavit D. Hieronymus *lib. 1. contra Jovin.* dum ait: *Ubi consilium datur, offerentis arbitrium est: ubi verò præceptum, necessitas est servientis.*

Quæres 2dò, Quænam conditiones sint necessariae ad veram Legem?

R. Sex conditiones; 1. Scilicet, ut sit honesta. 2. Justa. 3. Servatu possibilis. 4. Necessaria, & utilis. 5. Lata intuitu boni communis. 6. Denique obligans perpetuò ac stabiliter. Ratio horum facile eruitur ex fine Legis, qui est bonum publicum conservare, vel promovere: at, hunc finem nunquam assequeretur, nisi esset honesta, justa &c. &c. ergo ad rationem Legis ut sic meritò requiruntur præfatae conditiones. Videatur Babenstuber *tr. 3. disp. 1. a. 1. à n. 4.*

* Quæres 3tiò, Quotuplex sit Lex, seu quomodo dividenda?

R. Cum P. Reiffenstuel *Theol. mor. tr. 2. disp. 1. n. 5.* Lex ut sic immediatè dividitur

R 2

I. In

1. In naturalem, & positivam. 2. Positiva in divinam, & humanam. 3. Divina subdividitur in veterem, ac novam. 4. Humana verò rursus subdividitur in jus gentium, Ecclesiasticum, & Civile. Explico breviter singula membra.

238. I. Lex naturalis (ab aliis jus naturale appellatur) est illa, quæ nobis à natura est quasi congenita, vel, ut clariùs loquamur: est illa voluntatis divinæ regula, quam nobis ratio naturalis dicat, & vi cujus jubemur vitare ea, quæ creaturæ rationali disconvenientia, è contra amplecti ea, quæ convenientia sunt; utputa DEum, ceu summum bonum esse amandum, non esse offendendum &c. Unde Doctor Gentium *Rom. c. 2.* ait: *Gentes, qua Legem* (scriptam scilicet) *non habent, naturaliter ea, qua Legis sunt, faciunt.* Et paulò post: *qui ostendunt* (inquit) *opus Legis scriptum in cordibus suis, testimonium reddente illis conscientia ipsorum.*

239. II. Lex positiva (alio nomine dicitur jus positivum) est illa regula, quæ à libera DEI, vel hominis voluntate dependet. Dicitur autem hæc *Lex positiva*, quia à libero DEI, vel hominis arbitrio, non necessariò, & ex intrinseca exigentia materiæ, sed liberè, & contingenter ponitur. Unde etiam à Lege naturali differt, vel maximè in eo, quòd materia Legis naturalis sit intrinsecè honesta, vel inhonesta, id est, conveniens
vel

vel disconveniens creaturæ rationali, propterea quæ à Deo, ceu Auctore naturæ necessario debuit prohiberi, vel præcipi: contra materia Legis merum positivæ, non est de se intrinsecè bona, vel mala, sed potius indifferens, etsi de se non sit inconveniens creaturæ ratione præditæ, uti erat abstinencia ab esu pomi noxialis Adamo Proto-Parenti nostro præcepta. Inde fit, quod lex positiva variabilis, naturalis verò invariabilis communiter dicatur.

III. Lex positiva divina vetus est illa, quæ 240. comprehenditur in veteri testamento. Nova verò in novo testamento continetur; è quibus prior, utpote jamjam pridem abolita, nobis ad praxin nil prorsus faceffit negotii: posterior tamen multum per omnem modum, prout patebit per decursum.

IV. Lex positiva humana (sic dicta, eò 241. quod ab homine sit lata) secundum mox dicta dividitur 1. In jus Gentium: quò nomine intelligitur illud, quod non à determinato Principe, vel Regno ortum habet, sed supposita humana societate, & communicatione politica, necessitate hujus convictus sic exigente, inter omnes, vel fere omnes gentes, non scripturâ, sed moribus est constitutum, vel per modum Legis præceptivæ, aut prohibitivæ, vel per modum potestatis permissivæ; veluti sunt consuetudo recipiendi Legatos cum asscuratione im-

munitatis ; libertas commerciorum inter gentes non inimica; &c. & alia hujusmodi, quæ enumerantur *c. jus gentium 9. dist. 1. l. 5. ff. de J. & J.* 2. Jus Civile consistit in illis Legibus, quæ ad civium politicam gubernationem, ac temporalia jura tuenda, & ad Rempublicam in pace conservandam sunt institutæ à diversis Imperatoribus, uti videre licet in Corpore Juris Civilis. 3. Nomine Juris Ecclesiastici intelliguntur constitutiones pro recta gubernatione Ecclesiæ, & ad spiritualem animarum profectum à diversis Pontificibus, vel etiam Conciliis generalibus ordinatæ, quales hodie reperire est in corpore Juris Canonici; unde etiam *Canonica* appellari solent.

Quæres 4to, Sitne promulgatio de essentia Legis?

242. 2. Multi Doctores, præsertim ex Scotistis, negant eam esse de essentia; quia, inquiunt, Lex ex sua essentia solum exigit esse regula morum, non verò exigit actu regulare, veluti patet à paritate ex aliis regulis desumpta: ad hoc, quod sit regula, apta dirigere homines &c. habet antecederet ad promulgationem: ergo hæc præcisa habet sua essentialia.

Quidquid tamen sit de hac controversia speculativa, necessario fateri cogimur, hanc promulgationem, id est, solennem hanc intimationem communitati legitime factam
 pror-

prorsus necessariam esse ad hoc, ut Lex obliget in actu secundo. Et ita tenent Scotus 4. dist. 3. q. 4. a. 2. Mastrius *Theol. mor. disp.* 2. n. 18. Reiffenstuel *Theol. mor. tr.* 2. dist. 1. n. 20. Ratio est: quia Lex est communis vivendi regula: ergo omnino publicari debet, quatenus ab omnibus observari possit, & omnes secundum eandem regulam suas actiones instituerent, prout Lege jubente tenentur, & e contra transgressores juxta demeritum puniri valeant; quod absque promulgatione debita, ac sufficiente fieri sane non posset, juxta illud *Auth. Ut facta nova constitutiones. Collat.* 5. ubi Imperator ait: *Cur enim culpabimus eos, qui positas nostras ignoraverint constitutiones?*

At, quanta (inquies) promulgatio requiritur ad hoc, ut Lex in actu 2do obliget?

R. 1. Ad hoc, ut Leges Civiles à supremo Imperii Principe, Imperatore scilicet) pro pluribus Provinciis latae obligent, debent prius in singulis respective Provinciis promulgari: quin etiam à die solennis promulgationis: non obligant nisi post duos menses. Ita Theologi, & Jurisconsulti communiter. Ratio est: quia ita expresse constitutum legitur in *Authent. mox allegata, Collat.* 5. ubi dicitur. *Ut facta nova constitutiones post insinuationes earum post duos menses valeant.* Idipsum hodie dum approbat pra-

xis, & consuetudo Sacri Romani Imperii, teste Reiffenstuel *l. cit. n. 24.* ubi is advertit. hanc constitutionem non habere locum in statutis inferiorum Principum, vel civitatum; quia hæc post peractam solennem publicationem in curia, aut præcipua Civitate, seu Metropoli, illico obligant, nisi Legislator aliud exprimat.

244. R. 2dò. Quantum ad Leges Pontificias, Doctores non ita conveniunt; multi enim insignissimi existimant, eas illico obligare omnes, ac singulos Christi fideles, supposita sola promulgatione Romæ facta, eò quòd ex natura rei plus non sit necessum ad introducendam obligationem. Ita Castropalao, Babenstuber &c. Nec dubitandum, quin hæc sententia sit magis pia, ac tuta, licet non ita conformis praxi. Unde existimo hodièdum satis probabile, quòd neque Leges Pontificiæ merùm constitutivæ vi solius promulgationis Romæ factæ statim ubique terrarum obligent, nisi Legislator aliud exprimat, & nisi Lex sit irritans aliquem actum, vel inhabilitans personas &c. Ita tenent Scotus, 4. dist. 3. q. 4. quem sequitur Henno *disp. 3. q. 5. de LL. concl. 3.* item Marchantius noster *tom. 2. tribun. tr. 1. tit. 8. q. 5.* & Reiffenstuel *Theol. mor. tr. 2. dist. 1. n. 26.* & rursus *l. 1. decret. tit. 2. §. 5. n. 125.* Pirhing. Engel & alii. Ratio hujus est: quia Pontifices volunt Jus Civile servari, ubicunque Jure
- Cano.

Canonico nihil est specialiter constitutum juxta *cap. 1. & 2. de Novi. O. N.* atqui hic nihil habetur specialiter constitutum: ergo nisi Legislator aliud exprimat, præsumendum est, quòd non voluerit vi solius promulgationis Romæ factæ omnes Christi fideles obligatos: quemadmodum Christus vi solius promulgationis Jerosolymis factæ in die Pentecostes, non voluit illico omnes homines obligatos ad observantiam novæ Legis. Monet nihilominus sapienter Reiffenstuel *cit. n. 132.* in praxi quoad hanc materiam standum esse subditis tum Judicio Superiorum, tum etiam praxi, ac consuetudini receptæ; quæ in hisce partibus nostris videtur nobis favere; nam nemo facile credet, se vi solius promulgationis Romæ factæ jam esse obligatum.

Dictum tamen fuit primò: *nisi Legislator, 245.* summus scilicet Pontifex, *aliud exprimat*; cum enim ex natura rei sufficiat unica promulgatio, modo hæc sufficienter divulgetur; hinc posset Papa unicam duntaxat requirere, & hæc sola supposita totum mundum velle obligatum saltem in actu primo, etsi in hoc etiam casu nullus cum ignorantia invincibili talem Legem transgrediendo peccaret formaliter. Henno *cit.*

Dictum fuit 2dò, & *nisi lex sit irritans; 246.* tunc enim contractus contra Legem Romæ promulgatam initus esset nullus, non ob-

stante quacunque etiam invincibili ignorantia; tum quia ignorantia (esto cæteroquin excuset à peccato) tamen ex inhabili nequit reddere habilem; tum etiam quia effectus irritationis procedit à Legislatore non ex potestate Legislativa; sed dominativa, quæ non indiget ad sui integritatem notitiam subditorum, inquit Palao *tr. 3. de Leg. disp. 1. pu. 11. n. 9.* Videatur de hoc P. Vega in *sua summa part. 2. cap. 16. casu 9.*

Quæres 5to, utrum Leges dependeant ab acceptance populi, ita, ut secus nullius sint valoris?

247. R. primò. Lex naturalis certè non dependet ab acceptance hominum, sicut nec Lex divina; uti rectè tenet Suarez *de Leg. lib. 1. c. 13. n. 7.* Ratio prioris est; quia secundum dicta *n. 239.* materia Legis naturalis, vel est intrinsecè bona, vel intrinsecè mala, ideoque necessariò à Deo, ceu Authore naturæ præcepta, vel prohibita: at, quod necessariò præcipitur, aut prohibetur subdito, non potest dependere ab hujus arbitrio: ergo &c. Ratio autem posterioris ex hoc facile colligetur; nemo enim tam erit insipiens, ut audeat asserere voluntatem divinam dependere ab arbitrio hominum: ergo dum DEUS homini aliquid absolutè præcipit, tenetur is sese accommodare voluntati divinæ.

N. 2dò. Defa^{cto} neque Leges Ecclesia-248.
sticæ, neque etiam politicæ à Principe, vel
Republica absoluta conditæ dependent ab
acceptatione populi quoad suum valorem.
Ita communissimè Doctores, nominatim
Mastrius ubi suprà n. 21. & Babenstuber *disp.*
1. 4. §. n. 3. Et de Lege Ecclesiastica quidem
facile res suaderi potest ex eo: quia potestas
Legislativa spiritualis summo Pontifici non
fuit collata ab homine, vel à populo, sed
à Deo immediate: ergo valor obligationis
nequit dependere à populi arbitrio, modo
Lex sit justa. Ratio autem posterioris est
hæc: quia loquimur de Principe, aut Ma-
gistratu supremo, seu absoluto: at, si non
posset populum etiam nolentem obligare,
sed in hoc dependeret ab ipsius arbitrio, eo
ipsò non esset supremus, neque ipsius pote-
stas esset satis efficax ad gubernium populi:
ergo etiam dicendum, quòd non dependeat.
Hac de causa Alexander VII. Sapienter dam-
navit sequentem n. 28, propositionem: *Pop-
ulus non peccat, etiamsi absque ulla causa non
recipiat Legem à principe promulgatam.*

Dixi: defa^{cto} non dependent &c. ut per hoc 249.
innuerem, olim in statu democratico apud
Romanos, & Athenienses ita dependisse;
immò verò hodièdum nonnullorum Princi-
pum, vel etiam Prælatorum potestas limi-
tata est in tantum, ut sine consensu v. g.
statuum, vel aliorum non possint condere
Leges.

Leges, uti patebit ex dicendis in *Conferentia proxima* à n. 273.

Quæres 6to, an, vel quænam sit differentia inter Legem, & præceptum?

250. R. Inter hæc multiplex differentia reperitur; nam 1. Lex debet ferri à persona publica, pro communitate, & in bonum communis; præceptum verò potest ferri à persona privata. 2. Lex afficit subditos ratione territorii: è contra præceptum proxime, & immediatè fertur in personas particulares quarum, offibus quodammodo inhærere dicitur, ita, ut talem obligationem secum portent, ubicunque demum locorum existant: è contra Leges territoriales non obligant cives absentes, id est, extra territorium existentes. 3. Lex per se exigit esse stabilis, & perpetua, quemadmodum bonum publicum exigit stabiliter, ac perpetuò promoveri; unde fit, quòd Lex non expiret expirante Legislatore: è contra præceptum regulariter saltem expirare solèt cum morte præcipientis, uti benè docent Reiffenstuel *Theolog. mor. tr. 2. dist. 1. n. 18. & 19.* La Croix *lib. 1. n. 565.*

251. Dictum tamen fuit, *præceptum regulariter expirare* cum morte præcipientis; dantur enim casus in quibus non expirat, & sunt sequentes. 1. Si præceptum sit factum ad pias causas, ut si quis mandarit dari Eleemosynam. 2. Si sit favorable doti matrimoniali,

niali, vel alicui Scholastico. 3. Si mandatus expressè fuit jussus exequi mandatum post mortem. 4. Si res non sit ampliùs integra, id est, si executio mandati jam sit incepta. 5. Si executio alicujus gratiæ sit mandata in favorem alicujus, & non relicta ipsius (exequentis scilicet) arbitrio. 6. Denique, si per potestatem Legislativam tali mandato, vel præcepto sit attributa specialis stabilitas, qualem teste La Croix *l. 1. n. 566.* in Societate Jesu habent præcepta Superiorum. Similiter in nostra familia Cis montana Ordinationes Capitulares ab A. R. P. Ministro Provinciali cum consensu V. Diffinitorii factæ, vim habent obligandi usque ad alterius Diffinitorii electionem, quàmvis Prælatus interim amoveatur, aut decedat, prout teste Gaudenzio Kerkhove in *statut. gener. c. 8. §. 10. n. 3.* colligitur ex statutis Romanis Anno 1676. conditis.

§. II.

Proponuntur, & breviter resolvuntur Casus practici, circa naturam, & essentialia Legis.

CASUS PRIMUS.

Titius intendit proficisci in Angliam, animo ibidem Christi fideles in vera fide confortandi.

di, & conservandi eisdem in occulto saltem administrando SS. Ecclesia Sacramenta. Verum cum audiverit ibidem Catholicis Sacerdotibus omne exercitium Religionis, etiam privatum (exceptis duntaxat quibusdam Legatorum Palatiis esse interdictum sub pœna capitis, aut certè carceris perpetui; hinc dubitat 1. An hoc suum intentum salva Legè naturali, qua jubemur vitam non exponere discrimini, nec proximo dare ansam peccandi, possit exequi? 2. An præfata constitutioni Anglicana iu foro conscientia teneatur morem gere? Quid Confessarius eidem respondebit?

252. . R. ad primum quæsitum. Titius proficiscendo in Angliam, etiam cum periculo vitæ, non peccavit contra Legem charitatis, Ratio est: quia hæc solum obligat, ne vitam nostram discrimini exponamus sine gravi, & verè rationabili causa: atqui Titius utpote ductus animarum, & honoris divini zelo, hoc non facit sine gravissima, & rationabilissima causa: ergo non impingit in Legem naturalem charitatis; secus enim cogeremur fateri, innumeros SS. Martyres, immò verò ipsummet Christum Salvatorem nostrum, qui vitam pro animarum salute dedere, peccasse contra Legem naturalem. Et amabo! quot vitæ discriminibus terrâ, marique sese exponunt mundani homines intuitu temporalis lucri, subinde valde modici, aut incerti, & tamen nemo facile eos condemnat velut sui inimicos, & charitatis transgressores.

R. jam

¶ jam ad 2dum. Titius non tenetur morem gerere præfatæ constitutioni Anglicanæ, quippe quæ non iusta, sed iniqua est, & hoc ipso nullam habet vim obligandi quempiam. Ratio hujus facile colligi potest ex eo, quod tradidit Isidorus *lib. 5. Etymol. c. 3. relatus cap. consuetudo dist. 1.* quia scilicet ad rationem Legis pertinet ut *ratione constiterit, religioni* (veræ scilicet) *conveniat, disciplina congruat:* at memorata constitutio Anglicana minimè convenit veræ Religioni, quin potius hanc suppressere, aut omnimodis eliminare conatur: ergo non est Legi divinæ conformis neque iusta. Merito proin Doctor Angelicus *q. 96. art. 4.* docuit, hujusmodi Leges non obligare in conscientia, immò neque servari posse, si Legi superioris DEI repugnent, nam *obedire oportet DEO magis, quàm hominibus. Act. 5.* quod, & Apostoli sancti profusione sanguinis contestati sunt.

Dices tamen contra hoc: finis Legum politicarum non est procurare bonum spirituale animarum, sed potius bonum, pacem, & tranquillitatem Reipublicæ: atqui constitutio Anglicana nihil aliud intendit, quàm hunc finem, immò nata est conducere in hunc finem; experientia enim constat, in Republica quacunque demum tantò majorem reperiri tranquillitatem, quantò major est unitas: Religionis: ergo hæc constitutio velut iustissima omnimodis debet observari.

¶ di-

254. *¶* distin. maj. finis Legum politicarum non est procurare bonum spirituale positivè & directè, con. saltem negativè, neg. Nam ad honestatem Legis cujusvis attinet, ut saltem veræ Religioni non repugnet; secus enim repugnaret Legi divinæ: quod, cum faciat præfata constitutio Anglicana ab omni vero Christiano meritò contemnitur; non enim licet Imperatori, vel cuicumque pietatem custodienti contra divina mandata præsumere, nec quidquam, quod Evangelicis, vel Propheticis, aut Apostolicis regulis obviet, agere. Can. non licet. dist. 10. Videatur Suarez de LL. lib. 1. c. 9. n. 8. in fine.

CASUS SECUNDUS.

Sempronius Sacerdos secularis à quodam suo amico Romæ in scriptis, immò in forma authentica obtinuit litteras, quibus idem magna authoritatis amicus testatur, à summo Pontifice Benedicto XIII. editam fuisse constitutionem, vicujus Sacerdotibus quibuscunque demum severè prohibuit, ne amplius portent capillaturam adscititiam; quia tamen præfata constitutio in hisce partibus nostris nondum fuit solenniter promulgata, simulque Sempronius tum ob aëris inclementiam, tum etiam ob capitis debilitatem; tum denique ob consuetudinem à longo tempore jamjam contractam difficulter deponeret suam Capillaturam; hinc sciscitatur, an teneatur in conscientia sese accomodare præ-

*præfata constitutioni, quippe quam indubitanter
scit Romæ jam fuisse solenniter promulgatam, im-
mò & à Principibus Ecclesiæ observatam? Quid
Confessarius respondebit?*

¶ Confessarius Sempronium jubeat bo- 255
no esse animo, dicatque eum non teneri ad
observantiam dictæ constitutionis, tametsi
noverit eam Romæ solenniter fuisse promul-
gatam. Ratio est: quia in his partibus no-
stris praxis videtur contraria; nemo enim
tam facile credet, se vi solius promulgationis
Romæ factæ jam esse actu obstrictum tali
Lege; tum quia de sapientissimo simul, ac
clementissimo Pastore Ecclesiæ non est præ-
sumendum, quòd voluerit ubique terrarum
eandem constitutionem æqualiter obligare;
tametsi non esset æqualis ratio obligandi;
prout in hisce partibus nostris septentriona-
libus certè non est: immò pro portandis
Capillaturis tantò major ratio pugnet, quantò
major est frigoris hiemalis rigor; tum deni-
que, quia non est præsumendum de mente
sapientissimi Principis, quòd velit illico ubi-
vis gentium omnes fideles obligatos, nisi
constitutio Apostolica prius per eos, quo-
rum interest, & quibus incumbit, scilicet
Episcopis, sit debite promulgata: certè enim
ex hoc, & non alio fine solent hujusmodi
constitutiones Episcopis transmitti. Sapien-
ter proin noster Marchantius *tom. 2. trib. Sa-
cram. tr. 1. tit. 8. q. 5. fin.* ait ad hoc, ut Lex

R. P. Elbel, de Actib. Hum. & Leg. S in

in actu 2do obliget, non sufficere quamlibet notitiam privatam Legis, aut promulgationis factæ, sed necessarium omnino esse, ut Lex obligatoriè, & authenticè promulgetur per eos, ad quos regimen communitalis pertinet, & quibus credere, atque etiam acquiescere tenemur.

Dices: Ergone in hisce partibus nostris liceret Sempronio, vel cuivis alteri docere, aut prædicare aliquam opinionem, tametsi ex privata relatione sciret eam Romæ à Summo Pontifice fuisse damnatam?

256. *¶* Non liceret. Ita ex communi DD. Henno *ubi supra disp. 3. q. 5. concl. 3.* Ratio est: quia Pontifex è Cathedra declarando hujusmodi propositionem velut erroneam, aut hæreticam non statuit novum jus, sed solum declarat jus naturale, aut divinum jam pridem statutum, etsi fortè hætenus non ita explicite cognitum, aut declaratum: atqui certum esse debet, quod juri naturali, ac divino quivis fidelium stare debeat, & sese accomodare Judicio Summi Pontificis è Cathedra loquentis: ergo &c. Hac de causa *suprà n. 244.* expressè fuimus locuti de Lege Pontificia, quæ novum jus introducitur, qualis est ista de non portandis capillaturis adscititiis, & aliæ consimiles. Videatur M. Franciscus Schmier *lib. 1. t. c. 5. sect. 1. §. 2. n. 43. & seqq.* vel Krimer *ad Tit. de constitut. an. 159.*

CASUS

CASUS TERTIUS.

CAjus Consiliarius magni nominis, nec minus opulentus intellexerat, in ultimo confesso decisum, ac decretum fuisse, ut dugatorum simul & frumenti valor diminueretur, econtra alterius cujusdam monetae argenteae valor elevaretur; quam ob rem temporis, & notitiae hujus privatae occasione utendum sibi ratus, ante unum, vel alterum diem prius, quam praefata constitutio solenniter promulgata fuit, petiit à quodam Judaeo notabilem summam de illa specie monetae argenteae, cujus loci eidem illico reddidit dugatos, & frumentum. Post aliquot dies, facta jam promulgatione praefata constitutionis venit ad Confessarium, fassus ingenuè, se aliquem Judaeum insigniter decerpisse, petiitque scire, an propterea peccaverit, vel obligationem restituendi incurrerit. Quid Confessarius interroganti Cajus respondebit?

¶. Cajus vi hujus facti saltem per se loquendo non peccavit, nec ullam obligationem restituendi contraxit. Ita Bonacina ^{257.} de Leg. disp. 1. q. 1. pu. 4. n. 22. Castropalao de LL. tr. 3. disp. 1. pu. 10. n. 2. quem sequitur Babenstuber contra Felinum, Farinacium, & alios. Ratio est: quia cum tempore hujus commutationis factae dugati, & frumentum revera fuerint in suo pristino valore coram tota communitate; profectò liquet, quod

Cajus dando aurum, & frumentum pro argento, rependerit æquivalens. Esto etiam supponatur scivisse frumentum post promulgationem factam illico minoris valiturum quia tamen hæc promulgatio nondum contigit, nec Cajus aliunde fuit obligatus ad eam publicandam, vel Judæo insinuandam, hinc nullam prorsus huic intulit injuriam, sed sapienter usus fuit Jure suo in ordine ad evadendum damnum, quod ex retentione dugatorum, & frumenti sibi imminere prævidit.

258. Dixi tamen, Cajum in hoc facto *per se loquendo non peccasse*. Ex modo enim accusandi videtur satis liquidò insinuasse, quòd saltem ex conscientia erronea graviter deliquerit, dum ait, *se insigniter decepisse* quemdam Judæum: deceptio quippe proximi in materia gravi non vacat gravi culpa: ergo cum Cajus putaverit se decipere, immò voluerit graviter decipere Judæum, videtur practice certum, quòd graviter peccaverit, tamen non amplius teneatur rescindere contractum, nec quidpiam restituere Judæo, eo quòd secundum mox dicta contractus fuerit revera justus.

At quid, inquires, si Cajus cum Judæo hunc contractum iniisset post promulgationem Legis pragmaticæ jam factam, sed adhuc ignoratam tam à Cajo, quàm à Judæo?

259. R. Ex hac suppositione Cajus teneretur, vel rescindere contractum, vel refundere

excessum pretii majoris, quem obtinuit ex præfata commutatione. Ratio est: quia præsumi non potest, quòd Judæus consenserit in contractum, nisi à Cajo reciperet æquivalens suo argento: atqui hoc non recepit: ergo præsumendum est potius, quòd nunquam voluerit dominium sui argenti, vel excessum pretii transferre in Cajum. Et certè Cajus ex hac suppositione accepisset à Judæo, quod sibi minimè debebatur: ergo licèt propter ignorantiam excusetur à culpa, nec teneatur restituere titulò injustæ acceptionis, tenetur tamen titulò rei acceptæ restituere tantum, quantum de alieno adhuc possidet in re, vel in alio emolumento, uti bene docent Castropalao ubi suprà *punct. 11. n. 9.* Salmanticenses, & Babenstuber *tr. 3. disp. 1. a. 3. n. 9.*

§. III.

Corollaria ex dictis inferenda.

COLLIGES ex hæcenus dictis primò, de ratione Legis, ut sic esse, ut obliget, si- 260.
ve dein sub culpa, ut obligare solent Leges
divinæ, & naturales, sive saltem sub pœ-
na, veluti nonnullæ Leges humanæ (quæ
propterea pœnales dici solent) itemque
nonnullæ Regulæ, & privata Religiosorum
statuta, atque ordinationes communiter ob-
ligare

ligare solent. Ratio autem hujus ex hæc-
 tenus dictis facile potest colligi; lex enim ut
 sic est regula non qualiscunque, sed *obligans*.
 Et certè, nisi lex induceret obligationem,
 jam non amplius differret à Consilio, aut
 certè foret minùs, quàm par est, efficax in
 ordine ad conservandum, vel promovend-
 um bonum publicum; facile enim con-
 temneretur à subditis.

261. Colliges 2dò, non peccare, qui Legem
 injustam non observat. Ratio est: quia ut
 ex dictis liquet, Lex injusta non est vera
 Lex, sed potius tyrannis: ergo nullam ha-
 bet vim obligandi. Cavendum nihilomi-
 nus est à scandalo, quòd facile dari posset
 in casu, ubi non satis constat de injustitia,
 vel de causa excusante subditum ab obser-
 vantia. Et vel maximè etiam cavendum, ne
 mentiatur iniquitas sibi dicendo, hanc, vel
 illam Legem non esse justam, neque utilem
 communitati, etsi fortassis, & justissima sit,
 & utilissima. Videatur D. Thomas 1. 2.
 q. 96. art. 4. Bonacina de Leg. disp. 1. q. 1.
 pn. 2. n. 9.

At quid, inquires, si homines etiam pro-
 bi, & prudentes dubitent, sitnè hæc, vel
 illa Lex justa, nec ne?

262. R. Cum Bonacin. cit. n. 11. & Castropa-
 lao de Leg. disp. 1. punct. 1. n. 4. in tali du-
 bio præsumendum esse pro valore, & Justitia
 Legis. Ratio est: quia stante dubio stan-
 dum

dum est pro valore actûs: ergo etiam pro valore, & Justitia Legis.

Adde, quòd sæpe Principi, aut Legislatori possit suppetere causa de se justissima, etsi incognita subditis etiam prudentioribus: ergo ex eo, quòd etiam prudentiores dubitent de Justitia Legis, non illico concludendum est, eam esse injustam, & hóc ipso non observandam, sed potius contemnendam.

Colliges 3tiò, injustas esse illas Leges, 263. quibus pauperibus æquale cum divitibus onus portandum decernitur v. g. ut singuli ad conducendas, vel etiam sustentandas militares copias æqualem portionem v. g. annuatim 10. &c. conferant. Idipsum (salvo tamen meliori Judiciò) censendum puto de illa constitutione, quâ jubetur, ut singuli habentes Caminum, aut focum proprium, pro singulis Caminis annuatim pendant v. g. unum florenum: prorsus enim non video, qua ratione ex pari Caminorum numero possit argui par bonorum quantitas, indeque deduci par contribuendi obligatio. Quin imò certò constat, quòd multi habentes unicum duntaxat focum, vel Caminum, in divitiis longè superent alios, pluribus Caminis præditos. Similiter si Lege taxetur pretium frumenti, ita, ut una pars civitatis taxam servare debeat, altera non, iniqua est Lex, nisi causa aliqua ejusmodi discrimen

S 4

postu-

postulet. Rursus, si aliquibus immunitas à solvendis tributis concedatur à Principe ea conditione, ut alii subditi plus gravari debeant, injusta est dispositio, inquit Laymann. *lib. 1. tr. 4. c. 1. n. 4.* Et ratio horum est: quia Justitia distributiva exigit, ut quemadmodum bona communitalis secundum merita subditorum, ita & onera communia distribuuntur secundum singulorum facultates, servata proportionem Arithmetica: at in mox relatis dispositionibus hæc non observantur: ergo non sunt conformes Justitiæ, quin potius contra Justitiam distributivam. Videatur Laymann, *l. cit.* vel Babenstuber *tr. 3. disp. 1. a. 1. n. 8.*

264. Colliges 4to, non omnes Leges, quæ prima fronte videntur potius respicere bonum privatum, quam bonum communitalis, illico esse respuendas, aut contemnendas velut injustas. Etenim Leges factæ in favorem pupillorum, minorennium, nec non illæ, quibus à Principe exiguntur tributa, & vectigalia moderata adhuc justæ sunt; tametsi enim immediate, & proxime videantur intendere bonum privatum v. g. Principis, aut pupillorum &c. ultimatè tamen redundant etiam in bonum Reipublicæ, quia Principi non ex alio fine tributa præstantur, nisi propter onera, quæ boni publici intuitu in se suscipit. Similiter dum bono Pupillorum, ac Minorennium prospicitur, indirecè saltem,

&

& mediatè bonum publicum promovetur,
prout sapienter advertunt Mag. P. F. Schmier.
Laymann. Illung. tr. 1. disp. 2. a. 1. n. 1. &
alii communiter.

Colliges 5tò, longè aliud esse, Legem 265.
promulgari, & aliud, Legem divulgari.
Promulgatio fieri communiter assolet cum
certis quibusdam signis, & publicis cæremoniis,
utputa voce Præconis cujusdam, juncto insuper clangore turbarum &c. vel certè
affixione edicti in quodam loco publico v.
g. ad valvas Ecclesiæ, vel Curie &c. Divulgatio
contra fieri solet per hoc, quòd dicta promulgatio
Legis quodammodo extendatur, & ad plurium aures devolvatur,
qui propter absentiam, vel aliud impedimentum
hactenus ignorarunt promulgationem præteritam.
Tametsi autem ad hoc, ut Lex in actu 2do obliget, necessaria non
sit divulgatio, sed sufficiat sola, promulgatio
solenniter facta per eos, ad quos attinet,
fatendum nihilominus est, eos qui inculpabiliter
Legis promulgationem ignorant, non peccare
formaliter; etsi contra eam agant; nihil enim
potest esse volitum, quin præcognitum: quod autem non est volitum, nequit
esse formaliter peccaminosum, uti constare debet
ex dictis Conferent. 2. n. 38. & alibi sapius.
Videatur Bonacina de LL. disp. 1. q. 1. punct. 4. n. 9. vel Castropalao tr. 3.
disp. 1. pu. 10. n. 3.

S §

At

postulet. Rursus, si aliquibus immunitas à solvendis tributis concedatur à Principe ea conditione, ut alii subditi plus gravari debeant, injusta est dispositio, inquit Laymann. *lib. 1. tr. 4. c. 1. n. 4.* Et ratio horum est: quia Justitia distributiva exigit, ut quemadmodum bona communitalis secundum merita subditorum, ita & onera communia distribuuntur secundum singulorum facultates, servata proportionem Arithmetica: at in mox relatis dispositionibus hæc non observantur: ergo non sunt conformes Justitiæ, quin potius contra Justitiam distributivam. Videatur Laymann. *l. cit.* vel Babenstuber *tr. 3. disp. 1. a. 1. n. 8.*

264. Colliges atò, non omnes Leges, quæ prima fronte videntur potius respicere bonum privatum, quam bonum communitalis; illico esse respuendas, aut contempnendas velut injustas. Etenim Leges factæ in favorem pupillorum, minorennium, nec non illæ, quibus à Principe exiguntur tributa, & vectigalia moderata adhuc justæ sunt; tametsi enim immediate, & proximè videantur intendere bonum privatum v. g. Principis, aut pupillorum &c. ultimatè tamen redundant etiam in bonum Reipublicæ, quia Principi non ex alio fine tributa præstantur, nisi propter onera, quæ boni publici intuitu in se suscipit. Similiter dum bono Pupillorum, ac Minorennium prospicitur, indirecè saltem,

&

& mediātē bonum publicum promovetur,
prout sapienter advertunt Mag. P. F. Schmier.
Laymann, Illfung. tr. 1. disp. 2. a. 1. n. 1. &
alii communiter.

Colliges 5tò, longē aliud esse, Legem 265
promulgari, & aliud, Legem divulgari.
Promulgatio fieri communiter assolet cum
certis quibusdam signis, & publicis cæremo-
niis, utputa voce Præconis cujusdam, jun-
cto insuper clangore turbarum &c. vel certē
affixione edicti in quodam loco publico v.
g. ad valvas Ecclesiæ, vel Curie &c. Di-
vulgatio e contra fieri solet per hoc, quod
dicta promulgatio Legis quodammodo ex-
tendatur, & ad plurium aures devolvatur,
qui propter absentiam, vel aliud impedi-
mentum hætenus ignorarunt promulgatio-
nem præteritam. Tametsi autem ad hoc,
ut Lex in actu 2do obliget, necessaria non
sit divulgatio, sed sufficiat sola promulga-
tio solenniter facta per eos, ad quos attinet,
fatendum nihilominus est, eos qui inculpa-
biliter Legis promulgationem ignorant, non
peccare formaliter; etsi contra eam agant;
nihil enim potest esse volitum, quin præco-
gnitum: quod autem non est volitum, ne-
quit esse formaliter peccaminosum, uti con-
stare debet ex dictis Conferent. 2. n. 38. &
alibi sapius. Videatur Bonacina de LL. disp.
1. q. 1. punct. 4. n. 9. vel Castropalao tr. 3.
disp. 1. pu. 10. n. 3.

S §

At

At quid, inquires, si Lex in pluribus Provinciis, aut Dioccesibus promulgata quidem fuit, à majori tamen parte populi non recipiatur, neque observetur?

266. R. In tali casu à Confessario attendendum, vel inquirendum esse, an Legislatores populi repugnantiam sciat, vel non? si sciat, simulque conniveat, neque urgeat obligationem, censendus est; Legem suam velut nimis difficilem, & incommodam populo saltem tacite revocasse: e contra si non conniveat, sed urgeat observantiam, tenetur quivis eam observare, modo sit justa, et si major pars populi repugnet; quia ratio naturalis postulat, ut in Schismate, vel dissensione quodlibet membrum sui capitis potius quam reliquorum membrorum ductum, atque Imperium sequatur. Arbitror tamen, inquit sapienter Laymann. *lib. 1. m. 4. c. 3. n. 3.* Si tu Legem promulgatam recipere paratus sis, & data occasione etiam observes, sed alii plerique à communitate non recipiant, neque recepturi existimentur, per epikeiam excusatum te fore à Legis obligatione, etiam ante expletum tempus præscriptionis; quod ratio, & æquitas permittere non videatur, ut tu solus, vel cum aliis paucis Legem communiter non receptam longo tempore observare debeas, præsertim cum te tunc conformare possis sententiæ Navarri, & aliorum DD.

CON-

CONFERENCE DECIMA.

De causa Legum, seu potestate
Legislativa.

SUMMARY.

267. Potestas Legislativa Ecclesiastica primario
residet in summo Pontifice.
268. Item 2dario in Conciliis legitime congregatis.
269. Nec non in Episcopis, aliisque Prælati Ec-
clesiasticis pro suis respective subditis.
270. Non item in Principibus sæcularibus.
271. Econtra Pontifex per se loquendo nequit fer-
re Leges Civiles, nisi pro suis temporaliter, ac
civiliter sibi subiectis.
272. Per accidens tamen in nonnullis casibus po-
test etiam disponere de causis civilibus.
273. Potestas igitur ferendi Leges Civiles pri-
mario competit Imperatori, aliisque Regibus, ac
Principibus.
274. Et quidnam quoad hoc valeant Principes,
statúsque Imperii?
275. Resolvitur Casus I. cujusdam Clerici, qui
contra edictum Principis territorialis frumentum
carius vendidit.
276. An prætor loci id audiens, tutâ conscientia
potuerit confiscare frumentum.
277. An Clerici à Laicis in his, & similibus cas-
bus puniri possint.

278. Re-

278. Resolvitur Casus II. cujusdam Religiosi, dubitantis, an R. P. Commissarius generalis potuerit præcipere ea, quæ videbantur servatu satis difficilia.
279. Constitutiones à R. P. Commissario factæ sine consensu Capituli, non habent vim Legis, sed præcepti duntaxat.
280. Idem tenendum de Ordinationibus factis ab A. R. P. Ministro Provinciali cum assensu solius V. Diffinitorii.
281. Resolvitur Casus III. cujusdam novitiæ, dubitantis, an sub culpa teneatur servare constitutiones Ordinis, & mandata suæ Superiorissæ.
282. Moniales professæ possunt in conscientia obligari præceptis suarum Superiorissarum.
283. Esto etiam Abbatisæ non gaudeant potestate Legislativa.
284. Inique tamen obligarent suas Moniales ad monstrandas sibi earum confessiones in scriptis.
285. Gnaviter ergo distinguendum est inter Leges ac præcepta.
286. Quo fine nonnullæ Ordinationes à Superioribus Religiosis factæ in Conventibus prælegi soleant, esto Superioritas præcipientium jamjam expiraverit?
287. Quanta Potestas Legislativa competat cuivis Prælato, aut Superiori Religioso, universaliter decidi nequit.
288. Monialium potestas præceptiva, & gubernativa, subordinatur potestati Prælatorum altiorum & cur?
289. Religiosi exempti per se loquendo non tenentur Legibus municipalibus Episcoporum, nisi in casibus jure expressis.
290. Per accidens tamen tenentur iisdem sæpe præcipiis sese accommodare.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos circa potestatem Legislativam.

QUæres primò, quibusnam competat potestas ferendi Leges Ecclesiasticas?

R. primò. Potestas ferendi Leges Ecclesiasticas universales, id est, universam Ecclesiam obligantes, competit primariò, ac per se summo Pontifici, & quidem independentè à consensu, aut Consilio Cardinalium, vel Concilii generalis. Ita Catholici communissimè nominatim Fagnanus *in cap. Canonum statuta n. 17.* Reiffenstuel *lib. 1. decret. tit. 2. §. 3. n. 53.* Henno *tr. de LL. disp. 3. a. 1. concl. 2.* Ratio est: quia Christus Dominus D. Petro tanquam legitimo Vicario suo, & in hujus persona omnibus aliis legitimis successoribus Petri immediatè, & independentè ab ullo homine contulit curam pascendi oves suas, id est, omnes fideles. *Joan. 21.* dicendo: *Pasce oves meas &c.* ex quibus verbis liquet, quod eidem fuerit conceditum Regimen universæ Ecclesiæ: potestas autem regendi universam Ecclesiam necessariò

riò exigit vim Legislativam : ergo hæc competit S. Pontifici. Videatur *c. solim. 6. de majorit. & obed.*

268. N. 2dò. Hæc potestas Ecclesiastica (condendi scilicet Leges, concernentes animarum salutem, rectamque gubernationem) competit insuper aliis, scilicet 1. Concilio Generali legitimè congregato, quod accedente auctoritate, consensu, & approbatione S. Pontificis potest obligare universalem Ecclesiam, 2. Competit insuper hæc potestas Concilio nationali, quod nationi; Provinciali, quod Provinciæ; Diocesano, quod Diœcesi Leges præscribere potest. 3. Capitulum Cathedrale sede vacante potest præscribere Leges *c. 14. de majorit. & obed.* non tamen tales, quæ juri Episcopali quæsito, aut competentibus Jure speciali Episcopo cedant in præjudicium. Cardinalibus tamen sede vacante non competit potestas ferendi Leges pro universa Ecclesia, prout habetur decisum *c. 3. de Elect. in 6tò.*

269. N. jam 3tò. Insuper hæc potestas Legislativa Ecclesiastica ferendi Leges *particulares*, competit variis Superioribus pro suis respectivè territoriis, & subditis, utputa 1. Episcopo, qui suæ Diœcesi potest præscribere Leges, *c. 2. de constit. in 6tò.* 2. Cardinalibus, qui Ecclesiis, unde titulum sunt sortiti, possunt præscribere Leges *c. 11. de major. & obed.* 3. Prælati Episcopis inferiores, tam
exemp-

exempti, habentes territorium, quàm non habentes territorium, uti sunt Prælati Regulares Mendicantium, gaudentes in suos sibi subiectos Jurisdictione quasi Episcopali, possunt iisdem certas Leges præscribere, licet horum facultas hodie nonnihil sit restricta, prout amplius patebit ex dicendis casu 2do. *a. n. 278.* 4to denique Abbatissæ, tametsi monialibus sibi subditis velut Matres familias possint imponere præcepta, domesticam, etiam regularem, & æconomicam administrationem concernentia; quia tamen ob infirmitatem sexus non sunt capaces Jurisdictionis spiritualis, quippe quæ ordinariè solum competit subiecto Ordinis capaci; hinc DD. communissimè cum S. Thoma tenet, eas non gaudere potestate Legislativa spirituali.

Quæres 2do, utrum hæc potestas ferendi Leges Ecclesiasticas competat saltem Imperatori, Regibus, vel aliis Principibus sæcularibus?

R. Quod non. Ita cum communi DD. ^{270.} Reiffenstuel *lib. 1. decret. tit. 2. §. 13. n. 290.* Ratio est: quia Principibus sæcularibus non competit Jurisdictio in personas Ecclesiasticas, veluti constat ex diversis juribus *c. ult. de rebus Eccl. non alien. item c. quamquam de censib. in 6to*: atqui Lex lata sine Jurisdictione, seu in non subditum, nullam habet vim obligandi, *c. A. nobis. 21. de sent. excomm. & c. ult.*

c. ult. de constitut. in 6to. ergo &c. Ex quibus Canonistæ communiter inferunt, non illas duntaxat constitutiones, quibus Principes, ac Magistratus sæculares expresse, & specificè disponunt de Ecclesiis, & personis Ecclesiasticis in harum præjudicium, sed etiam eas, quibus nominatim, ac specificè, disponere tentant in favorem, ac commodum Ecclesiarum, aut personarum Ecclesiasticarum, irritas esse, & nullius valoris, prout deciditur *c. qua in Ecclesiarum. 7. de constit.* Et ratio est: quia hōc modo Laici adhuc exercerent quandam superioritatem, & auctoritatem in Ecclesias, atque personas Ecclesiasticas: cū tamen *Laicis (etiam Religiosis) super Ecclesiis, & personis Ecclesiasticis, nulla sit attributa facultas, ut dicitur l. cit. c. 10.*

Quære 3tiò, penes quos resideat potestas condendi Leges Civiles?

271. R. primò. Hæc potestas competit summo Pontifici, in quantum præsefert Principem sæcularem, qui proin potest Leges politicas, id est bonum temporale spectantes, præscribere, sed suis duntaxat subditis temporaliter sibi subiectis. Ratio est: quia cū respectu horum habeat auctoritatem supremam, immò, & obligationem eos dirigendi in ordine ad bonum publicum promovendum, ac conservandum, debet eidem concedi talis potestas; secus enim foret deterioris conditionis, quàm alii Principes sæculares,

res, nec posset satis efficaciter sibi subiectos gubernare in ordine ad bonum politicum. Fatendum nihilominus est, quod, quemadmodum Jurisdictio temporalis summi Pontificis non se extendit ubique terrarum, ita, & potestas Legislativa Civilis ejusdem non se extendat ultra territorium Pontificium.

At verò summus Pontifex velut legitimus 272. Christi in terris Vicarius, & Pastor universalis vi Jurisdictionis spiritualis indirecte saltem potest etiam disponere, & judicare de rebus temporalibus, ubi id exigit necessitas fidei Religionis Catholicæ, aut salutis, prout ex c. *Alius* 15. q. 6. aliisque juribus fusiùs ostendunt DD. nominatim Herincx *disp. 3. de LL. n. 60.* & Reiffenstuel *ubi supra* §. 3. n. 58, Et certè secus non esset satis provisum bono Ecclesiastico, prout rem rectè perpendenti facile patebit.

§. 2dò Imperator in Regnis, ac Provin- 273. ciis pleno jure sibi subiectis potest ferre Leges Civiles. Ita omnes. Ratio est: quia Legge Regiâ (ut loquitur Ulpianus l. *quod Principi ff. de const. Princ.*) *populus omne suum imperium & potestatem in Principem transtulit*: ergo etiam potestatem Legislativam, quippe quæ est actus primarius Regiæ potestatis. Quin etiam Regina legitima Regni hæres, licet nubat, nihilominus gaudet potestate Legislativa. Ratio est: quia supponitur esse *R. P. Elbel, de Act. Hum. & Leg. T. Do,*

Domina suprema in subditos suos potestate prædita : ergo competit ei facultas ferendi Leges. Hodie tamen Imperator Augustissimus condere nequit Leges universum Imperium obligantes irrequisito consensu Imperii, ac statuum Imperialium, prout videre licet in Instrumento pacis Westphalicæ art. 8. §. gaudeant 2. nec non in aliis Recessibus, & capitulationibus, teste M. D. Franc. Schmier lib. 1. tr. 1. c. 7. sect. 2. §. 3. n. 52. & seqq.

274. N. jam 3^{to} b. Principes, & status Imperii pro suis respectivè territoriis possunt ferre Leges particulares, veluti communiter tenent DD. conformiter l. 9. ff. de J. & J. Ratio est : quia Principes & status Imperii in suis territoriis vicem Imperatoris obtinent : ergo idem valent quoad hoc, quod Imperator in Regnis sibi subiectis. Quin etiam si ve ex concessione Imperatorum, si ve etiam ex consuetudine Principes Imperii possunt facere constitutiones juri communi contrarias : non tamen possunt Episcopi in suis Dioccesibus ferre Leges Juri Canonico communi contrarias ; quia in hoc 2^{do} casu timendum foret ingens animarum periculum ; quod tamen non est timendum ex priori, prout sapienter advertunt Abbas Panormit. c. ult. n. 9. de consuet. Engel de const. n. 19. & Reiffenstuel lib. 1. tit. 2. §. 4. n. 82. Quantum verò circa hoc valeant alii Nobiles videri potest apud M. D. Schmier. l. c. 4. 66.

§. II.

Proponuntur, & breviter re-
solvuntur Casus practici, de Pote-
state Legislativa.

CASUS PRIMUS.

QUIdam Princeps secularis dum inaudit, à
suis subditis frumentum pretio notabiliter
excessivo fuisse venditum, eò quòd aeris inclemen-
tia, niviumque copia visa sint portendere mes-
sem parcissimam: totis viribus in id incubuit, ut
pauperum subditorum bono prospiceret, simul-
que divitum avaritia modum poneret: quem in
finem generali edicto sub pœna confiscationis, &
graviori adhuc multa prohibuit, ne quispiam in
suo territorio præsumeret schaffam frumenti, seu
Siliginis uti appellamus, carius venderet, quàm
octo florenis. Jam verò Titius Clericus putans
se velut personam Ecclesiasticam non adstringi
ad observantiam hujus edicti, utpote à seculari
Principe duntaxat emanati, 20. aut plures
Schaffas vendidit majori pretio, singulas sci-
licet pro 9. florenis; quod, ubi Prætor illius
loci intellexit, veteris amicitia (scilicet) causâ,
quam à longo jam tempore portaverat erga Ti-
tium, illico jussit præfatum frumentum per suos
satellites confiscari. Dubitare jam licet 1. an
Titius Clericus à Principe seculari potuerit ob-

ligari ad servandam cum aliis taxam communem? Item 2dò, an dictus Prator tutâ conscientia potuerit procedere ad confiscationem.

275. R. ad primum, quòd licet Princeps probabilius per se, ac directè non potuerit obligare Titium, ceu personam Ecclesiasticam, idque defectu Jurisdictionis, & ratione privilegiorum clericalium suprâ n. 270. allegatorum; Tenebatur nihilominus Titius sese accommodare, & observare præfatam constitutionem, ex eo saltem titulo, quòd præsupposita hac Lege Generali ratio naturalis dicet, quòd etiam Clericus, ceu pars communis, non debeat discordare à toto; tum etiam, quia Jure naturali, ac divino tenebatur vitare scandalum, quod procul dubio dedit populo; dum avaritiæ nimium condescendit, & malò suo exemplo alios forsitan in eandem sententiam, vel potius licentiam prævaricandi Legem justissimam pertrahit, non sine præjudicio communis; tum denique, quia Jure naturali notum est, quòd non liceat quamcunque demum mercem vendere carius justò pretio: atqui justum pretium censetur illud, quod publica auctoritate fuit taxatum. Hac de causa Reiffenstuel l. 1. decret. tit. 2. §. 13. n. 304. cum Sperello, Navarro & aliis rectè infert, Clericum mortaliter peccare, onusque restitutionis incurrere, si notabiliter majore pretio res suas vendat.

✱.

¶ jam ad 2dum. Si Prætor processit ad 276.
confiscationem frumenti in vindictam criminis, male fecit. Ratio est: quia Clerici nullatenus tenentur Legibus Civilibus quantum ad vim coactivam *c. at si Clerici c. qualiter de Judiciis*, & alibi sæpius, prout infra n. 365. videbitur: ergo Prætor haud exiguum fecit injuriam Titio, si intuitu vindictæ sumendæ (prout videtur fecisse ex facti specie) processit ad vindictam criminis. Secus dicendum foret, si id solum fecisset animo impediendi transgressionem præfatæ constitutionis; quia cum vi sui muneris fuerit obligatus ad manutenendam Principis constitutionem, vitio eidem verti non potuisset, quod voluerit impedire illius transgressionem.

Dices tamen contra hoc: praxis hodierna huic resolutioni videtur contraria: Solent enim Clerici passim puniri à sæcularibus; nam 1. si Clericus tempore nocturno deprehendatur portare arma vetita Lege Civili, Judex Civilis ea tollit per suos Ministros. Rursus 2. casu quo Clericus contra edictum Principis sæcularis ingreditur nemora animo jaculandi feras &c. à Venatoribus deprehensus solet spoliari armis in pœnam commissi delicti: ergo &c.

¶ Cum Castropalao *de LL. tr. 3. disp. 1. 277. punct. 24. §. 6. n. 9. & Henno disp. 3. q. 7. art. 3. concl. 3.* hæc & similia fieri de Jure non

T 3

posse

posse in vindictam, seu punitionem criminis, bene tamen eo fine, ut Clericus ablati sibi armis, non amplius committat in Leges, ad quarum observationem Jure, & æquitate naturali tenebatur, vel ut resarciat damna Principi, aut Reipublicæ illata: quibus cessantibus arma eidem restitui deberent, esto fortassis alicubi contrarium fiat, utique non sine injuria status Clericalis.

CASUS SECUNDUS.

Sempronius Nationis nostræ Germano Belgica Commissarius Generalis dignissimus, per ædificationis Circulo, & absoluto jam Capitulo Provinciali fecit nonnullas constitutiones, quas judicavit pro bono Provincia, honore Dei, & decore Seraphici Ordinis summopere proficuas; quia tamen nonnullæ earum videbantur satis difficiles observatu, immò verò natæ ad illaqueandas, & implicandas subditorum conscientias: hinc nonnemo dubitare posset 1. An R. P. Commissarius Generalis potuerit sine consensu Capituli Provincialis facere hujusmodi constitutiones, etiam in conscientia obligantes. 2. An prædictæ constitutiones habeant vim Legis ita, ut hodie dum obligent, tametsi Sempronius suo, quod dignissimè gerebat, officio, jamjam sit defunctus?

278. **R.** ad primum. Sempronius, ceu Reverendissimus Commissarius, & Legitimus Superior, potuit facere hujuscemodi ordinationes, & ad earum observantiam secundum

dum exigentiam causæ, & proportionem materiæ obligare graviter, vel leviter, etiam independenter à consensu Capituli, vel V. Diffinitorii. Ratio est: quia in Capitulo Toletano Anno 1633. celebrato hæc potestas præcipiendi Superioribus Ordinis nostri Seraphici expresse conceditur, prout patebit ex textu statutorum, proximè adferendo: idque omnino sapienter, conformiter ad mentem sanctissimi P. N. Francisci, qui c. 10. S. Regula jussit, ut Ministris nostris (ideoque & Commissario Generali, ceu substituto Reverend. P. Ministri Generalis, obediamus in omnibus, quæ promissimus Domino observare, & non sunt contraria animæ, vel Regula nostra: atqui præfatæ constitutiones, esto videantur satis difficiles, non tamen sunt contrariæ animæ, neque S. Regulæ nostræ: ergo &c. Merito tamen monent eadem statuta Toletana c. 8. §. 10. ut Caveant Prælati in Capitulis à multiplici Legum constitutione, & nimia præceptorum, & censurarum impositione, ut contemptus, & oblivionis periculum evitentur: nam si sancitis hæctenus saluberrimis, & planè non paucis constitutionibus ad conservandam regularem disciplinam ordinatis identidem superaddantur novæ, tandem non sine permagno animarum periculo contemptui habebuntur nedum posteriores, sed & priores, quò fiet, ut plus noceant medicamenta, quàm vulnera; quam ob rem Ta-

citus *lib. 3. annal.* rectè dixit: *corruptissimæ Reipublicæ, plurimæ Leges.*

279. R. jam ad 2dum quæsitum hujus Casus, dictas constitutiones non habere, nec unquam habuisse vim Legis; unde etiam non amplius tenemur illis, nisi in quantum ad observantiam S. Regulæ, vel ad evitandum scandalum necessitas id exigat. Ratio hujus rursus desumi, ac peti debet ex nostris statutis generalibus emanatis in Capitulo Toletano Anno 1633. ubi *cap. 8. §. 10. de constit.* leguntur sequentia formalia: *atque adeo declaramus, nullos nostræ Religionis Prælatos posse per se ipsos sine Generalis, aut Provincialis Capituli consensu constitutiones facere, quæ vim Legum habeant, ceteros impostærum obligantium: poterunt tamen præcepta imponere, quæ pro durante Prælati imponentis officio vim habeant obligandi.* Videatur de hoc Kerckhove, in *statut general. c. 8. §. 10. n. 2.* Herinæx *part. 2. tr. 3. disp. 3. de LL. n. 56.* Reiffenstuel *lib. 1. Decret. tit. 2. §. 4. n. 97.*

Quid ergo tenendum, inquires, de Ordinationibus in Capitulo intermedio ab A. R. P. Ministro Provinciali, & V. Diffinitorio factis?

280. R. Hujusmodi constitutiones, & ordinationes, utpote legitima auctoritate factæ, verè obligant subditos juxta mentem A. R. P. Ministri Provincialis, & V. Diffinitorii, plerumque tamen sub pœna duntaxat, nisi
- Su-

Superiores aliud exprimant; id, quod satis clarè colligitur ex illis statutorum generalium verbis: *Tandem declaramus per hæc statuta, & alia quæcunque, fratres non adstringi ad culpam, nisi aliàs per jus divinum, & humanum fuerint obligati &c. &c.* Quia tamen A. R. P. Minister Provincialis sine consensu totius Capituli (quod utique non in solo Diffinitorio, sed in hoc, & reliquis vocalibus simul consistit) non gaudet potestate Legislativa, sed præceptiva duntaxat, uti liquet ex dictis n. 297. hinc dicendum, quòd talium constitutionum vigor exspiret cum V. Diffinitorio, nisi à Provincia ultrò acceptentur, & Legis instar custodiantur, vel à Diffinitorio, & Provinciali Neo-Electo de novo confirmentur; de quo, nisi certò constet, facile præsumendum non est, secus enim non sine periculo, & detrimento animarum timenda foret nimia constitutionum, & ordinationum multiplicatio, eò quòd vix non in singulis Capitulis etiam intermediis novæ Ordinationes, seu constitutiones cudantur. Vid. Reiffenstuel *loc. cit.* n. 99.

CASUS TERTIUS.

CAja Abbatissa Monialibus sibi conceditis assuevit non pauca præscribere, è quibus nonnulla videbantur satis difficilia, utputa 1. ut nulla sine speciali licentia cuivis demum seculari

T 5

loque-

loqueretur, nec ullum ab ipsis acceptaret donarium. 2. Ut quavis singulis diebus interesset duobus sacris. 3. Ut nulla præsumeret sine præscentu suo (Abbatissa scilicet) scribere litteras, vel ab alio quocunque demum scriptas acceptare, vel aperire. 4. Denique mandavit, ut singula singulis diebus veneris in cœna perpetuò abstineret à vino, idque in honorem Domini eo die felle potati. Venit proin una ex novitiis ceteris scrupulosior (an prudentior dicam? nescio) sciscitans è Confessario, an ad hac, & similia mandata Abbatissa in conscientia teneatur, & quidem in perpetuum?

281. R. Novitia ad hujusmodi mandata non tenetur in conscientia sub culpa, multò minus sub pœna peccati mortalis; potest tamen ad ea obligari sub pœna expulsionis à Religione, vel sub alia adhuc mitiore. Ratio est: quia Novitia nondum supponitur sese obstrinxisse mediante professione ad observantiam aliarum constitutionum. Et licet Abbatissa (quemadmodum, & quivis alius Superior Religiosus) vi susceptionis ad sacerum Ordinem aquirat quodammodo jus in Novitiam, vi cujus potest eam obligare sub pœna ad observantiam disciplinæ regularis, non tamen acquirit jus, ut possit etiam obligare sub culpa. Hac de causa c. ad Apostolicam de Regular. dicitur: *Novitii veniunt ad Religiones non ut statim profiteantur, seu earundem statutis obligentur, sed ad hoc, ut*
pro.

probent, an mores & statuta Religionis ipsis placeant.

Dixi tamen: *Novitia non tenetur*; secus 282a quippe resolvendum est de Monialibus jam-jam professis, quippe quæ solenni professione voverunt obedientiam nedum suis Superioribus altioribus, verum etiam Abbatissis, vel, ut in aliis Monasteriis appellari, solent, Superiorissis, aut etiam Matribus spiritualibus; frustra autem vovissent obedientiam, nisi voluissent sese obligare ad obediendum saltem in iis, quæ ad conservandam regularem disciplinam, & æconomicam gubernationem sunt necessaria: ergo. Rectè proin resolvit Felix Potestas *Exam. Confess. tom. 1. part. 1. c. 2. n. 202. item n. 207.* Abbatissam aut Priorissam posse suis Monialibus præcipere *in virtute S. obedientia*, præcepta spiritualia imponere in conscientia graviter, vel leviter obligantia; utputa ut singulis diebus interfint duobus sacris; hac, vel illa die communiceent &c. licet enim fœminæ capaces non sint jurisdictionis spiritualis ad claves spectantis, seu dependentis à sacris Ordinibus, ut est potestas ferendi censuras, absolvendi, benedicendi &c. sunt tamen capaces Jurisdictionis præceptivæ, & correctivæ, quæ non dependet à Clavibus, nec ab ordinibus, sed est superioritati annexa: quippe quæ potest impartiri etiam Laicis, qui in nostro Ordine Seraphico possunt institui

Guar...

coram fœmina, cui nec DEus, neque ullus mortalium unquam voluit concedere potestatem judicandi, aut discutiendi occultas conscientiarum latebras. Imprudens verò existimari debet ex eo, quia simplicioribus facile potest cedere in lapidem offensionis, & dare ansam innumeris sacrilegiis, dum sibi persuaferint, se teneri omnia sua, quantumcunque occulta delicta in chartam redigere, quod tamen verecundia prævalente non facient, nec etiam plus, quàm scriptotenus annotarunt; Confessario exponent. Quin immò tales Superiorissæ damnabili sua curiositate semetipsas exponent periculis tentationum, & aliorum peccatorum, dum tentant penetrare conscientiarum abdita, quæ DEus sibi soli, suisque Vicariis, Sacerdotibus scilicet legitimè approbatis, voluit reservata. Videantur de hoc, quæ habet R. P. Paulus de Barry in *solitud. Hagiophila die 3tia differt. matut.*

§. III.

Corollaria ex dictis inferenda.

Colliges ex hætenus dictis primò, gnaviter esse distinguendum inter Legem propriè talem, & inter præceptum; nam ad evitanda animarum pericula, & conscientiarum perplexitates plurimum interest, nōsse

nôsse, an, quomodo, & quamdiu Superiorum mandata obligent: atqui ex hæcenus dictis certum esse debet, aliter obligare præceptum, & aliter Legem propriè talem, quippe quæ non expirat cum morte præcipientis: ergo. Unde R. P. Kerckhove in *statut. gener. c. 8. §. 10.* Sapienter monet, statuta ab universali capitulo condita, & vim Legis obtinentia sub diversis titulis, ac Rubricis esse ponenda ab ordinationibus in Capitulis à V. Diffinitorio factis, quæ non habent vim Legis, sed præcepti duntaxat, expiraturi cum morte præcipientis.

Dices tamen. Cur ergo in Conventibus hinc inde ordinationes in Capitulis intermediis factæ à V. Diffinitorio annuatim præleguntur, & promulgantur æquè, ac statuta Generalia vel Provincialia?

286. R. Hanc promulgationem ordinationum Capitularium, factarum à solo V. Diffinitorio, non fieri annuatim, & quantum mihi constat, non jubentur annuatim prælegi, aut promulgari, sicut alia statuta Generalia, & Provincialia prælegi debent. Si tamen alicubi Superior localis curet, seu jubeat hujusmodi ordinationes annuatim, post promulgationem statutorum prælegi, etsi Diffinitorium à quo condita sunt, jamjam exspiraverit, dicendum, & supponendum est, id non fieri eo fine, ut subditi credant se ad eorum observantiam etiamnum adstringi, sed

sed potius talia proponi per modum simplicium ordinationum, quæ defacto potius habent rationem Consilii, quam præcepti; nisi supponantur de tali materia, ad quam aliunde per jus naturale, vel divinum, vel positivum obligamur.

Colliges 2dò, ea, quæ superius n. 278. ^{287.} de potestate Legislativa Superiorum Religiosorum diximus, esse intelligenda de Superioribus nostræ S. Religionis duntaxat, & præcipuè de Prælati nostræ Nationis Germano-Belgiæ. Quanta autem potestas Legislativa hodie competat Prælati aliarum Religionum, tantò minùs unica resolutione valet decidi, quantò pro diversitate Religionum differentior modus regendi convenit, immò verò necessarius est, prout præter alios sapienter advertunt Castropalao, & Herincx noster. Plura tamen particularia de hac potestate Prælatorum videri possunt ad libitum apud Eximium, & M. D. P. Franc. Schmier l. 1. tr. 1. c. 4. sect. 2. §. 4. à n. 106. & apud P. Wex in *Epitome Can. de Prælati Regular.* part. 1. c. 6. n. 14. & seqq.

Colliges 3tiò, potestatem præceptivam, & gubernativam Monialium esse subordinatam altiori potestati Superiorum Ordinis, quibus post DEum obedientiæ vinculo sese obstrinxère. Hinc, si Superior alicui Abbatissæ, vel Superiorissæ interdicit, ne hoc vel illud suis Monialibus præcipere, vel etiam

pro-

prohibere præsumat, omnino tenentur sese accomodare, ita, ut secus faciendo non mereantur audiri à suis subditis: idque prudenter omnino ordinatum fuit: quia in præceptis imponendis, præsertim talibus, quæ ad longiusculum tempus durent, requiritur eximia prudentia, quæ non solet reperiri in mulieribus, inquit Felix Pótestas *Exam. Confess. tom. 1. p. 1. c. 2. n. 112.* ergo illarum potestas meritò fuit subordinata gubernio Prælatorum majorum.

289.

Colliges 4tò, Regulares exemptos per se loquendo non adstringi ad Leges universales Episcoporum, nisi in casibus Jure expressis, videndis apud nostrum A. R. P. Kazenberger in *supplem. Theolog. Decal. c. 1. sect. 3. n. 235. & seqq.* Ratio est clara: quia Leges, vel mandata non stringunt, nisi subditos: at Regulares exempti eò ipso, quòd exempti supponantur, non stant sub Jurisdictione Episcoporum, sed suorum duntaxat Superiorum Religiosorum immediatè: ergo per se loquendo non tenentur ad constitutiones particulares. Nihilominus oportet ut Reverendissimos Ordinarios loco Sanctorum Apostolorum subrogatos pro debita, ac Apostolica Sedis reverentia congruo honore, & convenienti observantia veneremur, prout nos exhortatur Leo X. *Bulla. dum intra: §. 24.* ubi pariter admonet, Episcopos, ut nos affectu benevolo prosequantur, charitativè tractent, ac benigne foveant tanquam

coope-

cooperatores in agro dominico, nostraque jura
omni charitate custodiant, atque defendant. Vi-
deantur de hoc Fagnanus lib. 1. Decret. c. quod
super his 9. de major. & obedi. n. 29. Mathæuc-
ci in officiali Curia, de Exempt. à n. 46.

Dictum tamen fuit: *Per se loquendo non* 290.
adstringi Regulares &c. Nam per accidens
non raro emergere potest casus, in quo ob
evitandum scandalum tenentur Regulares se
conformare, & accomodare constitutioni-
bus municipalibus Episcoporum veluti com-
muniter norant DD. apud nostrum Kaze-
berger *l. cit.* Nec dubitandum quin hac de
causa Concilium Trident. sess. 25. c. 12. de Re-
gular. præceperit, ut Regulares etiam exemp-
ti Episcopis obediant in festorum observa-
tione, & interdicto, nec non in cessatione à
divinis. Videantur de hoc Felinus in c. dile-
ctus de offic. Ordin. Suarez de LL. l. 4. c.
20. fine. Palao part. 1. tr. 3. disp. 1.
punct. 24. n. 11.



CONFERENTIA UNDECIMA.

De obligatione Legum, præ-
fertim humanarum, & poena-
lium.

SUMMARIIUM.

291. Lex naturalis, & divina obligant in conscien-
tia.
292. Similiter Leges humanæ propriè tales pos-
sunt, immò debent obligare in conscientia.
293. Quantum verò Legislator obligare voluerit,
desumendum est, vel ex mente ipsius, vel ex
tenore Legis.
294. Alia dicitur Lex moralis, seu præceptiva,
alia merè poenalis; & alia mixta; è quibus.
295. Moralis obligat ad actum: merè poenalis ad
poenam duntaxat, mixta verò ad utrumque.
296. Unde colligendum sit, quòd aliqua Lex sit
merè poenalis?
297. Unde item desumendum, an Lex graviter,
vel leviter tantum obliget?
298. Leges humanæ regulariter loquendo non ob-
ligant cum periculo vitæ.
299. Bene tamen in casu, ubi id exigit bonum
commune, vel quando violatio Legis cederet
in contemptum Dei &c.
300. Legislator ad materiam tam materialiter,
quàm formaliter levem nequit obligare graviter.

301. Ad

301. Ad materiam autem undequaque gravem potest, saltem validè, obligare sub culpa levi duntaxat.
302. An etiam licitè id possit?
303. Resolvitur Casus I. de quodam Cive, qui contra edictum Principis noluit manifestare quantitatem bonorum suorum.
304. Hæredes probabilius nequeunt tutâ conscientia abscondere bona defuncti eo animo, ne juxta proportionem totius hæreditatis cogantur pendere tributum censûs vulgò die *Vermögens Steuer*.
305. Praxis contraria abusus potius meretur dici, quàm usus.
306. Quid Confessario cum tali pœnitente sit agendum?
307. Resolvitur Casus II. de quodam Religioso, cui ob periculum scandali fuit prohibitum tractare sclopetum, vel alia id genus arma.
308. Qui si similia tractaret in iis circumstantiis, in quibus ne quidem posset sequi scandalum, non peccaret:
309. Prout pluribus aliis exemplis declaratur, in quibus cessat periculum commune, & finis adæquatus Legislatoris.
310. Secus dicendum, si periculum scandali solùm cessaret respectu hujus hominis in particulâri, non item in communi.
311. Resolvitur Casus III. Cujusdam malefactoris, qui sæpius quidem incarceratus, semper evasit: novissimè verò, ut denuo evaderet, custodem Carceris gravissimè percussit;
312. Propterea que graviter deliquit.
313. An, vel quibusnam liceat hujusmodi captivo consulere fugam, vel ad eam captandam suppetias ferre?

314. Leges humanæ raro obligant cum periculo mutilationis, famæ, vel alterius gravissimi detrimenti.
315. Qui ob gravem infirmitatem corporis diebus jejunii carnes comedit, non peccat.
316. Nec peccat Excommunicatus, qui ob vitandum scandalum, vel aliud grave damnum se gerit velut non Excommunicatum.
317. Qui præceptum circa materiam tam materialiter, quam formaliter levem transgreditur, non peccat graviter, tametsi Legislator intendisset graviter obligare.
318. Transgressor Legis pœnalis non fit semper ipso facto obnoxius pœnæ.
319. An pœna sit latæ, vel ferendæ sententiæ colligendum est ex verbis, ac tenore Legis.
320. Pœnæ Ecclesiasticæ, quibus censura aliqua ipso facto incurrenda decernitur, criminis admissione illico incurruntur.
321. Non item aliæ pœnæ propriè tales, præsertim Civiles, quæ ad sui executionem requirunt actum positivum.
322. Solvitur quædam instantia in contrarium.

§. I.

Præmittuntur, & breviter resolvuntur quæsitæ, seu necessaria ad debitè resolvendos Casus practicos circa obligationem Legum humanarum, præsertim pœnaliū.

QUæres primò, utrum Leges, præsertim humanæ obligent in conscientia, & coram Deo?

¶. I.

¶ 1. Lex naturalis, & divina certò obli- 291.
gant in conscientia secundùm omnes rectè
sapientes, ait Babenstuber *tr. 3. disp. 2. a. 1. n.*
1. Ratio prioris est: quia Lege naturali, vel
jubemur facere ea, quæ sunt intrinsecè bona,
convenientia creaturæ rationali, vel prohi-
bemur facere ea, quæ sunt intrinsecè mala:
at, implicat (inquit M. D. Franc. Schmier)
actum naturæ rationali quàm tali dissentaneum
exercere, nec simul in conscientia sentire
reatum culpæ; unde Doctor Gentium dum
Rom. 2. docuit, etiam gentibus Lege scripta
destitutis, naturalem Legem esse cognitam,
addidit hanc causalem *testimonium reddente*
illis conscientia ipsorum. Ratio autem poste-
rioris de se liquet: si enim teneamur parere
Legibus humanis, quid ni, & divinis? Et
certè Christus Dominus *Matth. 19. c.* satis
clarè innuit, mandata DEI sub dispendio sa-
lutis esse observanda.

¶ jam 2dò. Etiam Lex humana tam Ec- 292.
clesiastica, quàm Civilis possunt obligare in
conscientia. Ita rursus *omnes.* Ratio desu-
mitur ex illo Apostoli *ad Rom. 13. omnis*
anima potestatibus sublimioribus subdita sit - ideo
necessitate subditi estote non solum propter iram,
sed etiam propter conscientiam, id est, ait Carde-
nas Cris. Theolog. tr. 3. disp. 22. c. 3. n. 34.
propter obligationem conscientiæ. Et cer-
tè id habet praxis, & communissima persua-
sio fidelium; tum etiam quia Lex humana

fertur à Superiore quàm tali, id est, quàm prædito potestate obligandi, à Deo sibi communicata; de quibus *Luc. 10. v. 16.* dicitur: *Qui vos spernit, me spernit &c.* ergo in conscientia tenemur nos accommodare.

293. Dictum tamen fuit. *Leges humanas posse obligare &c.* ad innuendum, quòd, tametsi Legislatores subinde utantur verbis præceptivis, utputa: *jubemus, mandamus, singuli hoc observent &c.* non tamen semper per hæc intendant subditos obligare; immò verò contrarium non rarò solent in fine talium constitutionum exprimere: fatendum tamen est, hujusmodi constitutiones ne quidem ad pœnam subeundam obligantes, dici non posse *Leges*, sed potiùs merentur dici consilia, vel simplices quædam ordinationes. Videatur Castropalao *tr. 3. disp. 1. pu. 14. num. 5.*

Quæres 2dò, utrum *Leges humanæ* propriè tales obligent ad solam pœnam, an verò etiam ad actum præceptum v. g. ad solvenda pedagia, vel gabellas? &c.

294. Ante responsionem advertendum est, *Legem humanam*, ut sic communiter dividi
1. In *moralem* (quæ etiam appellari solet *præceptiva*) 2. In *merè pœnalem*, & 3. in *mixtam*. *Moralis* ea censetur, vi cujus Legislator in ordine ad dirigendos mores (unde & *moralis* dici solet) aliquid absolute præcipit, vel prohibet, sine adjectione pœnæ.

Lex

Lex purè pœnalis est, dum Legislator ad culpam non intendit obligare, sed ad solam pœnam; veluti faciunt satis communiter statuta diversarum Religionum. Denique Lex mixta appellari solet illa, quâ aliquid præcipitur, vel prohibetur ita, ut Legislator illico adjiciat pœnam à transgressoribus subeundam, v. g. dicendo: *Prohibemus, ne quisquam præsumat frumentum è Provincia evehere, quicumque autem deprehensus fuerit hanc nostram constitutionem fregisse, hanc pœnam pecuniariam solvat &c.* Porro, si Legislator ad utrumque velit subditos obligatos, prout fit in hoc casu dicitur Lex copulativè mixta: si verò velit duntaxat alterutrum, scilicet, ut, vel frumentum non evehatur, vel pœna evehentibus taxata solvatur, dicitur Lex disjunctivè mixta. Hòc not.

§. ad quæsitum: Lex moralis, seu præceptiva obligat in conscientia ad actum præceptum v. g. ad auditionem Missæ. Lex purè pœnalis ad pœnam, disjunctivè mixta obligat indeterminate, vel ad actum ejusve omissionem, vel ad pœnam: denique Lex copulativè mixta obligat determinatè ad actum, & ad pœnam, si violetur. Ratio hujus desumi debet ex dictis: quia Leges obligant juxta intentionem Legislatoris: atqui mens Legislatoris est, ut Lex moralis serveatur, ut talis, pœnalis, ut pœnalis &c. ergo. Videatur Babenstuber *ubi supra* a. 1. n. 4.

At, inquires, unde colligendum est, quòd aliqua Lex sit merè pœnalis, vel quòd sub gravi, aut levi duntaxat culpa obliget?

296. R. ad primum: An Lex aliqua sit purè pœnalis, colligendum est præcipuè ex verbis, & mente Legislatoris, qui, si absolutè aliquid præcipiat, vel prohibeat, censeri debet voluisse condere Legem moralem, & non merè pœnalem, tametsi transgressoribus simul pœnam taxet. Ratio est: quia intentio Legislatoris est quasi anima Legis: ergo si is non tantùm pœnam decernat, sed absolutè aliquid præcipiat, vel prohibeat, censendus est voluisse condere Legem moralem, vel certè mixtam. Fatendum nihilominus est, non posse circa hoc punctum tradi regulam aliquam universalem, sed vel maxime etiam attendendam esse consuetudinem, quippe quæ est optima Legum interpres c. cum dilectus. item l. 37. ff. de LL. Videatur Reiffenstuel Theol. moral. tr. 2. de LL. dist. 2. n. 33.

297. R. jam ad 2dam quæsitæ partem. Utrum Legislator graviter, vel leviter duntaxat voluerit obligare, colligendum est ex sequentibus indiciis. 1. Ex gravitate materiæ, quæ, nisi aliunde constet, Legislatorem voluisse leviter duntaxat obligare, semper censetur graviter prohibita. 2. Ex gravitate pœnæ adjunctæ, utputa excommunicationis majoris, maledictionis æternæ, mortis, exilii &c.

lii &c. nam tales poenæ non solent infligi, nisi ob culpam gravem. 3. Ex gravitate verborum magnam in se vim habentium, ut si dicat: mandamus in virtute S. obedientiæ, strictissimè præcipimus &c. 4. Denique ex usu, consuetudine, vel communi prudentium, & timoratorum Judicio; hinc cum omnes probi obligationem de jejuniis Ecclesiastico, de abstinencia à carnibus, de communione annua &c. judicent esse gravem, prudenter dubitare non licet, quin contraveniens graviter delinquat. Vid. Henno de LL. disp. 3. q. 8. conclus. 3. Kresslinger addit. post. n. 28. ad tract. 2. dist. 2. q. 3. Theolog. mor. R. P. Reiffenstuel.

Quæres 3tò, an Leges humanæ ad sui observantiam obligent cum periculo vitæ?

R. Regulariter non obligant cum periculo vitæ, bene tamen 2. quando id exigit bonum commune, vel quando transgressio Legis cederet in contemptum Dei, Religionis, fidei, aut potestatis Legislativæ. Ita ex communi DD. Herincx disp. 3. de LL. q. 13. Reiffenstuel cit. n. 23. & 24. Henno ubi supra q. 10. conclus. 1. & 2. Ratio prioris est: quia potestas humana regulariter loquendo non potest obligare ad id, quod est moraliter impossibile: atqui observantia Legis cum periculo vitæ, vel etiam famæ integræ, immò cum notabili jactura bonorum fortunæ, est moraliter loquendo impossibilis: ergo &c.

299 Ratio autem posterioris est: quia bonum commune præferri debet bono privato, quemadmodum totum corpus debet præferri membro privato: ergo ubi publica necessitas, id exigit, potest Legislatur humanus obligare subditos cum periculo vitæ; hac de causa milites tenentur servare suas stationes, hostem aggredi &c. cum evidenti periculo vitæ: Similiter Parochus tenetur tempore pestis succurrere suis Parochianis, eisdem administrando SS. Ecclesiæ Sacramenta, non obstante evidenti periculo infectionis, nisi in aliquo casu particulari conservatio talis Pastoris esset necessaria ad aliorum plurimum salutem. Similiter dum aliquid petitur fieri in contemptum Dei, aut Religionis sanctæ, vel etiam potestatis Ecclesiasticæ, positivè intenditur dehonoriatio Dei, at in nullo casu licet Deum positivè inhonorare, aut contemnere: ergo &c. *Vid. DD. cit.*

Quæres 4to, utrum Legislatur humanus materiam levem sub obligatione gravi possit præcipere, aut prohibere:

300. R. primò. Legislatur humanus ad materiam undequaque, id est, tam absolutè, quàm respectivè levem (de quâ intrâ *â n. 327.*) nequit graviter obligare. Ita communis, & certa sententia DD. Ratio est; quia Lex debet esse rationabilis, & justa: atqui ad materiam undequaque levem graviter, & sub periculo æternæ damnationis obligare, nec

nec est rationabile, neque justum, ut de le-
liquet: ergo &c.

¶ 2dò. Ad materiam gravem potest gra- 301.
viter obligare, nihilominus si velit, potest
etiam leviter duntaxat obligare ad illam. Ita
contra non paucos tenent Suarez, Laymann,
Herincx *de Leg. disp. 3. n. 163.* quos sequitur
noster A. R. P. Kazenberger *supplem. Decalog.*
P. Sporer *c. 1. sect. 3. n. 204.* Ratio est: quia
actiones agentium non operantur ultra intentio-
nem eorum, ut habet commune axioma: ergo
si Legislator non velit, nisi leviter obligare
(tametsi posset graviter: cum materia sup-
ponatur esse capax gravis obligationis) sub-
diti prævaricando Legem, non, nisi leviter
delinquent. Id quod amplius suaderi potest
ex eo: quia Legislator humanus hujusmodi
Legem posset omnino abrogare, tollendo
omnem obligationem: ergo etiam potest
saltem validè tollere obligationem gravem.

Dixi *Saltem validè potest tollere obligationem* 302.
gravem &c. Nam si omnibus pensatis videat-
ur necessarium ad bonum Reipublicæ, vel
communitatis, ut Legislator graviter obliget
ad talem materiam, quia fortassis prævidet,
fore, ut subditi sumant ansam faciliùs præ-
varicandi Legem sub veniali duntaxat obli-
gantem, putat Henno & alii, Legislato-
rem peccatorum, leviter duntaxat obligan-
do, eò quòd irrationabiliter agat, & sua
potestate negativè saltem abutatur. Nihilò
se-

secius Herincx l. cit. sapienter ait, praxin illam diversarum Religionum, quæ suos Alumnos ad materiam de se capacem obligationis gravis non volunt, nisi sub culpa levi, vel sub mera poena obligatos, esse prudentissimam, eò quod etiam culpa levis timoratas conscientias pungat, ideòque à transgressione retrahat, simulque in gravis lapsus discrimen non abducatur.

§. II.

Proponuntur, & breviter resolvuntur Casus practici de obligatione Legum humanarum.

TItius Princeps statutum edidit, ut deinceps singuli Cives secundum proportionem bonorum suorum contribuerent ad sublevanda onera publica, quæ indies quasi accrescere videbantur; qua de causa voluit, ut post obitum cuiusvis civis bona ab eo relicta per Notarios Publicos diligenter registrarentur, quatenus inde posset taxari quantitas tributi censûs, id est; Die Vermögen-Steuer/ ut vocant; bona verò ab Hæredibus abscondita, si qua ex post facto invenirentur, fisco cedere voluit: hujus constitutionis haud immemores quidam hæredes, dum animadverterunt parentem suum pededentim morti appropinquare, optima quaque mobilia clam asportârunt, ne quantitas bonorum ab eo reli-

relictorum innotesceret, Principi, vel Magistratui; & quod amplius mirandum, dum Notarii deputati bona reliqua quam diligentissime registrassent, nescio quò fato, obliti sunt registrare illam contignationem domûs (quam germani appellare solent den Boden) in qua registrum consecerant. Jam verò quidam ex hæredibus conscientia stimulus nonnihil agitatus, è Confessario scire petit 1. An præfata constitutio censenda sit merè pœnalis, ita, ut solum obliget ad solvendam pœnam transgressoribus taxatam, non item ad manifestationem bonorum? 2. An tutâ conscientia possint dissimulare manifestationem contignationis, utpotè satis pertiosa, cui registranda præfati Notarii probabilius ex inadvertentia supersederant?

R. ad primum. Certum videtur, præfa 303.
tam Principis constitutionem non esse merè pœnalem, sed etiam moralem, ideòque non obligare duntaxat ad pœnam transgressoribus taxatam, sed etiam ad quantitatem bonorum fideliter manifestandam, aut certè non abscondendam. Fortassis hæc resolutio nonnullis videbitur difficilis observatu, mihi tamen probatu tam difficilis non apparet; certum quippe est, ex Jure divino reddendum esse tributum, cui tributum, ad Rom. 13. v. 7. & quæ sunt Cæsaris Cæsari. Matth. 22. v. 21. Certum insuper est, tributa (debitis conditionibus vectita) vi Justitiæ legalis, immò etiam vi Justitiæ commutativæ, esse debita

bita Principi: atqui tam *Justitia Legalis* quàm commutativa obligat in conscientia: ergo &c. Et certè ratio & æquitas naturalis dicat, justo mandato legitimi Superioris esse obtemperandum: atqui Princeps supponitur esse Superior legitimus, mandatum verò pariter est justum, æquitati naturali consentaneum, & communi usu diversarum Nationum receptum: quid enim amabo! quid magis videatur consentaneum æquitati, quàm ut is, qui plus possidet, proportionem Geometrica plus tribuat, quàm alius minùs habens? quid magis consentaneum rationi, quàm ut membra communitatis secundum proportionem facultatum concurrant ad conservandum bonum publicum? at, hoc nunquam fiet, si bona sua absconderint; qui potius è contrario contingeret, ut ii, quin minus habent, plus æquò cogantur contribuere ad sublevandas necessitates publicas, contra virtutem *justitiæ Legalis*: ergo hæredes abscondendo bona &c. peccant.

304. R. jam ad 2dum. Videtur satis probabile quòd præfati hæredes tutâ conscientia nequidem dissimulare possint manifestationem contignationis, præsertim si hæc supponatur valde pretiosa. Ratio ex mox dictis peti debet; tum quia constitutio Principis nedum pœnalis, sed etiam moralis est; tum etiam quia in eum finem condita fuit, ut singuli juxta quantitatem suorum bonorum contribu-

buerent, & nullus injustè gravaretur: at, hoc non fiet, nisi hæredes manifestent contignationem; ergo &c. Fateor tamen, in hoc casu attendendum esse nedum ad mentem Principis, verum etiam ad rigorem, & verba constitutionis; nam si Princeps solum dixisset, aut voluisset, ut singuli Cives contribuerent juxta proportionem bonorum à Commissariis, seu etiam Notariis deputatis inventorum (quod tamen mihi videtur minus verosimile) possent hæredes dissimulare manifestationem contignationis; quia hæc constitutio, utpote odiosa, debet restringi quantum proprietas, & rigor verborum patitur. Videantur de hoc Laymann. *l. 1. tr. 4. c. 24. n. 12.* Engel *tit. de consuet. n. 17* Reiffenstuel *Theolog, moral. tr. 2. dist. 2. n. 33.*

Dices. Juxta communissimam Doctorem normam, ad dignoscendum, utrum aliqua Lex sit merè pœnalis, vel etiam moralis, seu mixta, oportet attendere consuetudinem, & usum Patriæ: atqui consuetudo, & usus hodiernus fert, ut singuli quantum possunt nitantur in simili casu abscondere bona sua: quin immò felices se reputant, si hoc medio possint eludere constitutionem Magistratus, vel Principis: ergo hæc constitutio reputari debet merè pœnalis.

¶. Utique per omnem modum attendendam esse consuetudinem receptam, id est, legitimè approbatam: nego tamen suppositum,

situm, quod occultatio bonorum non obstante constitutione Principis sit legitimè approbata, quandoquidem non constet de consensu ipsius in talem abusum, qui, ut jam diximus, pugnat contra Justitiam legalem. Rectè proin monet P. Henno *tr. de Leg. disp. 3. q. 16. art. 1. conclus. 4. in fine*, ut in hujusmodi dubio unusquisque Patriæ suæ usum consulat non *abusum*.

306. Scio equidem, à Suareziolib. 7. de LL. c. 19. n. 12. haud improbabiler doceri, multas Leges Civiles v. g. imponentes exactiones, prohibentes venari, ligna cedere, vel aliquid è Regno, aut Provincia extrahere &c. quæ ab initio fuerunt directivæ, & obligabant sub culpa in conscientia, longævo usu fieri posse merè pœnales, eò quod non aliter sint receptæ, ipsis etiam Principibus dissimulantibus, & tacitè consentientibus, dum pœnâ confiscationis bonorum à transgressoribus subeunda sunt contenti; verum an præfata constitutio in hisce partibus nostris non sit aliter recepta, & præsertim, an Princeps unquam in talem consuetudinem tacitè etiam consenserit, vehementer ambigo: immò verò de contrario moraliter certò mihi constat. Quam ob causam hanc praxin nemini consulendam, vel approbandam censeo, esto fortassis Confessarius suo pœnitenti, qui ob præfatas rationes nolle se accommodare præfata constitutioni, ex post facto posset

posset condescendere. Videantur de hoc Paulus Mezger tom. 1. tr. 8. disp. 35. art. 1. n. 8. Babenstuber tr. 3. disp. 2. a. 1. n. 7.

CASUS SECUNDUS.

Sempronius Religiosus, dum vacantiarum tempore Sclopetum, quem putavit non esse oneratum debitis requisitis, non nihil incautius tractavit, alium quendam hominem trajecit, etsi præter, immò contra omnem suam voluntatem; quod ubi Superior Sempronii intellexit, illico ad tollendum omne scandalum, immò & omne periculum scandali, inde oriri natum, omnibus ac singulis sibi subjectis sub gravi pœna interdixit, ne deinceps ullus præsumeret tractare, vel etiam attingere simile armorum genus, cum periculo sive hominem, sive etiam feram ladendi. Quærit jam Sempronius, an sibi non liceat saltem in occulto, & in iis circumstantiis, in quibus moraliter certus est, nullum subesse periculum, vel hominem ladendi, vel feram, hujusmodi arma tractare?

R. Stante hac prohibitione non amplius 307.
fas est Sempronio tractare hujusmodi genus armorum in iis circumstantiis, in quibus ex natura rei saltem subest periculum occidendi, ideoque, & scandalizandi, esto in occulto vellet ea tractare, & ita cautè, ut certò sibi persuadeat, nullum subesse periculum occisionis. Ratio hujus resolutionis est: quia Lex fundata in præsumptione periculi com-
R. P. Elbel, de Act. Hum. & Leg. X mun.

At, inquires, unde colligendum est, quòd aliqua Lex sit merè pœnalis, vel quòd sub gravi, aut levi duntaxat culpa obliget?

296. R. ad primum: An Lex aliqua sit purè pœnalis, colligendum est præcipuè ex verbis, & mente Legislatoris, qui, si absolutè aliquid præcipiat, vel prohibeat, censeri debet voluisse condere Legem moralem, & non merè pœnalem, tametsi transgressoribus simul pœnam taxet. Ratio est: quia intentio Legislatoris est quasi anima Legis: ergo si is non tantùm pœnam decernat, sed absolutè aliquid præcipiat, vel prohibeat, censendus est voluisse condere Legem moralem, vel certè mixtam. Fatendum nihilo minus est, non posse circa hoc punctum tradi regulam aliquam universalem, sed vel maxime etiam attendendam esse consuetudinem, quippe quæ est *optima Legum interpres c. cum dilectus. item l. 37. ff. de LL.* Videatur Reiffenstuel *Theol. moral. tr. 2. de LL. dist. 2. n. 33.*

297. R. jam ad 2dam quæsitam partem. Utrum Legislator graviter, vel leviter duntaxat voluerit obligare, colligendum est ex sequentibus indiciis. 1. Ex gravitate materiæ, quæ, nisi aliunde constet, Legislatorem voluisse leviter duntaxat obligare, semper censetur graviter prohibita. 2. Ex gravitate pœnæ adjunctæ, utputa excommunicationis majoris, maledictionis æternæ, mortis, exilii &c.

lii &c. nam tales pœnæ non solent infligi, nisi ob culpam gravem. 3. Ex gravitate verborum magnam in se vim habentium, ut si dicat: mandamus in virtute S. obedientiæ, strictissime præcipimus &c. 4. Denique ex usu, consuetudine, vel communi prudentium, & timoratorum Judicio; hinc cum omnes probi obligationem de jejuniis Ecclesiastico, de abstinencia à carnibus, de communione annua &c. judicent esse gravem, prudenter dubitare non licet, quin contraveniens graviter delinquat. Vid. Henno de LL. disp. 3. q. 8. conclus. 3. Kresslinger addit. post. n. 28. ad tract. 2. dist. 2. q. 3. Theolog. mor. R. P. Reiffenstuel.

Quæres 3tio, an Leges humanæ ad sui observantiam obligent cum periculo vitæ?

1. Regulariter non obligant cum periculo vitæ, bene tamen 2. quando id exigit bonum commune, vel quando transgressio Legis cederet in contemptum Dei, Religionis, fidei, aut potestatis Legislativæ. Ita ex communi DD. Herincx disp. 3. de LL. q. 13. Reiffenstuel cit. n. 23. & 24. Henno uti supra q. 10. conclus. 1. & 2. Ratio prioris est: quia potestas humana regulariter loquendo non potest obligare ad id, quod est moraliter impossibile: atqui observantia Legis cum periculo vitæ, vel etiam famæ integræ, immò cum notabili jactura bonorum fortunæ, est moraliter loquendo impossibilis: ergo &c.

nec est rationabile, neque iustum, ut de Iliquo: ergo &c.

¶ 2dò. Ad materiam gravem potest graviter obligare, nihilominus si velit, potest etiam leviter duntaxat obligare ad illam. Ita contra non paucos tenent Suarez, Laymann, Herincx *de Leg. disp. 3. n. 163.* quos sequitur noster A. R. P. Kazenberger *supplem. Decalog. P. Sporer c. 1. sect. 3. n. 204.* Ratio est: quia *actiones agentium non operantur ultra intentionem eorum*, ut habet commune axioma: ergo si Legislator non velit, nisi leviter obligare (tametsi posset graviter: cum materia supponatur esse capax gravis obligationis) subditi prævaricando Legem, non, nisi leviter delinquent. Id quod amplius suaderi potest ex eo: quia Legislator humanus huiusmodi Legem posset omnino abrogare, tollendo omnem obligationem: ergo etiam potest saltem validè tollere obligationem gravem.

Dixi *Saltem validè potest tollere obligationem gravem &c.* Nam si omnibus pensatis videatur necessarium ad bonum Reipublicæ, vel communitatis, ut Legislator graviter obliget ad talem materiam, quia fortassis prævidet, fore, ut subditi sumant ansam facilius prævaricandi Legem sub veniali duntaxat obligantem, putat Henno & alii, Legislatorem peccatorum, leviter duntaxat obligando, eo quod irrationabiliter agat, & sua potestate negativè saltem abutatur. Nihilominus
se-

fecius Herincx *l. cit.* sapienter ait, praxin illam diversarum Religionum, quæ suos Alumnos ad materiam de se capacem obligationis gravis non volunt, nisi sub culpa levi, vel sub mera poena obligatos, esse prudentissimam, eo quod etiam culpa levis timoratas conscientias pungat, ideoque à transgressione retrahat, simulque in gravis lapsus discrimen non abducatur.

§. II.

Proponuntur, & breviter resolvuntur Casus practici de obligatione Legum humanarum.

TItius Princeps statutum edidit, ut deinceps singuli Cives secundum proportionem bonorum suorum contribuerent ad sublevanda onera publica, quæ indies quasi accrescere videbantur; qua de causa voluit, ut post obitum cujusvis civis bona ab eo relicta per Notarios Publicos diligenter registrarentur, quatenus inde posset taxari quantitas tributi censûs, id est; Die Vermögen-Steuer/ ut vocant; bona verò ab Hæredibus abscondita, si qua ex post facto invenirentur, fisco cedere voluit: hujus constitutionis haud immemores quidam hæredes, dum animadverterunt parentem suum pededentim morti appropinquare, optima quaque mobilia clam asportârunt, ne quantitas bonorum ab eo reli-

relictorum innotesceret, Principi, vel Magistratui; & quod amplius mirandum, dum Notarii deputati bona reliqua quam diligentissime registrassent, nescio quò fato, obliti sunt registrare illam contignationem domûs (quam germani appellare solent den Boden) in qua registrum confecerant. Jam verò quidam ex hæredibus conscientia stimulus nonnihil agitatus, è Confessario scire petit 1. An præfata constitutio censenda sit merè pœnalis, ita, ut solùm obliget ad solvendam pœnam transgressoribus taxatam, non item ad manifestationem bonorum? 2. An tutâ conscientia possint dissimulare manifestationem contignationis, utpotè satis pertiosa, cui registranda præfati Notarii probabilius ex inadvertentia supersederant?

R. ad primum. Certum videtur, præfata 303. tam Principis constitutionem non esse merè pœnalem, sed etiam moralem, ideòque non obligare duntaxat ad pœnam transgressoribus taxatam, sed etiam ad quantitatem bonorum fideliter manifestandam, aut certè non abscondendam. Fortassis hæc resolutio nonnullis videbitur difficilis observatu, mihi tamen probatu tam difficilis non apparet; certum quippe est, ex Jure divino reddendum esse tributum, cui tributum, ad Rom. 13. v. 7. & quæ sunt Cæsaris Cæsari. Matth. 22. v. 21. Certum insuper est, tributa (debitis conditionibus vestita) vi Justitiæ legalis, immò etiam vi Justitiæ commutativæ, esse debita

bita Principi: atqui tam *Justitia Legalis* quàm *commutativa* obligat in conscientia: ergo &c. Et certè ratio & æquitas naturalis dicat, justo mandato legitimi Superioris esse obtemperandum: atqui Princeps supponitur esse Superior legitimus, mandatum verò pariter est justum, æquitati naturali consentaneum, & communi usu diversarum Nationum receptum: quid enim amabo! quid magis videatur consentaneum æquitati, quàm ut is, qui plus possidet, proportionem Geometrica plus tribuat, quàm alius minùs habens? quid magis consentaneum rationi, quàm ut membra communitatis secundum proportionem facultatum concurrant ad conservandum bonum publicum? at, hoc nunquam fiet, si bona sua absconderint; qui potius è contrario continget, ut ii, quin minus habent, plus æquò cogantur contribuere ad sublevandas necessitates publicas, contra virtutem *justitiæ Legalis*: ergo hæredes abscondendo bona &c. peccant.

304. R. jam ad 2dum. Videtur satis probabile quòd præfati hæredes tutâ conscientia nequidem dissimulare possint manifestationem contignationis, præsertim si hæc supponatur valde pretiosa. Ratio ex mox dictis peti debet; tum quia constitutio Principis nedum pœnalis, sed etiam moralis est; tum etiam quia in eum finem condita fuit, ut singuli juxta quantitatem suorum bonorum contribu-

buerent, & nullus injustè gravaretur: at, hoc non fiet, nisi hæredes manifestent contignationem; ergo &c. Fateor tamen, in hoc casu attendendum esse nedum ad mentem Principis, verùm etiam ad rigorem, & verba constitutionis; nam si Princeps solum dixisset, aut voluisset, ut singuli Cives contribuerent juxta proportionem bonorum à Commissariis, seu etiam Notariis deputatis inventorum (quod tamen mihi videtur minus verosimile) possent hæredes dissimulare manifestationem contignationis; quia hæc constitutio, utpote odiosa, debet restringi quantum proprietas, & rigor verborum patitur. Videantur de hoc Laymann. *l. 1. tr. 4. c. 24. n. 12.* Engel *tit. de consuet. n. 17* Reiffenstuel *Theolog, moral. tr. 2. dist. 2. n. 33.*

Dices. Juxta communissimam Doctorem normam, ad dignoscendum, utrum aliqua Lex sit merè pœnalis, vel etiam moralis, seu mixta, oportet attendere consuetudinem, & usum Patriæ: atqui consuetudo, & usus hodiernus fert, ut singuli quantum possunt nitantur in simili casu abscondere bona sua: quin immò felices se reputant, si hoc medio possint eludere constitutionem Magistratus, vel Principis: ergo hæc constitutio reputari debet merè pœnalis.

¶. Utique per omnem modum attendendam esse consuetudinem receptam, id est, legitimè approbatam: nego tamen suppositum,

situm, quod occultatio bonorum non obstante constitutione Principis sit legitimè approbata, quandoquidem non constet de consensu ipsius in talem abusum, qui, ut jam diximus, pugnat contra Justitiam legalem. Rectè proin monet P. Henno *tr. de Leg. disp. 3. q. 16. art. 1. conclus. 4. in fine*, ut in hujusmodi dubio unusquisque Patriæ suæ usum consulat non *abusum*.

306. Scio equidem, à Suarezio *lib. 7. de LL. c. 19. n. 12.* haud improbabiler doceri, multas Leges Civiles v. g. imponentes exactiōnes, prohibentes venari, ligna cedere, vel aliquid è Regno, aut Provincia extrahere &c. quæ ab initio fuerunt directivæ, & obligabant sub culpa in conscientia, longævo usu fieri posse merè pœnales, eò quod non aliter sint receptæ, ipsis etiam Principibus dissimulantibus, & tacitè consentientibus, dum pœnâ confiscationis bonorum à transgressoribus subeunda sunt contenti; verum an præfata constitutio in hisce partibus nostris non sit aliter recepta, & præsertim, an Princeps unquam in talem consuetudinem tacitè etiam consenserit, vehementer ambigo: immò verò de contrario moraliter certò mihi constat. Quam ob causam hanc praxin nemini consulendam, vel approbandam censeo, esto fortassis Confessarius suo pœnitenti, qui ob præfatas rationes nollet se accommodare præfate constitutioni, ex post facto posset

posset condescendere. Videantur de hoc Paulus Mezger tom. 1. tr. 8. disp. 35. art. 1. n. 8. Babenstuber tr. 3. disp. 2. a. 1. n. 7.

CASUS SECUNDUS.

Sempronius Religiosus, dum vacantiarum tempore Sclopetum, quem putavit non esse oneratum debitis requisitis, non nihil incautius tractavit, alium quendam hominem trajecit, etsi prater, immò contra omnem suam voluntatem; quod ubi Superior Sempronii intellexit, illico ad tollendum omne scandalum, immò & omne periculum scandali, inde oriri natum, omnibus ac singulis sibi subjectis sub gravi pœna interdixit, ne deinceps ullus præsumeret tractare, vel etiam attingere simile armorum genus, cum periculo sive hominem, sive etiam feram ladendi. Quærit jam Sempronius, an sibi non liceat saltem in occulto, & in iis circumstantiis, in quibus moraliter certus est, nullum subesse periculum, vel hominem ladendi, vel feram, hujusmodi arma tractare?

R. Stante hac prohibitione non amplius 307.
fas est Sempronio tractare hujusmodi genus armorum in iis circumstantiis, in quibus ex natura rei saltem subest periculum occidendi, ideoque, & scandalizandi, esto in occulto vellet ea tractare, & ita cautè, ut certò sibi persuadeat, nullum subesse periculum occisionis. Ratio hujus resolutionis est: quia Lex fundata in præsumptione periculi com-
R. P. Elbel, de Act. Hum. & Leg. X mun;

munis non cessat obligare ex eo, quod in casu particulari respectu hujus, vel illius hominis nullum videatur subesse periculum; finis enim Legislatoris non fuit præcisè in uno casu, vel ab uno, sed à tota communitate avertere periculum: at ex tractatione armorum, ex quibus de se natum est sequi homicidium &c. non cessat periculum in communi, esto illud cessaret respectu hominis in particulari: ergo neque cessat obligatio Legis.

308. Dixi tamen, nefas esse, tractare ejusmodi genus armorum in iis circumstantiis, *in quibus ex natura rei saltem subest periculum &c.* Nam si Sempronius tractaret, vel attingeret talia arma, quæ ne quidem idonea essent ad occidendum hominem, aut feram, utique non peccaret contra prohibitionem sui Superioris, modò absit periculum scandali, quippe quod de Jure naturæ vitare tenemur. Ratio hujus limitationis est, quia finis Superioris supponitur fuisse aversio periculi, aut scandali, quod Religioni, vel Ordini ex hujusmodi fatali casu homicidii posset emergere: quo cessante cessat obligatio Legis *cap. cum cessante 60. de appellat.* Atqui hic finis prorsus cessat, quando tractatur tale genus armorum, quod ne quidem de se idoneum est ad committendum homicidium, vel ferocidium: ergo &c. Videatur M. D. P. Schmier *lib. 1. tit. 1. c. 1. sect. 3. §. 3. n. 301.*

Hanc

Hanc ob causam pariter existimo, quòd 309.
si Superior v.g. Religiosus suo subdito ad vitandum scandalum ex crapula, aut ebrietate oriri natum prohibeat, ne in domo alicujus sæcularis, aut extra Monasterium bibat, hoc non obstante possit talis Religiosus bibere potum non inebriantem, utputa aquam, Thèe aut Caffèe; immò, & potum de se quidem inebriantem, utputa vinum, sed hoc in quantitate tam modica, quæ ex se non sit sufficiens ad perturbandum usum rationis. Similiter, si ex motivo castitatis Superior prohibeat, ne quis subditorum suorum per fenestras prospiciat in forum, aut plateas, possit subditus tuta conscientia prospicere v.g. tempore nocturno, ubi tenebræ tam sunt intensæ, ut nec ipse possit videre alios, nec ab aliis hominibus videri. Ratio est eadem, quæ mox fuit data, in his enim circumstantiis cessat finis adæquatus, Legislatoris, aut Superioris, de cujus mente prudenter præsumi non potest, quòd in similibus circumstantiis voluerit obligare; immò verò hujusmodi prohibitio foret de re prorsus inutili, & irrationabilis, uti rectè advertit La Croix lib. 1. de LL. n. 872.

Dices fortassis: Si stante juxta Superioris prohibitione liceat bibere potum inebriantem, sed in quantitate tam modica, ut inde nullum prorsus possit subesse periculum crapulæ, vel ebrietatis, consequenter neque

nis mirum in modum constrictus fuit, immo mortis jamjam condemnatus, etsi sententia eadem nondum fuerit intimata. At Cajus amore vita ulterius proroganda (nescio quibus mediis) catenas denuo dirupit, ac paulò post custodem carceris ad se ingressum alterò catena frusto tam enormiter percussit in capite, ut semianimis illico corruerit in terram; quò factò Cajus denuo aufugiens, ipsò factò comprobavit veritatem illius verbi verbi, neminem scilicet suspendi, nisi priùs teneatur. Quæritur jam primò, an Cajus carceres effringendo peccaverit? an, vel quomodo deliquerit custodem carceris tam enormiter percutiendo?

¶. ad primum. Cajus non peccavit effringendo carceres &c. 311. Ratio est: quia reus etiam post sententiam mortis adhuc licitè fugit; tantum enim cuique juris est ad vitam conservandam, ut nulla potestas humana obligare possit ad eam non conservandam, inquit Lessius lib. de justit. c. 31. n. 34. quia tale præceptum videtur nimis difficile, inhumanum, & quodammodo superans humanam conditionem: at, cui licitum est fugere, pariter licet rumpere vincula, & carcerem pertundere; cui enim permissus est finis, eo ipsò consentur permissa media ad eum finem necessaria, modò hæc de se sint licita, vel non intrinsecè mala: ergo Cajus licitè potuit effringere carcerem ad fugam capeffendam; nisi aliunde, vi scilicet juramen-

ti, vel voti, aliavè speciali promissione sese obligasset ad perseverandum. Videatur Lefsius *l. cit.* Navarrus *c. 17. n. 102.* vel Laym. *l. 1. tr. c. 15. n. 10.*

312. R. jam ad 2dum Cajus peccavit graviter, dum tam enormiter percussit custodem carceris. Ratio est: quia custos carceris Cajo nullam prorsus fecit injuriam, immò verò vi sui officii fuit obligatus ad illum custodiendum: nec dici valet, quòd Cajo fecerit injuriam eundem constringendo vinculis: quia *non est permissa defendendi facultas, ubi offendendi est data libertas*: atqui custodi carceris auctoritate legitima fuit data nedum libertas, sed insuper etiam legitima potestas immò, & obligatio custodiendi Cajum: ergo hic intulit gravem injuriam tam enormiter percutiendo custodem, tametsi id fecerit animò evadendi vincula, & salvandi vitam propriam. Videatur de hoc Laymann. *lib. 3. tr. 3. p. 3. c. 2. n. 3.*

At, inquires, nunquid custodi carceris, vel aliis, licuisset ferre opem Cajo ad fugam capeffendam, quippe qui secundum mox dicta *n. 311.* licite potuit capeffere fugam ad salvandam suam vitam?

313. R. Nec custodi carceris, neque Judici, vel aliis Justitiæ Ministris, quibus ex officio incumbit custodire, aut castigare reum, licet ferre opem ad evadendum; quia hi omnes supponuntur ex officio suo obligati potius

tius ad custodiendum, vel etiam puniendum reum, quàm ad illum impunè dimittendum. Alii tamen, quibus de reo, vel captivo nulla prorsus incumbit cura, non peccante eidem suppetias ferendo, vel auxiliando ad fugam in iis circumstantiis, in quibus reo licitum est fugere, vel vincula dirumpere; quia quod quis per seipsum, illud ordinariè loquendo potest etiam facere per alium, nisi talis functio requirat actionem personalem obligati, prout fit in recitatione breviarii, & aliis pluribus casibus. Rectè tamen tradit Laymann. *lib. 1. Theolog. mor. tr. 4. c. 15. n. 10.* quod aliis non sit permissum cooperatio ad effringendam custodiam; nam custodiam publicam effringere, ac violare, res per se gravis est, ac proinde soli reo ratione gravissimæ necessitatis declinandæ permessa, inquit *D. l. cit.*

§. III.

Corollaria ex dictis inferenda.

Colliges ex hætenus dictis primò, Leges 314.
humanas de raro contingenti obligare cum periculo mutilationis, famæ alteriusvè boni temporalis verè, id est, prudentum Judicio existimata notabili jactura; nam quidquid sine tali detrimento fieri non valet, illud censetur in hominum existimatione moraliter impossibile: atqui Leges humanæ regula-

gulariter non obligant ad impossibile, veluti dictum fuit n. 298. ergo &c.

315. Colliges 2dò, non peccare eum, qui gravi infirmitate corporis pressus comedit carnes diebus jejunii, præsertim si id faciat consilio Medicorum: idipsum dicendum de eo, qui gravi labore manuum fatigatus, vel ex prolixo itinere fessus utitur secunda refectio-
ne; vel quâ die festiva cogitur remanere domi ad hanc custodiendam, propterea que sacrum non audit &c. Ratio est: quia præcepta Ecclesiæ, velut piæ Matris fidelium, cum tanto rigore non obligant, veluti habet communis opinio Doctorum, & sensus fidelium. Sed de hoc fortassis alibi.

316. Colliges 3tò, Excommunicatum non peccare gerendo se velut non Excommunicatum, casu quo id necessum est ad evitandum scandalum publicum, vel infamiam coram illis, qui hætenus nullam habuere notitiam de excommunicatione incurfa (idipsum suo modo dicendum est de eo, qui irregularitatem incurrit v. g. ex delicto occulto homicidii &c. Unde si tales non habeant, à quo possint dispensari, vel absolvi, non tenentur abstinere à divinis officiis, seu etiam ab administratione Sacramentorum &c. tum quia, uti proximè dictum fuit, præcepta Ecclesiæ non obligant cum tanto rigore; tum etiam quia quando duo præcepta simul concurrunt ita, ut utrumque humanitùs, & morali-

raliter loquendo observari non possit, semper debet præferri illud, quod est fortius obligans: atqui præceptum naturale de non scandalizando proximum &c. fortius obligat, quàm præcepta Ecclesiæ merè positiva: ergo &c. Videatur Herincx *disp. 3. de Leg. n. 197.* vel Reiffenstuel *tr. 2. dist. 2. n. 28.*

Colliges 4tò, neque illum peccare gravius, qui præceptum tam de re materialiter, quàm formaliter levi prævaricatur, tametsi Legislator, aut Superior ad hujus observantiam voluisset obligare sub mortali, v. g. ne quis frangat silentium in monasterio &c. ait Babenstuber; ne commedat nucem; ne januam v. g. refectorii egrediatur, ostiò non clauso &c. Ratio est: quia talis materia utpote nec in se, neque respectivè (uti supponitur) gravis, non est capax gravis obligationis.

Nec dici valet, quòd subditus contraveniens agat ex contemptu; non enim supponitur contemnere potestatem legitimam sui Superioris, sed potius abusum potestatis. Fatendum nihilominus est, quòd talis subditus v. g. frangendo silentium, saltem venialiter peccet; quia agit contra voluntatem sui Superioris, sin minus graviter, saltem leviter juxta capacitatem materiæ, obligantis. Cavendum insuper est, ne subditus quacunque demum passione præoccupatus, minus prudenter, & præproperè concludat, hanc,

X 5

vel

vel illam materiam non esse capacem obligationis gravis, nam regulariter loquendo semper præsumendum est pro valore, & Justitia Legis; & hoc ipso quòd materia sub gravi culpa præcepta, aut prohibita, si minus materialiter, saltem formaliter gravis sit; de quo videri potest Suarez *de LL. l. 3. c. 25. n. 6.* Bonacina *de LL. disp. 1. q. 1. pu. 7. §. 2. n. 5.*

318. Colliges 5tò. Transgressorem Legis pœnalis, non semper ipso factò, id est, ipsa transgressione Legis, aut præcepti fieri obnoxium pœnæ taxatæ. Ratio est: quia Lex humana non obligat ultra intentionem Legislatoris, juxta vulgarem illam regulam: actus non operantur ultra voluntatem agentis: atqui Legislator humanus non semper vult, ut pœna ipsò factò incurratur: & hanc ob causam Lex pœnalis, ut sic communiter dividi solet in pœnalem *lata*, & in pœnalem *ferenda* primum sententiæ: è quibus prior ideò dicitur talis, quia ipsò factò, id est, ipsa commissione criminis illico incurritur: posterior autem dicitur ferendæ sententiæ, eò quòd post commissum crimen Judex debet primum ferre sententiam v. g. excommunicationis, confiscationis bonorum &c. sive dein condemnatoriam, sive declaratoriam criminis.

At, inquires, unde colligendum, vel sumendum est, an Lex pœnalis sit *lata*, vel verò *ferenda* primum sententiæ?

¶. Hoc colligendum esse ex verbis Legislatoris; qui, si ferendo Legem pœnalem usus sit sequentibus terminis: *ipsô facto, ipso jure, mox, ex tunc &c. sit excommunicatus, suspensus, vel privatus &c.* aut si dicat: qui hoc fecerit &c. *illum excommunicamus, suspendimus, excommunicationem se noverit incurrisse, sciat se esse excommunicatum &c.* concludendum est, quòd sit pœna latæ sententiæ: Econtra si ferendo Legem dicat duntaxat: qui contrafecerit, excommunicetur, suspendatur, privetur suo officio, aut beneficio, est excommunicandus, privandus &c. concludi debet, quòd sit Lex ferendæ primùm sententiæ. Ratio est: quia hæc verba posteriora congruenter possunt intelligi immò debent intelligi de pœna post sententiam Judicis primùm incurrenda: ergo hoc modo sunt interpretanda, præsertim cum juxta Regulam 49. *juris in 6tò: in pœnis benignior interpretatio sit facienda.* Videatur Reiffenstuel *Theolog. mor. tr. 2. n. 36. & 37.*

Dices: Ergone pœna latæ sententiæ illico incurritur præscindendo ab omni ulteriori sententia Judicis?

¶. Non omnis pœna, esto sit latæ sententiæ, illico incurritur præcisa omni alia sententia, sed illæ duntaxat, quæ aliam executionem externam non requirunt: uti sunt censuræ Ecclesiasticæ, utputa, excommunicationis, suspensionis, & interdicti:
item

item irregularitates, reservatio absolutionis, & impedimentum criminis; nec non privatio petendi debitum contracta ex incestu, cum consanguinea, aut consanguineo intra secundum gradum commisso; itemque privatio fructuum ob neglectas horas Canonicas &c. Has enim pœnas, si sint latæ sententiæ, ante omnem Judicis sententiam ipso facto incurri, recepta praxis & usus declaravit, veluti testantur Engel l. 1. tit. de Constit. n. 43. Reiffenstuel Theol. mor. tr. 2. dist. 2. n. 29. Illsung tr. 1. disp. 2. n. 72. La Croix lib. 1. n. 612.

321. Econtra tamen aliæ pœnæ propriè dictæ, quæ executionem externam requirunt, uti sunt amissio dominii, confiscatio bonorum, privatio beneficii, aut officii Ecclesiastici, aliæque consimiles, non incurruntur ante omnem sententiam saltem declaratoriam criminis auctoritate Judicis factam: idque Illsung loc. cit. verum putat, etiam si Lex pœnalis contineret hanc clausulam: *Ipsò facto, ante declarationem &c.* quia, inquit ipse, facile explicari potest, quòd vi horum verborum non ampliùs opus sit alia declaratione pœnæ, quò non obstante adhuc necessaria est sententia saltem declaratoria criminis. Ratio autem est: quia videretur nimis difficilè, cogere, vel obligare hominem; ut erga
seip-

seipsum exequatur pœnam positivam sicque sit sui ipsius Judex, & Executor, ait P. Reiffenstuel *l. cit. n. 42.* aliud est de pœnis mere negativis, seu etiam privativis, vi quarum reus non tenetur in se ipsum exercere aliquam pœnam positivam, seu actum vindicativum, sed solum cessare v. g. ab exercitio Sacrorum Ordinum &c.

Dices: Beneficiatus, qui post primos sex menses culpabiliter intermisit recitare horas Canonicas, tenetur etiam ante omnem sententiam declaratoriam Judicis pro rata restituere fructus, veluti constat tum ex constitutione Pii V. tum etiam ex Decreto Alexandri VII. edito Anno 1665. in quo opinio contraria damnatur: atqui hæc pœna ad sui executionem exigit actum positivum, restitutionis scilicet: ergo etiam pœnæ positivæ obligant ante omnem sententiam declaratoriam criminis.

¶ Negando suppositum, quòd talis restitutio sit pœna propriè dicta (de quibus duntaxat nostra resolutio mox data loquitur) pœna enim propriè dicta censetur illa, vi cujus aliquis privatur quapiam re, quæ absolutè erat sua, & jam acquisita, seu obtenta: pœna verò impropriè dicta censeri debet illa, vi cujus quis ab acquisitione alicujus boni impedi-

peditur: aliud quippe est, *lucra non capere, & quasita perdere* l. ult. C. de Codicill. & l. si sponsus §. si Maritus ff. de donat. inter Vir. & Uxor. jam verò per allegatam constitutionem Pii V. *Ex proximo &c.* Clericus non recitans horas Canonicas solum declaratur *fructus non facere suos*, ideòque impeditur à capiendis fructibus lucrò: consequenter per hoc non incurrit pœnam propriè dictam. Videatur Reiffen-
stuel lib. 1. Decret. de Constit. §.

10. n. 236.



CON-

CONFERENCE DUODECIMA.

De materia Legum, præfer-
tim humanarum.

SUMMARIUM.

323. Quæ sit materia Legis naturalis ?
324. Materia Legum humanarum possunt, esse
actus nedum de se honesti, verum etiam de se
indifferentes.
325. Defacto tamen neque omnes actus virtutum
Lege humana sunt præcepti, neque omnes vi-
tiorum actus prohibiti.
326. Occurritur cuidam instantiæ in contrarium.
327. Gravitas materiæ potissimum desumenda est
partim ex gravitate finis à Legislatore intenti,
partim etiam ex proportionem materiæ, quam
hæc habet ad eundem finem.
328. Nonnulla alia indicia breviter notantur, ex
quibus gravitas materiæ potest colligi.
329. Quænam sit materia respectivè gravis, &
quænam respectivè levis ?
330. Actus internus quatuoruplici modo se habere
potest in ordine ad actum externum.
331. Auctoritate humana per se, & directè præ-
cipi possunt illi actus interni, qui per se sunt
necessarii ad actus externos in genere mo-
ris.

332. Actus merè, & purè interni potestate Civili nequeunt præcipi, aut prohiberi?
333. Benè verò potestate Ecclesiastica.
334. Id, quod breviter rationibus stabilitur.
335. Satisfit præcipuo adversæ opinionis fundamento.
336. Resolvitur Casus I. De quibusdam rebellibus Rusticis, qui contra edictum Principis ausi sunt inspicere non pauca conventicula hæretica.
337. Unde eisdem nihil patrocinator illud Matth. c. 18. v. 20. *ubi sunt duo, vel tres congregati in nomine meo &c.*
338. An verè Catholico licuisset sese simulare quasi esset unus ex illis eo præeisè animo, ut expiscaretur quidnam in illis conventiculis agatur, vel concludatur?
339. Resolvitur Casus II. De quodam Clerico, qui pœnitentiam ab Episcopo sibi dictatam negligendo graviter deliquit.
340. Neque tutâ conscientia potuit negligere meditationes ex eo capite, quòd actus merè interni nequidem auctoritate Ecclesiastica præcipi valeant.
341. Et quid si pœnitentiam sibi dictatam ex parte duntaxat neglexisset?
342. Resolvitur Casus III. De quadam fœmina hæretica, quæ ut evaderet pœnas, fictè duntaxat professâ fuit fidem Catholicam.
343. Unde hoc modo profitendi probabilissimè non satisfecit præcepto Ecclesiæ.
344. Maluit insuper propter excessus hinc inde commissos solvere quinque florenos, quàm permittere, ut suum nomen inscriberetur albo confraternitatis SS. Scapularis.

345. Lege humana præcipi non potest actus malus, seu inhonestus.
346. Nec præcipi possunt ea, quæ sunt *de jure*, vel *de facto* impossibilia.
347. Subinde tamen valde ardua rectè præcipiuntur hominibus privatis, ubi illud exigit bonum commune.
348. Nec Lex imperativa, neque pœnalis propriè talis se extendit ad illos actus præteritos, qui antecederent nulla Lege fuerunt prohibiti.
349. Bene tamen ad eos, qui jam antecederent erant prohibiti.
350. Lex pœnalis impropriè talis potest se extendere ad actus præteritos, esto antecederent non fuerint prohibiti.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos circa materiam Legum.

QUæres primò, quænam sit materia Legis naturalis?

R. Omne illud est materia Legis naturalis, quod lumen naturale dicat, esse ex se necessarium, vel contrarium naturæ rationali; vel (ut alii loquuntur) ad Legem naturæ pertinent omnia illa, quæ gentes naturali instinctu judicant, esse bona, vel mala, seu facienda, vel fugienda, prout haud
R. P. Elbel, de Act. Hum. & Leg. Y ob.

obscure innuit Doctor Gentium *ad Rom. 2.* Ratio est: quia juxta communissimam Doctorum, Lex naturæ à Lege positiva in hoc distinguitur, quòd illa sit de necessariis ex natura rei ad honestatem creaturæ rationalis, eò quòd de se huic sint con- vel disconvenientia; ista verò de necessariis solùm ex voluntate Legislatoris. Videantur de hoc Herincx *p. 2. tr. 3. disp. 1. n. 31.* Schmier *lib. 1. tr. 1. c. 2. sect. 2. §. 3. n. 87. & seqq.*

Quæres 2dò, quænam sit materia Legum humanarum?

324. *¶* Materia Legum humanarum possunt esse actus humani honesti, quarumcunque demum virtutum: immò etiam actus de se indifferentes. Ita rursus ex *communi DD.* Herincx *cit. disp. 3. n. 72.* Babenstuber *tr. 3. disp. 2. art. 3.* Ratio prioris est hæc: quia illud rectè dicitur materia Legis, circa quod hæc potest, ac petit versari: atqui Lex humana potest versari circa actus humanos (quorum est regula) quarumcunque virtutum, eos scilicet præcipiendo, actus verò vitiorum, velut oppositos, & inhonestos, prohibendo; ergo &c. Ratio autem posterioris est: quia actus de se indifferentes non solùm possunt conducere, sed subinde etiam esse necessarii ad finem à Legislatore intentum: e. g. ad conservandam pacem & tranquillitatem Reipublicæ nedum conducit, sed subin necessum omni-

no est, ut tempore nocturno deambulant-
tes, vel potius vagantes per plateas civita-
tis non portent arma, esto hoc de se sit in-
differens: ergo Leges humanæ possunt ver-
sari circa hujusmodi actus, quantumvis de
se indifferentes.

Dixi tamen: *possunt versari &c.* Quod 325.
enim defacto Legibus humanis, nec om-
nium virtutum actus sint præcepti, neque
omnium vitiorum actus prohibiti, apud
omnes in confesso est; idque propterea;
quia obligatum esse ad omnium virtutum
actus, foret nimium difficile, & supra vi-
res fragilitatis humanæ, quandoquidem
nonnulli actus virtutum sint valde heroici;
ut est v. g. omnia relinquere, & servare
paupertatem Evangelicam, vivere in per-
petuo cælibatu &c. Et quia major Pars fi-
delium in virtute non est perfecta, facile
liquet, quod non expediat toti communita-
ti fidelium, omnium virtutum actus præci-
pere, vel e contra omnia flagitia prohibe-
re: nam ex hoc procul dubio plus incom-
modi, quam commodi imineret Reipub-
licæ cuicunque demum. Præstat igitur,
ut prudens Legislator ad evitanda majora
mala tam heroicos virtutum actus potius
relinquat sub consilio, vitiaque minora
dissimulet, quam ut rigore nimio commu-
nitatem totam exponat periculo graviori.

veluti sapienter advertit Engel *lib. 1. Decret-
tit. 2. §. 2. n. 11.*

Dices contra hoc: Lege naturali, & divina omnes actus mali sunt prohibiti: ergo similiter Lege humana, seu positiva omnes sunt prohibendi, eò præsertim, quòd is, qui committit in Legem naturalem, vel divinam, dignus censeatur pœna non solum apud DEUM, sed etiam apud homines.

326. R. negando conseq. & paritatem; Lex enim naturalis, & divina attendit ad bonum uniuscujusque in particulari: ècontra Lex humana respicit bonum totius communitatis quàm talis; at, non esset conveniens toti communitati, attenta hujus fragilitate, prohibere omnes actus vitiorum: sufficit proin, immò præstat, eos relinquere sola Lege naturali, vel divina prohibitos. Videatur Castropalao *de Leg. tr. 3. disp. 1. pu. 5. n. 2.*

Quæres 3tiò, quænam censenda sit materia gravis, & quænam levis duntaxat?

327. R. Circa hoc punctum non posse statui aliquam regulam universalem, nihilominus ad hoc discernendum potissimum attendi debet ad duo, scilicet 1. ad finem à Legislatore intentum, & 2. ad proportionem, quam materia Præcepta habet ad hujusce-
modi

modi finem. Itaque si finis à Legislatore intentus sit magni momenti; materia verò ad eundem finem sit necessaria, concludendum est, quòd sit materia gravis: è contrario si finis non sit adeò magni momenti, vel certè materia ad talem finem parum, vel nihil conducat, censeri debet materia levis.

Dixi tamen, materiæ gravitatem potissimum desumendam esse ex fine &c. Quia, ut sapienter animadvertit La Croix l. 1. de Leg. n. 666. dantur insuper alia capita, è quibus gravitatem materiæ colligere licet, scilicet 1. Ex repugnantia gravi, vel levi cum natura rationali, vel cum charitate DEO, vel proximo debita. 2. Ex verbis Scripturæ Sacræ, vel etiam Legislatoris humani, qui, si intentent transgressoribus gravem pœnam, præsumendum est, materiam esse gravem. 3. Ex auctoritate Ecclesiæ, SS. Patrum, vel etiam communi persuasione Theologorum, qui si communi quasi calculo in id conveniant, quòd materia sit necessaria ad bonum publicum, vel etiam Reipublicæ Christianæ conservandum, aut certè communiter asserunt, materiam esse gravem &c. etiam nos pro tali debemus eam reputare, & oppositum planè foret temerarium, prout rectè monent Herincx noster de peccatis diss. 7. à. n. 45. & La Croix loc. cit.

Dices: Ergone non datur materia, quæ sit respectivè duntaxat levis, vel gravis?

329. R. Datur utique juxta communissimam persuasionem Doctorum; nam, si materia de se quidem gravis sit, uti est v.g. jejunare, sacrum audire, sumere sacram Synaxin &c. hujusmodi tamen actus ad finem à Legislatore intentum, vel non sit necessarius, vel non multum conducat &c. censeri debet materia *respectivè levis*.

Econtra, ubi res præcepta de se levis quidem momenti est, nihilominus ad finem gravem à Legislatore intentum multum conducere nata, vel simpliciter necessaria, reputari debet materia *respectivè gravis*, id est, respectu finis. Hac de causa (inquit Herincx *de Lege disp. 3. n. 164.* in Religionibus graviter prohiberi potest ingressus in aliquam domum, quatenus multum potest juvare ad Religiosam castitatem servandam, vel suspensiones, ac obloquia hominum vitanda.

Quæres 4to, utrum actus merè internus possit esse materia Legis humanæ, seu, auctoritate humana præcipi, vel prohiberi?

330. Ante responsionem notandum, quod actus internus quatuor modis spectari, & comparari possit in ordine ad externum; Primò, ut sit prorsus internus, uti est v.g. oratio merè mentalis. 2. Ut per se con-
- jun-

jungatur cum actu externo, vel ex hoc infallibiliter inferatur, veluti ex actu externo v. g. Rapinae inferatur voluntas rapiendi &c. 3. Ut conjungatur cum opere externo ex vi Legis divinae, vel naturalis, talem actum internum ad moralem substantiam operis illius requirentis, quemadmodum de jure divino ad substantiam Confessionis Sacramentalis requiritur internus dolor velut pars constitutiva in esse actus moralis Sacramentalis; & ad Sacramenti hujus administrationem requiritur intentio Ministri, esto alias tam confessio, quam absolutio externa merè materialiter spectata fieri posset sine praefatis actibus internis. 4. Denique, ut actus internus prorsus per accidens & disparate se habeat ad externum, veluti in ordine ad orationem v. g. rosarii se habet intentio, illam orationem applicandi pro lucrandis indulgentiis &c. hoc notato.

N. primò. Actus interni, qui per se sunt 331. necessarii ad physicam, vel moralem substantiam actus externi, possunt auctoritate humana tam Civili, quam Ecclesiastica praecipui, & quidem per se, & directe. Ita hodie satis communiter Doctores, nominatim La Croix l. 1. n. 647. Cardenas Cris. Theolog. diff. 341. a. 1. n. 9. Gobat, Caramuel. Ratio est: quia potestate humana praecipui, vel prohiberi potest id omne, quod ad rectam gubernationem Reipublicae necessarium

rium est: atqui actus interni per se requisiti ad substantiam saltem moralem actus externi sunt ita necessarii; nam plurimi refert *Reipublicæ*, ut contractus v. g. matrimonii celebrentur validè, & ut Sacramenta validè administrentur &c. atqui sine intentione contrahendi, aut absolvendi, vel etiam sine dolore interno, nec valeret matrimonium, neque Sacramentum poenitentiae: ergo dicendum, quòd potestate humana hujusmodi actus interni possint præcipi, vel prohiberi, & quidem non tantum indirectè, sed etiam directè; quia quando Ecclesia præcipit confessionem Sacramentalem validam, eò ipso per se, ac directè præcipit, & intendit illud omne, quòd per se, & intrinsecè necessarium est ad essentiam confessionis validæ; ad hanc autem non minùs necessarius est actus internus doloris, quàm accusatio externa: ergo actum internum præcipit non minùs directè, quàm externum. Vide *La Croix l. cit.*

- § 32. R. jam 2dò, Actus merè, & purè interni nequeunt præcipi, vel prohiberi auctoritate Civili; bene tamen 2. auctoritate, seu potestate spiritali, & Ecclesiastica. Prior pars hujus resolutionis est ab omnibus recepta. 2da vero contra non paucos magni nominis DD. mordicùs tenent Cardenas in sua 2. *Crisi Theolog. dissert. 34. art. 2. 3. & 4.* Sbogar *Theolog. radic. tr. 4.*

c. 10. n. 71. Gormaz de pœnit. part. 2. n. 67. La Croix l. cit. n. 652. Felix Potestas. Exam. Confess. tom. 1. p. 1. c. 2. n. 181. Mag. D. Franc. Schmier l. 1. tr. 1. c. 1. sect. 2. §. 2. n. 113. ubi pro eadem opinione refert P. Alphons. Wenzl, Glettle, Guetrather, & plures alios. Ratio prioris est hæc: quia actus merè interni nihil conferunt ad finem à Legislatore politico intentum; huic quippe duntaxat incumbit procurare, vel etiam salvam conservare pacem, & tranquillitatem externam Reipublicæ: atqui ad hujus conservationem per se loquendo nihil facit, utrum actus merè internus ponatur, vel verò omittatur: ergo &c. Adde, quòd finis proximus Reipublicæ, & Legislatoris politici sit merùm naturalis; consequenter per media naturalia duntaxat, qualia sunt actus visibiles, & sensibiles, à Legislatore politico procurari debet.

Ratio autem posterioris hæc est: quia 333. potestas illa, quam Christus Dominus Matth. 16. c. v. 19. D. Petro, ejusdemque successoribus concessit hisce verbis: *Quodcunque ligaveris super terram, erit ligatum, & in cælis &c.* est generaliter, & sine restrictione ad actus merè externos concessa, adeoque debet generaliter intelligi per c. Solita 6. de M. & O. consequenter extendi, quantum rationabiliter fieri potest: atqui rationabiliter potest extendi ad actus etiam

merè internos; tum quia finis Legislatoris Ecclesiastici non sistit præcisè in externa gubernatione Reipublicæ Ecclesiasticæ, sed ulterius vel maximè tendit ad animarum salutem procurandam, & dirigendam, veluti declaravit Innocentius III. *cit. c. 6. de M. & O.* tum etiam quia, cui concessus, immò à DEO specialiter præfixus, & demandatus est finis, illi pariter concessa censentur media ad eundem finem necessaria *c. præterea. de Offic. & potest. J. de* atqui Divo Petro ejusdemque successoribus demandata fuit cura pascendi gregem dominicum *Joan. ult. v. 17.* ad hunc autem finem potius faciunt actus in- quàm externi; quandoquidem aliunde notum sit, quòd hi totam suam vim, & virtutem merendi, vel etiam demerendi desumant ab illis: ergo dicendum quòd auctoritate Ecclesiastica possint præcipi, vel etiam prohiberi actus merè interni; id, quod ulterius

334. Confirmatur primò ex eo, quòd actus merè internus possit esse materia Legis divinæ, prout etiam AA. fatentur: ergo potuit DEUS eandem potestatem concedere Pontifici, non obstante, quòd is velut homo nequeat in forma Judicii procedere contra hujusmodi transgressores.

Neque dubitandum, quin hodie Ecclesia posset Sacerdotibus præcipere, ut v. g. brev-

via-

viarium, ad quod jam pridem tenentur, recitent ea intentione, ut DEUS velit v.g. Augustissimo Imperatori nostro dare hæredem masculinum: atqui hæc intentio est actus merè internus: ergo &c.

Confirmatur 2dò ex eo, quòd Innocentius XI. damnaverit praxin hujus propositionis numero decimæ: *Non tenemur proximum diligere actu interno, & formali*: atqui, praxis hujus est omissio actus amoris interni: ergo &c.

Dices. Legislator Ecclesiasticus nequit discernere, an talis Lex præscribens actum merè internum observetur, vel non, consequenter neque posset punire transgressores: ergo frustra subditis suis imponeret hujusmodi obligationem. Et certè de purè internis agere, videtur proprium soli DEO, & Angelis, non verò hominibus, quippe qui pro hoc statu vitæ actibus externis, & sensibilibus duntaxat possunt ad invicem communicare.

N. disting. ant. Legislator Ecclesiasticus 335. non posset hujusmodi transgressores punire in forma Judicii, & coactione externa, concedo, in forma constitutionis, & coactione interna, id est, tali pœna v.g. excommunicationis, quæ post commissum delictum illico incurratur in conscientia: neg. ant. cum conseq. Neque necessum est, ut Legislator humanus semper possit discernere.

discernere, an Lex sua observetur; secus enim Ecclesia non potuisset damnare praxin propositionis mox relatæ: Nec Confessarius suo pœnitenti; neque Superior Religiosus suo subdito posset præcipere actum merè internum; quod tamen falsum esse ipsimet AA. agnoscunt.

Sufficit proin, quòd in simili casu DEUS transgressionem cognoscat, & conscientia reum illico arguat, atque ad promeritam pœnam condemnet. Ad illud alterum fatendum quidem est, soli DEO, & Angelis proprium esse, agere de merè internis, sed modo insensibili; nam de talibus modo sensibili, per actus scilicet externos ad invicem communicare, & agere, etiam competit hominibus, velut liquet ex mox dictis de Confessario, vel Superiore Religioso. Verùm de his satis. Qui fusiorem hujus controversiæ notitiam avet, consulat Doctores mox citatos. Nos practica sectemur,



§. II.

Proponuntur, & breviter resolyuntur Casus practici, circa materiam Legum humanarum.

CASUS PRIMUS.

Tertius Princeps Catholicus inaudit, suos subditos edementia esse prolapsos, ut in suo territorio (in quo hactenus nullius, præterquam Catholica, & Salvifica Religionis exercitium fuerat toleratum) nedum libros hæreticos passim legere, verum insuper in publicis conventiculis Catholicam Religionem taxare, Lutheranam è contra mirum in modum extollere, quin immò ad hanc amplexandam etiam reliquos tum verbis, tum etiam minis intentatis pertrahere tentârint; quare ad præcludendum imminens animarum exitium, & rebellionem, quam perversissimi illi homines sub Schemate manutenendi libertatem conscientia non rarè minitati sunt, facta prius (sed in cassum) paterna dehortatione, tandem sub gravissimis pœnis interdixit, ne deinceps præsumerent sese coadunare, nè ullus, quisunque demum, auderet è suggestu verba facere, quibus aliquos etiamnum Catholicè sentientes per-

verte-

verteret, aut jamjam perversos in exitiis eorum erroribus confirmaret; at illi, hac saluberrima constitutione nihilo melius facti, sed potius indurati, non sine Scommatibus, & magno contemptu publicò protestati sunt, nulla auctoritate humana prohiberi posse hujusmodi conventicula, quippe quæ Christus D. ipsemet approbavit Matth. c. 18. v. 20. dicendo: ubi sunt duo, vel tres congregati in nomine meo, ibi sum in medio eorum. Quid jam Confessarius judicabit de tali subdito, casu quo is pœnitentia ductus interrogaret, an, vel quomodo post illud edictum frequentando solita illa conventicula peccaverit?

336. R. Confessarius judicabit talem subditum gravissimè peccasse, & quidem toties, quoties contra edictum Principis illa conventicula frequentavit: Ratio facile eruetur ex dictis: quia Princeps potuit, & voluit sub gravi culpa prohibere illa conventicula hæretica. Quòd potuerit, inde facile suadetur; quia hoc fuit omnimodis necessarium, tum ad servandam Rempublicam in pace, & tranquillitate, tum etiam ad manutenendam veram, ac salvificam fidem, quam Princeps præsertim Ecclesiasticus tenetur omni modo possibili conservare in sibi subjectis. Quòd autem etiam voluerit graviter obligare, prout est colligere ex pœnis tam gravibus, transgressoribus taxatis; ergo subditus contempti-
- bili-

biliter prævaricando præfatam constitutionem non potuit non graviter delinquere, & quidem toties, quoties scienter id fecit. Neque dubitandum, quin propterea incidere excommunicationem Bullæ Cœnæ, sive dein assentiendo dogmatibus hæreticis, sive demum aliis cohæreticis quâ talibus favendo eorumque partes, utique non sine pertinaciâ erga SS. Ecclesiam Romanam tuendo. Meminerit proin Confessarius, se hujusmodi pœnitentem extra articulum, vel periculum mortis non posse absolvere, nisi aliunde sit præditus potestate in Calus Bullæ Cœnæ.

Neque excusandus videtur ex illo allegato S. Scripturæ textu: *ubi duo, vel tres &c.* 337. Nam Christus solum ratificavit illa conventicula, quæ congregantur (ait ipse) *in nomine meo*; id est (ut exponunt S. Chrysostomus, & Euthymius apud Cornelium à Lapide) *propter me, mei respectu, mei intuitu, mei causâ, mei amore, nil, nisi me, & meam gloriam quærentes*: at, hoc non erat intentum Rusticorum Rebellium, prout ex actis constabit: ergo &c.

At quid de eo tenendum, qui finxit, immò asseveravit, se pariter esse Lutheraniæ sectæ addictum, reipsa autem hujusmodi conventicula non frequentavit alio fine, quàm præcisè animô expiscandi, quidnam in illis tractaretur, vel concluderetur?

338. *N.* Etiam talis per se loquendo graviter peccavit. Ratio est: quia exterius saltem veram fidem negavit; hanc autem sub dispendio salutis nunquam licet negare, esto subinde ex rationabili causa liceat dissimulare. Nec talis subditus à quocunque demum Superiore subornari, multò minùs obligari potuit, ut ex præfato fine fidem suam (Catholicam scilicet) negaret; quia juxta *Reg. VI. de R. J. in 6. nemo potest ad impossibile obligari*: at, quæ sine peccato fieri nequeunt, censentur moraliter impossibilia: & juxta *D. Augustinum lib. contra mendac. c. 7. ea, quæ constat, esse peccata, nullo bona causa obtentu, nullo quasi bono fine nulla velut bona intentione facienda sunt*. Fatendum nihilominus est, quòd, si talis subditus interiùs non adhæsit Lutheranorum sectæ, sed præcisè animò explorandi dixit, se pariter esse Lutheranum, revera non incurreret Excommunicationem Bullæ Ccenæ, in hæreticos latam: & fortassis ex simplicitate nequidem peccavit formaliter, eò quòd in hoc facto, utpotetam specioso fine vestito, nil malitiæ apprehenderit.

CASUS SECUNDUS.

S Empronius Clericus ob quandam in cura animarum commissam negligentiam, ad suum
Reve-

Reverendissimum Ordinarium fuit delatus, & quia in rei veritate inventus fuit culpabilis, hinc ab eodem fuit condemnatus ad sequentem pœnitentiam. 1. Scilicet, ut per octiduum in quodam Monasterio faceret exercitia spiritualia, & 2do, ut eidem Monasterio daret tres aimeras vini per modum Eleemosynæ: hoc posterius Sempronius omnino non præstitit, quoad prius verò sese accommodavit nolens volens, eò quòd sinè graviore offensa Reverendissimi sui Ordinarii illud declinare nequiverit. Cæterum toto illo octiduo ne unicam quidem meditationem instituit, hòc principio ductus, quòd meditatio, ceu oratio mentalis sit actus merè internus, consequenter ne quidem auctoritate Ecclesiastica præcipi valeat, juxta probabilissimam multorum gravium Doctorum sententiam. Tandem verò conscientia stimulis nonnihil exagitatus, quarit, an, vel qualiter præfatam pœnitentiam negligendo vel certè non integrè adimplendo deliquerit. Quid respondendum interroganti?

¶ Sempronius probabilius peccavit mortaliter. Ratio est: quia Episcopus justè illum condemnavit, & voluit illum condemnare ad præfatam pœnitentiam, quæ in morali hominum existimatione meritò censetur esse gravis; ergo &c. Et licèt Reverendissimus Ordinarius verbis non expresse- rit, quòd velit Sempronium graviter obligare ad hanc pœnam subeundam; factò
R. P. Elbel, de Act. Hum. & Leg. Z ta-

tamen id satis expressisse censeretur debet ex eo, quod juxta superius dicta quivis Superior regulariter loquendo præsumi debeat, voluisse obligare juxta capacitatem materiæ: sic Confessarius injungens poenitentiam gravem, præsumitur voluisse obligare graviter, nisi contrarium aliunde constet: sic etiam ille, qui vovit materiam gravem, v.g. jejunium unius diei, peregrinationem ad locum valde diffitum &c. præsumitur rationabiliter, quod voluerit ad hæc juxta capacitatem materiæ, ideoque graviter se obligare: ergo idipsum præsumendum est de illa obligatione ab Episcopo injecta Sempronio.

At verò, inquires fortassis; saltem probabile est, quod Episcopus nequeat præcipere actum merè internum, qualis est meditatio, seu oratio mentalis: ergo similiter probabile esse debet, quod Sempronius non fuerit obligatus ad meditandum, & per consequens non peccaverit negligendo meditationes.

340. *n. neg. conseq.* Etsi enim probabile sit, quod Superior Ecclesiasticus nequeat præcipere actum merè internum; quia tamen simul est probabile, fortassis etiam probabilius secundum dicta *n. 333.* quod possit; hinc fit quodammodo certum moraliter, quod subditus in tali casu teneatur.

neatur parere præcipienti, eò quòd possessio stet, ac militet pro Superiore, ut dictum fuit superius *Confer. 6. n. 172. & Confer. 7. n. 192.* Deinde negatur suppositum, quòd exercitia spiritualia consistant in meris actibus internis, aut in sola oratione mentali; regulariter enim fructuosa, & solida meditatio præsupponit præparationem congruam, hæc verò sine prævia lectione materiæ meditandæ fieri non potest.

Quare minimè dubitandum arbitror, quin Reverendissimus Ordinarius imponendo exercitia spiritualia, voluerit Sempronium obligare ad legendos libros spirituales, seu asceticos, ad examen conscientiae &c. & alia hujusmodi, quæ ab exercitantibus fructuosè fieri solent, & debent: consequenter non voluit illum obligare ad actus merè internos, sed potius ad mixtos, qui juxta dicta *n. 331.* indubitanter præcipi possunt auctoritate humana. Vide Cardenas *1. Cris. disp. 16. c. 3.*

At quid, inquires fortassis, si supponamus Sempronium suis exercitiis cæteroquin ritè, ac debitè vacasse, oblationem tamen vini sibi demandatam neglexisse, aut potius dissimulasse, an propterea arguendus foret gravis noxa?

341. R. Per se loquendo videtur quòd sic, Ratio est: quia, quando materia præcepta à Superiore est divisibilis in plures partes, tunc neglectus cujusvis partis, in morali hominum existimatione gravis, habetur pro peccato gravi, velut constat de neglectu horarum Canonicarum, aliorumve debitorum: atqui tres aimeræ vini in morali hominum existimatione procul dubio reputantur pro materia gravi, in illis saltem partibus, ubi vinum non abundat, & latis magno pretio vœnit: ergo has non solvendo, probabilius graviter deliquit, nisi aliunde constaret de mente Episcopi, quòd is noluerit Sempronium sub gravi culpa obligare ad præfatam poenitentiam, Videatur de hoc La Croix l. 1. num. 663. & seqq.

CASUS TERTIUS.

CAja multis, & sat violentis indiciis sese reddidit suspectam de hæresi Lutherana, & quidem in tali territorio, ubi hætenus hæc secta nunquam fuit tolerata; quam ob causam eidem auctoritate Ecclesiastica fuit injunctum 1. ut, si quidem protinus vellet inter Catholicos vivere, sese monstraret talem, deponendo publicè professionem fidei Catholica. insuper 2. vel curaret suum nomen inscribi albo

bo Confratrum, ac Sororum sanctissimi Scapularis, vel in pœnam delictorum contra præcepta Ecclesiæ hætenus commissorum, solveret quinque florenos; ad hæc Caja, ut revera erat mulier pertinacissima, professionem fidei Catholicæ deposuit quidem, sed simulatè duntaxat, scilicet non amore veritatis amplectenda, sed potius timore gravioris pœnæ incurrendæ. De catero maluit solvere quinque florenos, quàm curare, vel etiam permittere tantum, ut suum nomen inscriberetur albo Confraternitatis sanctissimi Scapularis. Quaritur ad nostrum propositum, an Caja auctoritate Ecclesiastica potuerit ad hæc obligari. 2. An fide duntaxat profitendo fidem Catholicam, & 5. florenos solvendo peccaverit, vel non?

¶. ad primum. Caja auctoritate Ecclesiastica potuit obligari; tum quia Jure divino tenemur amplecti, immò, & profiteri fidem veram, qualis est sola Catholica; tum etiam, quia experientia teste quilibet Princeps, vel Magistratus putat se habere jus explorandi fidem, ac mores suorum subditorum, præsertim ubi id exigit bonum publicum; immò etiam puniendi illos, qui Religionem alienam paci, ac tranquillitati publicæ inimicam introducere tentant: quidni ergo id ipsum concedatur Principi Catholico, præsertim

tali, cui ex officio incumbit procurare bonum animarum, & veram fidem propugnare? Unde

343. R. jam ad 2dum. Si Caja deposuit professionem fidei Catholicæ fictè duntaxat, idque propter aversionem fidei, ac veritatis Catholicæ, procul dubio hac aversione graviter peccavit contra præceptum divinum de vera fide profitenda: immò verò probabilissimè nec satisfecit præcepto Superioris Ecclesiastici. Ratio est: quia is procul dubio Cajam voluit obligare ad talem professionem, ad quam jam aliunde præcepto divino erat obligata, sicut Ecclesia præcipiendo communionem paschalem non imponit novum præceptum, sed potius determinat tempus, quò præceptum jam pridem à DEO nobis impositum debet adimpleri: ergo quemadmodum Ecclesiastico præcepto non satisfacit, qui Sacrilegè, & fictè communicat, veluti constat ex propositione n. 55. ab Innocentio XI. damnata; ita pariter non satisfacit præcepto Ecclesiæ, qui fictè duntaxat profitetur fidem Catholicam. Id, quod ulterius efficaciter confirmari potest ex eo, quòd Clemens XI. in sua Bulla *vineam Domini Sabaoth edita Anno 1715. 16. Julii* damnarit opinionem quorundam, existimantium, ad obedientiam Apostolicis

cis constitutionibus Innocentii X. & Urbani VII. editis contra quinque propositiones Jansenii, debitam, non requiri, ut quis prædicti Janseniani libri sensum in quinque illis propositionibus damnatum, interius, ut hæreticum damnet, sed satis esse, si ea de re obsequiosum (ut ipsi vocabant.) silentium teneatur. Quocirca memoratus Pontifex in rem nostram subdit sequentia verba, videnda apud P. Viva part. 3. damnat. *Thesum: quæ quidem assertio, quàm absurda sit, & animabus fidelium periculosa, satis apparet, dum fallacis hujus Doctrinæ pallio non deponitur error, sed absconditur, vulnus tegitur, non curatur; Ecclesiæ illuditur, non paretur, & lata demum filiis inobedientia via sternitur ad fovendam silentio hæresin. Ita Pontifex: idipsum autem sequeretur ex nostro casu, ut perpendenti faciliè constabit: ergo &c.*

Ex eo tamen, quòd maluerit solvere 344. quinque florenos, quàm permittere, ut suum nomen inseratur albo Confraternitatis sanctissimi Scapularis, non peccavit contra præceptum Superioris Ecclesiastici. Ratio est: quia juxta Regul. 70. §. n. 6. in alternativis Electoris est electio, & sufficit, alterum impleri: atqui Cajæ fuit imposita obligatio alternativa duntaxat, id est, sub distinctione, ut scilicet, vel curaret se inscribi

bi Confraternitati, vel s. florenos solveret: ergo penes ipsam stetit, eligere id, quod maluit.

§. III.

Corollaria ex dictis inferenda.

345. **C**olliges ex hæcenus dictis primò, nulla Lege humana præcipi posse actum malum. Ratio est: quia talis Lex esset iniqua, & contra primum principium morale, vi cuius jubemur *declinare à malo*. Et certè nemo potest obligari ad peccandum: at, talis Lex obligaret ad peccandum: ergo est nulla; nam juxta illud *Actor. 5. obedire oportet DEO magis, quàm hominibus*.

346. Colliges 2dò, auctoritate humana præcipi non posse impossibilia sive *de Jure* (id est, talia, quæ sunt contra jus naturale, vel positivum) sive *de facto* id est, talia, quæ, vel naturaliter, & ex natura rei vel saltem moraliter fieri non possunt, eò quod sint valde ardua, & supra vires humanas. Ita post Ascan. Tamburinum, Perez, Caramuel, & alios M. D. Franciscus Schmier *lib. 1. tr. 1. c. c. 1. sect. 2. §. 1. n. 88. & seqq.* Ratio est: quia Lex communis debet esse accomodata fragilitati subdito-

ditorum, nec plus incommodi, quàm commo-
di afferre communitati; at Lex de mate-
ria impossibili toti communitati lata: pro-
cul dubio plus incommodi afferret, quàm
commodi; cùm enim in plerisque com-
munitatibus plures reperiantur imbecilles,
& imperfecti, quàm fortes, ac perfecti,
procul dubio hujusmodi Legem contem-
nerent, & tantò faciliùs transgrederentur,
quantò apparet observatu difficilior. Ac-
cèdit, quòd ad actum inhonestum nulla
detur possibilitas juridica; frustra enim à
subdito peteretur, aut speraretur id, quòd
is facere non potest: at, quod æquitati,
& juri repugnat, meritò censetur, fieri non
posse: ergo &c.

Fatendum nihilominus est, subinde mo- 347.
raliter, & politicè quasi impossibilia ho-
minibus in particulari posse præcipi, veluti
constare potest ex iis, quæ superiùs n. 299.
diximus, posse scilicet milites obligari ad
servandas suas stationes, vel hostem aggre-
diendum cum evidenti periculo vitæ: quia
scilicet sana ratio dictat, bonum commune
esse præferendum bono particulari, quam
ob causam membrum privatum solet ab-
scindi ad conservandum totum corpus, si
hoc aliter conservari non possit. Subdit
hic sapienter M. D. P. Franc. Schmier l.
cit. n. 101. Religiosis, utpote speciali obe-
dientiæ

dientiaæ votô adstrictis, facilius, quàm sæcularibus difficilia, atque ardua præcipi posse, quàmvis cum magna circumspectione, & consideratione id fieri debeat, ne contra monitum Apostoli potestas præceptiva magis in destructionem, quàm ædificationem usurpetur.

348. Colliges 3tiò, Lege humana, nec prohiberi, neque etiam propriè puniri posse actus jamjam præteritos, qui antecederent nulla Lege fuerunt prohibiti. Ita cum communi DD. Herincx ubi *suprà* n. 76. Suarez de LL. lib. 3. c. 14. n. 8. Ratio prioris est: quia Lex debet esse regula agendorum: ergo pro objecto, seu materia præcipienda, vel etiam prohibenda respicit actus futuros duntaxat, non item præteritos. Ratio autem posterioris inde facile eruitur: quia Lex propriè poenalis fertur ob præcedentem culpam; nullus enim puniri solet, neque propriè loquendo puniri potest, nisi culpam prius commiserit: ergo si actus præteritus supponatur hætenus nulla Lege fuisse prohibitus, profecto etiam nulla auctoritate humana puniri potest, aut debet, eò ipso, quòd sine culpa fuerit exercitus.
349. Diximus tamen I. actum, qui hætenus nulla alia Lege fuit prohibitus, non posse puniri &c. Secus enim discurrendum foret de actibus jam antecederent prohibitis: quia, cum actus contra Legem prohibentem exercitus,

ercitus, bonos mores, privatamque, & publicam salutem offendat, eo ipso contra delinquentem provocat; consequenter justè punitur, & castigatur ab eo, cujus est conservare bonum publicum. M. D. Schmier *Jurispr. lib. 1. tr. 1, c. 1. sect. 2. §. 4. n. 181.*

Diximus insuper, non posse puniri *proprie* &c. Enimverò pœnæ *improprie* dictæ, seu potius inhabilitates, quæ non tam ex culpa, quàm ex causa induci solent, uti sunt irregularitates, impedimenta matrimonii &c. in jure etiam statuuntur propter actus præteritos, qui nullatenus erant peccaminosi. Ratio est: quia Legislator habet jus distribuendi bona, & jura communia: ergo ex causa rationabili in iis, qui ad hujusmodi bona, & jura communia aspirant, potest certas qualitates exigere, & alios; qui hujusmodi conditionibus destituti sunt, excludere. Videatur de hoc Schmier *loc. cit. n.*

182. & seqq. Herincx *part. 2. tr. 3.*

disp. 3. n. 76.



CON-

CONFERENTIA DECIMA TERTIA.

De subiecto Legum, præfer-
tim humanarum.

SUMMARIUM.

351. Legis ut sic alia est vis directiva, alia co-
activa.
352. Legislator humanus absolutus non tenetur
propriis Legibus quoad vim coactivam; im-
mò ne quidem quoad directivam tenetur dire-
ctè, bene tamen indirectè.
353. Aliter tamen quoad hoc discurrendum est
de Legislatore subordinato, & dependente à
toto corpore.
354. Legi naturali, & divinæ subjiçuntur om-
nes.
355. Legibus autem Pontificiis merè positivis te-
nentur fideles duntaxat.
356. Non quidem infantes, & perpetuò amentes;
357. Bene tamen ii, qui aliquando adepti usum
rationis, per certa intervalla, vel in certa dun-
taxat quadam materia delirant.
358. Tametsi nec isti, neque illi ab observantia
juris naturalis sint exempti.
359. Dupliciter potest aliquis abesse, è proprio
territorio, scilicet, vel physicè, vel etiam mo-
raliter simul.

360. Sub-

360. Subditus, tam physice, quàm moraliter existens in alieno territorio non tenetur Legibus proprii territorii.
361. Quænam sit differentia inter vagum, & peregrinum?
362. Peregrini non tenentur servare Leges particulares locorum, per quæ transeunt.
363. Nisi in certis casibus; qui breviter recensentur.
364. Idipsum pariter dicendum est de vagabundis.
365. Clerici Legibus Civilibus quoad vim coactivam nullatenus subjiciuntur, bene tamen quoad directivam.
366. Et quidem probabilius indirectè duntaxat.
367. Resolvitur Casus I. De quadam uxorata, quæ suis prolibus etiam nonum annum jam adeptis, diebus veneris apposuit carnes.
368. An, vel quas pœnas pueri transgrediendo Leges Ecclesiasticas incurrant?
369. Et quid, si dubitetur, an talis puer, vel etiam puella jam gaudeat pleno, & perfecto usu rationis?
370. Resolvitur Casus II. De quadam pœnitente, qui tempore quadragesimæ ad vicinum territorium egredi consueverat eò animo, ut ibidem, seu in loco dispensato posset comedere carnes.
371. Solvitur quædam instantia notabilis contra resolutionem hujus casus.
372. An talis pœnitens vesperi regressus potuerit domi, ubi non erat dispensatum, carnibus vesci, vel saltem sumere 2dam refectiorem?
373. Resolvitur Casus III. Cujusdam famuli, qui ob servitia cuidam Aurigæ addicta, sæpe sapius

piùs cogebatur negligere sacrum diebus dominicis, & festivis.

374. Utrum abiturientes è territorio proprio, in quo est dies Dominica, aut festiva, teneantur priùs interesse sacro ?
375. An vel quando teneamur prævenire impedimenta adimplendi Leges humanas, præsertim Ecclesiasticas ?
376. Infideles non tenentur Legibus Ecclesiæ ;
377. Nisi aliquid præcipiatur, quod est de jure naturali, vel positivo divino.
378. Vel, nisi sint politicè subiecti Principi Ecclesiastico.
379. Clericus sæcularis extra propriam Dioccesin vagando, & negligendo curam animarum &c. potest à suo Episcopo justè puniri.
380. Quin immò Religiosi etiam in alieno territorio existentes, & delinquentes, possunt propterea à suis Prælati Regularibus puniri.
381. Peregrinus die S. Virgilio sacra veniens Salisburgum : non tenetur hìc ad audiendum sacrum.
382. Idque verum est tametsi eadem dies in propria Diocesi peregrinantis ex particulari devotione ageretur festiva.
383. Nihilominus si peregrinus alicubi figat domicilium, vel quasi domicilium, illico tenetur sese accommodare Legibus particularibus illius loci.

§. I.

Præmittuntur, & breviter resolvuntur quæsitæ, scitu necessaria ad debitè resolvendos Casus practicos de subiecto Legum.

QUæres primò, an, vel quomodo Legislator teneatur propriis Legibus?

Ante resolutionem hujus quæsitæ notandum est, aliam dici vim *directivam* Legis, aliam *coactivam*.

Directiva est, vi cujus adstringit ad culpam in conscientia coram Deo incurrendam: *Coactiva* verò appellatur, vi cujus adstringit ad pœnam Lege taxatam. Quodsi obliget ad pœnam in conscientia ante omnem ulteriorem Judicis sententiam incurrendam, dicitur vis coactiva interna, si verò obliget ad pœnam post Judicis sententiam primùm incurrendam, dicitur vis coactiva externa, seu etiam Lex coactiva coactione externa. Hòc notato

¶ jam ad quæsitum Legislator humanus absolutus, & independens, sive Ecclesiasticus sit, sive Civilis, non tenetur propriis Legibus quæ ad vim coactivam

ne-

neque etiam. 2. Quoad vim directivam directè; bene tamen quoad hanc indirectè. Ita communissimè Theologi & Canonistæ, prout videre licet apud Reifensuel *lib. 1. Decret. tit. 2. n. 268.* Ratio primi est: quia ut dicitur *L. penult. ff. de recept. arbit.* *Neque autem imperare sibi. neque se prohibere quisquam potest:* ergo cum supponatur Legislator pollere suprema potestate, eo ipso nec in se ipsum potest ferre sententiam condemnationis, neque ab alio condemnari: hac ratione *L. Princeps 31. ff. de Leg.* dicitur: *Princeps Legibus solutus est.*

Ratio autem 2di est hæc: quia omnis obligatio directæ, etiam directiva, supponit in obligante aliquam superioritatem, & in obligato subjectionem: ergo cum Legislator respectu sui ipsius non sit Superior, uti mox visum fuit: dicendum, quòd non teneatur quoad vim directivam directè. Quòd verò quoad hanc vim directivam saltem indirectè (id est, obligatione non immediatè orta ex Lege propria humana, sed potius ex Lege naturali) teneatur, inde suadetur; quia supposita Lege justa Lex, & æquitas naturalis dicat, quòd etiam Princeps ceu Caput teneatur sese accommodare cæteris membris; nam juxta D. Augustinum *lib. 3. Confess.*

sess. c. 8. turpis est omnis pars, suo universo non congruens: ergo supposita tali Lege humana, illico Lex naturalis jubet, ut sese conformet saltem, si materia talis sit, quæ majestatem, & dignitatem Principis non dedeceat. Videatur Reiffenstuel loc. cit. n. 271.

Illud tamen observandum hic venit. 353.
quod nostra resolutio mox *n. preced.* data loquatur de *Legislatore absoluto*, & independente, quales sunt v.g. Papa, Imperator, Episcopus &c. in suis respectivè territoriis; aliter enim discurrendum est de quibusdam Legislatoribus non absolutis, sed potius dependentibus à corpore totius Senatûs, vel Provinciæ; qualis est Dux Venetus respectu Senatorum; Metropolitani respectu Episcoporum: Prælati, vel Provincialis respectu totius Capituli &c. Hi enim, quemadmodum respectu totius corporis (cui supponitur immediate competere potestas Legislativa) sunt membra, & suo modo subiecti; ita pariter tenentur directè Legibus à toto corpore fundatis, & institutis, veluti ex *commun. DD.* rectè tenent Babenstuber *tr. 3. disp. 2. a. 4. n. 1.*

Insuper advertendum est, datam resolutionem loqui duntaxat de *Legibus humanis*; quod enim quivis Legislator teneatur. *R. P. Elbel, de Act. Hum. & Leg.* Aa tur

tur observare jus divinum, five naturale, five etiam positivum apud omnes in confesso esse debet. Ratio facilis est captu: quia scilicet hæc jura procedunt ab Auctore DEO: atqui DEO quævis creatura tenetur obtemperare: ergo. Hinc fit, quod quilibet Princeps teneatur stare contractui, vel pacto justè à se inito, quippe qui vi juris, & æquitatis naturalis servari debet. *L. 1. ff. de peccatis.*

Quæres 2dò, quinam teneantur servare Leges Pontificias?

355. R. Legibus Pontificiis in materia spiritali, salutem animarum, rectamque Ecclesiæ gubernationem concernente, pro toto Orbe Christiano legitimè latis, per se loquendo subjiciuntur omnes Christi fideles immò etiam hæretici. Ita *communis DD.* Lugo *disp. de pœnit. sect. 7. n. 147.* Reiffenstuel *Theol. mor. tract. 2. dist. 3. n. 1. & 2.* Ratio est: quia nedum Catholici, verum etiam hæretici per baptismum ingressi sunt Ecclesiam, & hóc ipso legitimo Christi Vicario, summo scilicet Pontifici incumbit cura eos pascendi, juxta illud *Joan. 21. Pasce oves meas*: atqui, oves Christi sine Legibus, ac præceptis debite pasci non possunt; consequenter quemadmodum summo Pontifici incumbit obligatio pascendi; ita vicissim
- fide.

fidelibus, id est, baptizatis incumbit reciproca obligatio obediendi. Unde Lugo *loc. cit.* rectè scripsit, absurdissimum fore, si quis negaret hæreticos obligari Legibus Ecclesiastici jejunii, abstinentiâ à carnibus, vel censuris in eosdem latis.

Quæres 3^{tiò}, utrum ergo etiam Infantes, & amentes subjiciantur Legibus Ecclesiasticis?

R. Infantes nondum adepti usum rationis, sicut, & perpetuò Amentes, qui in hoc passu æquiparantur infantibus, non tenentur Legibus merè humanis, sive Civilibus, sive etiam Ecclesiasticis. Ita communissimè DD. nominatim Laymann. *l. 1. tr. 4. c. 10. n. 1.* Herincx *part. 2. tr. 3. disp. 3. n. 128.* Kazenberger *in supplem. Decalog. P. Sporer c. 1. sect. 3. n. 238.* Ratio prioris est: quia Leges humanæ obligando procedunt modo humanò, ideòque neminem obligare volunt, nisi qui habet usum rationis; qui regulariter præsumitur post completum septennium. Ratio verò posterioris est: quia Lex secundum dicta superiùs est regula actuum humanorum: ergo censeri debet lata pro illis duntaxat, qui sunt capaces actuum humanorum, quales certè non sunt perpetuò amentes: ergo tales probàbiliter non obligantur Legibus humanis, etsi Sanchez mordicus teneat oppositum.

357. Dixi tamen primò: *Perpetuo amentes non tenentur*; Secus quippe dicendum est de illis, qui aliquando habuere usum rationis, postea verò primùm cœperunt delirare, vel simpliciter, vel per intervalla, vel etiam in certa duntaxat materia; tales enim non minùs quàm Ebrii, vel dormientes manent habitualiter obligati Legibus humanis; eò quòd in his rationis usus sit sopitus duntaxat, minimè vero extinctus; quare quemadmodum absolute, & habitualiter saltem usu rationis pollent, ac proinde actus humani capaces sunt; ita etiam Legibus humanis censentur subiecti; etsi fateri cogamur, quòd taliter delirantes tempore delirii per accidens excusentur à peccato formali; eò ipso, quòd actuali usu rationis, & libertatis ad formaliter peccandum indispensabiliter necessariæ supponantur destituti, sicut ob eandem rationem dormientibus imputari nequit ad formalem culpam, quidquid demum agunt.

358. Dixi 2dò. *Eos non teneri Legibus merè humanis*; Neque enim infantes duntaxat, sed etiam perpetuò amentes, ebrii, ac dormientes subjiciuntur Legi naturali, juxta *communissimam* Doctorum; idque hac ratione: quia secundùm dicta superius n. 323. materia Legis naturalis ha-

bet

bet intrinsecam, & necessariam con-vel
disconvenientiam cum creatura rationali
qua tali, cui etiam Lex naturalis propte-
rea dicitur intrinsecè quasi congenita, &
inculpta: ergo quidquid repugnat Legi
naturali, pariter disconvenit creaturæ ra-
tionali cuicunque demum. Ex quo col-
ligere fas est, etiam pueros ante septen-
nium completum transgrediendo Legem
naturalem v. g. blasphemando &c. pecca-
re, nedum materialiter, sed etiam for-
maliter, saltem tunc, si polleant suffi-
cienti usu rationis, ita, ut malitia sup-
pleat ætatem. Liquet insuper, illum pec-
care formaliter, qui infantem, amentem,
ebrium, vel dormientem instigat ad actum
intrinsecè malum v. g. ad tactus lascivos,
ad copulam, bestialitatem &c. tametsi
enim hujusmodi actus amentibus &c. ob
actuale defectum usus rationis ad forma-
le peccatum imputari nequeat, rectè ta-
men imputatur instigatori, quippe qui
supponitur usu rationis pollere, ideoque
malitiam formalem cognoscit, tum in
actu instigationis, tum etiam in objecto
latentem.

Quæres 4tò, utrum subditi proprium
territorium egressi, & extra illud existen-
tes, maneat subiecti Legibus sui proprii
territorii?

Aa 3

An-

359. Ante resolutionem hujus quæſiti de-
nuo advertendum eſt, ſubditum poſſe du-
pliciter eſſe territorio ſuo eſſe abſentem,
phyſicè ſcilicet, & moraliter. Phyſicè
abſens eſt, quando revera quoad ſuam per-
ſonam non exiſtit in territorio proprio,
moraliter verò eſt abſens, quando in pro-
prio territorio nedum quoad ſuam perſo-
nam non exiſtit, ſed ne quidem quoad
aliquam actionem, vel omiſſionem: e-
contra tamen ſi quoad perſonam ſit qui-
dem egreſſus limites proprii territorii, ni-
hilominus in eodem excitet v. g. lites,
bellum, incendium &c. vel omittat actio-
nem, quam hic, & nunc deberet exerce-
re, cenſetur moraliter præſens, eſto ſuppo-
natur phyſicè abſens.

360. N. jam ad præſens quæſitum. Sub-
ditus tam phyſicè, quàm moraliter exi-
ſtens extra ſuum territorium, non manet
ſubjeſtus Legibus proprii territorii. Ita
communiter Doctores. Suarez lib. 3. de Leg.
6. 32. n. 2. Caſtropalao part. 1. tr. 3. diſp.
1. punct. 24. ſ. 5. n. 1. Kazenberger l. cit.
n. 244. Ratio hujus deducitur ex c. 2.
de Conſtit. in 6. nec non ex l. ult. ff. de ju-
riſdict. ubi dicitur: *extra territorium juſ di-*
centi, impune non paretur: at, ſi Legisla-
tor talem ſubditum alibi, ſeu in alio
territorio tam phyſicè quàm moraliter exi-
ſten-

stentem vellet obligare, jus diceret extra suum proprium territorium: ergo subditus impunè non paret; ergo non tenetur parere. Itaque Jurisdictio Legislatoris coarctatur limitibus suæ ditionis seu territorii, & hoc mediante duntaxat transit in subditos, ex quo consequens videtur, illos tantùm subditos adstringi Legibus, qui, & quamdiu intra limites proprii territorii commorantur.

Quæres sibi, an Peregrini, & vagabundi teneantur servare Leges municipales, id est particulares, & proprias illis locis, per quæ transeunt?

Ante responsionem majoris claritatis gratiâ rursus præmitto discrimen inter peregrinum, & vagabundum; nomine enim peregrini intelligitur ille, qui quidem alibi habet proprium domicilium, defacto tamen in illo non existit, sed potius in alieno territorio, idque animo hic non commorandi, ne quidem per majorem anni partem, sed ad summum per aliquot dies, vel menses: ècontra nomine vagabundi intelligitur ille, qui nullibi habet domicilium, sed modò in hoc, mox verò in alio territorio vagatur, vel etiam commoratur ad aliquod breve tempus, sine animo commorandi in hoc loco per majorem anni partem. Hoc notatò

362. R. Jam primò. Peregrini, & Adven-
næ tenentur quidem servare Leges Juris
communis, esto etiam in proprio territo-
rio ab his forent exempti; non tamen
tenentur observare Leges, vel statuta par-
ticularia locorum, præterquam in qua-
tuor casibus mox recensendis. Ita ho-
die contra non paucos tenent Sanchez
lib. 1. in Decal. c. 12. n. 38. Laymann *ubi*
suprà c. 12. n. 4. Illsung *tr. 1. disp. 2. n.*
21. Ratio prioris est: quia Legibus com-
munibus, utpote altiori potestate profe-
ctis, uti est v. g. Lex de servando jeju-
nio, quilibet tenetur sese accommodare;
esto proin talis subditus in proprio terri-
torio, utpote in quo dispensatum fuisse
supponitur, foret exemptus, quia tamen
non in illo, sed in alio territorio, in
quo non fuit dispensatum, supponitur
existere, hinc velut subditus tenetur ge-
nerali constitutioni sese accommodare;
Secus dicendum foret, si in propria per-
sona ob infirmitatem, vel aliam causam
dispensatus fuisset; quia tunc tale privi-
legium personale suo modo comitaretur
ipsam personam.

Ratio autem posterioris hæc est: quia
Lex per se non obligat, nisi subditos, &
membra communitalis: atqui peregrini
moraliter loquendo, nec sunt subditi, ne-
que

que etiam membra illius communitalis cuius territorium duntaxat volunt transire, non autem ibi figere domicilium, vel quasi domicilium: neque aliunde ratione alicujus contractus, vel quasi contractus, multò minùs ratione alicujus delicti contra jus commune commissi (ut supponi debet) sortiuntur forum: ergo cum aliunde jura nos doceant, odiosa esse restringenda, pariter oportet dicere, hujusmodi Leges municipales non esse extendendas ad peregrinos, vel advenas, sed potius restringendas ad sola membra communitalis. Illud autem quod communi proverbio dici solet: *Si fueris Roma, Romano vivito more &c.* potius per modum consilii, quàm præcepti est intelligendum, veluti Patroni hujus nostræ opinionis verè probabilis communiter advertunt. Videatur Kazenberger cit. c. 1, sect. 3. n. 255.

Cæterum Casus illi, in quibus peregrini sese tenentur accommodare, sunt sequentes quatuor. 1. Quando Lex est talis naturæ, vel potius de tali materia, ut bonum publicum conservari, vel satis procurari non valeat, nisi etiam talis Lex ab advenis, & peregrinis observetur, veluti sunt Leges de non portandis armis tempore nocturno, de non evchendo,

vel etiam invehendo certo genere mercium, utputa vini, frumenti &c. Secus enim communitati non esset satis provisum à DEO, quippe quæ defectu potestatis non posset sese satis defendere: quod tamen cuilibet communitati censeri debet permissum. 2dò, Peregrini tenentur sese accomodare Legibus particularibus, quibus certæ quædam solennitates, vel etiam conditiones in contractibus observandæ præscribuntur; nam & peregrini ratione contractus, vel quasi contractus sortiuntur forum, ut habetur *cap. fin. de foro compet.* item *l. 19. §. 1. & 2. ff. de Judic.* 3tò. Peregrini tenentur se cæteris accomodare, quando ex non observantia oriretur scandalum; quia de Jure naturali jubemur vitare scandalum. 4tò. Denique si in tali territorio delinquant contra jus commune, vel naturale, utputa quempiam mutilando, occidendo, vel alio quovis modo damnificando &c. proptereaqué à Superiore legitimo loci possunt justè puniri, proindequé tenentur hujuscemodi pœnis particulari Lege sancitis sese accomodare. Ratio est: quia peregrini nedum ratione contractus, verum insuper ratione delicti sortiuntur forum, & Jurisdictioni Judicis localis, seu territorialis subjiciuntur, prout constat ex

cap.

cap. fin. mox allegato, nec non ex praxi, & communi sensu Doctorum.

¶ jam 2dò. De vagabundis idipsum 364.
tenendum est, quod mox diximus de peregrinis. Et licet hæc resolutio sit inter Doctores minus recepta quàm prior; mihi tamen videtur magis cohærens, & consona Doctrinæ mox traditæ, propterea que eandem tenent Busenbaum *l. 1. tr. 2. c. 2. dub. 3.* Laymann. *l. 1. tr. 4. c. 12. n. 2.* Glettle, Wiestner, & Schmalzgrueber, *lib. 1. Decret. tit. 2. n. 43.* Ratio est: quia vagabundi æquè parùm, ac peregrini subjiuntur Jurisdictioni territoriali; neque enim sortiuntur forum ratione domicilii, vel habitationis, nec ratione delicti, vel alterius debiti, aut contractus, ut supponimus: nec denique ratione Originis, aut Patriæ: ergo cum nullus titulus ostendi queat, vi cujus fierent subditi hujusmodi Legislatori, potius dicendum est, quod nec stringantur Legibus particularibus locorum; eò præsertim; quod, nec Gubernatio politica exigat, ut (secluso scandalo, aliisque incommodis Jure naturæ prohibitis) vagabundi sese conforment incolis locorum, per quæ transeunt. Neque absurdum videri debet, quod nullis particularium locorum statutis teneantur; cum sufficiat, eos Jure naturali,

rali, divino, & communi humano adstringi, proptereaque minimè dici possunt esse *ex - Leges*. Quòd autem ob delicta contra jus naturale, divinum, vel commune humanum fortè commissà ubique poni solent, consuetudine recepta introductum fuit eo fine, ne eorum scelera manerent impunita. Videantur *Doctores citati*.

Quæres denique 6tò, an, vel quomodo Clerici, & Regulares subjiciantur Legibus Civilibus?

365. R. Clerici (idem dicendum est de Regularibus) non subjiciuntur Legibus Civilibus quoad vim coactivam; nihilominus quoad vim directivam indirectè saltem subjiciuntur, & tenentur sese accommodare illis Legibus Civilibus, quæ de Clericis expressè, ac specificè non disponent, nec statum Ecclesiasticum dedecent, simulque ad communem felicitatem Reipublicæ conducunt. Itaque *ex communi DD.* Suarez *lib. 3. de Leg. c. 34. n. 12.* Laymann. *lib. 1. tr. 4. c. 13. n. 5. & 6.* Babenstuber *tr. 3. disp. 2. a. 4. n. 40. & 41.* Ratio prioris est: quia Magistratus Civilis nullum habet jus, vel potestatem suprà personas Ecclesiasticas, utpote in sublimiori statu, & gradu dignitatis collocatas, veluti habetur *ex c. Ecclesia de constit. nec non*
ex

ex Concilio Lateran. ff. 9. Bullâ, *superna dispositionis*. ubi Leo X ait: *cum à jure tam divino, quàm humano Laicis nulla potestas in Ecclesiasticas personas attributa sit &c. &c.* at, si Laicis nulla potestas competit, eò ipso personas Ecclesiasticas directè obligare nequeunt: ergo &c.

Dictum tamen fuit, quòd *quoad vim directivam indirectè saltem obligentur*; 366. probabilius enim videtur, hanc obligationem respectu Clericorum non proficisci immediate, & proximè ex virtute Legis Civilis, sed potius vi, & virtute Legis naturalis; etenim æquitas naturalis suadet, & imperat, ut Clerici ceu membra communitalis sese conforment reliquis membris circa observantiam talium statutorum, sine quibus bonum Reipublicæ, pax, & tranquillitas satis conservari non potest, at, nisi Clerici in similibus sese accommodarent, planè non posset ita conservari, & plurima scandala meritò inde possent timeri, veluti suprà Confer. 10. n. 275. dictum fuit: ergo &c. Accedit, quòd etiam summus Pontifex, & Ecclesia velit hujusmodi constitutiones habere ratas, proptereaquæ à Clericis observari, prout præter DD. mox cit. advertit Reiffenstuel l. 1. Decret. tit. 2. n. 303. ergo &c.

§. II.

Proponuntur, & breviter resolvuntur Casus practici de sub-
jecto Legum humana-
rum.

CASUS PRIMUS.

Titia conjugata assueverat suis prolibus etiam novennibus diebus veneris apponere carnes è cœna proximè præteriti diei jovis residuas, cùmque propterea à suo Marito fuisset graviter reprehensa, illa respondit, se ex hoc capite nullatenus esse corripiendam, tum quia proles, utpote impuberes, nondum comprehenderentur, aut adstringerentur Legibus Ecclesiasticis de jejunio; tum etiam quia caro illa residua commodè conservari non potuisset usque in diem dominicum. Quia tamen Titia ex reprehensione Mariti quidam scrupulus, vel verius loquendo, quidam remorsus conscientia remansit; hinc sciscitatur à Confessario, an in hoc factò revera deliquerit, vel non? Quid Judicii?

367. R. Titiam malè fecisse apponendo carnes prolibus septennium jamjam egressis, proptereaquè à suo Marito meritò fuisse cor-

correptam. Ratio est: quia juxta communissimam Doctorum sententiam, infantes post adeptum usum rationis (qui regulariter præsumitur post annum septimum completum) tenentur in conscientia servare illas Leges Ecclesiasticas, quarum observantia, & materia eorundem viribus, ac statui est commensurata: at, abstinencia à carnibus diebus ab Ecclesia interdictis censetur commensurata viribus talium, esto ante completum vigesimum primum ætatis annum non teneantur servare jejunium Ecclesiasticum quoad abstinenciam à 2da refectione, condescendente ipsis Ecclesia pia Matre ob virium imbecilitatem; ergo &c. Hinc etiam tales non excusantur ab auditione sacri, neque ab obligatione semel in anno confitendi, & communionem paschalem percipiendi, modò supponantur satis instructi, & sufficiente Judicii maturitate, ac discretionis præditi; quod quidem DD. Parochorum, & Confessariorum Judicio relinquitur, veluti dictum fuit *part. 1. Theol. Sacram. Confer. 15. n. 109.* Videatur de hoc Gobat *Theol. exper. tr. 4. n. 84.*

Dices fortassis. Si pueri, & puellæ post completum septennium, & adeptum usum rationis illico tenerentur servare Leges humanas, tunc eas transgrediendo

pro-

procul dubio incurrerent pœnas taxatas transgressoribus: at hoc est falsum: ergo & illud.

368. *n. neg. sequel.* Licet enim Ecclesia velit tales obligatos, nihilominus juxta probabilissimam sententiam, quam tenet Palao *part. 1. tr. 3. disp. 1. pu. 24. §. 2. n. 9.* Illung, & alii plures, non vult eos ante adeptam pubertatem (quæ in masculis annò 14. in fœmellis autem annò duodecimo completo supponitur) subjectos pœnis, ac censuris Ecclesiasticis, excepta excommunicatione, quæ ob gravem percussione Clerici fuit statuta.

Videtur tamen satis probabile, quòd hujusmodi pueri post adeptum usum rationis ingrediendo clauluras Monialium incurrant Excommunicationem; esto nondum attigerint annos pubertatis; Concilium enim Tridentinum *ss. 25. c. 5. de Regularibus*, tales ingressores vult excommunicatos, *cujuscunque sexûs, vel ætatis sint.* Ita tenet noster A. R. P. Kazenberger *supplem. Theolog. Decalog. P. Sporer c. 1. sect. 3. n. 241.* ubi pro eadem refert Suarez, Vasquez, & Dicastillo.

At, quid, si dubitetur de aliquo puero, aut puella, an post septennium adeptum jam fruatur usu rationis, eritne etiam in tali
du.

dubio astringendus ad observantiam Legum præsertim Ecclesiasticarum?

¶. In tali casu esse præsumendum pro 369.
usu rationis, & pro obligatione Legis. Ratio est: quia præsumptio fieri debet ex communiter contingentibus: at, communiter contingit, pueros post completum septennium frui usu rationis in tantum, ut sint verè capaces doli, & actus humani: ergo debet præsumi obligatus; quemadmodum è contrario, si constaret puerum ante completum septennium esse doli capacem, non teneretur Legibus positivis, quippe quæ procedunt secundùm ea, quæ communiter contingunt, proin cùm usus rationis communiter non illucescat ante septennium, hinc etiam nolunt tales obligatos. Excipitur tamen à La Croix, & aliis Lex de confessione annua; quia Concilium Tridentinum ad hanc vult obligatos omnes doli capaces, qui peccati mortalis conscientiam habent, *cujuscunque ætatis sint*. Videatur Castropalao *cit. tr. 3. part. 1. disp. 1. punct. 24. §. 2. n. 3.* Mezger *tr. 8. disp. 35. a. 5. n. 20.* Babenstuber *tr. 3. disp. 2. a. 4. n. 16.*

—❧—) (—❧—

CASUS SECUNDUS.

Sempronius tempore paschali inter alia Confessario fassus fuit, se currente quadragesima singulis diebus dominicis, ac festivis carnes comedisse; causam verò hujus rogatus, respondit in hæc verba: Reverentia vestra procul dubio noverit in tota Bavarla, ideòque etiam in pago illo Bavarico haud procul à nostris moribus dissito fuisse dispensatum in esu carnum, proptereaque, & mihi hoc favore utendum ratus, præfatis diebus exivi, meque carnibus, ac farciminibus bene refeci, quatenus facilius reliquis diebus possem supportare rigorem jejunii, meosque labores manuales satis graves peragere competenter. Quid Confessarius judicabit de tali pœnitente, vel responso pœnitentis?

370. R. Sempronius vi hujus non videtur culpandus, nec arguendus alicujus peccati; quod enim in simili casu liceat egredi territorium, etiam eo fine duntaxat, ut quis declinet obligationem Legis in proprio territorio vigentis, hodiedum velut practicè probabile tenent quamplures etiam insignes, & classici Doctores nominatim Sanchez lib. 1. Decalog. c. 12. n. 31. Illung tr. 1. disp. 2. a. 2. n. 23, Suarez, Bonacin. Castropalao, Mezger, & alii, quos refert, & sequitur Babenstuber tr. 3. disp.

disp. 2. a. 4. n. 23. Ratio hujus opinionis est: quia talis egrediendo utitur Jure suo, cum nullibi prohibeatur egredi: semel autem egressus liberatur ab obligatione Legis vi alieni territorii, quippe in quo hæc non viget: neque talis committit propriè fraudem; quia *nūllus videtur dolò facere, qui jure suo utitur* juxta Reg. 55. ff. de R. J. Accedit quòd Sempronius dicat se eo animo comedisse carnes, ut posset faciliùs peragere labores suos manuales satis graves; quæ causa videtur rationabilis, nec omnino spernenda: atqui Doctores etiam nobis in hoc passu contrarii communiter fatentur, ex *rationabili causa* licitum esse egredi territorium, & egrediendo subterfugere obligationem Legis, modò talis egressus non fiat præcisè animò declinandi obligationem Legis: quid ni ergo Sempronius in nostro casu potuisset se practice resolvere de licito egressu, & comestione carnis? Fatendum nihilominus est, oppositam lententiam (quam mordicùs tenent Henno, Felix Potestas, Laymann, Sayrus & alii) esse magis piàm, magisque conformem menti Ecclesiæ, proptereaque à Confessario in praxi semper suadendam; tum quia alii fideles, videntes hujusmodi subditum in quadragesima carnes comedentem, & non licen-

tes causam cur id faciat, possent de facili sumere scandalum; tum etiam quia taliter egrediens, & carnes comedens fortassis mala fide id facit; id, quod in nostro casu de Sempronio haud inaniter suspicari licuit; nam si firmiter credidisset, se comedendo carnes non peccare, procul dubio tempore paschali de tali commestione nunquam sese accusasset.

Dices tamen. Si fas est egredi territorium præcisè animò declinandi, & subterfugendi obligationem Legis, tunc pariter dicendum foret, sponsis licitum esse egredi in aliud territorium, ubi Concilium Tridentinum non est receptum, idque eò præcisè animo, ut ibi clandestinè contrahant. Item, qui comisisset casum in sua Diœcesi reservatum, licitè egrederetur in aliam, eò præcisè animo, ut ibi à quolibet Confessario absolveretur; at, utrumque est falsum: ergo &c.

371. R. cum Lugone, Illsung, Kazenberger in *supplem. Decal.* P. Sporer c. 1. sect. 3. n. 249. negando consequ. & paritatem; nam in his duobus casibus obstat Lex specialis; in priori quidem *Decretum Urbani VIII. ad Archi-Episcopum Coloniensem expeditum Anno 1627.* in posteriori autem *Constitutio Clementis X. Superna. Anno 1670. data.* Econtra minimè constat de aliqua Lege, vi cuius

jus subditus tempore quadragesimæ prohiberetur adire aliud territorium, in quo legitima auctoritate esus carniū fuit permissus; & hoc ipsô exeundo, nec Legi, neque Legislatori summo scilicet Pontifici facit injuriam, quippe qui supponitur noluisse obligare subditos in illo territorio existentes.

Dices iterum. Saltem hoc videtur sequi ex mox data resolutione, quòd Sempronius vesperi reversus, possit domi (ubi non supponitur dispensatum) vesci carnibus, aut certè sumere 2dam refectionem; cùm jam fregerit eo die substantiam jejunii: utrumque autem est absurdum: ergo &c.

¶. Negando illatum. Quòd enim tali 372.
non amplius liceat vesci carnibus, fatentur omnes Catholici; quia præceptum de non comedendis carnibus est negativum, & hoc ipsô obligat semper, & pro semper per integrum diem jejunii, ita, ut subditus fidelis contraveniendo peccet toties, quoties moraliter interruptis vicibus carnes manducat. Quod autem Sempronio domum reverso non amplius licuerit summere 2dam refectionem (esto non ignorem, ab aliis satis communiter id permitti, ob rationem jam allatam) mihi videtur probabilius hac ratione; quia

præceptum de observantia jejunii Ecclesiastici virtualiter saltem duplex est, utpote includens duo præcepta distincta, unum de abstinence à carnibus, alterum de sumenda unica tantum refectioe in cibis esurialibus: illud prius secundum mox dicta, est negativum; hoc autem posterius, licet in rigore loquendo potius dicendum esset negativum, ex mente tamen Ecclesiæ, & communi persuasione fidelium etiam Doctorum, censetur affirmativum, suntque hæc præcepta omnino ab invicem separabilia, prout, vel inde liquet, quòd diebus veneris, & Sabbatinis extra quadragesimam, diebus autem dominicis etiam intra quadragesimam teneamur quidem abstinere à carnibus, non tamen à 2da refectioe: licet proin Sempronius noster jejunium jamjam fregerit quoad substantiam, in quantum hoc importat abstinentioniam à carnibus, potest tamen, & hoc ipso probabilius tenetur illud observare quoad abstinentioniam à 2da refectioe; cum jam supponatur reversus ad proprium territorium, in quo omnes fideles tenentur abstinere à 2da refectioe; quemadmodum die festivo domum reversus teneretur abstinere à laboribus servilibus, tametsi ante prandium in alieno territorio ubi non erat dies festivus, laborasset servili-

viliter, vel ſi die dominica alibi ſacrum non audiſſet, hora undecima domum reverſus teneretur eidem intereſſe, ſi adhuc poſſet. Secus dicendum foret, ſi Sempronius jam ſumpſiſſet 2dam reſeſtionem; tunc enim ob impoſſibilitatem ſervandi illud præceptum de unica reſeſtione, non ampliùs teneretur abſtinere à 3tia, prout communiter notant DD. Videantur de hoc Matthæucci in *Cautela Confefſarii* lib. 1. c. 16. n. 6. & Felix Poſteſtas in *Exam. Confefſ.* tom. 1. part. 3. n. 2884.

CASUS TERTIUS.

CAjus cuidam Aurigæ ſua addixerat ſervitia, quia verò ſapèſapiùs diebus dominicis, ac feſtivis cum peregrinantibus ex inopinato ſupervenientibus cogitur proſequi iter inceptum, ut propterea nec Cajus neque alii itinerantes illo die ampliùs poſſint intereſſe divinis; hinc conſcientiæ ſtimulis agitated ſciſcitur è Confefſario, an tutâ conſcientia poſſit perſeverare in hoc ſervitio, an verò ſub reatu pænæ æternæ ipſe caterique itinerantes ante diſceſſum è loco teneantur intereſſe divinis? Quid Cajo reſpondendum?

ꝛ. ad primum, quòd ſi Cajus ſine no- 373.
tabili ſuo damno, aut detrimento nequeat

obtinere aliud servitium, possit tutâ conscientia in hoc perseverare; tum quia necessum est, ut aliqui sint, qui Præfectis postarum, vel aliis aurigis, itinerantibusque serviant; tum etiam, quia Ecclesia velut pia Mater non vult filios suos cum verè notabili detrimento obligatos ad suorum observantiam mandatorum; quàm ob causam illos etiam, qui absque notabili detrimento, vel periculo sanitatis corporalis nequeunt servare jejunium Ecclesiasticum, ab hoc onere vult exemptos. Major tamen difficultas est in 2do puncto hujus quæsitæ, an scilicet volentes proficisci de uno loco, vel territorio in aliud, ubi prævident se non ampliùs nacturos occasionem audiendi sacrum, non teneantur priùs quàm proficiscantur interesse divinis, præsertim si absque notabili incommodo fieri possit? Ad quam

374. R. jam 2dò cum distinctione; nam si in loco, de quo volunt proficisci, unica duntaxat Missa dicatur v. g. horâ 6ta, simulque prævideant se alibi locorum eâ die non ampliùs nacturos occasionem audiendi sacrum, tametsi in illo loco, vel territorio adhuc tenerentur audire per se loquendo, tunc salvâ conscientia nequeunt discedere priùs, quàm sacro interfuère. Ratio est: quia ex una parte obligatio audien-

dien-

audiendi Sacrum illa die supponitur certa: ex altera verò parte itinerantes neque vi alterius territorii, neque vi alicujus dispensationis, aut alterius legitimæ causæ supponuntur exempti: ergo tenentur priusquam discedant in suo territorio divinis interesse; quemadmodum is, qui prævidet sibi post prandium non suppetiturum tempus pro persolvendo penso suo Canonico, tenetur ante prandium satisfacere huic suæ obligationi juxta *communissimam* DD. apud Castropolaum *part. 1. tr. 3. disp. 1. p. 24. §. 5. n. 6.*

Econtra tamen, si in illo territorio, è quo volunt abire, dicuntur plura Sacra v. g. à mane usque ad meridiem (immò si unicum duntaxat diceretur) simulque NB. prævideant, se meridie perventuros ad talem locum, in quo ratione territorii erunt exempti, satis probabile, & tutum existimo, eos ante discessum non adstringi ad audiendum Sacrum. Et ita pariter tenent Sanchez *in Decal. lib. 1. c. 12. n. 32.* Lessius, Castropalao, Babenstuber *tr. 3. disp. 2. a. 4. n. 27.* Kazenberger *in supplem. 2. P. Sargar Confer. 31. n. 88.* Ratio autem est: quia tales ratione territorii alieni eximuntur ab obligatione audiendi sacrum, quemadmodum in casu mox præcedenti dictum fuit, posse quempiam eximi ob

eandem causam ab obligatione jejunandi : sicut ergo ille, qui prævideret se horâ undecima per legitimam dispensationem exemptum iri, non teneretur præveneri v. g. horâ 6ta, vel 9nâ audiendo Sacrum ; ita pariter non tenetur præveneri, qui prævitet, se horâ undecima ratione alieni territorii, in quo eadem Lex non viget, fore exemptum.

Dices contra hoc. Qui prævitet impedimentum adimplendi aliquod præceptum, tenetur illud præveneri, veluti mox diximus de eo, qui prævitet sibi post prandium non suppetiturum tempus pro recitando officio Canonicô : at, supponimus pariter in hoc casu, ab itinerantibus præviteri impedimentum alibi audiendi sacrum : ergo tenentur præveneri ante abitum.

375. R. Cum Castropalao *loc. mox cit. §. 5. n. 8.* disting. maj. qui prævitet impedimentum duntaxat excusans, con. impedimentum penitus liberans, neg. maj. cum Conf. Sciendum itaque est, dari posse duplex impedimentorum genus, quorum unum simpliciter liberat, & excusat ab obligatione Legis, uti est dispensatio, abrogatio Legis, vel egressus in aliud territorium, ubi eadem Lex non viget, vel certè auctoritate legitima fuit sublata : alterum

terum genus est, quod relinquit subditum Legi adhuc subiectum, & à transgressione secundum quid duntaxat excusat, utputa, vel quia is non recordatur, vel quia est infirmus &c. & hæc posteriora tenemur modo possibili prævenire, v.g. comparando nobis notitiam Legis, vel non ponendo causam infirmitatis &c. priora autem probabilissimè non tenemur prævenire; proptereaque in nostro casu itinerantes probabiliter non tenentur ante abitum interesse sacro, tametsi nemo non videat, oppositum esse tutius, & menti Ecclesiæ conformius, atque hoc ipso in praxi à Confessario semper consulendum, sin minus præcipiendum.

§. III.

Corollaria ex dictis inferenda.

Colliges ex hæctenus dictis primò, Le- 376.
gibus merè positivis, & Ecclesiasticis non teneri infideles, id est, non baptizatos, utputa Judæos, Saracenos, Paganos, & Cathecumenos &c. Ita cum communiori DD. Reiffenstuel *Theol. mor. tr. 2. dist. 3. n. 5.* Ratio est: quia tales nondum supponuntur per baptismi januam ingressi Ecclesiam: ergo huic nondum sunt

sunt subiecti. Hac de causa *c. gaudemus.* de divortiis dicitur, quòd infideles, & Pagani *constitutionibus Canonicis non arctantur*, addita hac causali: *quid enim ad nos secundum Apostolum (1. Cor. 4.) de his, qui foris sunt, judicare.*

377. Dictum tamen fuit: Legibus merè positivis, & Ecclesiasticis &c. Secus quippe dicendum est de Lege divina, & naturali, quibus omnes omnino homines stringi, diximus mox suprà *n. 354.* Ex quo colligere fas est, quòd, si Legislator Ecclesiasticus aliquid præcipiat, vel prohibeat, quod jam pridem Lege divina, vel naturali erat præceptum, aut prohibitum, utputa fornicationem, furtum, procurationem abortus &c. utique etiam Infideles à similibus abstinere teneantur, non quidem vi Legis merè positivæ, & Ecclesiasticæ, sed potius vi Legis naturalis, & divinæ.

378. Rursus advertendum hic venit, quòd, si hujusmodi Infideles supponantur subiecti alicui Principi Ecclesiastico in temporalibus, prout Romæ Judæi substant Jurisdictioni S. Pontificis, tunc pariter tenentur obedire Principi Ecclesiastico, quoad ea, quæ ad politicam gubernationem Reipublicæ sunt necessaria, quemadmodum in his tenerentur alteri Principi sæculari præstare obedientiam juxta omnes.

Col-

Colliges 2dò, Clericum extra Diocesin 379.
 sin propriam vagantem, & non præstantem ea, quæ domi vi officii sui teneretur præstare Ecclesiæ, vel etiam ovibus sibi concreditis, peccare contra Leges Diocesanas, & ob hoc posse puniri à suo Reverendissimo Ordinario. Ratio est: quia licet sit physicè extra Diocesin, moraliter tamen censetur intra eam delinquere ratione omissionis culpabilis. Similiter ubi auctoritate legitima Principis prohibitum est, ne quis Civium exeat in alienam Provinciam peste infectam, vel ne extra territorium proprium exerceat hanc, vel illam mercaturam, civis contraveniendo peccabit juxta gravitatem materiæ; quia scilicet damnum, vel certè periculum damni ex hujusmodi mercatura, vel profectioe oriri natum, censetur intra territorium Principis creari, prout sapienter advertunt Laymann *l. 1. tr. 4. c. 11. n. 3.* Mezger *tr. 8. disp. 35. a. 5. n. 25. & alii.*

Colliges 3tiò, Subditum Religiosum 380.
 in alieno etiam territorio existentem, ac delinquentem, à proprio suo Prælato nedum citari, verùm etiam puniri posse v. g. pœnâ excommunicationis: esto hoc respectu suorum subditorum, non valeat Episcopus, si hi tam physicè quàm moraliter extra Diocesim delinquant. Ratio dif-

disparitatis est : quia Prælati Regularis propter votum obedientiæ à subdito Religioso emissum habet potestatem in ipsius personam immediatè, & non mediatè tantum, id est, ratione territorii, veluti habet Episcopus in suos subditos. Ex quo Doctores ulterius inferunt, quòd si Episcopus suis Clericis sub pœna Excommunicationis interdicit: v. g. lusum alearum, talis Clericus ludendo in aliena Diœcesi, vel in loco intra Diœcesim quidem, ratione sui tamen exempto, non incurrat dictam pœnam. Ratio est : quia talis censetur tam physicè quàm moraliter etiam extra propriam Diœcesim existens delinquere. Ita rursus Laymann *l. 1. tr. 4. c. 11. n. 4.* quem sequitur Babenstuber *l. cit. n. 21.*

381. Colliges 4tò, Peregrinum, venientem Salisburgum in die S. Virgilio sacra, & festiva, non teneri hîc ad audiendam Missam, neque ad abstinendum (si absque scandalo fieri possit) à laboribus servilibus, tametsi per integrum diem hîc esset mansurus. Similiter Studiosus Diœceseos Salisburgensis, in qua non est jejunium particulare, transiens per Passaviensem, in qua fortassis est particulare jejunium, non tenetur ibi jejunare. Ratio est eadem, quæ suprà n. 362. fuit data: quia scilicet tales, utpotè mërùm peregrinantes, non sunt subditi Do.

Domini territorialis: at, non subditus, eò ipso quòd à Jurisdictione sit exemptus, non tenetur Legibus: ergo &c. *communis DD.*

At quid, inquires fortassis, si supponamus aliquod festum particulare v. g. S. Ruperti in utràque Diœcesi solenniter, & festivè agi, tenereturne ex hac suppositione studiosus, ex Archi Diœcesi Salisburgensi oriundus, in Passaviensi illa die Sacrum audire?

R. Probabiliter non tenetur, Ita contra 382. Castropalaum, Gobat, & alios plures DD. tenent Joan. Sanchez & Tamburinus in *Decal. lib. 4. c. 2. §. 2. n. 13.* quem sequitur noster A. R. P. Kazenberger in *supplem. Decalog. P. Sporer c. 1. sect. 3. n. 251.* Ratio est: quia talis non tenetur ratione specialis præcepti in suo territorio vigentis, cùm supponatur jamjam egressus territorium proprium: neque ratione specialis præcepti in territorio alieno, scilicet Passaviensi, vigentis; hujus enim territorii non est subditus: ergo ex nullo titulo censeretur debet obligatus ad agendum diem illum festivum, modò absit scandalum; quod utique de Jure naturæ quisque tenetur evitare.


Colliges denique sùò, hanc nostram re- 383. solutionem esse duntaxat intelligendam de peregrinis quamdiu sunt, & manent tales; num si peregrinus alicubi nanciscatur, vel figat

figat *domicilium*, illico fit subditus Domini territorialis per l. *domicilium ff. ad municipalem*: consequenter tenetur sese accommodare Legibus particularibus ejusdem territorii. Idipsum tenendum est de eo, qui alicubi figit *quasi domicilium*, id est, qui in tali loco vult perseverare per majorem anni partem, prout faciunt studiosi, nec non servi, & ancillæ: tales enim sunt respectivè saltem subditi, proptereaque etiam prima die sui adventus, & moræ illico possunt percipere Sacramenta etiam Matrimonii in tali loco, prout ex *communissima* Doctorum sententia tradunt DD. Gobat *Theolog. exper. tr. 9. n.*

483. & 534. Laymann. *lib. 5. tr. 6. c.*

10. n. 5. La Croix *lib. 6. part. 3.*

n. 721.



CON-

CONFERENTIA DECIMA QUARTA.

De
Modo satisfaciendi Legibus.

SUMMARIUM.

384. Alia est intentio faciendi opus præceptum, alia intentio satisfaciendi præcepto.
385. Ad satisfaciendum Legi, aut præcepto positivo, necessaria est intentio prior, scilicet faciendi opus præceptum, non item posterior.
386. Præceptis verò negativis satisfieri potest absque omni intentione, vel interventione actûs humani.
387. Potest insuper, subin saltem, satisfieri Legibus per actum moraliter malum.
388. Non tamen semper, præsertim ubi à Legislatore per se intenditur modus, aut finis honestus, ac bonus.
389. Potest uno, eodémque actu satisfieri pluribus obligationibus;
390. Nisi sint obligationes titulò Justitiæ ortæ.
391. Nec repugnat, quin per diversos actus eodem tempore simul præstitos satisfiat pluribus præceptis.
392. Resolvitur Casus I. De quodam Musico, qui de mandato Confessarii tenebatur die Dominica audire duo facta.

393. An huic obligationi satisfecerit ex eo quòd durante sacro solenni totus quantus circa Muficam occupatus simul intenderit duobus Sacerdotibus privatim celebrantibus?
394. Et quid, si pluribus sacris astitisset animò captandi vanam gloriam &c. &c.?
395. Quid si etiam reverenter assistendo, positivè noluiſſet ſatisfacere præcepto Confessarii?
396. Nisi talis corrigeat ſuam perſuaſionem, peccat ſaltem ex conſcientia erronea.
397. Reſolvitur Caſus II. De quodam milite, qui condemnatus ad compenſandum damnum cuiſdam Ruſtico præter intentionem illatum, multam hanc tacitè compenſavit.
398. Proptereaquè minimè ſatisfecit Juſtitie.
399. In praxi tamen à Confessario advertendum eſt, quò animo, vel qua fide, num bona ſcilicet, aut mala id fecerit.
400. Similiter Ruſticus merùm paſſivè permittens, ut decimæ de Jure pendendæ violenter ſibi ſubtrahantur, non ſatisfacit Juſtitie in conſcientiæ foro.
401. Reſolvitur Caſus III. Cujusdam beneficiati, cui ob neglectum penſum Canonicum Confessarius præcepit, ut expenderet unum dugatum ad cauſas pias?
402. Qui eundem dando ſuo famulo pauperi loco Salarii aliunde debiti, non ſatisfecit præcepto Confessarii.
403. Quid de eo, qui pro oblatis ſibi ſtipendiis debuit tria ſacra, & unum duntaxat hætenus legit, absque ſpeciali intentione, aut reflexione, cuiſnam ex illis tribus hoc vellet applicatum.
404. Non eſt neceſſum, ut omnia præcepta ex motivo charitatis executioni mandentur.

405. Qui voluntariè interest sacrificio Missæ quantumvis immemor diei festivi, satisfacit præcepto Ecclesiæ ;
406. Nisi hujusmodi operi vacet ex alia prorsus intentione.
407. Qui verò plenè ebrius, vel sui impos sacro interest, minimè satisfacit præcepto Ecclesiæ.
408. Qui ex pluribus titulis tenetur audire duo, aut tria sacra, potest hujuscemodi obligationibus simul eodem tempore satisfacere.

§. I.

Præmittuntur, & breviter resolvuntur quæsitæ, scitu necessaria ad debitè resolvendos Casus practicos circa intentionem, & modum satisfaciendi Legibus.

QUæres primò, quænam intentio requiratur ex parte subditi, ut is Legi, vel præcepto satisfaciat ?

Ante responsionem advertendum, & 384
supponendum est, aliam esse intentionem *præstandi opus præceptum*, aliam verò intentionem *satisfaciendi Legi, vel præcepto* per executionem illius operis. Ex. gr. qui die festivo audit Missam, potest habere hanc solam intentionem, audiendi scilicet, præscindendo ab ulteriore intentio-

ne, an per hanc, vel verò per aliam velit satisfacere præcepto Ecclesiæ. Item potest audire Missam, quam scit esse præceptam, vel ideò, quia scit esse præceptam: quo casu prior ille actus, etsi de se honestus, est actus obedientiæ materialis duntaxat: posterior verò est actus obedientiæ etiam formalis, utpote ideo factus, quia á Superiore præcepto. Hòc notato

385. ¶. ad quæsitum. Ut subditus satisfaciat Legi, aut præcepto, debet habere intentionem, seu voluntatem præstandi opus præceptum, non tamen necessariò intentionem satisfaciendi præcepto, seu ideo faciendi, quia præceptum fuit. Ita hodie tenent *communissimè* DD. Castropalao *part. 1. tr. 3. disp. 1. pu. 17. n. 8.* Reiffenstuel *Theol. mor. tr. 2. dist. 3. n. 44. & 45.* Babenstuber *tr. 3. disp. 3. a. 1. n. 2. & 9.* Ratio prioris est: quia Legibus humanis positivis præcipiuntur actus humani, ideòque opera v. g. auditio sacri, Communio, confessio &c. debent præstari modò humano: at sine omni intentione, aut voluntate præstandi non præstantur modò humano, ut de se liquet: ergo necessaria saltem est intentio præstandi opus præceptum. Ratio autem posterioris est: quia Lex humana præcipit tantum voluntariam
- ope-

operis executionem, non autem quasi reflexam intentionem adimplendi opus ideo, quia fuit præceptum. Unô verbo: Leges humanæ, ut communiter loquuntur Doctores solum exigunt obedientiam materialem, non item formalem: ergo non est necessaria intentio faciendi opus ideo, quia præceptum est.

Dictum tamen fuit: ut subditus satisfaci- 386.
at Legi, vel præcepto *positivo* &c. id est tali, vi cujus præcipitur actus positivus. Enimverò præceptis merè negativis, quibus scilicet non intenditur actus, sed potius ommissio alicujus actus v. g. furti, homicidii &c. satisfieri potest absque omni intentione positiva satisfaciendi; nam, si non occidas, si non fureris, vel si ob infirmitatem, vel alium defectum ciborum nihil prorsus comedas per integrum diem, satisfacis Legi jejunii, & aliis mox recensitis, quia revera adimpleas voluntatem, & finem à Legislatore intentum, quidquid demum sit, an talis satisfaciat materialiter, vel formaliter etiam. Quin insuper suo modo materialiter scilicet, præceptis positivis absque intentione, vel interventu actus humani quandoque posse satisfieri, præter alios rectè advertit Babenstuber *mox cit. n. 7.* Nam qui in amentia, vel ebrietate plena solvit id, quod debet, satisfacit in tantum,

disparitatis est : quia Prælati Regularis propter votum obedientiæ à subdito Religioso emissum habet potestatem in ipsius personam immediate, & non mediate tantum, id est, ratione territorii, veluti habet Episcopus in suos subditos. Ex quo Doctores ulterius inferunt, quod si Episcopus suis Clericis sub pœna Excommunicationis interdicat: v. g. lusum alearum, talis Clericus ludendo in aliena Diœcesi, vel in loco intra Diœcesim quidem, ratione sui tamen exempto, non incurrat dictam pœnam. Ratio est : quia talis censetur tam physicè quàm moraliter etiam extra propriam Diœcesim existens delinquere. Ita rursus Laymann *l. 1. tr. 4. c. 11. n. 4.* quem sequitur Babenstuber *l. cit. n. 21.*

381. Colliges 4tò, Peregrinum, venientem Salisburgum in die S. Virgilio sacra, & festiva, non teneri hîc ad audiendam Missam, neque ad abstinendum (si absque scandalo fieri possit) à laboribus servilibus, tametsi per integrum diem hîc esset mansurus. Similiter Studiosus Diœceseos Salisburgensis, in qua non est jejunium particulare, transiens per Passaviensem, in qua fortassis est particulare jejunium, non tenetur ibi jejunare. Ratio est eadem, quæ supra *n. 362.* fuit data: quia scilicet tales, utpotè mèrùm peregrinantes, non sunt subditi
- Do.

Domini territorialis: at, non subditus, eò ipso quòd à Jurisdictione sit exemptus, non tenetur Legibus: ergo &c. *communis DD.*

At quid, inquires fortassis, si supponamus aliquod festum particulare v.g. S. Ruperti in utràque Diœcesi solenniter, & festivè agi, tenereturne ex hac suppositione studiosus, ex Archi Diœcesi Salisburgensi oriundus, in Passaviensi illa die Sacrum audire?

R. Probabiliter non tenetur, Ita contra 382. Castropalaum, Gobat, & alios plures DD. tenent Joan. Sanchez & Tamburinus in *Decal. lib. 4. c. 2. §. 2. n. 13.* quem sequitur noster A. R. P. Kazenberger in *supplem. Decalog. P. Spoter c. 1. sect. 3. n. 251.* Ratio est: quia talis non tenetur ratione specialis præcepti in suo territorio vigentis, cùm supponatur jamjam egressus territorium proprium: neque ratione specialis præcepti in territorio alieno, scilicet Passaviensi, vigentis; hujus enim territorii non est subditus: ergo ex nullo titulo censerì debet obligatus ad agendum diem illum festivum, modò absit scandalum; quod utique de Jure naturæ quisque tenetur evitare.


Colliges denique sòd, hanc nostram re- 383. solutionem esse duntaxat intelligendam de peregrinis quamdiu sunt, & manent tales; num si peregrinus alicubi nanciscatur, vel figat

figat *domicilium*, illico fit subditus Domini territorialis *per l. domicilium ff. ad municipalem*: consequenter tenetur sese accommodare Legibus particularibus ejusdem territorii. Idipsum tenendum est de eo, qui alicubi figit *quasi domicilium*, id est, qui in tali loco vult perseverare per majorem anni partem, prout faciunt studiosi, nec non servi, & ancillæ: tales enim fiunt respectivè saltem subditi, proptereaque etiam prima die sui adventus, & moræ illico possunt percipere Sacramenta etiam Matrimonii in tali loco, prout ex *communissima* Doctorum sententia tradunt DD. Gobat *Theolog. exper. tr. 9. n.*

483. & 534. Laymann. *lib. 5. tr. 6. c.*

10. n. 5. La Croix *lib. 6. part. 3.*

n. 721.



CON-

CONFERENTIA DECIMA QUARTA.

De
Modo satisfaciendi Legibus.

SUMMARIUM.

384. Alia est intentio faciendi opus præceptum, alia intentio satisfaciendi præcepto.
385. Ad satisfaciendum Legi, aut præcepto positivo, necessaria est intentio prior, scilicet faciendi opus præceptum, non item posterior.
386. Præceptis verò negativis satisfieri potest absque omni intentione, vel interventione actûs humani.
387. Potest insuper, subin saltem, satisfieri Legibus per actum moraliter malum.
388. Non tamen semper, præsertim ubi à Legislatore per se intenditur modus, aut finis honestus, ac bonus.
389. Potest uno, eodémque actu satisfieri pluribus obligationibus;
390. Nisi sint obligationes titulò Justitiæ ortæ.
391. Nec repugnat, quin per diversos actus eodem tempore simul præstitos satisfiat pluribus præceptis.
392. Resolvitur Casus I. De quodam Musico, qui de mandato Confessarii tenebatur die Dominica audire duo sacra.

393. An huic obligationi satisfecerit ex eo quòd durante sacro solenni totus quantus circa Musicam occupatus simul intenderit duobus Sacerdotibus privatim celebrantibus?
394. Et quid, si pluribus sacris astitisset animò captandi vanam gloriam &c. &c.?
395. Quidsi etiam reverenter assistendo, positivè noluisse satisfacere præcepto Confessarii?
396. Nisi talis corrigit suam persuasionem, peccat saltem ex conscientia erronea.
397. Resolvitur Casus II. De quodam milite, qui condemnatus ad compensandum damnum cuiusdam Rustico præter intentionem illatum, multam hanc tacitè compensavit.
398. Proptereaquè minimè satisfecit Justitiæ.
399. In praxi tamen à Confessario advertendum est, quò animo, vel qua fide, num bona scilicet, aut mala id fecerit.
400. Similiter Rusticus merùm passivè permittens, ut decimæ de Jure pendendæ violenter sibi subtrahantur, non satisfacit Justitiæ in conscientiæ foro.
401. Resolvitur Casus III. Cujusdam beneficiati, cui ob neglectum pensum Canonicum Confessarius præcepit, ut expenderet unum dugatum ad causas pias?
402. Qui eundem dando suo famulo pauperi locò Salarii aliunde debiti, non satisfecit præcepto Confessarii.
403. Quid de eo, qui pro oblatis sibi stipendiis debuit tria sacra, & unum duntaxat hæcenus legit, absque speciali intentione, aut reflexione, cuiusnam ex illis tribus hoc vellet applicatum.
404. Non est necessum, ut omnia præcepta ex motivo charitatis executioni mandentur.

405. Qui voluntariè interest sacrificio Missæ quantumvis immemor diei festivi, satisfacit præcepto Ecclesiæ ;
406. Nisi hujusmodi operi vacet ex alia prorsus intentione.
407. Qui verò plenè ebrius, vel sui impos sacro interest, minimè satisfacit præcepto Ecclesiæ.
408. Qui ex pluribus titulis tenetur audire duo, aut tria sacra, potest hujuscemodi obligationibus simul eodem tempore satisfacere.

§. I.

Præmittuntur, & breviter resolvuntur quæsitæ, scitu necessaria ad debitè resolvendos Casus practicos circa intentionem, & modum satisfaciendi Legibus.

QUæres primò, quænam intentio requiratur ex parte subditi, ut is Legi, vel præcepto satisfaciat ?

Ante responsionem advertendum, & 384. supponendum est, aliam esse intentionem *præstandi opus præceptum*, aliam verò intentionem *satisfaciendi Legi, vel præcepto* per executionem illius operis. Ex. gr. qui die festivo audit Missam, potest habere hanc solam intentionem, audiendi scilicet, præscindendo ab ulteriore intentio-

ne, an per hanc, vel verò per aliam velit satisfacere præcepto Ecclesiæ. Item potest audire Missam, quam scit esse præceptam, vel ideò, quia scit esse præceptam: quo casu prior ille actus, etsi de se honestus, est actus obedientiæ materialis duntaxat: posterior verò est actus obedientiæ etiam formalis, utpote ideo factus, quia à Superiore præcepto. Hòc notato

385. ¶. ad quæsitum. Ut subditus satisficiat Legi, aut præcepto, debet habere intentionem, seu voluntatem præstandi opus præceptum, non tamen necessario intentionem satisfaciendi præcepto, seu ideo faciendi, quia præceptum fuit. Ita hodie tenent *communissime* DD. Castropalao *part. 1. tr. 3. disp. 1. pu. 17. n. 8.* Reiffenstuel *Theol. mor. tr. 2. dist. 3. n. 44. & 45.* Babenstuber *tr. 3. disp. 3. a. 1. n. 2. & 9.* Ratio prioris est: quia Legibus humanis positivis præcipiuntur actus humani, ideòque opera v. g. auditio sacri, Communio, confessio &c. debent præstari modò humano: at sine omni intentione, aut voluntate præstandi non præstantur modò humano, ut de se liquet: ergo necessaria saltem est intentio præstandi opus præceptum. Ratio autem posterioris est: quia Lex humana præcipit tantum voluntariam ope-

operis executionem, non autem quasi reflexam intentionem adimplendi opus ideo, quia fuit præceptum. Unô verbo: Leges humanæ, ut communiter loquuntur Doctores solum exigunt obedientiam materialem, non item formalem: ergo non est necessaria intentio faciendi opus ideo, quia præceptum est.

Dictum tamen fuit: ut subditus satisfaci- 386.
at Legi, vel præcepto *positivo* &c. id est tali, vi cujus præcipitur actus positivus. Enimverò præceptis merè negativis, quibus scilicet non intenditur actus, sed potius ommissio alicujus actus v. g. furti, homicidii &c. satisfieri potest absque omni intentione positiva satisfaciendi; nam, si non occidas, si non fureris, vel si ob infirmitatem, vel alium defectum ciborum nihil prorsus comedas per integrum diem, satisfacis Legi jejunii, & aliis mox recensitis, quia revera adimpleres voluntatem, & finem à Legislatore intentum, quidquid demum sit, an talis satisfaciat materialiter, vel formaliter etiam. Quin insuper suo modo materialiter scilicet, præceptis positivis absque intentione, vel interventu actus humani quandoque posse satisfieri, præter alios rectè advertit Babenstuber *mox cit. n. 7.* Nam qui in amentia, vel ebrietate plena solvit id, quod debet, satisfacit in tantum,

ut non teneatur idemmet debitum iteratò solvere; quemadmodum enim homo quandoque citra omnem suam voluntatem Legem violat materialiter saltem, ita etiam potest eandem citra omnem voluntatem materialiter adimplere.

Quæres addò, An quis per actum moraliter malum possit satisfacere Legi humanæ?

387. R. Potest quandoque satisfieri Legi, aut præcepto humano per hujusmodi actum ex fine, vel circumstantiis vitiatum. Ita *communissimè Doctores*, nominatim Sanchez *lib. 1. mor. c. 14. n. 1.* Ratio est: quia talis adimplet substantiam præcepti: ergo satisfacit præcepto humano, esto ob finem extrinsecum, vel aliam circumstantiam male intentam possit impingere in Legem divinam, aut naturalem. Hac de causa is, qui jejumat v. g. ob vanam gloriam, satisfacit præcepto jejunii, cum adhuc verè possit macerari in corpore (qui est finis jejunii) quantumvis inde inflatur in mente. Similiter Sacerdos celebrans v. g. die dominica in statu peccati mortalis, adhuc satisfacit præcepto positivo Ecclesiæ, esto contra præceptum naturale, ac divinum gravissimè peccet. Reiffenstuel *ubi supra n. 48.*

388. Notanter tamen dictum fuit: *quandoque satisfieri posse per actum moraliter malum &c.*
ad

ad innuendum, quòd, si Legislator nedum intendit actum humanum, sed etiam modum agendi, vel finem bonum &c. tunc subditus contraveniendo delinquat, & minimè satisfaciat præcepto Legislatoris. Hac de causa is, qui Sacrilegè confitetur, vel indignè communicat, non satisfacit præcepto Ecclesiæ, quippe quæ per se intendit actum moraliter bonum, vi cuius homo iustificetur, & non potius damnetur.

Quæres 3tiò, utrum uno, eodèmq; actu satisfieri queat pluribus præceptis, vel obligationibus?

R. Id sæpè sæpiùs fieri potest, modò 389. non sint obligationes ortæ, vel contractæ titulò Justitiæ. Ex, gr. is, qui voti particularis tenetur singulis feriis 6tis per annum jejunare (utì nos Fratres Minores tenemur vi S. Regulæ) jejunando in quadragesima satisfacit nedum suo voto, verùm etiam præcepto Ecclesiæ. Ratio est: quia, cùm obligatio Legis, aut præcepti merè humani dependeat ex sola intentione Legislatoris, nihil prorsus obstat, quò minùs de hujus voluntate uno eodèmq; actu satisfieri valeat pluribus obligationibus: atqui certum est, quòd Legislator Ecclesiasticus non intenderit tempore quadragesimæ ad aliud, vel etiam ad duplex jejunium nos

ligare : ergo vi unius actus satisfacimus nedum præcepto Regulæ, sed insuper præcepto Ecclesiæ.

390. Dixi rursus : *Modò non sint obligationes orta ex titulo Justitiæ.* Ratio disparitatis, & hujus limitationis est hæc : quia in debitis Justitiæ attenditur æqualitas rei ad rem : at, si debeas 100. florenos pro vino, & rursus 100. v. g. pro tritico, solumque velis solvere semel, centum florenos, nulla dabitur æqualitas rei ad rem, id est, inter solutum, & debitum : ergo &c. Econtra verò in debitis merè Legalibus, uti est v. g. debitum voti, & donationis, vel Justitiæ &c. non attenditur æqualitas rei ad rem, sed potius intentio Legislatoris, qui, cum possit, & quandoque saltem velit acceptare unum idemque opus pro pluribus obligationibus extinguendis, veluti liquet ex mox dictis, profecto nihil prorsus obstat, quò minus quandoque eodem actu satisfacere valeamus pluribus debitis.

Quæres 4tò, Utrum insuper per diversos actus uno eodemque tempore exercitos satisfieri possit pluribus præceptis ?

391. R. Posse satisfieri, modò actus præcepti sint tales, qui eodem tempore possunt
sunt

sunt simul exerceri. Sic v. g. Clericus eodem tempore potest simul audire Missam, & durante Missa recitare breviarium. Ratio est: quia quisquis præstat opus præceptum, satisfacit præcepto: at, talis Clericus præstat opus præceptum utroque præcepto; nihil enim obstat, quò minus possit reverenter, ac devotè assistere sacrificio Missæ, simulque devotè, & attentè recitare suum pensum Canonicum: neque aliunde constat Ecclesiam intendere, ut huic duplici præcepto per actus diversis temporibus exercitos satisfiat: ergo &c. *Communis DD. apud Babenstuber tr. 3. disp. 3. 4. 2. n. 10.*

§. II.

Proponuntur, & breviter resolvuntur Casus practici, de intentione, & modò satisfaciendi Legibus humanis.

CASUS PRIMUS.

Titio Musico nuper à Confessario pœnitentia causâ injunctum fuit, ut die Dominica duobus sacris interesset; quod, & fecit, ita tamen, ut tempore officii solennis, quò totus quan-

tus erat occupatus circa Musicam bonus Titius vix semel ad illos Sacerdotes privatim celebrantes attenderit, aut se reflexerit, multò minùs de præcepto Confessarii, aut de pænitentia adimplenda quidquam cogitaverit. Quare sciscitatur modò, an præfata intentioni, & obligationi à Confessario sibi imposita satisfecerit, an verò etiamnum sit obligatus satisfacere. Quid Judicii?

392. R. Si Titius sine ulla prorsus devotione se habuit, ita ut vix semel, prout in casu dicitur, se reflexerit ad sacrificia celebrata, dicendum, quòd non satisfecerit, proptereaque teneatur etiamnum satisfacere præfatae obligationi. Ratio est: quia ex mente Ecclesiæ ad auditionem Missæ necessum est, ut quis nedum corporaliter, sed & devotè assistat Sacerdoti sacrificanti, ita scilicet, ut & mente attendat ad sacrificium in tantum scilicet, ut possit reddere rationem aliquorum saltem principalium, quæ ad aram gesta sunt, prout hanc obligationem explicant Reiffenstuel *tr. 10. dist. 1. n. 38. & 39.* item La Croix *lib. 3. part. 1. n. 658. & 659.* ergo si Titius non attendit minimè censerì debet satisfecisse menti Confessarii, quippe qui censetur præcipere auditionem menti Ecclesiæ conformem. Secus dicendum foret, si Titius durante solenni officio saltem attendisset ad partes prin-

principales sacrificiorum, quibus procul dubio stante etiam, & non obstante illa occupatione circa Chorum Musices, potuisset intendere, quô facto nemo non diceret, eum devotè ac reverenter audisse duo sacra, esto nihil prorsus orâisset; non enim præscribitur audientibus sacrum certa precum formula, sed sola; ut dictum est, corporalis, ac devota præsentia.

Nec refert, quòd Titius nihil prorsus ^{393.} cogitaverit de adimplenda pœnitentia à Confessario sibi dictata; nam præceptum Confessarii in hoc passu obligat ad instar præcepti Ecclesiastici; velut proximè dictum fuit: ergo huic satisfit cum sola intentione præstandi opus præceptum, audiendi scilicet sacrum, esto non habuerit intentionem ideò audiendi, quia Confessarius præcipit; nam hujusmodi præcepta non exigunt obedientiam formalem, sed materiale duntaxat.

Dices. Sed quid, si talis pœnitens sacris moraliter quidem interfuisset, sed ob vanam gloriam ab aliis captandam, vel, quod adhuc pejus foret, non eò fine, ut DEum honoraret, vel præcepto Ecclesiæ, aut Confessarii satisfaceret, sed potius, ut lascivos suos oculos aspectibus alterius sexûs palceret?

394. R. Denuo cum eadem distinctione
 mox data; vel enim talis homo supponi-
 tur assistere sacrificio cum attentione debita,
 & intentione audiendi sacrum, vel sine tali
 attentione, & intentione? Si prius, dicen-
 dum, quod satisfecerit præcepto Ecclesiæ,
 & Confessarii; quia reipsa voluntariè præ-
 stitit opus præceptum, tametsi ob illum, fi-
 nistrum, aut omnino perversum finem gra-
 viter simul deliquerit: si autem posterius,
 dicendum foret, eum non satisfecisse ob ra-
 tionem mox datam *num. preced.* & hōc mo-
 do existimo conciliari posse Doctores, quo-
 rum aliqui absolute affirmant, alii absolute
 negant, eum, qui animo pascendi oculos
 sacrificio Missæ interest satisfacere præcepto
 &c. Videantur de hoc Reiffenstuel *Theolog.*
mor. tr. 2. dist. 3. à n. 44. vel Babenstuber
tr. 3. disp. 3. a. 1. n. 6.

At quid, inquires adhuc. Si talis homo
 devotè quidem interessendo divinis, expref-
 sè intenderet non satisfacere præcepto Ec-
 clesiæ, vel Confessarii, sive dein ex per-
 versa intentione, sive etiam animò postea
 devotius assistendi, satisfaceretne suæ obli-
 gationi, tametsi aliud sacrum eo die non am-
 pliùs audiret?

395. R. In hoc casu satisfaceret; idque ob
 rationem proximè datam: quia scilicet præ-
 staret substantiam operis præcepti: ergo
 hōc ipso satisfaceret præcepto Ecclesiæ,
 quem-

quemadmodum is, qui infantem verè abluendo, vel confessum absolvendo intenderet facere id, quod facit Ecclesia, verè conficeret Sacramentum, non obstante quòd putaret, aut protestaretur se nolle conficere; nam talis protestatio, utpote factò contraria, foret prorsus inefficax. Id, quod valde notandum est scrupulosis illis Sacerdotibus, aut Clericis, qui dum sibi videntur minùsattenti, aut nimium distracti inter orandum, officium divinum, vel partem hujus recitant, cum proposito postea repetendi, vel attentius recitandi: neque enim tales tenentur repetere officium, modò priùs habuerint intentionem verè orandi, & præsertim si distractiones ingruentes fuerunt ipsis involuntariæ, & hoc ipso potius meritoria, quàm peccaminosa.

Verum tamen est, quòd si talis homo voluntariè perseveraret in sua opinione aut persuasione sinistra, scilicet non satisfaciendi, vel si crederet, se nondum satisfecisse, & nihilominus non repeteret, procul dubio saltem ex conscientia erronea peccaret; proptereaque corrigenda est hujusmodi sinistra, erronea, vel etiam scrupulosa persuasio; quo factò, tutà conscientia poterit supersedere repetitioni brevii, prout sapienter adverit Reiffenstuel *cit. n. 47.*

CA.

CASUS SECUNDUS.

Sempronius miles quendam Rusticum damni-
ficaverat, esto non omnino inculpabiliter,
præter intentionem tamen, & quidem 20. cir-
citer florenis; quam ob causam ab eodem accu-
satus, à suo verò Belliduce, vel Capitaneo ad
compensandum damnum illico condemnatus
fuit. Et quia hoc compensare noluit, utpote in
foro conscientia prorsus innocens, aut certè non
graviter culpabilis; hinc eidem fuit subtractum
suum salarium, seu stipendium, ut vocant mili-
tare. Sempronius verò injustè se condemna-
tum ratus, hanc salarii sui subtractionem par-
tim à Rustico, partim verò à suo Capitaneo
denuotacitè recompensavit. Jam verò dubitare
licet in hoc casu 1. an Sempronius tutâ conscien-
tia hoc potuerit facere? 2. An Justitiæ satis-
fecerit, quòd noluerit compensare præfatum
damnum, & non nisi violenter quasi passus sit
subtractionem sui salarii, in ordine ad resarcien-
dum damnum?

397. R. ad primum quæsitum. Sempronius
non potuit tutâ conscientia recompensare
salarium sibi subtractum. Ratio est: quia
tametsi voluntariè non damniificaverit Ru-
sticum, minimè tamen dubitandum est,
quin in hoc facto saltem commiserit cul-
pam politicam; Secus enim à suo Capi-
taneo

taneo procul dubio nunquam fuisset condemnatus ad refusionem damni illati: at, si ob culpam etiam politicam condemnatus fuit, sententia fuit justa, nec innixa falsæ præsumptioni: quâ supposita non amplius licet uti tacita compensatione mulctæ, velut in tractatu *de Restitutione* fusiùs diximus Confer. 1. n. 15.

¶. jam ad 2dum. Tametsi Sempronius non amplius fuisset usus tacita compensatione, nihilominus probabiliùs non satisfecisset Justitiæ in conscientia ex eo, quòd non nisi invitus sit passus subtractionem sui salarii in ordine ad compensationem præfati damni. Ratio hujus petenda est ex dictis n. 385. quia ut subditus satisfaciat justo præcepto, vel Legi debet saltem habere intentionem præstandi actum præceptum: at, hanc Sempronius non supponitur habuisse: ergo in foro conscientiæ Justitiæ probabiliter non satisfecit, & quidem in materia gravi, ideòque per se loquendo graviter peccavit.

Dixi: *Per se loquendo*, minimè enim dubitandum videtur, quin id genus homines nullatenus conscientiæ sibi ducant, nec practicè putent se peccare, tametsi oneribus justè sibi impositis inviti, immò contra omnem suam voluntatem satisfacere compellantur: proptereaque in simili contin-

tingentia facti incumbet Confessario, ut errantem prudenter, ac modeste admoneat suæ obligationis; id, quod etiam circa alios simplices in simili facto erit observandum. Videatur de hoc Castropala *tr. 3. disp. 1. punct. 17. n. 5.*

Dices contra hanc resolutionem, Si præfatus miles in conscientia non satisfecit Justitiæ ex eo, quod merè invitus immò refractarius, violenter duntaxat passus sit, subtrahi sibi Salarium, & Rustico compensari damnum, pariter dicendum foret, illum Rusticum non satisfacere Justitiæ, qui merum invitus, immò reluctans sustineret subtractionem decimarum, quas ipse de Jure debuisset præstare; consequenter à Confessario obligandus foret ad iteratam solutionem: at, hoc, & rationi, & praxi repugnare, nemo est, qui non videat: ergo talis Rusticus satisfecit.

400. R. Etiam talem Rusticum non satisfacere Justitiæ, ideoque saltem, in affectu, & in foro interno delinquere: quia tamen supponitur in foro externo eidem jamjam fuisse subtractum tantum, quantum sponte, & de Jure debuisset præstare; hinc in foro externo pariter fuit satisfactum; consequenter talis Rusticus à Confessario non amplius debet condemnari ad iteratam solutionem decimarum, sed admoneri duntaxat,

xat, ut imposterum illas decimas, quas Jure divino, & humano debet, non amplius coactè, sed sponte solvat, ne Deum offendat. Videatur Bonacina *disp.* 1. q. 1. pu. 10. n. 7. vel Babenstuber *cit. disp.* 3. a. 1. num. 5.

CASUS TERTIUS.

CAjo Clerico beneficiato ob sapius neglectum officium Canonicum, seu horas Canonicas pœnitentiæ causâ dictatum fuit, ut unum dugatum expenderet in pias causas, sed quia bonus Cajus multis debitis se gravatum novit, pecuniis e contra parùm provisum; hinc suo famulo debiti salarii locò dugatum præbuit, ratus, esse causam satis piam, quòd pauperculo salarium jam pridem promeritum, & debitum, tandem aliquando exolvat. Quaritur jam, an Cajus in hoc factò satisfecerit obligationi à Confessario sibi injuncta?

R. Cajus non satisfecit. Ratio est: 401 quia juxta communissimam Doctorum opinionem à nobis traditam *part.* 2. *Theolog. Sacram. Confer.* 9. n. 234. Confessarius injungendo pœnitentiam, præsumi debet (nisi aliud exprimat, vel aliunde de ipsius voluntate constet) voluisse obligare ad opus supererogatorium, & aliunde indebitum, R. P. Elbel, de *Act. Hum. & Leg.* Dd tum,

tum, quatenus pœnitens id magis sentiat, & inde ab iterato relapsu absterreatur, aut quomodocunque demum retrahatur: atqui, solvere debitum famulo jam pridem de Jure debitum, planè non est opus supererogatorium, ut de se liquet, esto de se sit omnino bonum, ac justum: ergo huic præcise præbendo dugatum, non satisfecit suæ obligationi.

At verò, inquires fortassis, debitum Justitiæ: uti erat illud respectu famuli, magis urget, & strictius obligat, quàm illud, quòd à Confessario ex zelo fortassis indiscreto fuit injunctum, utpote præstandum ad pias causas v. g. pauperibus, quibus de Jure à Cajo nihil debebatur: ergo Cajo bene fecit, solvendo suo famulo salarium jam pridem debitum, & negligendo alterum.

402. R. Concedo gratis, quòd Cajo bene egerit prius solvendo illud debitum suo famulo, utpote strictius obligans: nego tamen, quòd per hoc simul satisfecerit obligationi à Confessario sibi injectæ, idque ob rationem datam numerò proximè præcedente. Quare huic etiamnum tenebitur satisfacere, dum moraliter potuerit. Cæterum nolim ego hic disputare, an pœnitentia illa fuerit congrua, vel verò ex zelo indiscreto potius fuerit injecta: illud

tamen haud ignoro (fortassis nec poenitens ignoraverit) Clerico scilicet, negligenti suum officium, cujus intuitu NB. Salarium, vel potius redditus Ecclesiasticos percipit, non abs re imponi posse restitutionem fructuum correspondentium huic penso Canonico, præsertim ubi talis Beneficiatus valde pingues redditus percipit.

Dices adhuc. Sed quid, si talis beneficiatus, vel alius quisunque demum Sacerdos, accepisset plura stipendia pro tribus sacris legendis, & hætenus unum duntaxat legisset, animo quidem satisfaciendi suæ obligationi, sed sine speciali intentione, aut reflexione, cuinam è tribus vellet satisfactum, aut illud SS. Missæ Sacrificium applicatum?

¶ In hoc casu supponendum est, fuisse 403. satisfactum illi, qui primò obtulit stipendium, nisi is aliud expressisset, quia fortassis petiit sacrum pro certo tempore, aut pro certa intentione &c. Ratio autem nostræ resolutionis est: quia, qui pluribus debet, uno tamen actu simul omnibus satisfacere nequit, præsumitur voluisse satisfacere illi, cui prius, vel etiam potius debuit, veluti habetur ex *l. cum pluribus. ff. de solutionibus*; nec non ex *cap. un. §. idem quoque de desponsa. impub.* atqui, prius, ac

potius debuit satisfieri illi, qui primus obtulit stipendium: ergo huic censi debet fuisse satisfactum: per consequens talis Sacerdos solum tenebitur reliquis duobus satisfacere, ad illorum intentionem legendo, & applicando Missam. Nihilominus in hoc, vel simili casu sapienter faciet, formando hanc intentionem, quod scilicet per reliqua duo sacra velit *satisfacere iis, quibus hactenus nondum satisfecit*, prout diximus in *Theolog. Sacram. part. 1. c. 17. n. 192.* Videri etiam de hoc potest Castropalao *part. 1. tr. 3. disp. 1. punct. 19. n. 9.*

§. III.

Corollaria ex dictis inferenda.

404. **C**olliges ex dictis primò, non esse necessarium, ut omnia præcepta ex charitate impleantur. Ratio facile deducitur ex dictis: quia potest aliquis habere intentionem præstandi opus præceptum v. g. solvendi debitum, absque charitate: ut si v. g. Uxor suo Viro reddat, quod debet, non ideo, quia, vel illud commercium carnale, vel suum Maritum, vel etiam DEum amat, sed ideò præcisè, quia à Marito fuit postulatum &c. atqui ad Legis, vel præ-

præcepti adimpletionem sufficit intentio præstandi opus præceptum; ergo &c. Ex quo pariter liquet à Pio V. Gregorio XIII. & Urbano VIII. meritò damnatam fuisse sequentem n. 16. inter 79. Bajanas propositionem; *Non est vera Legis obedientia, qua fit sine charitate.* Videatur La Croix l. 1. n. 691.

Colliges 2dò, cum, qui voluntariè^{405.} interfuit sacrificio Missæ, vel jejunavit &c. esto omnino immemor diei festivi, vel esurialis &c. nihilominus satisfecisse obligationi suæ, & præcepto Ecclesiæ, ob rationem mox datam. Similiter is, qui exequitur opus vi voti, Juramenti, aut præcepti à Confessario impositi, satisfacit suæ obligationi, esto non habuerit intentionem satisfaciendi, modò habuerit intentionem præstandi tale opus v. g. dicendi septem Pater & Ave &c. Ratio est: quia votum, Juramentum, sicut & præceptum à Confessario impositum habent se ad instar Legum particularium, quas homo sibi met, vel alteri imponit: ergo positâ præcisè substantia actûs voluntariè, ut supponitur, satisfit hujusmodi Legibus, votis, aut præceptis, juxta *communissimam DD.*

Limitandum nihilominus hoc est ita: ^{406.}
Nisi hujusmodi opus fuisset præstitum ex alia, &

prorsus diversa intentione; ut si præfata septem P. & A. à Confessario injuncta in ordine ad lucrandas indulgentias, pœnitens persolvisset ex alia intentione v. g. ad recuperandam sanitatem corporis &c. quô casu utique non satisfecisset memorato præcepto Confessarii.

Ratio est: quia finis, utpote specialiter à Confessario intentus, suo modò ingrediebatur substantiam præcepti, prout diximus mox suprâ n. 388. Similiter is, qui ex voto debet v. g. dugatum, illum verò donat alicui pauperi cum expressa intentione per hanc donationem non satisfaciendi suo voto, tenetur alterum expendere, quatenus satisfaciat obligationi sui voti. Ratio est: quia cùm votum se habeat ad instar cujusdam Legis particularis, propterea-que plenè dependeat ab arbitrio voventis seu cujusdam quasi Legislatoris, hinc pariter ab hujus arbitrio dependebat, an donando v. g. dugatum voluerit satisfactum suo voto, vel non. Ita rursus *communis & certa* Doctorum sententia.

407. Colliges 3tio, Eum, qui vel ebrius, vel dormiens, vel sui plenè impos interfuit Sacrificio Missæ, non satisfecisse per hoc præcepto Ecclesiæ. Ratio est: quia in tali statu non fuit capax actûs humani, qualem tamen Ecclesia poscit. Secus

cus dicendum foret v. g. de famulo, vel puero, qui præcisè ex metu Domini sui, vel Ludi - Magistri, reverenter interest sacro, etsi taliter comparatus animo, ut libentiùs vellet esse alibi, aut omnino non interesset, nisi metu urgeretur: tametsi enim ob huiusmodi perversam voluntatem tales non sint omnino excusandi à culpa, & peccato interno, nihilominus satisfaciunt præcepto Ecclesiæ, idque propterea: quia metus non tollit voluntarium, neque impedit actum humanum, prout dictum fuit superiùs *Conferent. 2. n. 31.* ergo stante, & non obstante metu tales satisfaciunt præcepto Ecclesiæ. Laymann. *lib. 1. tr. 4. c. 4. n. 12.* Sanchez, Babenstuber, & alii satis communiter.

Colliges denique 4tò, Eum, qui 408. tenetur ad audienda plura sacra, v. g. unum ex præcepto Ecclesiæ, alterum ex particulari voto, 3tium ex præcepto Confessarii &c. posse omnibus, ac singulis hisce obligationibus simul satisfacere, si in aliqua Ecclesia intersit tribus sacrificiis eadem horâ, ac tempore in diversis Altaribus simul oblatiis. Ita Sanchez in *Decalog. lib. 1. cap. 14. n. 12.* quem sequuntur Major, Busenbaum, & plu-

res alii. Ratio est: quia secundum dicta n. 391. nihil obstat, quò minus eodem tempore satisfieri possit pluribus obligationibus, modò actus illi simul sint compatibles: atqui potest quis simul intendere pluribus sacrificiis in diversis Altaribus celebratis, prout experientia constat: ergo potest satisfacere &c. &c.



CON-

CONFERENCE

DECIMA QUINTA.

De cessatione Legum humanarum, præsertim propter abrogationem, & cessationem causæ finalis.

SUMMARIUM.

- 409. Leges humanæ diversas ob causas cessant obligare.
 - 410. Quid sit abrogatio Legis, & quomodo hæc differat à derogatione?
 - 411. Legem humanam abrogare potest nedum ipsemet Legislato, verum insuper hujus in Jurisdictione successor.
 - 412. Abrogatio Legis sine causa facta, valida quidem est, at non licita.
 - 413. Quid sit irritatio Legis?
 - 414. Causa finalis, vel potest cessare totaliter, vel partialiter duntaxat.
 - 415. Cessante causa finali adæquata, & totali, definit Lex obligare; non item si cesset causa partialis duntaxat.
 - 416. Quid sit Lex fundata in præsumptione Juris, vel facti?
 - 417. Lex fundata in præsumptione Juris, seu periculi communis non definit obligare ex eo, quod respectu unius in particulari videatur fal-
- D d 5 lere

lere præsumptio, bene tamen Lex fundata in præsumptione facti particularis.

418. Ob ignorantiam subditorum Lex humana nequaquam cessat obligare : & an hæc in foro externo excuset?
419. Ob impotentiam tamen physicam, vel moralem definit obligare.
420. An is, qui non potest ex toto, teneatur saltem ex parte Legem adimplere?
421. Resolvitur Casus I. De quodam Principe Gentile, qui prohibuit proles suas baptizari, cō quōd sinistrè crediderit baptismum Christianorum exstiterit causam, quōd proles hætenus susceptæ ex matrimonio suo intempestivè obierint.
422. Quidnam in hoc casu conjugii Catholicæ, & aliunde devotissimæ fuerit agendum?
423. Maritus votum Uxoris de vestienda prole habitu cujusdam certæ Religionis potest irritare.
424. Resolvitur Casus II. De quodam Nobili, qui ex fine hæredis Masculini obtinendi Juramento sese obstrinxit ad abstinendum à 2da refectione &c.
425. Post completum annum quadragesimum suæ ætatis, & jamjam desperatam propagationem sui stemmatis, non amplius fuit obligatus ad abstinendum à refectione 2da.
426. Solvitur quædam instantia vulgi, qui sibi persuadet, non cessare Legum obligationem, tamen causa finalis videatur ex integro cessasse.
427. Resolvitur Casus III. Cujusdam famulæ, quæ post obitum sui Heri non potuit probare donationem ab eodem sibi factam, propterea quæ repulsam fuit passa.

428. Huic à Confessario pro foro conscientie per-
mitti potest tacita compensatio.
429. & 430. Solvuntur duæ instantie in contra-
rium.
431. Lex irritans, & irritatio Legis quomodo in-
ter se differant?
432. Lex duplici modo, & via potest irritari.
433. Lex irritans in terminis generalibus dun-
taxat, non infirmat Legem priorem specia-
lem;
434. Neque consuetudines rationabiles, aut sta-
tuta particularia locorum, nisi id specialiter
exprimat.
435. Lex irritans priorem, an, vel quando indi-
geat speciali promulgatione?

§. I.

Præmittuntur, & breviter re-
solvuntur quæsitæ scitu necessaria ad
debitè resolvendos Casus practicos cir-
ca cessationem Legis propter ab-
rogationem &c.

QUæres primò, quot modis Leges ces-
sare soleant?

R. Diversis ex causis cessare solent Le-409.
ges humanæ, primò quidem per abroga-
tionem. 2. Per irritationem. 3. Ob
cessationem finis adæquati. 4. Propter
dispensationem. 5. Per Interpretationem.
6. Per

6. Per Epikejam. 7. Per consuetudinem legitimè introductam. 8. Denique ob privilegium legitimè obtentum. Ita *Communissimè Doctores*; etsi omnes agnoscant nonnullum discrimen inter præfatos modos; enimverò per abrogationem, irritationem, vel etiam cessationem causæ finalis adæquatae, tollitur obligatio Legis ex integro: per reliquos autem modos tollitur secundum quid duntaxat, id est, vel respectu certæ partis, seu obligationis, vel etiam respectu aliquorum subditorum duntaxat. Per consuetudinem tamen legitimè introductam subinde potest ex integro tolli seu abrogari Lex prior, prout ex dicendis infra *a. n. 476.* patebit. Nos igitur in hac Conferentia ventilabimus tantum tres priores modos, quibus obligatio Legis ex integro tollitur, reliquas ventilaturi in Conferentiis proximè secuturis.

Quæres jam 2dò, quid abrogatio Legis, & quomodo hæc differat à derogatione?

410. *R.* Abrogatio Legis est ejusdem totalis sublatio, seu cassatio, auctoritate Legislatoris facta. Derogatio autem est ejusdem cassatio secundum quid, id est, ex parte duntaxat, ut, si Legislator unum tantum, vel alterum Articulum mutet, vel, si à generali constitutione certos casus

sus particulares excipiat, velut innuitur *l. derogatur. 102. ff. de verb. signif.* ubi dicitur: *Derogatur Legi, cum pars detrahitur: abrogatur Legi, cum prorsus tollitur.* Ex quo facile colligetur, quænam inter utramque sit differentia. Liquet insuper, ea, quæ de abrogatione dicimus, suò modo intelligi debere de derogatione, prout cum aliis DD. bene advertit noster A. R. P. Kazenberger in suo supplemento *Dealog. P. Sporer c. 1. sect. 4. n. 319.*

Quæres 3^{tiò}, quisnam Legem semel legitime latam possit abrogare.

R. Id potest Legislatores, & hujus in Jurisdictione successor. Ratio hujus facile colligetur ex dictis de natura abrogationis; tum etiam ex eo: quia, ut dicitur *cap. 1. de Reg. Juris. omnis res, per quamcunque causas nascitur, per easdem dissolvitur*: ergo cum vigor Legis unice nascatur, & dependeat à voluntate Legislatoris, necessario fateri cogimur, quòd per eandem, vel totaliter, & ex integro, vel etiam ex parte tantum possit tolli & cassari. Et quia voluntas Successoris æquivalet in Jurisdictione voluntati sui Antecessoris, consequens est, quòd Lex ab Antecessore lata tolli, & cassari valeat per voluntatem Successoris. Ita omnes.

Quæres 4^{to}, utrum abrogatio Legis
fina

sine iusta causa facta licita sit, vel saltem valida?

412. R. Valida quidem est, non tamen licita. Ratio prioris est: quia voluntas Legislatoris est quasi anima Legis, ita, ut hæc ab illa quoad suum vigorem in fieri, & conservari prorsus dependeat: ergo sublata voluntate Legislatoris, vigorem, & obligationem Legis corruere, necessum est. Ratio autem posterioris hæc dari debet: quia Legislatori incumbit in conscientia procurare bonum commune: at, si Legem bono communi proficuum (uti esse debet) sine causa iusta abroget, eo ipso non procurat, sed potius obest bono communi: ergo sine causa iusta eam abrogando peccat pro ratione materiæ, vel damni gravis, aut levis bono communi illati. Ita cum *communi DD. Herincx part. 2. tr. 3. de Leg. disp. 3. n. 210.*

Quæres 5to, Quid sit irritatio Legis?

413. R. Irritatio est Legis inferiore potestate v. g. Magistratûs, conditæ cassatio, facta legitima potestate, & auctoritate Superioris, ut si Lex ab Episcopo lata auctoritate summi Pontificis annulletur, & cassetur. Ita Reiffenstuel *Theolog. mor. tr. 2. dist. 4. n. 27.* Ex quo prudens facile colliget, in rigore loquendo irritationem differre

ferre ab abrogatione ; hæc enim fieri potest ab ipsomet Conditor Legis : illa autem fieri postulat à Superiore Legislatoris inferioris. Liquet insuper ex hac descriptione , cuinam competat potestas irritandi Leges.

Quæres 6to, An Lex desinat obligare ex eo, quod finis à Legislatore intentus cesset?

Suppono cum communi Doctorum finem Legislatoris, vel etiam Legis cessare 414 posse, vel adæquatè, seu ex integro, vel inadæquatè, & ex parte duntaxat, idque rursus tam ex parte *motivi*, quam ex parte *subditorum*. Ex parte *motivi* cessat adæquatè, quando cessat tota ratio, & causa motiva, quæ Legislatorem impulit ad ferendam Legem : inadæquatè verò cessat, quando una duntaxat ratio motiva desinit. Porro ex parte subditorum finis Legis cessat adæquatè, quando respectu totius communitatis talis Lex non amplius est expediens, vel proficua: inadæquatè autem ex parte subditorum cessare dicitur, quando non toti communitati, sed aliquibus tantum membris communitatis hujusmodi constitutio non amplius expedit. Rursus, si Lex præcisè desinat esse expediens communitati, dicetur finis Legis cessare *negative* : e contra verò si non solum desinat com-

communitati, vel aliquibus membris communitatis esse expediens, sed potius observatu impossibilis, vel illicita, sicut Lex jejunii posset fieri respectu infirmi, vel mulieris prægnantis, casu quo talis prævideretur passura abortum &c, dicitur cessare finis Legis *contrariè*, ac *positivè*. Hoc notatô

415. R. Cessante causa finali adæquatè, & totaliter (sive negativè; sive etiam contrariè) cessat obligatio Legis; non item si finis, vel causa finalis motiva cesset ex parte duntaxat. Ita communiter DD. Suarez de LL. lib. 6. n. 9. Herincx de Leg. disp. 3. n. 201. 202. La Croix lib. 1. n. 866. Kazenberger n. 312. & 313. Ratio prioris est: quia cessante fine adæquato Legis Lex desinit esse expediens bono communi: ergo obligatio hujus pariter debet desinere; quemadmodum votum, ceu Lex quædam particularis, desinit obligare, casu quo ejus causa adæquata cessat. Hac ratione apud Juristas communiter dicitur: *cessante Legis ratione cessat quoque ejus dispositio: & juxta c. cum cessante. de Appellat. cessante causa cessat quoque effectus.*

Ratio autem posterioris est hæc: quia si unum duntaxat motivum cesset, manebit adhuc alterum, vel reliqua, ob quæ Legislator judicavit; esse expediens bono com-

communi, ut hæc Lex feratur. Sic Ecclesia prohibuit Lectionem librorum hæreticorum, partim ob periculum infectionis, partim etiam ob hæreticorum contemptum: esto proin respectu unius, vel alterius videatur abesse omne periculum subversionis, sicque videatur cessare motivum prius; quia tamen propterea minimè cessat motivum posterius, hinc pariter Lex non cessat obligare, juxta *communissimam DD.*

Quæres 7imò, utrum Lex fundata in præsumptione periculi desinat obligare, casu quo præsumptio fallit?

Prius quàm ad hoc quæsitum directè 416. respondeam, breviter cum P. Herincx *cit. disp. 3. n. 162.* & nostro A. R. P. Kazenberger in *supplem. II. P. Sargar. Confer. 35. n. 98.* adverto, illam Legem dici *fundatam in præsumptione*, quæ ex conjectura certæ cujusdam circumstantiæ aliquid præcipit, vel prohibet. Et hæc duplex est, scilicet una, quæ fundatur in *præsumptione juris*, seu etiam *periculi communis*; alia verò, quæ fundatur in *præsumptione facti particularis*. In præsumptione Juris dicitur fundata illa, quæ non fundatur in aliquibus duntaxat indiciis, sed in Judicio moraliter certo, quòd in tali actu, aut contractu, non quidem semper, sed tamen regulariter, & ut plurimum subsit fraus, vel damnum, aliudvè
R. P. Elbel, de Act. Hum. & Leg. Ec pe-

periculum v. g. scandali, ideóque per hanc non præsumitur aliquod factum, sed periculum fraudis, vel damni, ut dictum est. Econtra Lex in præsumptione facti fundata dicitur illa, quæ ex conjectura cujusdam determinatæ, & particularis circumstantiæ, aut facti, vel non facti particularis, aliquid præcipit, vel prohibet, prout amplius patebit ex proximè dicendis in casu III. hóc jam prænotato

417. R. ad quæsitum. Lex fundata in præsumptione juris, seu periculi communis non definit obligare, tametsi in aliquo casu particulari videatur fallere præsumptio, aut nullum subesse periculum: definit tamen obligare Lex fundata in præsumptione facti particularis, casu quo præsumptio fallit. Ita cum communissima, & certa sententia tenent Suarez de Leg. lib. 6. c. 7. a. n. 5. & c. 8. Castropalao part. 1. tr. 3. disp. 5. pu. 1. n. 10. & 11. Illung tr. 1. disp. 2. n. 61. Ratio hujus resolutionis, & disparitas utriusque hæc est: quia dum Lex fundatur in præsumptione periculi communis, tunc non tollitur illud periculum commune, esto in hoc, vel illo casu, vel persona particulari nullum subsit periculum: at, si non tollitur periculum commune, hóc ipso manet finis Legis, & per consequens pariter debet manere hujus vigor, & obligatio.

Econ;

Econtra verò ubi Lex fundatur in mera præsumptione alicujus facti particularis, tunc eò ipso, quòd talis præsumptio fallat, seu non subsistat, cessat pariter voluntas, & intentio obligandi ex parte Legislatoris; & in hoc casu *præsumptio cedit veritati*, ut habetur *argum. l. continuus. 137. ff. de V. O. & ultima ff. quod metùs causâ.* Quare si Legislator, aut Judex te condemnet ad solvendum tuo adversario v. g. 20. florenos, eò quòd ex falsa delatione tui Adversarii præsumat, te eidem vi contractùs totidem debere, revera talis Lex, vel sententia in foro conscientie minimè obligabit.

Quæres denique 8tavò, An non etiam Lex cesset obligare propter subditorum ignorantiam, præsertim inculpabilem, vel propter impotentiam?

R. ad primam partem hujus quæsitì, 418. quòd Lex ob ignorantiam subditorum minimè cesset obligare, licèt cæteroquin ignorantia, si fuerit inculpabilis, & invincibilis excuset à formali peccato, & per consequens à pœna transgressoribus taxata, veluti constare potest ex dictis suprà *Confer. 2. n. 54.*

Major tamen controversia inter Doctores est, utrum ignorantia Legis, vel pœnæ in foro externo possit allegari pro excu-

Ec 2

latio.

satione; quòd, licèt Mascardus, & alii pāuci negent; eò quia Lex solenniter promulgata ubique præsūmitur cognita, La Croix tamen *lib. 1. 772. cum communi aliorum* tenet affirmativam; tametsi enim in foro externo præsūptio stet contra eum, qui se se excusare nititur exceptione ignorantiae, ex hoc tamen plus non probatur, quàm quòd teneatur probare, se inculpabiliter ignorasse Legem, quòd quidem præstare poterit, si præter alias conjecturas insuper deponat Juramentum de ignorantia inculpabili. Ita Doctor *cit. l.*

419. R. jam ad 2dam partem quæsitī. Nedum physica, sed, & moralis impotentia implendi Legem, vel præceptum, excusat ab observantia. Ratio est: quia, ut habetur *l. impossibilem. 185. impossibile non est obligatio*: Et juxta *Regulam VI. Juris in 6to: nemo potest ad impossibile obligari*. Videantur tamen de hoc ea, quæ diximus suprā *Conferent. 111. n. 298.*

At, inquires, quid de eo tenendum, qui non potest totam Legem, bene tamen partem hujus adimplere, tenebiturnè ad hanc?

420. R. cum distinctione; nam si totum sit aliquid individuum, seu indivisibile, tunc ille, qui nequit præstare rei substantiam, vel partem substantialem, excusatur à toto; eò ipso

ipso quòd in parte duntaxat substantia præcepti nequeat observari. Econtra verò, si totum sit aliquid dividuum, seu divisibile, tunc qui non potest præstare totum, tenetur ad minùs præstare partem, modò hæc sit notabilis. E. g. qui nequit solvere centum suo creditori, tenetur saltem solvere quinquaginta, vel adhuc minùs, quod potest. Similiter is, qui nequit interesse integro sacrificio Missæ, tenetur huic interesse (si potest) quoad partes substantiales, utputa ab offertorio usque ad consecrationem, vel ab hac usque ad sumptionem.

Rursus, qui non potest recitare Matutinum, & Laudes, potest autem reliquas horas, quippe quas fortassis scit memoriter, tenetur adhuc dicere horas minores, veluti constare potest ex Decreto Innocentii XI. in quo opposita propositio n. 54. damnatur. Videantur Sanchez *lib. 1. c. 19.* Laymann.

lib. 1. tr. 4. c. 19. n. 5. & seqq. vel Ba-
benstuber tr. 3. disp. 3. a. 3. n. 4.



§. II.

Proponuntur, & breviter resolvuntur Casus practici circa abrogationem Legis, vel cessationem causæ finalis.

CASUS PRIMUS.

Titius magni nominis, sed exigua pietatis Princeps (erat enim adhuc gentilis illo tempore) quandam Principissam sibi desponsaverat, sanguine non minus, quàm Religione Christiana clarissimam, è qua primò biennio suscepit duos filios, qui tamen non sine maxima consternatione tum Parentum suorum, tum totius etiam Regni paulò post fati concessère. Titius hujus tam fatalis, & geminati quidem casus non aliam subesse causam, quàm baptismum Christianorum existimans, sub gravissimis comminationibus nedum conjugi suæ, cæteroquin charissimæ, verùm etiam aliis omnibus Aulæ suæ Ministris interdixit, ne deinceps quampiam è suis prolibus nascituram sacro baptismatis fonte tingere, aut regenerare præsumerent. Pratermissis jam aliis pluribus quæstionibus, quæ in hoc casu de validitate, vel etiam liceitate matrimonii formari possent (de quibus ea, quæ diximus part. 3. Theolog. Sacr. Confer. 8. à n. 176. videri possunt)

ad

ad nostrum propositum oportet decidere 1. *an*
altesatus Princeps sua auctoritate potuerit abro-
gare, vel etiam irritare Legem, de baptizandis
prolibus? 2. *Quidnam in hoc casu conjugii Chri-*
stianæ fuerit agendum?

R. ad primum Titius neque Legem bap- 421.
tismi, neque etiam illam obligationem con-
ferendi prolibus baptismum potuit abroga-
re, vel irritare. Ratio hujus facile potest erui
ex dictis n. 411. & 413. quia nullus inferior
potest abrogare, vel irritare Legem sui Super-
ioris; quia irritatio petit fieri altiori potesta-
te: atqui Titius utique est inferior Deo, qui
Legem baptismi tulit, voluitque infantes
baptizari: ergo &c. Liquet proin ad ocu-
lum mentis Christianæ, præfatam Titii ap-
prehensionem nedum fuisse erroneam, ve-
rùm insuper blasphemam, utpote Sacramen-
to Baptismi, & Christo Authori Sacramen-
torum maximopere injuriosam. Unde

R. jam ad 2dum. Principissa illa debuit 422.
omni modo possibili curare, ac providere,
ut proles nascituræ saltem in occulto Sacro
baptismatis fonte abluerentur. Interim ve-
rò tum bonæ conversationis exemplo, tum
etiam precibus, ac gemitibus incessabilibus
divinam implorare Clementiam, quatenus
hæc suum conjugem interiùs illustrare digna-
retur in tantum, ut nedum veritatem, ac
sanctitatem fidei Catholicæ, sed etiam hujus

necessitatem ad animæ salutem obtinendam agnosceret. Ratio hujus est : quia Parentes de Jure naturæ suis prolibus tenentur providere nedum de mediis ad vitam corporalem, sed vel maximè etiam ad spiritualem obtinendam, aut conservandam necessariis; idque (ait rectè La Croix *lib. 2. n. 100.*) sub mortali seposito etiam omni respectu humano; nam DEUM potius quàm hominem quemcunque demum audire oportet: atqui baptismus est medium simpliciter necessarium ad salutem: ergo &c. Adde, quòd tales proles, quantumvis in occulto baptizatz, vi hujus Sacramenti percipient innumera gratiarum auxilia, cæterasque virtutes Theologicas, quibus mediantibus, accedente præsertim sanctæ conversationis exemplo in Matre viso, cum tempore probabilissimè induci potuerunt, ad veritatem fidei Catholicæ spontaneè amplectendam, ac profitendam veluti constat ex legenda sanctæ Clotildis Reginae Galliæ, aliisque consimilibus.

At quid, ais, si qua Mulier amore conservandi suas proles in vivis, votò se obstringat, quòd v. g. unius anni spatìo velit prolem nascituram induere habitu certæ cujusdam Religionis v. g. S. Francisci de Paula, è contra Maritus nolit videre prolem suam cucullatam, poteritnè is irritare votum ab Uxore emissum?

¶ Potest Maritus irritare hujusmodi vo- 423.
tum. Ratio est: quia Marito competit po-
testas irritandi omnia vota in suum præjudi-
cium ab Uxore emissa: immò hujuscemodi
vota ipso Jure sunt invalida, nisi à Marito
approbentur, ac ratificentur: nemo enim
(ideòque nec Uxor) potest validè vovendo
promittere rem alienam, sed propriam dun-
taxat; id est, suæ dispositioni, ac Juri sub-
jectam sine præjudicio alterius: atqui modus
vestiendi proles durante matrimonio non
stat penes solum arbitrium Uxoris, sed vel
maximè, & principaliter penes Maritum, cui
incumbit suæ familiæ providere de victu, &
vestitu: ergo si is prius non consensit, potest
pro libitu suo irritare, vel potius irritum de-
clarare hujuscemodi votum ab Uxore emis-
sum. Videatur de hoc Sanchez lib. 4. c. 34.
n. 3. vel Sporer in Decalog. tr. 3. c. 3. n. 25.
& seqq.

CASUS SECUNDUS.

S Empronius nobili stemmate natus, & ultimum
germen suæ familiæ aniciæ jurejurando sese
obstrinxit, quòd toto tempore vitæ suæ singulis fe-
riis sextis in honorem dominicæ passionis vellet
abstinere à 2da refectiōe, si DEUS sibi clemen-
tissimè impertiretur prolem masculinam, vi cujus
nobilissima sua familia denuo refloresceret: hanc

Ee 5

suam

suam devotionem Sempronius biennio integro sanctè continuavit: quò elapso prole masculina à superis quidem est beatus, sed per huius obitum paulò post extremè consternatus. Nihilominus bonus Sempronius devotionem semel captam porro continuavit usque ad quadragesimum ætatis suæ annum. Quia verò jam à longo tempore nullam ampliùs suscepit prolem & defacto nedum ex sua, verùm etiam ex parte conjugis videtur præcisa omnis spes successione; hinc sciscitatur, an protinus teneatur continuare præsatam devotionem, abstinendo scilicet à 2da refectione, an verò potius sit liber ab hac Lege privata, quippe cujus finis jamjam cessasse videtur. Quid Confessarius respondebit interroganti?

424. R. Sempronius non ampliùs tenetur abstinere à 2da refectione. Ratio est; quia, ut narratur in casu, votum fuit duntaxat emissum *sub conditione*, si DEus Sempronio daret hæredem masculinum, vi cujus familia anicia denuo refloresceret, atqui hæc conditio non fuit adimpleta; quia filius natus paulò post fuit mortuus: ergo votum, utpote conditionatum, non subsistente conditione desinit obligare. Accedit, quòd secundum dicta n. 415. cessante causa finali adæquata pariter cesset obligatio Legis, atqui huius Legis, vel quasi Legis privatæ (voti scilicet, aut Juramenti à Sempronio facti) jamjam cessavit causa finalis, & quidem adæquata, eò ipsò, quòd

quòd supponatur eidem esse præcisa omnis spes obtinendi hæredem masculinum, & propagandi familiam suam: ergo &c.

Dices. Juramentum à Sempronio factum videtur potius sub modo, *quatenus scilicet DEum hoc modò permoveret* ad dandam sibi prolem masculinam, quàm sub conditione, *si sibi daret &c.* ergo etiamnum tenetur illud servare esto hæctenus nondum fuerit exauditus.

R. negando ant. Nam si formulam, & rigorem verborum spectemus, de se liquet, hoc Juramentum fuisse sub conditione depositum: ergo cum aliunde per *Regulam 15. Juris in 6to* constet, *odia, seu odiosa* (utì etiam est abstinencia à 2da refectione) esse restringenda, dicendum potius, Sempronium non amplius stringi vigore hujus Juramenti, quippe cujus conditio hæctenus nondum fuit adimpletâ. Et datò insuper, non concessò, scilicet præfatum Juramentum fuisse factum sub modo, quia tamen iste modus neque hæctenus fuit positus, neque deinceps humanitus, & naturaliter ponendus, eò ipso, quòd ex specie facti supponatur ex parte utriusque conjugis jamjam præcisa omnis spes successionis, aliunde verò miraculum tam facile sperari non possit, aut debeat, arbitror sanè Sempronium ad hoc onere, abstinenciæ scilicet à 2da refectione, esse simpliciter excusandum, & liberandum à Confessario.

Di-

Dices adhuc. Resolutio mox data n. 424. videtur repugnare praxi; constat enim, quod nonnulli Principes sæculares ad supportanda onera belli olim imposuerint nova tributa; immò verò etiam Clerici ex indulto Pontificio debuerunt talia solvere Imperatori ex eodem fine, scilicet belli Turcici supportandi, quòd tamen pridem fuit sublatum: ergo ob cessationem causæ finalis etiam adæquatæ minimè desinit Lex obligare.

426. R. neg. conseq. & suppositum. Nam licet præfata causa finalis videatur cessasse, probabiliter tamen suspicari licet, eam nondum cessasse ex integro: certum quippe est, & ipsimet subditi propria experienciâ docti coguntur fateri, tempore belli multa debita fuisse contracta, quæ in hodiernum usque diem nondum fuerunt extincta: quidni ergo & Princepes hujuscemodi debitis calamitoso illo tempore contractis possint gravari, ad quorum solutionem etiamnum indigeant subsidio suorum subditorum? Quòd autem nonnulli Clerici hodie dum cogantur Augustissimo Imperatori præstare quædam tributa, provenit ex novo indulto modernî S. Pontificis, qui hoc concessit non præcisè ob bellum Turcicum, sed tum ad restauranda, tum etiam ad conservanda illa propugnacula Hungarica, scilicet Petrowaradinum, Belgradum, Temeswariam, & alia plura quæ sunt quædam quasi antemuralia Christianitatis.

CA.

CASUS TERTIUS.

CAjus famulam habuit sibi fidelissimam, quæ sicut aliis temporibus, ita, vel maxime tempore diutina infirmitatis Hero suo solertissime sua præstitit obsequia; quàm ob rem Cajus advertens, se sensim deficere, & pedetentim quasi extremo vita sua termino appropinquare, eandem famulam in cubiculo solam sibi præsentem affatus fuit sequentibus verbis: esto fidelis, ac solers (aiebat) usque in finem, post mortem meam recipies justam, & condignam laborum tuorum mercedem, in testamento meo expressam. Ne verò aliis omnibus patefiat, qualiter tua servitia mihi tam fideliter præstita tibi compensaverim, ecce, ait, in hac meacista (digitò eam monstrans) invenies quandam capsulam dugatis refertam hanc post mortem meam tibi donatam volo & amodo dono ad tuam liberam dispositionem. Famula id audiens gaudio & lacrymis superfusa, illico hero suo millenas rependit gratias: quia tamen post mortem Caii omnia illius bona illico fuerant obsignata, famula eo ipsò obstructa fuit via obtinendi præfatam capsulam, cùmque aliunde non potuerit probare illam devotipnem remuneratoriam sibi ab Hero factam; hinc nedum ab hæredibus, verùm etiam à Judice passa fuit repulsam, capsulâ pleno jure hæredibus adjudicatâ. Jam vero dicta famula apud Confessarium 1.

con-

conqueritur de injuria sibi facta. 2. Sciscitatur, an non sibi liceat tacite compensare quantitatem illius auri, quæ ad 80. circiter florenos se extendit. Quid ad hæc Confessarius?

427. R. quoad primum, huic famulæ nec ab hæredibus, neque etiam à Judice illatam fuisse injuriam formalem. Non enim ab hæredibus; quippe qui aliunde erant in possessione juris, neque de præfata donatione quidpiam sciverant; neque etiam à Judice; cum is nec potuerit, neque debuerit aliam sententiam ferre, quamdiu famula non probavit suam causam: hæc autem, ut supponitur illam probare non potuit: ergo Judex hæredes in sua possessione relinquere, & manutene-
re debuit; eò præsertim, quòd oppositum innumeris fraudibus foret subiectum; quilibet enim de facili posset dictitare, sibi hoc, vel illud fuisse ab hero, vel ab illo modò defuncto donatum &c. Videatur de hoc R. P. Reiffenstuel lib. 3. *Decret. tit. 26. §. 6. n. 148. & 149.*

428. R. Tamen ad alterum quæsitum, huic famulæ potuisse à Confessario saltem permitti privilegium tacitæ compensationis. Ratio me movens ad hanc resolutionem est: quia tunc tacitæ compensationi debet dari locus, quando ex una parte debitum est certum, ex altera verò parte illud aliâ via, vel medio reparari nequit: at, præfatum debitum erat certum ex una parte, saltem in foro conscientie,

tia, quia Dominus nedum potuit, sed etiam efficaciter voluit donare: famula è contra donationem illico acceptavit: ex altera autem parte supponitur, hoc debitum alia vià recuperari non posse à famula: ergo huic pro foro conscientiaè permittenda est tacita compensatio. Et certè ipsimet hæredes tenerentur eidem præfatam capsulam extradere, si iisdem de voluntate heri defuncti tam evidenter, & certò constaret, quàm huic famulae, veluti ex communi Doctrina Theologorum tenent Laymann *lib. 3. tr. 5. c. 2. n. 5.* & Reiffenstuel *Theol. mor. tr. 8. dist. 3. n. 24.*

Dices tamen contra hanc resolutionem, Quando ob testamentum debita solennitate destitutum Judex semel tulit sententiam pro hærede, tunc competitori nequidem in foro conscientiaè amplius permittenda est tacita compensatio, juxta communissimam Doctorum opinionem, videndam apud Sanchez, Covaruvias *de testam. c. 10. n. 13.* Reiffenstuel *Theol. mor. tr. 8. dist. 3. n. 17.* & alios passim: atqui in hoc casu supponitur, sententiam jam actu pro hærede fuisse latam: ergo &c.

¶ Negando suppositum, quòd in hac 429, causa famula aliquid prætendat vi testamenti, vel quòd fuerit passa repulsam ob testamentum annullatum; contrarium quippe patet ex specie facti. Deinde, esto testamentum ad causas profanas factum sine solennitatibus
de

de Jure requisitis irritum sit, & inane, non tamen idemmet Judicium ferendum est de testamento, vel legato facto ad pias causas, uti omnes fatentur; hoc enim velut privilegium habetur ratum, modò de voluntate defuncti satis constet: at, hujusmodi donatio remuneratoria famulæ pauperculæ facta potius ad causam piam, quàm ad profanam facta censerì debet: ergo cùm in foro conscientiæ de voluntate defuncti pariter constet, aliunde verò hoc debitum sit irrecuperabile, ex hoc capite potius permitti, quàm interdici debet tacita compensatio.

Dices iterum. Lex fundata in præsumptione periculi communis non desinit obligare, tametsi in casu particulari fallat præsumptio secundum dicta n. 417. atqui hæc sententia Judicis (quæ se habet ad instar Legis) fundatur in præsumptione periculi communis, prout ipsimet cogimur fateri: ergo obligat in conscientia, licet præsumptio re ipsa fallat in hoc casu.

430. R. Negando minorem; nam hæc sententia Judicis non fundatur in præsumptione communis periculi, sed potius in præsumptione facti, vel verius loquendò, non facti particularis, id est, *non factæ donationis* de qua, si Judici certò constitisset, sine dubio causam hanc aliter decidisset, in favorem scilicet famulæ: e contra, quando aliqua Lex, vel sententia

téntia fundatur in præsumptione periculi communis, tunc Judex non mutaret sententiam, esto huic constaret, præsumptionem fallere circa hanc personam. Sic in casu mox relato, ubi Judex testamentum aliquod ad causas profanas factum defectu solennitatis debitæ annullat, vel potius nullum declarat, ob pericula fraudum, quæ inde possent emergere communitati, profecto non amplius mutaret suam sententiam, tametsi certò sciret, in hoc casu particulari nullam prorsus intervenisse fraudem. Similiter Legislator, qui ob evitandas rixas, mutilationes, vel homicidia prohibuit, ne tempore nocturno arma portentur, non mutavit hanc Legem v. g. respectu Titii, hunc eximendo ab obligatione, tametsi certò sciret, eum velut hominem summè pacificum, neminem læsurum, neque excitaturum rixas: & hæc differentia bene est notanda.

§. III.

Corollaria ex dictis inferenda:

Colliges ex hæctenus dictis primò, aliud 431.
esse irritationem Legis, aliud verò Legem irritantem; nam irritatio consistit in actu voluntatis, quò Legislator ipsam Legem semel latam vult cassare, irritando, & annullando obligationem illius.

R. P. Elbel, de Act. Hum. & Leg. FF Econ.

Econtra verò Lex irritans consistit in actu voluntatis, quò Legislator aliquem actum, vel contractum annullat, seu invalidat, hac vel simili forma: *Sit invalidus, nullus, irritus: nullius sit roboris, efficacia: careat robore: sit irritum, & inane, quidquid in contrarium fuerit attentatum &c.* Et hæc Lex irritans postea dividitur in pœnalem, in purè irritativam, & in mixtam, veluti fusiùs explicat noster A. R. P. Kazenberger in *supplemento Decalog.* P. Sporer c. 1. sect. 3. n. 273. & seqq.

432. Colliges 2dò, Legem aliquam duplici via irritari posse, scilicet primò *per se, & directè*; quod tunc fit, quando Legislator expressè revocat suam Legem, declarando, quòd subditos deinceps velit esse deobligatos. 2dò, *Indirectè, & implicite*; quod fieri censetur tunc, quando ponit novam constitutionem, priori è diametro contrariam; etenim nova constitutio posterior, tollit priorem contrariam generaliter latam, tametsi de eadem non faciat mentionem, prout expressè habetur *cap. 1. de constitut. in 6to.* Cujus ratio est: quia Princeps neutiquam præsumi debet, ignorasse priorem constitutionem: ergo novam priori oppositam statuendo, meritò præsumitur voluisse illam abrogare.

433. Hoc tamen intelligendum est, ut diximus, de Lege priori *generaliter lata*; nam Lex prior specialiter loquens, (id est, specialem favorem, aut privilegium exprimens) non tollitur

tur per Legem posteriorem generaliter loquentem, sed hæc per illam distinguitur, inquit Reiffenstuel *Theol. mor. tr. 2. dist. 4. n. 31*. Ex. gr. Leges generales, irritantes testamenta sine debitis solennitatibus facta non comprehendunt testamenta facta ad pias causas, neque testamenta militum, vel alia privilegiata; eò quòd de his extent Leges speciales, quibus hæc posteriora testamenta habentur rata, præscindendo etiam ab illis solennitatibus.

Insuper advertendum hic est, quòd per 434-
Legem posteriorem generaliter duntaxat loquentem Legislator supremus, v. g. summus Pontifex, non præsumatur voluisse tollere consuetudinis rationabiles, vel etiam statuta particularia locorum, nisi id exprimatur. Ratio hujus est: quia Legislator supremus præsumi potius debet, ignorasse hujuscemodi consuetudines laudabiles, & rationabiles, quemadmodum præsumitur ignorare genera, & inclinationes particulares, vel certe circumstantias, quarum intuitu hæc posterior Lex meritò judicabitur minùs expediens: ergo nec Legislator præsumi debet, voluisse his præjudicare, nisi (ut diximus) expressè contra eas excipiat, dicendo v. g. nullà obstante consuetudine contraria, vel non obstantibus quibuscunque constitutionibus locorum &c. Videatur Reiffenstuel *loc. cit.*

Colliges 3^{ti}ò. Ad revocationem Legis per 435-
se loquendo non esse necessariam novam

promulgationem solennem. Ratio hujus est: quia secundum dicta obligatio Legis tota quanta dependet à voluntate Principis, seu Legislatoris, volentis, aut nolentis obligare communitatem: ergo si cuipiam certò constet de revocatione prioris Legis, is non amplius erit obligatus ad observantiam. Illud tamen verum est, quòd circa hoc punctum sapienter observat Castropalao *cit. tr. 3. disp. 5. punct. 2. §. 1. n. 5.* scilicet, quòd si revocatio, vel irritatio prioris Legis fiat per aliam novam constitutionem, hæc debeat habere omnes conditiones Legis, ideòque etiam promulgari solenniter, ita, ut secus non sit censenda habere vim revocandi priorem Legem; secus enim hujuscemodi revocatio posset multis inconvenientiis præbere occasionem. Certum insuper est, quòd si subdito de tali revocatione, aut irritatione non satis constaret, is contraveniendo saltem ex conscientia erronea graviter posset delinquere.

Videatur de hoc Mastrius *Theolog. mor.*

disp. 2. n. 179.



CON-

CONFERENCE

DECIMA SEXTA.

De cessatione Legis per dispensationem, interpretationem,
& Epikeiam.

SUMMARIUM.

- 436. Dispensatio, ut sic est quædam relaxatio Legis.
- 437. Quæ potest esse 1. vel totalis, vel partialis. 2. Tacita, vel expressa. 3. Directa, vel indirecta.
- 438. Potestas dispensandi (generaliter loquendo) competit 1. Legislatori. 2. Hujus Successori 3. Utriusque Superiori &c.
- 439. Pontifex dispensare valet in omnibus Legibus Ecclesiasticis merè positivis.
- 440. Archi-Episcopus verò, & Episcopus in Legibus Synodi Diocesanae.
- 441. In Lege tamen Superioris, per se loquendo, nullus inferior dispensare valet.
- 442. Recensentur breviter nonnulli Casus, in quibus Episcopis permittitur dispensare in Lege Pontificia.
- 443. Dispensatio ab inferiore sine rationabili causa facta, nedum illicita est, sed etiam invalida.
- 444. In Lege naturali præceptiva, vel prohibitiva, ne Deus quidem propriè, & directè dispensare valet.
- 445. Potest tamen in his dispensari indirectè, & impropriè.
- 446. Lex naturalis merè permissiva, etiam directè potest mutari auctoritate humana.

447. Interpretatio Legis idem est, ac clarior ejusdem expositio, seu declaratio.
448. Circa quam nonnullæ Regulæ observandæ breviter recensentur.
449. Epikeia tunc fit, dum mens Legislatoris rationabiliter declaratur &c.
450. Resolvitur Casus I. Cujusdam pœnitentis, qui à Confessario petiit dispensationem in esu carnum, etiam diebus veneris, ac Sabbati.
451. An talis dispensatio etiam Romæ impetrata valeat, casu quo rationabiliter dubitatur de voluntate dispensantis?
452. Et quid, si Pontifex dispense cum hac clausula, ut *Orator possit comedere carnes cum consilio tamen Medici spiritualis, & corporalis?*
453. Resolvitur Casus II. Cujusdam pœnitentis, qui Româ per Datariam obtinuit facultatem ducendi suam consanguineam, cum hac tamen clausula: *dummodo inter eos copula carnalis non intercefferit.*
454. Qua non obstante validè, ac licitè contrahent, modò non intervenerit copula carnalis notoria in foro fori.
455. Secus dicendum foret; si talis clausula contineretur in dispensatione à Majori Pœnitentiaro obtenta pro foro conscientie tantum.
456. Resolvitur Casus III. Cujusdam personæ, votò castitatis perpetuæ adstrictæ, quæ obtinuit dispensationem in ordine ad nubendum, tum ob prolem jam susceptam legitimandam, tum etiam ut Maritus posset sublevare Matrem viduam &c.
457. An cessante utrôque hoc motivo prius quàm nupserit, cesset valor hujus dispensationis, controversum est inter DD.
458. Nec dubium, quin sit tutius, in tali casu iteratò petere dispensationem.

459. A quo hæc impetrari valeat.
460. Ad valorem dispensationis necessaria est voluntas dispensandi ex parte Legislatoris.
461. Et quid, si dispensans moriatur prius, quàm dispensatio executioni fuerit mandata?
462. Tam subreptitia, quàm etiam obreptitia dispensatio nulla est: & quid harum nomine intelligatur?
463. Beneficium dispensationis semper est postulandum à Superiore, vel ab hujus vicem Gerente.
464. Unde nec potest concedi, nisi subdito.
465. Quinam dispensare valeat cum vagabundis, & peregrinis?
466. Summus Pontifex nequit dispensare in Lege divina.
467. Satisfit cuidam instantiæ in contrarium.
468. Ad evitandum peccatum non sufficit dispensatio præsumpta de futuro, id est, talis, quæ primum daretur.

§. I.

Præmittuntur, & breviter resolvuntur quæsitæ, scitu necessaria ad debitè resolvendos Casus practicos circa dispensationem Legis &c.

QUæres primò, quid sit dispensatio, & quotuplex?

¶ ad primum. Dispensatio est relaxatio 436.
Legis, respectu casûs, aut personæ particularis, facta in iis circumstantiis, in quibus alioquin Lex obligaret. Ita Henno *de Leg. disp.* 3.

FF. 4

q. 5.

q. 15. a. 4. conclus. 1. Et re ipsa eandem tenet Herincx *part. 2. tr. 2. disp. 4. n. 1.* aliique plures. Ex hac verò descriptione facile liquet, dispensationem differre ab irritatione, abrogatione, & derogatione Legis; per has enim Lex respectu totius communitatis tollitur, vel ex toto, vel saltem ex parte; per illam verò Lex minimè tollitur ab integra communitate, sed solum ab aliqua persona (quo nomine hic etiam intelligi potest persona ficta, uti est v. g. Monasterium, Collegium, Conventus, vel Religio &c.) obligatio Legis aufertur.

Liquet insuper, dispensationem differre ab Epikeia, quippe quæ fit in duntaxat circumstantiis, vel casu particulari, in quo prudenter creditur Lex non amplius obligare, veluti constabit ex dicendis n. 439. hoc autem non fit in dispensatione.

437. R. jam ad alteram partem quæsit. Dispensatio ut sic rectè dividitur 1. in totalem, & partialem. 2. In tacitam, & expressam. 3. In directam & indirectam. Ita Paulus Mezger *tr. 8. disp. 36. a. 4.* Babenstuber *tr. 3. disp. 3. a. 4. n. 6. & seqq.* Explico breviter singula membra.

I. Dispensatio totalis fit, quando Lex respectu unius, vel aliquorum ex integro tollitur: partialis verò, quando ex parte duntaxat relaxatur; ut, si dispensetur in pœna, non item in culpa.

II. Ex-

II. Expressa dispensatio illa appellatur, quæ fit verbis expressis, ceu signis quibusdam, evidenter voluntatem Legislatoris declarantibus: Tacita verò illa dicitur: quæ solum ex facto, vel actione aliqua obscure colligitur ut si Episcopus subditum suum, quem novit esse irregularem, permittat suscipere Ordines, aut excipere Confessiones; cum enim supponatur scire, similia à subdito suo fieri non posse sine dispensatione, aliunde verò minimè præsumendum sit, eum velle, ut subditus peccet, tacite convincitur, voluisse dispensare cum eo, saltem tunc, si de facili potuisset contradicere, ac prohibere, & tamen non contradixit.

III. Directa, seu (ut alii loquuntur) immediata dispensatio illa est, quam Legislator impertit subditis. Indirecta verò, quæ idem se ipsum eximit ab obligatione Legis; quod duobus modis contingere natum est. 1. Quando totam communitatem eximit à Legge; quo casu se ipsum indirectè pariter deobligat. 2. Quando alteri cuiquam v. g. Confessario dat facultatem dispensandi circa suam (Legislatoris. scilicet) personam.

Quæres 2dò, quinam generaliter loquendo dispensare valeant?

R. primò. Generaliter loquendo dispensare potest 1. ipsemet Legislator. 2. Hujus in Jurisdictione Successor. 3. Et utriusque in eadem Jurisdictione Superior. Ita DD. com-

muniffimè. Ratio est: quia obligatio Legis dependet à voluntate Legislatoris, & cùm Successor in Jurisdictione habeat parempotestatem cum suo Antecessore; Superior autem utriusque habeat Jurisdictionem altiorē, à qua dependet Jurdictio Legislatoris inferioris, consequens est, quòd si hi velint subditum dispensatum in Lege, reipsa cesset hujus obligatio respectu dispensati.

439. R. 2dò. Summus Pontifex dispensare potest nedum in Legibus à se Latis; verum etiam in omnibus Legibus positivis, tum à Conciliis generalibus, tum ab aliis Pontificibus Antecessoribus; tum denique etiam ab ipsis Apostolis latis. Ita ex *communi* aliorum tenent Suarez *de Leg. lib. 6. c. 14. Castropalao tr. 3. disp. 6. punct. 4. n. 2. & seqq.* Ratio horum facile colligetur ex proximè dictis; tum ex eo etiam, quòd summus Pontifex in potestate Jurisdictionis neque D. Petro, cujus est Successor, neque cæteris Apostolis sit inferior, licet in aliis prærogativis, ac gratiis eisdem cedere supponatur. Secus dicendum est de Canonibus Apostolorum, quorum non Apostoli, sed Christus Dominus ipse Auctor est; uti est Canon de baptizandis Parvulis, de confirmatione baptizatorum &c. qui, cùm sint juris divini, ne quidem ab ipsomet summo Pontifice abrogari possunt, aut dispensari, uti rectè advertit Laymann *l. 1. tr. 4. c. 22. n. 3.*

440. R. 3tiò Archi Episcopus, vel etiam Episcopus

Scopus potest dispensare in omnibus Legibus Synodi Diocesanae. Ita Suarez *de Leg. lib. 6. c. 15. n. 8.* quem sequitur Babenstuber *ubi supra art. 4. n. 15.* Bonacina & alii. Ratio est : quia ejusmodi constitutiones supponuntur dependere à solo Archi-Episcopo, vel Episcopo tanquam Superiore, & Legislatore; etenim cæteri Sacerdotes, & Clerici non convocantur ad Synodum eo fine, ut ipsi aliquid auctoritative statuant, sed ut res adhibito eorum Consilio eò salubrius, & bono communi convenientius decendantur, atque executioni mandentur. Quod autem de Archi-Episcopis, & Episcopis modò fuit dictum, idipsum ob eandem rationem dicendum, & intelligendum venit de Principibus sæcularibus nec non de Prælati Regularibus gaudentibus Jurisdictione ordinaria in foro externo; hi enim omnes in Legibus propriis, id est, propria auctoritate conditis, dispensare valent, idque etiam Jure ordinario; quandoquidem *ejusdem potestatis esse debeat ligare, & solvere cap. inferior dist. 21. & cap. cum inferior de majorit. & obed.* Inde fit, quòd hanc suam potestatem possint delegare aliis, prout praxis quotidiana probat; sic enim ex variis privilegiis summorum Pontificum nos Religiosi mendicantes possumus dispensare cum sæcularibus in variis votis, sicut, & in privatione petendi debitum, contracta ex incestu commisso cum consanguineo, aut consan-

gui-

guinea conjugis in primo, vel 2do gradu &c. veluti diximus in *Theol. Sacram. part. 3. Confer. 20. n. 495. & 496.* Similiter Domini Parochi gaudent potestate delegata, dispensandi cum suis Parochianis in certis quibusdam casibus, utputa in esu carnum & observantia festorum &c. uti rectè tenet noster A. R. P. Kazenberger cum aliis communiter.

441. R. jam 3tio. Nullus inferior in Lege Superioris dispensare valet, nisi hoc eidem à Superiore fuerit concessum, etsi Superior cæteroquin hanc potestatem dispensandi specialiter non reservaverit sibi soli. Ita Herincx de Leg. disp. 4. n. 20. Babenstuber ubi supra a. 4. n. 16. contra Covarruv. S. Antoninum, & alios nonnullos. Ratio hujus desumi debet tum ex proximè allegato cap. cum inferior. tum etiam ex Clem. ne Romani. de Elect. & Elect. potest. tum denique ex eo: quia inferior nequit mutare jura Superioris, nisi eidem talis potestas fuerit vel expresse, vel tacite saltem concessa: ergo hâc præcisa nequit inferior dispensare.

442. Non tamen abs re dictum fuit: *Nisi hoc à Superiore eidem fuerit concessum.* Dantur enim aliqui casus, in quibus hæc facultas conceditur etiam Prælati inferioribus, sive dein de jure expresso, sive de consuetudinario. Casus autem sunt sequentes. Primò. dum Legislator dicit, in tali Lege dispensari posse, per hoc intelligitur, velle inferiori dare potestatem

tem dispensandi; Secus enim frustra uteretur hujusmodi terminis; cum aliunde notum sit, quod ipse in sua propria Lege valeat dispensare. 2dò. Si vel materia est omnino levis, vel certè frequenter necessum sit, ut dispensetur, aliunde verò tam facilis recursus ad Superiorem v. g. S. Pontificem propter viarum distantiam, vel alia impedimenta non detur. 3tò. Quando est periculum in mora, & urget necessitas, neque Superior ipse tam facile conveniri pòtest. 4tò. Quando legitima consuetudine jam fuit introductum, ut inferior dispense in hoc, vel illo casu. 5tò. Denique, quando dubitatur, an talis casus dispensatione indigeat, vel non. Ita in re tenent Castropalao *part. 1, tr. 3. disp. 6. pu. 5.* Illsung *tr. 1. disp. 2. art. 4.* Babentuber *tr. 3. disp. 3. a. 4. n. 20.*

Quæres 3tò, utrùm dispensatio facta sine legitima causa sit valida.

R. cum distinctione; nam si fiat ab ipso- 443.
met Legislatore, in propria scilicet Lege, valida quidem est, sed non licita; at verò, si Legislator inferior attentet dispensare in Lege Superioris, hujusmodi dispensatio nedum illicita est, sed etiam invalida. Ita rursus *communissimè Doctores*. Ratio posterioris liquet ex dictis *n. 441.* Ratio prioris est hæc; quia vis, & obligatio Legis totaliter dependet à voluntate Legislatoris: ergo quemadmodum potuisset Legem non ferre, aut etiamnum penitus

nitus abrogare, ut diximus in *conferentia proximè precedente*; ita etiam potest quemlibet, saltem validè, eximere ab eadem obligatione. At verò, an Legislator sine justa causa in Lege propria dispensando graviter peccet, major est controversia in Doctores: quocirca Laymann *lib. 1. tr. 4. c. 22. n. 13.* Illsungen *cit. disp. 2. n. 52.* & alii plures negativè quidem respondent; eò quòd Legislator utatur Jure suo, esto hoc aliquò modo abutatur, quemadmodum prodigus abutitur suis pecuniis & tamen nonnisi venialiter peccat: minimè tamen dubitandum arbitror, quin subin etiam possit peccare mortaliter, casu quo prævidet, se dispensando aliis daturum scandalum, vel causam liberiùs prævaricandi, aut prorsus contemnendi Legem, vel, si prævideat, alios v. g. ob remissionem tributi, aut justì obsequii, sine justa causa uni, vel alteri factam, plus justò gravandos &c. Hac de causa Suarez *de Leg. lib. 6. c. 18. n. 9.* tenet Legislatorem sine justa causa dispensando in propria Lege, peccare mortaliter ex genere suo.

Quæres 4^{to}, utrum etiam in Lege naturali dispensari possit auctoritate humana, vel saltem divina?

444. R. in Lege naturali *præceptiva*, aut *prohibitiva* ne quidem Deus, multò minùs homo propriè, & directè dispensare potest. Ita tenet Mastrius *Theol. mor. disp. 2. n. 52.* Schmalzgruber *lib. 1. tit. 2. n. 56.* Michel in *Theol. Can.*

mo.

moralis tom. 1. tr. 4. q. 7. §. 5. punct. 1. n. 18.

Ratio est: quia propriè, & directè dispensare idem est, ac obligationem Legis circa unum, vel alterum tollere, manente eadem materia, & circumstantiis, ita, ut hæc obligatio cesset ob solam, & unicam voluntatem dispensantis; at fieri nunquam potest, ut propter solum beneplacitum divinum materia Legis naturalis, utpote intrinsecè, & ex natura sua honesta, aut inhonesta, de illicita fiat licita, honesta, seu conveniens creaturæ rationali: ergo pariter repugnat, ut, vel Deus, vel homo, quicumque demum, propriè, & directè dispense in Lege naturali.

Dixi tamen, ne Deum quidem propriè, & 445.
directè dispensare posse in Lege naturali; minimè enim negari potest, Deum posse dispensare *impropriè, & indirectè*, idque toties, quoties materia Legis naturalis ejusdem dominio absoluto substat in tantum, ut possit desinere esse materia Legis naturalis. Ex. gr. Lege naturali, & divina prohibemur contrahere rem alienam rationabiliter invito Domino, & vi hujus præcepti minimè licuisset Israelitis auferre bona, seu etiam vasa Ægyptiorum: quia tamen hæc bona temporalia quæcunq; demum substat alto, & absoluto Dei Dominio; hinc potuit is horum dominium transferre in Israelitas, & transferendo efficere, ut hi spoliando Ægyptios non amplius auferrent rem alienam, sed propriam,

&

& consequenter neque furtum committerent, neque rapinam. Ex quo liquet, quomodo materia hujus præcepti auctoritate divina fuerit immutata, & indirectè, seu improprie dispensatum. Videatur R. P. Michel. *loc. cit.*

446. Dixi insuper, non posse *proprie dispensare* in Lege naturali *præceptiva vel prohibitiva*; Sequus enim dicendum est de Lege naturali *permissiva*, vi cujus permittitur tantum, non verò præcipitur v. g. ut bona temporalia omnibus sint communia, item ut quisque gaudeat libertate naturaliter sibi congenita, præsertim in ordine ad eligendum vitæ statum; hæc enim nedum divina, verum etiam humana auctoritate immutari possunt. Ratio est: quia hoc ipsò, quòd sint duntaxat de Jure permissivo, non sunt simpliciter necessaria ad conservandam morum honestatem, sed solum permittuntur per Legem naturæ tamdiu, quamdiu altiori potestati non fuerit visum aliud expedire: ergo cum de facto refrigescente charitate, & crecente simul hominum avaritia, visum fuerit magis expediens societati, ac tranquillitati hominum, ut fieret distributio singulorum bonorum, potuit hæc fieri, & bene facta præsumitur in hodiernum usque diem.

Quæres 5to, quid sit interpretatio Legis, & quotuplex?

447. R. Interpretatio (prout, vel ex ipso nomine hujus vocabuli colligere fas est) idem sonat, ac verbi, vel sententiæ cujusdam clarior

rior expositio, seu declaratio: ideóque interpretatio Legis idem est, ac clarior ejusdem expositio. Porro triplex interpretationis genus à Doctóribus communiter distinguitur; alia enim appellatur *authentica*, alia *usualis*, & alia *Doctrinalis*, seu *Scholastica*. Authentica illa censetur, quæ fit per ipsummet Legislatorem. *Ejus quippe est Legem interpretari* (authentice scilicet) *cujus est condere, ut, unde jus prodit, interpretatio quoque procedat* L. 11. C. de Leg. item *cap. inter alia. de sent. excomm.* Usualis illa meritò appellatur, quam usus, seu consuetudo facit, juxta illud *cap. cum dilectus. de consuet. consuetudo est optima Legum interpret.* Doctrinalis denique ea vocatur, quæ fieri solet à Doctóribus clássicis, seu Scholarum Magistris. Hæc verò, esto non sit authentica sicut prima ex mox recensitis, nihilominus magnam probabilitatem tribuit, propterea que nedum fundare potest resolutionem practicam, sed nequidem ab eadem de facili recedendum est, nisi de contraria mente Legislatoris aliunde constet, veluti bene observat P. Reiffenstuel *Theol. mor. tr. 2. dist. 4. n. 2.*

Quæres tamen 6tò, an vel quænam Regulæ in interpretatione Legum sint observandæ?

R. Observandæ sunt sequentes. I. Interpretatio Legis menti potius, quàm verbis Legislatoris consonare debet. Ratio hujus insinuatur L. *scire ff. de Legibus* ibi: *scire Leges non hoc est, verba earum tenere, sed vim, ac potestatem.* Cæ.
R. P. Elbel, de Act. Hum. & Leg. Gg te.

terùm mens Legislatoris ex rationis Lege posita præcipuè colligi potest, ac debet, prout rursus habetur *cap. intelligentia. de verbor. signif.*

II. Verba generalia Legis generaliter sunt accipienda; nam ubi jus non distinguit, nec nos distinguere debemus, prout loquitur summarium l. de pretio. ff. de publiciana in rem actione. Secus tamen dicendum est, casu quo Lex generalis per aliam specialem immutatur, aut corrigitur, aut ubi circumstantiæ particulares aliud censendum consulunt.

III. Lex pœnalis sicut, & Lex nova correctoria Legis antiqua, & omnis alia odiosa in dubio strictè interpretanda est, nec de facili extendenda ultra casum, aut personas expressas. Ratio est: quia juxta *Reg. 15. Jur. in 6to: odia restringi & favores convenit ampliari.* Et: *In pœnis benignior est interpretatio facienda prout habetur Regul. 49. eod.* Dictum tamen est: *in dubio;* nam si verba Legis quantumvis pœnalis ita clara sint, ut aliam interpretationem non patiantur, vel si aliunde constet certò de mente Legislatoris, tunc oportebit se accomodare Legi, & non sinistrè eam interpretari, prout satis clarè datur intelligi *l. prospexit. ff. qui, & à quibus manumissi.* hisce formalibus: *quod quidem perquam durum est, sed ita Lex scripta est.*

IV. Leges favorabiles amplè sunt interpretanda. Ratio desumitur ex *Regula 15. J. in 6. proximè allegata, ubi dicitur: favores convenit ampliari.* Hac de causa, si quid odiosum statuatur con-

tra

tra Clericos, nomine Clerici non debet comprehendendi Episcopus, ut dicitur *c. quia periculosum. de sent. excomm. in 6to.* Neque intelligi debent Canonici, vel alii in dignitate Ecclesiastica constituti: *arg. cap. Sedes de Rescriptis.* Neque Religiosi *arg. Clem. 1. de supplend. neglig. Pralat.* E contra in materia favorabili prædicti omnes possunt intelligi sub nomine Clerici, quemadmodum & Novitii sub nomine Religiosi veniunt. Videatur de his Reifstuel *lib. 1. decret. tit. 2. §. 16. & 17.* ubi plures adhuc hujuscemodi Regulas tradit, & sapienter dilucidat; id, quod etiam facit noster Herincx *cit. disp. 3. n. 189. & seqq.*

Quæres 7timò, quid sit Epikeia?

¶ Epikeia est benigna interpretatio mentis Legislatoris, vi cujus secundum æquum, & bonum declaratur, hunc non voluisse aliquem casum particularem ob speciales circumstantias in eodem occurrentes in sua Lege universali comprehendere; Nam in omnibus causis potior debet esse ratio æquitatis, quam stricti juris. *l. placuit. c. de judiciis.* Ex quo liquet, Epikeiam in eo differre ab interpretatione, quòd per hanc interpretemur, seu declaremus *verba Legis*, per illam verbò *mentem Legislatoris.* Quocirca Herincx *cit. disp. 3. n. 197* rectè tradit sequentem regulam velut generalem: *quotiescunque moraliter potest constare, quòd Legislator noluerit aliquem casum comprehendere, etsi verba Legis sint generalia, licitum est contra illa operari.*

§. II.

Proponuntur, & breviter resolvuntur Casus practici circa dispensationem, & interpretationem Legum.

CASUS PRIMUS.

Titius germanus, & nobilis Mercator à suo Confessario petiit, ut is secum dispensaret in jejunio, & abstinence ab esu carnium etiam diebus veneris, ac Sabbatinis; tum quia Titius erat vir spectabilis, & ad minùs sexaginta annos natus; tum etiam quia aliunde multis laboribus quasi continuò distentus fuerat, etsi ceteroquin viribus valde adhuc integer, ac robustus videatur. Verùm Confessarius Titio illico respondit, sibi nequam competere potestatem in hac Lege Ecclesiastica dispensandi, proindeque necessario recurrendum fore, vel ad Reverendissimum suum Ordinarium, vel Romam ad S. Pontificem. Petiit proin Titius à Reverendissimo suo Ordinario dispensationem, sed cùm hac eidem rotundè, & absolute fuisset denegata, scripsit Romam, allegando in sua supplica partim ætatem tam perfectam, partim etiam infirmitatem, intelligendo per hanc stomachi debilitatem, vel verius loquendo nauseam, quam comedendo cibos esuriales sentire consuevit, & præsertim defectum somni, quem stomacho vacante una, alteravè vice cape-

re non potuerat. Quam ob rem Româ illico dispensatus fuit, & quidem in perpetuum. Nihilosecius conscientia stimulis agitatus sciscitatur è suo Confessario, an præfata dispensatione tutò possit uti; causam verò dubitandi allegat geminam, primò quòd hanc petièrit propter infirmitatem; cum tamen sibi met non videatur infirmus. 2. Quòd in sua supplica nihil expresserit de hac facultate à suo Reverendissimo Ordinario sibi denegata. Jam verò ad nostrum propositum quæri potest 1. an Confessarius rectè responderit Titio, dicendo, se non posse dispensare in facultate petita? 2. Quidnam Titio dubitanti, & interroganti de valore dispensationis fuerit respondendum?

R. ad primum, Confessarius bene respon- 250:
dit Titio, sibi non competere facultatem dispensandi in jejunio Ecclesiastico. Ratio hujus petenda est ex dictis n. 441. quia nullus inferior potest dispensare in Lege Superioris; atqui Lex jejunii Ecclesiastici utpote lata à S. Pontificibus, est Lex Superioris: ergo Confessarius in hac Lege nullatenus potuit dispensare. Et licet subinde ob evidentiam causæ (qualis potest esse manifesta infirmitas, vel aliud detrimentum grave) Confessarius per Epikeiam possit prudenter declarare, mentem summi Pontificis, aut Ecclesiæ velut piæ Matris non esse, ut taliter infirmatus jejunium servet; quia tamen Titius voluit esse dispensatus absolutè, & in perpetuum, etiam diebus veneris &c. talis verò elus vix, aut ne-

vix quidem possit manere occultus in tantum, quin innotescat Ecclesiæ, ex altera verò parte causa exemptionis non fuerit manifesta; Secus enim Reverendissimus Ordinarius non denegasset facultatem comedendi carnes; hinc Confessarius sapientissimè fecit, Titium dirigendo ad suum Superiorem legitimum: è cuius arbitrio dependet facultas dispensandi.

451. R. jam ad 2dum. Confessarius potuit, ac debuit Titio respondere, quòd is facultate obtenta potuerit tutà conscientia uti; quandoquidem dispensatio fuerit valida. Nec refert, quòd in sua supplica non expresserit, dictam facultatem à suo Reverendissimo Ordinario sibi fuisse denegatam; hoc enim non obstante potuit S. Pontifex, immò verò, teste La Croix l. 1. n. 811. & Kazenberger in *supplem.* 2. P. Sargar. Confer. 39. n. 111. censetur habuisse præsentem absolutam voluntatem.

Esto etiam Titius sibi videatur non esse infirmus, quia tamen in supplica allegavit ætatem grandævam, simulque fatetur, se nedum sentire nauseam ciborum esurialium, verum insuper defectum somni, qui reipsa dici potest morbus, præsertim respectu alicujus seniculi; hinc piè admodum præsumere licet Ecclesiam ceu piam Matrem horum intuitu dispensare voluisse. Adde, quòd in dubio de valore dispensationis obtentæ semper sit præsumendum pro valore actûs, cum pro hoc stet pos-

possessio, veluti cum Sanchezio, Castropal. Tambur. Gobat *Theolog. experim. tr. 9. n. 615. & 682.* tenet La Croix *loc. cit. n. 805.* tametsi proin in hoc casu videatur quodammodo dubium relinqui de sufficientia causæ allegatæ, & de valore dispensationis obtentæ, nihilominus dispensatus practicè tutò se potest resolvere circa esum carniū sibi concessum.

At quid, inquires, si quis non ita senex, vel grandævus ob aliam infirmitatem duntaxat postulet dispensationem perpetuam in esu carniū, & hæc Romæ expediatur cum sequenti clausula, *ut possit comedere carnes de consilio tamen Medici spiritualis, & corporalis.* postea verò Orator prædictus ex integro convalescat, poteruntne in hoc casu dicti Medici dispensare, vel saltem consulere, ut dispensatus protinus pergat comedere carnes?

R. Neque in hoc casu à Medico sive corporali, sive spirituali posse dispensari. Ratio manet eadem, quæ proximè fuit data: quia scilicet nullus inferior dispensare valet in Legge Superioris; tum etiam, quia in Rescripto prædictis Medicis non fuit commissæ facultas dispensandi sed consulendi duntaxat id, quod tum pro gloria Dei, tum etiam pro salute animæ, ac corporis judicaverint magis expedire. Censeo proin, in tali casu, vel maximè attendendum esse ad statum, & conditionem personæ, utputa, an sit persona publica, vel privata, ad divini honoris, vel boni publici pro-

vix quidem possit manere occultus in tantum, quin innotescat Ecclesiæ, ex altera vero parte causa exemptionis non fuerit manifesta; Secus enim Reverendissimus Ordinarius non denegasset facultatem comedendi carnes; hinc Confessarius sapientissime fecit, Titium dirigendo ad suum Superiorem legitimum: è cuius arbitrio dependet facultas dispensandi.

451. R. jam ad 2dum. Confessarius potuit, ac debuit Titio respondere, quòd is facultate obtenta potuerit tutâ conscientia uti; quandoquidem dispensatio fuerit valida. Nec refert, quòd in sua supplica non expresse- rit, dictam facultatem à suo Reverendissimo Ordinario sibi fuisse denegatam; hoc enim non obstante potuit S. Pontifex, immò vero, teste La Croix l. 1. n. 811. & Kazenberger in *supplem.* 2. P. Sargar. Confer. 39. n. 111. censetur habuisse præsentem absolutam voluntatem.

Esto etiam Titius sibi videatur non esse infirmus, quia tamen in supplica allegavit ætatem grandævam, simulque fatetur, se nedum sentire nauseam ciborum esurialium, verum insuper defectû somni, qui reipsa dici potest morbus, præsertim respectu alicujus seniculi; hinc pie admodum præsumere licet Ecclesiam ceu piam Matrem horum intuitu dispensare voluisse. Adde, quòd in dubio de valore dispensationis obtentæ semper sit præsumendum pro valore actûs, cum pro hoc stet
pos-

possessio, veluti cum Sanchezio, Castropal. Tambur. Gobat *Theolog. experim. tr. 9. n. 615. & 682.* tenet La Croix *loc. cit. n. 805.* tametsi proin in hoc casu videatur quodammodo dubium relinqui de sufficientia causæ allegatæ, & de valore dispensationis obtentæ, nihilominus dispensatus practice tutò se potest resolvere circa esum carniū sibi concessum.

At quid, inquires, si quis non ita senex, vel grandævus ob aliam infirmitatem duntaxat postulet dispensationem perpetuam in esu carniū, & hæc Romæ expediatur cum sequenti clausula, *ut possit comedere carnes de consilio tamen Medici spiritualis, & corporalis.* postea verò Orator prædictus ex integro convalescat, poteruntne in hoc casu dicti Medici dispensare, vel saltem consulere, ut dispensatus protinus pergat comedere carnes?

¶. Neque in hoc casu à Medico sive corporali, sive spiritali posse dispensari. Ratio manet eadem, quæ proximè fuit data: quia scilicet nullus inferior dispensare valet in Legge Superioris; tum etiam; quia in Rescripto prædictis Medicis non fuit commissæ facultas dispensandi sed consulendi duntaxat id, quod tum pro gloria Dei, tum etiam pro salute animæ, ac corporis judicaverint magis expedire. Censeo proin, in tali casu, vel maximè attendendum esse ad statum, & conditionem personæ, utputa, an sit persona publica, vel privata, ad divini honoris, vel boni publici pro-

pagationem parum, aut multum conducens, vel omnino necessaria; item an infirmitas cessaverit ex integro, vel non; denique, an sit periculum ob abſtinentiam à carnibus re-incidendi in eandem, vel aliam infirmitatem, vel non; tantò enim ampliùs piè præſumere licet de benigna mente Eccleſiæ, quanto talis persona videtur magis proficua, aut neceſſaria ad promovendam Dei gloriam, & Chriſtianæ Reipublicæ emolumentum. Videatur Wigant tr. 6. exam. 5. de Leg. hum. quaſ. 20. §. dico &c.

CASUS SECUNDUS.

Sempronius deſiderans ducere personam ſibi conſanguineam ſcripſit Romam, allegato uno alterovè rationabili motivo, quam ob rem Roma expedita, & Reverendiſſimo Vicario Generali demandata fuit facultas, ut cum præſatis oratoribus diſpenſaret, modò copula carnalis inter eos non interceſſerit. Quia verò Sempronius eandem ſuam conſanguineam ſapiùs jam cognovit carnaliter, hinc multum ſollicitus & anxius ſciſcitatur è Confeſſario, an hac ſua delicta prædicto Reverendiſſimo Generali Vicario teneatur fateri, caſu quo ab eodem examinabitur de ſuper.

2. An ſtante hac diſpenſatione, & non obſtante memorata clauſula, poſſit ducere ſuam conſanguineam. Quid Judicii?

453. R. Sempronius non tenetur nec publicè, neque privatim interrogatus Reverendiſſimo Vi-

Vicario Generali fateri copulam carnalem cum consanguinea habitam, modò hæc non sit publicè nota, aut publicitati subiecta, ut puta quia memorata consanguinea jam est actu prægnans, aut publicè suspecta de gravidine &c. Ita tenent Gobat *Theol. experim. tr. 9. n. 628*. Lessius in *auct. V. Matrimon. casu 8. apud La Croix lib. 6. part. 3. n. 922*. Ratio est: quia cum rescriptum loquatur pro foro externo; hinc præfata clausula pariter debet intelligi de copula carnali in foro externo, id est, publicè nota. Hac de causa Ayerla, *Diana. tom. 3. tr. 2. Resol. 163.* & alii apud nostrum Kazenberger in *supplemen. 2. P. Sargar. Confer. 46. n. 131*. asserunt, quòd hujusmodi sponsi à Judice Ecclesiastico examinati, & interrogati in foro externo, possint negare, immò etiam cum restrictione mentali jurare, quòd non intercefferit copula carnalis (intelligendo scilicet) *in foro externo notoria*. Idque propterea, vel maximè: quia Ecclesia velut pia Mater non præsumitur velle obligare quempiam, ut fatendo occulta sua crimina, in & pro foro externo se ipsum graviter difamet. Neque etiam necessum est, ut Sempronius prius saltem in foro Sacramentali confiteatur Reverendissimo Vicario Generali, multò minùs, ut propter hujusmodi copulas merè occultas à majori Pœnitentiarario petat absolvi; tum quia non sunt impedimentum dirimens, aut impediens; tum etiam quia

ab his potest à quolibet Confessario absolvi Sacramentaliter, non item à Majori Pœnitentiarario, utpote absente, ut supponitur; tum denique, quia cùm impedimentum consanguinitatis sit notorium, dispensatio, seu ablatio hujus non à Majori Pœnitentiarario, sed in Dataria petenda est, atque impetranda. Videatur de hoc Reiffenstuel *lib. 4. Decret. in appendice de dispensat à n. 192.*

454. R. jam ad 2dam partem quæsit. Titius tu-
tâ conscientia potest contrahere Matrimo-
nium cum sua sponfa consanguinea. Ratio
hujus patet ex proximè dictis: quia vi di-
spensationis impedimentum fuit sublatum,
at, ubi nullum amplius impedimentum in-
ter sponfos occurrit, ibi matrimonium tutâ
conscientia contrahitur: ergo &c.

At quid inquires, si à Majori Pœnitentia-
rio pro foro interno præcisè dispensaretur
cum præfata clausula scilicet; *modo inter Ora-
tores copula carnalis non intervenerit &c.* tene-
renturn tales Commissario, Confessario sci-
licet, vel Doctori in Theologia ab ipsis eli-
gendo (uti communiter rescribi solet) cui
facultas dispensandi concedita fuit, fateri
copulam etiam occultam?

455. R. affirmative. Nam si impedimentum v.
g. affinitatis fuisset ortum ex copula illicita,
tunc Orator debet hanc in sua supplica ex-
primere, prout diximus in *Theolog. Sacram.
part. 3. Confer. 20. n. 500.* ubi modum fur-
mandi

mandi hujusmodi supplicam ex professio tradidimus, proptereaque Lectorem illuc quantum ad hoc remittimus. Neque in hoc casu dispensatio Romæ impetrata unquam continebit præfatam clausulam. At verò, si ob aliud impedimentum merè occultum v.g. criminis fuit impetrata dispensatio cum præfata clausula, tunc dispensandi tenentur Confessario, cui executio dispensationis fuit demandata, in foro conscientie aperire, copulam carnalem, quantumvis secretò commissam; quia talis Confessio pro foro conscientie præcisè injuncta, non debet censerì onus extraordinarium, neque propter hanc Oratores incurrunt specialem infamiam, nisi coram Confessario, cui aliunde jam tenebantur fateri crimina, licet in occulto commissa. Quin immò si copula carnalis perfecta intercessit, delegatus nequit amplius exequi dispensationem; quandoquidem huic supponatur concessa facultas non aliter, nisi sub hac conditione: *modo non intercesserit &c.* ergo ruente hac conditione ruit potestas exequendi facultatem Româ obtentam. Secus dicendum arbitror, si inter dispensandos non intervenisset nisi copula carnalis imperfecta; tum quia Ecclesia nomine copulæ carnalis solet intelligere perfectam, id est talem, vi cujus vir & mulier fiunt una caro, prout diximus *l. cit. ubi de impedimento affinitatis*; tum etiam quia talis clausula utpote odiosa strictè est interpretan-

tanda, & aliunde constat, delictum non intelligi, nisi consummatum. *cap. hæc autem, dist. 1. de pœnit.* ergo hæc clausula non debet extendi ad copulam imperfectam, quippe quæ potius tactibus impudicis, ac lascivis computanda venit, veluti La Croix, aliique DD. satis communiter notant.

CASUS TERTIUS.

CAja puella annò circiter decimo quinto suæ aetatis emiserat votum perpetuæ castitatis; at verò elapsis postea 5. aut sex annis ubi charitas Dei sensim sine sensu cœpit diminui, è contra stimuli carnis &c. augeri, Caja pariter incepit amare, & amari ab hominibus ed usque, ut à quodam suo amasio fuerit impragnata. Quia verò votum simplex duntaxat fuit, & occultè emissum; hinc petiit Româ à Majori Pœnitentiaro dispensationem in ordine ad contrahendum Matrimonium, allegatò geminò motivo, scilicet 1. ut nata proles per subsequens matrimonium legitimaretur. 2. Ut Maritus posset sublevare Matrem Cajæ, quæ erat Vidua simulque hospitissa satis annosa. Post elapsum bimestre circiter venit Româ dispensatio, directâ ad virum discretum, &c. cum solita illa clausula, ut dispenset, si preces veritate nitantur. Quia verò interim nedum proles genita, verùm etiam Vidua, Mater scilicet Cajæ arumnis; præsertim ex infamia filia in se quodammodo reduntantis consumpta obiit, ided Vir ille discretus meritò dubitare cœpit, an præ-

fa.

fatam dispensationem adhucdum potuerit exequi. Quid iudicii?

R. Si tam proles genita, quàm etiam Mater 456.
Vidua obiêre prius, quàm Vir ille discretus (confessarius scilicet) dispensationem actu fuit executus; tunc non amplius potest eam exequi. Ratio est: quia causa finalis motiva necessariò debet verificari pro tunc, quando actualiter dispensatur per deputatum in rescripto, veluti bene tradit R. P. Kresslinger in *addit. 1. ad tr. 2. dist. 4. post n. 26. Theol. mor.* R. P. Reiffenstuel cum Covarruvia de *matrim. part. 2. tom. 1. cap. 6. §. 9. de dispensat. n. 22.* ubi is testatur, ita fuisse decisum à Rota: atqui in hac specie facti fertur, cessasse geminum motivum: ergo ille Vir discretus à Majori Pœnitentiaro deputatus, non potuit amplius exequi dispensationem. Consequenter dicendum, quòd Caja validè quidem, non tamen licitè contraheret matrimonium; quia scilicet votum simplex castitatis est impedimentum impediens, etsi non sit dirimens matrimonium contrahendum, prout pariter dictum fuit *Theolog. Sacram. part. 3. Confer. 3. n. 69. & seq.*

At quid, ais, si supponamus prolem, ac Viduam primùm obiisse, postea quàm Confessarius jam dispensavit cum Caja, ante contractum tamen matrimonium, liceretne huic vi præfatæ dispensationis nubere suo sponso?

R. Tametsi muli hoc negent, eò quòd in 457.
acti;

actibus revocabilibus saltem Legislator censeretur debet, voluisse duntaxat dispensare pro eo tempore, pro quo licite, & sine peccato dispensare potuit: unde quemadmodum (inquiunt ob infirmitatem dispensatus in esu carniū, vel ob debilitatem oculorum in recitandis horis Canonicis, tenetur rursus abstinere ab esu carniū, vel recitare horas Canonicas, quamprimum cessaverit infirmitas; ita pariter tenentur abstinere tales sponsi à contrahendo matrimonio, non obstante dispensatione jamjam impetrata. Ita Sanchez *lib. 8. de Matr. disp. 3.* cum aliis multis: sanè non improbabiler. Nihilominus censeo, sententiam oppositam Gobati *tr. 9. experim. n. 675. & 692.* Castropalao *part. 1. tr. 3. disp. 4. pu. 15.* Illsung *tr. 1. disp. 3. à n. 41.* & Henno *de Leg. disp. 3. q. 15. a. 5.* satis probabilem præsertim in hoc nostro casu. Ratio est: quia dispensatio Cajæ jam semel fuit concessa, & quidem absolutè, non ad certum tempus duntaxat, prout infirmis in esu carniū concedi solet; & Caja à suo voto fuit simpliciter dispensata. Insuper (ait Illsung *cit. n. 43.*) dispensationis ratio fuit legitimatio prolis, ut obtenibilis tempore, quo delegatus hanc dispensationem actu impertiretur; unde vi hujus dispensationis jam actu obtentæ Caja acquisivit jus contrahendi licite: ergo hoc jure privari non debet in dubio: dubium autem est, & valde controversum inter Doctores,

an

an in hoc casu cessat favor dispensationis obtentæ: ergo in hanc potius sententiam, & partem benigniorem inclinandum censeo, eo præsertim quòd inter tales personas cæco amore fascinatas non modicum periculum incontinentiæ communiter soleat intervenire, cujus intuitu Ecclesia solet facilius moveri ad impertiendam dispensationis gratiam.

Fatendum nihilominus est, hujusmodi 458.
sponso tutius processuros, si ad evitanda etiam peccata materialia de novo efflagitent dispensari in tali impedimento, præsertim si hoc fuisset publicum, & notorium, veluti regulariter esse solent impedimenta consanguinitatis, affinitatis, aut publicæ honestatis. Quo non obstante existimo, quòd, si Confessarius prævideat hujusmodi personas non amplius destituras à suo proposito, præsertim si jam omnia ad nuptiale convivium sint præparata, omnino oporteat eas relinquere in bona fide: idque à fortiori dicendum foret, si supponantur matrimonium interim jam actu contraxisse. At verò, si agatur de matrimonio primùm post aliquot septimanas contrahendo, & sponsi de valore, vel licentia hujus ex professo consulant, Confessarius procul dubio sapienter aget, suadendo, ut de novo contentur impetrare beneficium dispensationis.

Ergone, inquires, necessum erit, ut de novo recurrant Romam non sine magnis incommodis, & intolerabilibus expensis?

¶.

459. R. Probabilissimè non tenentur ampliùs recurrere Romam; enimverò si agatur de voto simplici castitatis etiam perpetuæ, & quidem occulto duntaxat quilibet Confessarius Mendicantium poterit dispensare. Si verò agatur de alio impedimento notorio, ut puta consanguinitatis, publicæ honestatis &c. poterit in tali casu dispensare Reverendissimus Ordinarius, seu Episcopus, præsertim hic in Germania. Ratio est: quia, quemadmodum Nos Mendicantes possumus dispensare in voto castitatis perpetuæ, sed dubio, ita Episcopi Germaniæ dispensare possunt in aliis impedimentis matrimonii dubiis, & jure humano duntaxat introductis, prout partim ex dictis n. 442. partim etiam ex iis, quæ diximus *part. 3. Theol. mor. Sacram. Confer. 20, n. 493.* constare potest: at, si dispensatio jam semel fuit Romæ obtenta (uti supponitur in hoc casu) & postea primùm oritur dubium, an adhuc valeat, eò quòd causa finalis videatur cessasse ex integro, eò ipso impedimentum relinquitur dubium: ergo potest Episcopus Germaniæ dispensare in tali casu, præsertim cum aliunde constet, quòd Ecclesia ad obviandum animarum periculis in dubio velit impedimenta matrimonii, jure humano introducta, esse remota. Videatur de hoc Sanchez in *Decalog. lib. 4. c. 40. n. 26.* Castro-palao *tr. 3. disp. 6. p. 5. n. 20.* Barbosa de *potest. Episcop. part. 2. Alleg. 35. n. 19.*

S. III.

§. III.

Corollaria ex dictis inferenda.

Colliges 1^{mo} ex hæcenus dictis ad valo- 460.
rem dispensationis indispensabiliter ne-
cessariam esse voluntatem dispensandi ex
parte Legislatoris, vel hujus substituti. Ra-
tio est: quia obligatio Legis dependet à vo-
luntate Legislatoris: ergo si is nolit hanc sub-
latam, semper perseverabit. Hac de causa di-
spensatio data sub conditione non valet, nisi
subsistat conditio; quia voluntas dispensan-
tis pariter fuit conditionata duntaxat. Simili-
ter dispensatio concessa ad certum tempus
v.g. infirmitatis &c. eò elapso, & cessante in-
firmitate, pariter cessat, idque ob rationem
mox datam.

Sed quid, inquires, si dispensans post dispen-
sationem impertitam moriatur, licebitne di-
spensato protinus uti tali privilegio?

R. cum distinctione. Nam si dispensatio 461.
nedum Romæ (vel ab alio v. g. Episcopo)
expedita, sed insuper dispensato effectivè, seu
actu jamjam communicata sit, manebit sem-
per, præsertim si causa dispensandi adhuc
subsistat, vel casus ipse, in quo dispensatum
fuit, sit irretractabilis, veluti est status ma-
rimonialis Sacerdotalis, aut Clericalis. Si-
militer si dispensatio quidem Romæ, aut in
R. P. Elbel, de Act. Hum. & Leg. Hb Cu-

Curia Episcopali jam fuit expedita, nondum tamen per substitutum v. g. Confessarium executioni mandata, tenebitur is subsistente adhuc causa finali, & non obstante morte ipsius Legislatoris dispensationem exequi, veluti habetur decisum *c. 9. de offic. de Leg. in 6to*. Et merito, nam dispensatus per ipsam expeditionem jam acquisivit quoddam jus, & hæc dispensatio jam obtinet rationem *gratia facta* per ipsum Legislatorem, nec stat amplius in arbitrio, vel mero beneplacito delegati, eam, exequi, vel non. Adde, quod juxta *Reg. 16. Jur. in 6. Beneficium à Principe Concessum deceat esse mansurum*.

At verò, si Legislator obiisset eo tempore, quò primùm cogitasset dispensare, ideòque dispensationis gratia nondum fuisset facta, sed *primum facienda*, tunc post mortem voluntas Legislatoris nihil amplius patrocina-bitur, prout rursus habetur decisum *cap. si cui nulla, §. fin. de prabend. in 6to*. Videatur Kresslinger ubi supra addit. 3.

462. Colliges 2do, tam dispensationem subreptitiam, quàm etiam obreptitiam esse invalidam, & nullius valoris. Ratio est: quia subreptitia illa vocatur, quando in supplica ab Oratore reticetur veritas necessario exprimenda: è contra illa obreptitia appellatur, in qua exprimitur falsitas, seu aliquid falsum, quo cognito Legislator nunquam dispensasset. Ratio est: quia hisce stantibus Legislatoris

toris intentio censetur fuisse nulla, veluti habetur *s. ad aures &c. constitutus de Rescriptis*; at, sine voluntate Legislatoris dispensatio nulla est, uti proximè fuit dictum: ergo &c. Unde si quis ad obtinendam dispensationem in esu carniùm à Medico exprædicet testimonium, simulando nescio quam infirmitatem, utputa debilitatem stomachi, nauseam ciborum &c. si tamen reipsa talis infirmitas non subsistat, dispensatio pariter debet censi nulla, & dispensatus reipsa toties peccat mortaliter, quoties vñ talis dispensationis carnes comedere præsumit.

Colliges 3tò, beneficium dispensationis 463. semper esse postulandum, & impetrandum à Superiore, Legislatore scilicet, vel hujus delegato. Ratio est, quia dispensatio est actus Jurisdictionis, soli Superiori competentis. Quia tamen non est actus Jurisdictionis contentiosæ, sed voluntariæ duntaxat; hinc fit, quòd Superior etiam secum ipso dispensare possit ex rationabili causa; eò præsertim, quòd ipse non debeat esse deterioris conditionis, quàm sint subditi, quibus cum dispensare valet. Cæterùm rationabiles causæ à Concilio Tridentino *ss. 25. c. 68. de reform.* recensentur tres generaliter loquendo, scilicet 1. quando id exigit *necessitas*, vel 2. *pietas*, vel denique 3. *utilitas*.

Colliges 4tò, Beneficium dispensationis, 464. nec concedi posse, nisi subdito. Ratio est

eadem : quia scilicet est actus Jurisdictionis, qui non valet, nisi exerceatur in subditum. Neque ex hoc sequitur, quod nos Mendicantes, utpote destituti subditis, dispensare non valeamus; Tametsi enim nos tales non habeamus, habet tamen summus Pontifex, cujus nomine, & auctoritate veluti quidam substituti, ac delegati fungimur, nedum absolviendo fideles, undeunde demum ad nos confluentes, sed insuper cum iisdem in variis votis, & casibus, exigente rationabili causa dispensando.

Dices. Quis ergo dispensabit cum vagabundis, & peregrinis?

465. R. Cum vagabundis probabiliter potest dispensare Episcopus loci, ubi morantur, idque, vel quia juxta probabilem multorum Doctorum opinionem ratione presentaneæ habitationis sortiuntur forum, vel saltem, quia in ordine ad obtinendam dispensationem, velut actum Jurisdictionis voluntariæ tantum & non contentiosæ, possunt sese subijcere Episcopo &c. Et ita tenent La Croix lib. 1. n. 799. Sanchez, Lessius & alii plures apud hunc videndi. Idipsum ob eandem rationem de peregrinis docet Basilii Pontius apud nostrum Herincx *disp. 4. de Leg. n. 30.* De his tamen major est controversia inter Doctores volentibus nonnullis, quod Episcopus nequeat cum ipsis dispensare, nisi in Episcopatu fixerint verum domicilium : aliis
econ-

è contra asserentibus, sufficere ad hoc quasi domicilium, quippe per quod fiunt subiecti Episcopo. Utrumque satis probabile puto, veluti ex rationibus in utramque partem adductis viderelicet apud Castropalao *part. 1. tr. 3. disp. 6. pu. 7. §. 2. n. 4.* nostrum Kazenberger in *supplem. Theol. Decalog. c. 1. sect. 4. n. 458. & seqq.* nec non apud R. D. Aug. Michel *Theol. can. moral. tom. 1. tr. 4. q. 7. §. 5. pu. 2. n. 15.* Tentare proin licebit fortunæ aleam: an verò Episcopus sit dispensaturus meliùs docebit experientia.

Colliges igitur, neque summum Pontificem 466 dispensare posse in Lege divina, nec Archiepiscopum, vel Episcopum in Lege Pontificia, nec denique Superiorem Regularem in statutis à toto corpore Capituli conditis, nisi id expresse, vel saltem ex consuetudine legitima eisdem permittatur. Ita communissime DD. Suarez *de Leg. l. 6. c. 15. n. 4. & 5.* Babenstuber *tr. 3. disp. 3. art. 4. n. 18. & 19.* Ratio est; quia secundum dicta, per se loquendo, nullas inferior dispensare potest in Lege Superioris: at, quemadmodum Deus est Superior respectu S. Pontificis, ita Pontifex est Superior respectu Archiepiscopi, vel Episcopi, & denique Corpus totius Capituli est Superius quàm sit Prælatus Regularis v. g. Provincialis &c. ergo hi, nequeunt dispensare, saltem per se loquendo, ut dictum est.


Dices contra hoc. Summus Pontifex dispensat nedum in votis, ac Juramentis, verum

insuper in matrimonio rato, nec non in matrimonio spirituali Episcopum inter & Ecclesiam: atqui hoc est dispensare in Jure divino; quandoquidem vi voti, vel Juramenti Deus acquisiverit quoddam jus speciale: ergo &c.

467. *N. Concess. Maj. disting. min.* hoc est dispensare *directè* in jure divino, nego, *indirectè* conmin. & neg. conseq. Nam Deus vult duntaxat, ut obligatio voti servetur, quamdiu hæc legitima auctoritate non fuerit remissa: Pontifex verò ceu legitimus Superior omnium fidelium habet potestatem remittendi tale votum juxta illud *Matth. 16. c. v. 19. quodcumque solveris super terram &c.* ergo voto semel relaxato corrui obligatio: neque hoc est propriè dispensare in Jure divino, sed potius in fundamento illius, inquit Castropalao *tr. 3. disp. 6. pu. 3. n. 6.* Quemadmodum parens irritando v. g. votum sui filii sub patriæ potestate constituti, non dispensat propriè, vel irritat jus divinum.

468. Colliges denique 6tò, ad evitandum peccatum non sufficere dispensationem præsumptam, vel ratihabitionem Superioris primùm de futuro, id est, talem, quam Superior primùm daret, si desuper requireretur: sed debet esse dispensatio præsumpta de præsentī, id est, jam actu sive ex jure, sive ex consuetudine concessa. Ratio est: quia ut subditus agendo contra Legem Superioris evitet peccatum, debet necessariò actu, & de
præ-

præsenti fuisse exemptus à Lege: atqui per dispensationem primò dandam, vel impetrandam nondum est actu exemptus à Lege, sed primùm eximetur: ergo quemadmodum per voluntatem Superioris primò futuram, qua is cogitat ferre Legem, nullus subditus actu adstringitur, seu obligatur; ita è contrario per voluntatem Superioris, quâ is præsумitur, quòd primùm dispensaret, nullus subditorum censerì potest, aut debet actu exemptus ab obligatione Legis, veluti sapienter advertit Babenstuber *ubi supra* a. 4. n. 8.



CONFERENTIA DECIMA SEPTIMA.

De consuetudine. SUMMARIUM.

- 469. Consuetudo ut sic est quoddam jus moribus constitutum &c.
- 470. Quæ communiter solet dividi 1. in *Canonicam & Civilem*. 2. in eam, quæ est *juxta, præter, & contra* Legem.
- 471. Ad consuetudinem legitimam necessariò requiruntur quinque conditiones, quæ
- 472. Brevissimè explicantur, & declarantur.
- 473. Consensus Legislatoris potest esse, vel *Legalis*, vel *personalis*.
- 474. Ad introducendam consuetudinem via *prescriptionis*, & mediante consensu *Legali* requiritur, & sufficit decennium.

475. Ad introducendam verò viâ conniventiz, & mediante consensu personali, sufficere potest brevius temporis spatium, tametsi hoc universaliter determinari nequeat.
476. Per actus etiam formaliter malos potest introduci consuetudo obtinens vim Legis;
477. Qui tamen actus non habent se per modum causæ efficientis, sed potius per modum conditionis sine qua non.
478. & 479. Satisfit duabus instantiis in contrarium factis.
480. Resolvitur Casus I. cujusdam Religiosi, du-bitantis, an negligendo cursum, id est, officium majus B. Virginis, peccet.
481. Ex eo, quòd transgressor soleat puniri à Legislatore, vel Superiore, rectè inferitur, hujusmodi consuetudinem obligare sub culpa.
482. An, vel qualiter Religiosus peccet garriendo tempore silentii, quod diuturna consuetudine videtur sublatum?
483. Resolvitur Casus II. cujusdam Cauponis Salisburgensis, qui tempore nundinarum consueverat hospitibus A catholicis administrare carnes etiam diebus ab Ecclesia interdictis.
484. Qui minimè excusandus est eo, quòd prædicti A catholici etiam domi existentes comedissent carnes.
485. Neque ex eo, quòd à medico facilè potuissent ex præticare testimonium de necessitate comedendi carnes.
486. Resolvitur Casus III. De quodam alio Caupone, qui ad se indemnem conservandum consueverat cerevisiæ infundere aquam.
487. Quidnam tenendum sit de praxi quorundam lanionum, Pistorum, aut mercatorum, qui in mensura, pondere, vel numero solent circumvenire emptores?

488. Et quidnam Confessarius circa tales observare debeat?

489. Contra Legem naturalem vel divinam nequit introduci consuetudo legitima.

490. Similiter consuetudines, vergentes in detrimentum immunitatis Ecclesiasticæ, sive realis, sive etiam personalis, nullius sunt roboris.

491. Idipsum tenendum est de consuetudinibus, vergentibus in ruinam disciplinæ Ecclesiasticæ.

492. Legislator excipiens contra omnem consuetudinem &c. intelligi debet de consuetudine præexistente, non item de futura, id est, in futurum legitimè introducenda.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos circa consuetudines hinc inde occurrentes.

QUæres primò, quid sit consuetudo?
 R. Consuetudo est jus quoddam moribus constitutum, quod pro Lege suscipitur. 469.
 Ita præter alios Doctores Reiffenstuel *Theol. mor. tr. 2. dist. 4. n. 35.* quò loco idem Doctor sapienter advertit, consuetudinem generatim loquendo dupliciter sumi posse, scilicet 1. pro ipso usu seu frequentatis actibus, quæ propterea ab aliis appellari solet consuetudo *facti*.
 2. Sumitur pro ipso Jure, quod tandem ex hujusmodi actibus frequentatis accedente consensu Legislatoris nasci solet, diciturque *consuetudo juris*; de qua posteriori verificatur

descriptio mox tradita. Solet insuper consuetudo communiter appellari *jus non scriptum*, ad differentiam Legum, seu constitutionum, quæ dicuntur *jus scriptum*.

Quæres 2dò, quotuplex sit consuetudo?

470. R. Breviter, consuetudinem, ut sic communiter dividi I. in *Canonicam & Civilem*. Prior est, quæ versatur circa materiam spirituales: posterior verò, quæ præcisè versatur circa materiam politicam, & temporalem. Porro, si talis consuetudo sit ubique passim recepta, dicitur *consuetudo generalis*, seu etiam *universalis*: si verò ab una duntaxat communitate v. g. Religiosa &c. recepta sit, dicitur *consuetudo particularis*.

II. Dividi solet consuetudo, ut sic in eam, quæ est *juxta, præter, & contra Legem*. Juxta Legem illa appellatur, quæ Legem præexistentem usu & exercitio confirmat, prout dicitur *c. in istis. §. Leges dist. 4.* Vel, ut ait Engel *loc. cit. §. 4. n. 6* vi cujus Lex ad certum modum observatur, juxta illud, *c. cum dilectus. de consuet. consuetudo est optima Legum interpret.* Præter Legem verò appellatur, quæ in materia non præcepta novam obligationem inducit. Contra Legem verò illa meritò vocatur, quæ Legem antecedentem tollit, vel simpliciter vel secundum quid.

Quæres 3tiò, quænam conditiones ad legitimam consuetudinem sint necessariae?

471. R. Sequentes quinque, scilicet I. Ut sit
ra.

rationabilis. 2. Legitimè præscripta, seu introducta. 3. Per actus frequentatos liberè, ac notoriè exercitos à subditis, & quidem. 4. animò introducendj Legem, ac sele obligandi; 5. Denique consensus Legislatoris saltem tacitus. Ita tenent in re *communissimè* DD. nominatim Mezger, Pettschacher, M. D. Schmier, noster Herincx & alii plures. Unde explico brevissimè singulas conditiones mox recensitas.

I. Rationabilis debet esse atque honesta, id est, de tali materia, quæ sit conveniens communitati, & bono creaturæ rationalis; secus enim non posset habere vim Legis, quippe quæ necessariò debet esse honesta velut morum-regula prout dictum fuit *Confer. 9. n. 236*

II. Debet esse præscripta, id est, debito, ac præscripto tempore introducta, & sine interruptione continuata.

III. Per actus frequentatos, id est, tam frequenter à communitate exercitos, ut inde meritò possit colligi voluntas & consensus populi; & quidem

IV. Cum animo introducendi consuetudinem; secus enim Legislator nunquam vult communitatem obligatam ad novum onus, quantumvis hoc de se, & sua natura supponatur bonum. Hac de causa piissimæ nonnullæ consuetudines plurium fidelium, uti sunt consuetudo sumendi aquam lustralem, orandj ad pullum salutationis angelicæ, quo-

quotidie audiendi sacrum, singulis mensibus communicandi &c. non obligant, neque præcipiuntur ab Ecclesia, tametsi hæc non ignoraret, hujusmodi pias consuetudines multum invaluisse in cordibus & communitatibus fidelium.

V. Denique consensus Legislatoris, vel maximè est necessarius ad legitimam consuetudinem introducendam; idque propterea: quia *jus non scriptum* æquè, ac *scriptum* debet derivari à potestate Legislativa; quandoquidem sortiatur veram vim Legis, veluti amplius constabit ex dicendis: atqui sine consensu Legislatoris consuetudo non descenderet à potestate Legislativa: ergo necessum est, intervenire hujus consensum; quo circa

473. Advertendum hic venit, alium esse *consensum personalem*, alium verò *legalem*, qui etiam nominari solet *juridicus* vel *generalis*. *Personalis* dicitur, qui immediatè procedit à persona Legislatoris; vel quia is talem consuetudinem expressè approbat, vultque eam deinceps obligatorie observari; vel certè quia saltem non contradicit, tametsi de facili posset se opponere: quo casu locum habet illa notissima *n. 43. Regula Jur. in 6to: qui tacet, consentire videtur*. *Legalis* verò, seu etiam *generalis*, ac *juridicus* consensus ille appellatur, qui vi juris communis conceditur, quippe in quo sæpius exprimitur, consuetudinem certis, ac debitis conditionibus vestitam, habere vim

vim Legis. Ita constat ex utroque Jure *cap. fin. de consuet.* item *l. 32. nec non l. 1. & ult. C. quæ sit. long. consuet.*

Quæres 4to, quantum temporis spatium necessum sit ad hoc, ut consuetudo sortiatur vim Legis?

R. cum distinctione. Ut enim consuetudo *viâ præscriptionis* inducatur, necessum est, & 474
sufficit decennium non interruptum, siue sit in materia civili, siue Ecclesiastica, idque siue Princeps sit absens, siue præsens: è contra ad introducendam consuetudinem *viâ conniventia*, id est, tacitæ saltem approbationis Principis, potest sufficere tempus decenniô brevius. Ita cum *communî DD.* tenent Herincx noster *disp. 3. de Leg. n. 67. & 69. Michel Theol. can. mor. tom. 1. tr. 4. q. 1. pu. 3. n. 16. Haunold de J. & J. tr. 1. proëmil. c. 3. con. 2. n. 130.* Ratio prioris est: quia jura plus non requirunt, quàm diuturnam, seu longam consuetudinē, veluti constare potest ex *L. 33. & 35. ff. de Legibus*: atqui tempus longævum reputatur decennium, *Instit. de usu cap. §. 1. & l. si. C. de præscrip. long. temp. ergo &c.* Ratio autem posterioris est: quia secundum hætenus dicta, vis obligandi dependet à voluntate, & consensu Legislatoris: ergo quò citius is consuetudinem ratificat, & approbat velut obligatoriam, eò citius etiam vim Legis obtinebit.

Sapienter proin noster P. Herincx *cit. disp. 475. §. n. 69. in fine*: ait, non posse generaliter definiri

finiri-quantitatem temporis, quando consuetudo introducitur viâ conniventiae, per consensum scilicet tacitum Legislatoris; sed hoc esse desumendum ex diversis circumstantiis & conjecturis, utputa scientiae Principis, an scilicet sciverit hanc consuetudinem, an multum, vel parum sese opposuerit, tametsi de facili potuisset, item an materia multum, vel parum conducat, aut expediat bono communi &c.

Ex quibus omnibus bene ponderatis tandem prudenti iudicio decidendum erit, an de voluntate Principis sufficienter praesumi possit, vel non.

Quæres adhuc 5^{to}, utrum etiam per actus formaliter malos, seu peccaminosos introduci valeat consuetudo, obtinens vim Legis?

476. **n. Affirmativè.** Et ita contra Engel, & nonnullos alios tenet M. D. Franc. Schmiedl *lib. 1. tit. 1. c. 9. sect. 2. §. 1. n. 48.* ubi pro eadem opinione citat Suarez, Castropalao, Haunold, Wiestner, & Schmalzgruber, quibus accedit Reiffenstuel *lib. 1. Decret. tit. 4. §. 5. n. 143.* Ratio est: quia subditi volentes introducere consuetudinem contrariam priori Legi, debent habere animum agendi contra Legem præexistentem, & contra voluntatem Legislatoris: atqui talis animus, vel actus inde procedentes sunt peccaminosi, & quidem formaliter, non autem materialiter duntaxat: ergo per actus formaliter malos potest introduci consuetudo habens vim Legis.

Pro

Pro meliori tamen, & genuina hujus sententiae intelligentia advertendum est, quod actus formaliter mali à tota communitate frequentati, non se habent per modum causae efficientis, sed solum per modum conditionis sine qua non nasceretur, vel introduceretur consuetudo, causa namque efficiens, & dans vim hujusmodi consuetudini, est voluntas Legislatoris; qui, si praevideat, eam esse expedientem communitati, sive dein ad nonnihil diminuendam Legum copiam, sive etiam ad tollendum conscientiarum laqueum, sive denique ad suavius gubernandum populum, ejusve benevolentiam captandam, sapienter omnino aget, eandem ratificando, & approbando, non utique eo fine, ut subditorum malitiam foveat, sed potius ut eam impediat, & meliori modo bono publico prospiciat.

At, inquires fortassis, omnis Lex, consequenter omnis consuetudo obtinens vim Legis, debet esse rationalis: atqui actus peccaminosi, eò ipsò, quod tales supponantur, & quod repugnent Legi rationali praëxistenti, nequeunt esse, vel dici rationabiles: ergo nec obtinere vim Legis.

¶. negando min. vel disting. actus peccaminosi, *quà* peccaminosi, nequeunt esse rationabiles, concedo. Actus *qui* peccaminosi, nego, vel subdisting. quamdiu non accedit consensus Legislatoris, trans, accedente consensu

senſu Legislatoris , neg. min. cum conſeq. Nihil enim prorsus obſtat, quò minùs Lex præexiſtens ſecundùm unam rationem, & in ordine ad certum aliquem finem , ſeu reſpectum fuerit rationabilis, ſimulque conſuetudo eidem contraria ſecundùm aliam rationem, aut finem pariter cenſeatur rationabilis: Sic enim Lex poſterior priori contraria poteſt ſtatui ſecundùm dicta ſuperiùs , ideòque ex certo reſpectu poteſt eſſe nedum rationabilis, ſed etiam (præſertim mutatis circumſtantiis) magis expediens, quàm fuerit prior.

Dices tamen adhuc : per actus formaliter peccaminofos nequit introduci gratia in animam, nequidem diſpoſitivè: ergo ſimiliter per actus formaliter peccaminofos nequit introduci conſuetudo in communitatem.

479. R. neg. conſeq. Cùm enim actus formaliter peccaminofi ſemper ſint , & maneat mali, Deus nunquam poteſt illos approbare, nec illorum intuitu conferre gratiam: è contra actus formaliter mali à Legislatore humano approbari poſſunt, non quidem quia formaliter mali vel peccaminofi, ſed quatenus ſub certo aliquo fine ad bonum commune conducere poſſunt: conſequenter poteſt Legislator humanus velle, ut deinceps talis conſuetudo tranſeat in vim
Legis.

§. II.

Proponuntur, & breviter resolvuntur Casus practici circa consuetudines diversas.

CASUS PRIMUS.

*T*itius Religiosus tempore Novitatus sui cum reliquis suis connovitiis ex laudabilissima & recepta consuetudine Ordinis quotidie recitavit cursum B. V. Mariae; ast verò posteaquam professione deposita capit frui liberiori aura, & à suo Directore seu etiam Instruatore spiritali minus observari, sat frequenter sin minus ex toto, saltem ex parte eundem cursum omisit; & quod pejus est, locò orationis & tempore silentii cum aliis garrivit. Factus jam pœnitens & retractans nedum omissiones, sed & commissiones mox commemoratas, sciscitatur è Confessario suo 1. an deinceps ad Cursum Marianum, utpote antiquissima sui Ordinis consuetudine jamjam receptum, teneatur sub culpa? 2. An si deinceps denuo garriret tempore silentii, in conscientia culpa reatum incurreret: rationem verò dubitandi allegat hanc, quòd scilicet id ipsum ab aliis passim fieri videat, ideòque observantia silentii contraria consuetudine jamjam videatur abrogata. Quid ad hac Confessarius?

R. P. Elbel, de Aet. Hum. & Leg. Ii & ad

480. R. ad primum, vel maximè attendendum esse, an illa antiquissima consuetudo Ordinis (ut dixit Titius) fuerit recepta cum obligatione, vel potius ex mera devotione, sicut aliæ multæ consuetudines præctantur, secundum dicta n. 472. Quantum ad alios Religiosos dubito vehementer, an, saltem extra chorum, teneantur sub culpa ad recitandum hoc Officium Marianum, de quo in dubio minimè præsumendum est, juxta dicta Confer. 6. n. 169. Certè in nostro Ordine, tametsi hætenus laudabili consuetudine introducta sit illa recitatio Cursus Mariani, hæc tamen consuetudo nunquam transiit in vim legis, sed potius se habet per modum consilii: qua de causa in nostris statutis Provincialibus Anno 1720. *Augusta editis cap. 6. n. 1.* solum dicitur: *Monentur omnes Patres & Fratres, ut cursum B. V. Maria privatim, quantum possibile est, quotidie orent*: quæ verba, ut consideranti patebit, potius vim consilii, quàm præcepti obtinent.

At, inquires, juxta P. Herincx *de leg. disp. 3. n. 65.* & alios plures, an consuetudo aliqua obliget, vel non, ex sequentibus potissimum indiciis colligendum est, scilicet 1. si consuetudo sit difficilis, & de re gravi, & nihilominus à Populo observetur. 2. si Superiores eam obligare supponant, &
trans-

transgressores punire soleant. 3. si prudentes & timorati male sentiant, de non servantibus talem consuetudinem. 4. denique, si obligatio consuetudinis bono publico multum conducatur: at, minimè dubitandum est, quin laudabilissima hæc consuetudo multum per omnem modum conducatur pro bono nostri Seraphici Ordinis, quippe qui B. V. MARIAM velut singularem advocatam sui hac devotione colere intendit; quam ob rem de transgressoribus hujus sanctæ consuetudinis non adeo bene sentiri solet, quin etiam Novitii aut Professii post Novitiatum ob hujus neglectum puniri solent: ergo &c.

Ex his indiciis equidem colligi posse, 481.
consuetudinem obligare saltem sub pœna transgressoribus taxanda; minimè tamen, quòd etiam obliget sub culpa in conscientia incurrenda; nec verum videtur, quòd Superiores nostri unquam supposuerint, hanc laudabilem consuetudinem in conscientie foro nos constringere. Sanè ne hoc quidem de mente Reverendissimi Patris Herincx præsumendum est, quippe qui Officio Commissarii Generalis laudabilissimè functus, & aliunde circa nostrum Institutum Seraphicum apprimè versatus, procul dubio noverit, in nostro S. Ordine quamplures vigere consuetudines, quæ in
I i 2 foro

foro conscientiae minimè obligant ad culpam, sed ad poenam duntaxat transgressoribus taxatam, vel taxandam.

482. R. jam ad idem. Praefatus Religiosus (nisi aliunde speciali voto sese obstrinxisset, vel quid mali locutus fuisset) tempore silentii garriendo per se loquendo non incurrit reatum culpae in conscientia. Ratio est: quia in nostro saltem Ordine Seraphico (certè & in aliis pluribus) silentium non praecipitur vi Regulæ, & sub culpa, sed vi statutorum duntaxat: atqui statuta S. Ordinis nostri non obligant in conscientia ad culpam, sed tantum ad poenam, veluti expressè declaratur in iisdem statutis generalibus cap. 8. §. 10. immò & in Provincialibus: idipsum jam pridem declaravit Sixtus IV. Bullâ, quæ incipit: *circumspecta* anno 1480. videnda apud nostrum Rodriguez QQ. Reg. tom. 1. q. 10. art. 2. & apud KerKhove in *statuta general.* c. 2. §. 10. n. 17. Nihilominus Confessarius tenetur Titio eximere illam persuasionem sinistram, quâ existimavit, contra silentium claustrale in ulla Religione bene ordinata unquam praescriptum fuisse, aut praescribi posse; nam praescriptio cuiuscunque demum consuetudinis nullam habet vim, nisi accedat consensus Superioris, seu Legislatoris: atqui Superiores Regulares hætenus nec consenserunt, nec unquam,

quam, quamdiu eisdem mens sana fuerit, consentient in abrogationem silentii claustralis, eò vel maximè, quòd juxta effatum deuotissimi Thomæ Kempensis *serm. 4. ad Novitios*: in nullo statu & ordine stabit pax & disciplina, si non adsit censura silentii? ergo &c.

CASUS SECUNDUS.

Sempronius Caupo fatetur, se in nundinis, quæ hic loci quotannis celebrari solent ad initium Quadragesimæ, nonnullis Mercatoribus Acatolicis diebus ab Ecclesia interdictis carnes administrasse hætenus in occulto saltem, idque sine scrupulo, & quidem ex sequentibus motivis 1. quia etiam sui Antecessores idipsum assueverant. 2. quia secus faciendo fortassis eosdem suos hospites avertisset, sine ulteriori spe cujusdam lucri ab iisdem deinceps captandi. 3. denique, quia iidem hospites velut inimici capitales jejuniis Ecclesiastici, immò & Ecclesia, ac Pontificis nec domi existentes servassent jejunium ecclesiasticum. Quaritur jam, an coram Deo & tutâ conscientia Sempronius hanc suam consuetudinem deinceps continuare possit?

R. Sempronius nec hætenus potuit, 483. nec deinceps poterit tutâ conscientia suis hospitibus condescendere, sed peccabit graviter toties, quoties ex allegatis præcisè motivis eisdem administraverit carnes;

quandoquidem tali modò evidenter cooperetur ad transgressionem præcepti Ecclesiastici, & hòc ipso sese reddat participem peccati alieni. Nec refert, quòd id ipsum à suis Antecessoribus fuerit practicatum; hæc enim consuetudo corruptela potius disciplinæ Ecclesiasticæ, quàm humanorum actuum regula dici debet, utpote contra quam hic loci præsertim, ubi meri, & boni quidem Catholici morantur, à supremo Principe nunquam non fuit contradictum, prout Sempronius ipse benenoverit: secus enim procul dubio suis hospitibus carnes non in occulto, sed palam & publicè præbuisset.

484. Nec refert, quòd præfati Mercatores domi existentes carnes manducassent, immò etiam hic in loco merè Catholico aliunde fortassis per fas & nefas sibi de iisdem providissent: non, inquam, refert; quia hujusmodi consuetudines Acatholicorum, Ecclesiasticis constitutionibus repugnantes, non sunt authenticæ, nec unquam à Superiore legitimo, Summo scilicet Pontifice approbatæ, & hoc ipsò non habent vim, quempiam eximendi vel excusandi à peccato transgressionis, prout facile colligi poterit ex dictis suprà *Confer. 13. n. 355.* Unde quemadmodum Sempronius hujusmodi hospitibus providendo in sua domo de meretrice, & procurando occasio-
- nem

nem carnaliter peccandi, minimè foret excusatus à peccato scandalì, esto iidem domi existentes sibimet providissent; ita sanè graviter delinquit, eisdem administrando carnes contra præceptum Ecclesiæ &c.

At, inquiet fortassis Sempronius, tamesi ego eisdem non administrassem carnes in occulto, nihilominus à Medico de facili obtinuissent testimonium de esu carnum, sibi, & suæ complexionì, vel stomacho utpote acatholico, prorsus necessario, & per consequens cum iisdem auctoritate Ecclesiastica pariter fuisset dispensatum in publico esu carnum: quidni ergo præstet, in occulto huiusmodi hominibus carnes administrare, quàm publicè eundem fortassis non sine scandalo aliorum, admittere?

R. Tuum non est mi bone Semproni, 485.
dijudicare Medicum, vel eum nimix laxitatis in dandis hujuscemodi testimoniis arguere: quin potius præsumere nos oportet, eum facturum id, quòd conscientia dictaverit. Si secus fecerit, non tu pro illo, sed ipse pro se tenebitur Deo reddere rationem: non igitur præstat, in occulto deinceps à te administrari carnes; quia hoc modò passim præberetur occasio quibuslibet transgrediendi præcepta Ecclesiæ, & quidem sine omni dispensatione &c. quòd, quàm inconveniens sit & absurdum, nemo prudentum non videt.

CASUS TERTIUS.

Cajus pariter Caupo, sed è classe illorum, qui cerevisiam ab alio praxatam cogitur emere, & postea primum aliis vendere, conquiritur, quòd in doliis è communi praxatorio sibi altaris semper soleant deficere aliquot, v. g. tres vel quatuor mensura, quam ob rem ad se indemnem servandum, solet singula dolia aquam superinfundendo usque summum implere, quamprimum in suam cellariam fuere deposita: & licet hoc hactenus semper sine scrupulo practicaverit, eo quòd sciat, alios sibi similes id pariter practicare, ita, ut mos iste merito credatur jamjam transisse in consuetudinem; nihilominus ad quietandam deinceps, & magis serenandam suam conscientiam sciscitatur, an hac consuetudo sit rursus conscientia practicabilis? Quid ad hac Confessarius, vel Theologus desuper interrogatus?

486. R. Si verum sit, quòd Cajus ad sese indemnem servandum cogatur cerevisiæ admiscere aquam modò præfato (prout revera contingere potest hujusmodi pauperculis, quibus ex hujusmodi venditione præter multas incommoditates aliæque pericula, plerumque parum lucri relinquatur) potest ac debet Cajo à Confessario permitti memorata praxis; tum quia his suppositis consuetudo hæc aliunde satis practicata, pru-

prudenter reprobari nequit; tum etiam quia hujusmodi Caupones (germanicè *Biers Gäßler*) per hoc nulli faciunt injuriam, modò admixtio illa aquæ fiat in quantitate respectivè modica, & non excessiva, ita scilicet, ut nullum inde damnum aut incommodum Emptoribus sit inferendum, & cerevisia (idem tenendum foret de vino vel aliis hujusmodi mercibus) sit idonea ad usum, cujus gratiâ emitur. Videantur de hoc Laymann *lib. 3. tit. 4. c. 17. §. 2. n. 15.* Molina *disp. 353. in fin.* Lessius *lib. 2. c. 21. dubit. 11.*

Ergone, inquires, probanda est illa communissima praxis Lanionum, Pistorum, Mercatorum &c. ut cujus ad sese indemnes servandos (uti communiter ajunt) vel in pondere, ut puta carniū, aut panis; vel in mensura vini, aut olei; vel denique in qualitate, aut numero, etiam contra taxam à Principe vel Magistratu fundatam emptores suos solent decipere?

R. Hanc praxin etsi satis frequentem, 487. regulariter loquendo non mereri nomen, consuetudinis legitimæ, sed potius corruptelæ humanæ Societatis, & germanæ fidelitatis. Ratio est: quia, cum regulariter loquendo pretia rerum à Magistratu vel Principe soleant justè taxari, eo ipsò consequens est, quòd contrarium agentes, & contra communem taxam alios circumvenientes

peccent contra justitiam, & quidem cum onere restitutionis.

Secus dicendum foret, casu quo manifestè constaret, pretium irrationabiliter, & injustè fuisse taxatum, utputa quia deputati à Magistratu ex odio, passione, munerum acceptatione, vel etiam errore aut ignorantia seducti pretium rerum justò minùs determinârunt, vel jam pridem justè quidem positum modò tamen ob mutatas notabiliter circumstantias, è quibus justitiæ taxa dependet, priorem taxam non mutârunt; hoc enim supposito hujusmodi taxa nullam haberet vim obligandi in conscientia, sicut nec aliæ leges injustæ. Et hanc ob causam hujusmodi praxis persæpe à confessariis permittenda est poenitentibus lamentantibus, & conscientia attestantibus, certum esse, quòd stante tali taxa, vel ipsimet grave damnum pati, vel certè omni honesto lucro, unico ipsorum ac prolium suarum sustentationis medio, carere deberent, suàmque tabernam, vel opificium omnino deferere cogerentur. Videatur de hoc Bonacina *disp. 3. de restit. q. 2. punct. 4. n. 7.* item *pu. 6. n. 17.* vel Reiffenstuel *lib. 3. decret. tit. 17. §. 5. n. 137.*

488. Diximus tamen: *casu quo manifestè constaret &c.* Enimverò in dubio, an taxa pretii à Principe vel Magistratu posita justa sit, nec ne; præsumendum omnino est de justiti-

justitia legis, eique etiam in foro conscientie acquiescendum, juxta *communissimam* DD. apud Molinam *disp. 364. n. 5.* eò quia universaliter in dubio possessio stat pro Superiore. *Argum. Can. quid culpatur. 4. caus. 23. q. 1.* Quam ob rem idem Molina *disp. 353.* sapienter admonet Confessarios, ne pœnitentibus hujusmodi fraudes indistinctè, & inconsideratè admittant, sed prius circumstantias benè examinent, iisdem maturè perpensis adhuc conscientias pœnitentium onerent, ne plus in pondere, aut mensura detrahant, quàm ad complendum justum pretium sit necessarium. Vide, si placeat, ea, quæ diximus *de Restitut. Confer. 6. n. 164. & seqq.*

§. III.

Corollaria ex dictis inferenda.

Colliges ex hætenus dictis primò, eas^{489.} consuetudines, quæ vel juri naturali, vel divino repugnant, nullius esse valoris, aut roboris, prout apertissimè decisum legitur cap. ult. de consuet. Ratio est: quia nulla lex potest abrogari sine consensu Superioris legitimi: atqui DEus non consentit, immò, verò in ea, quæ legi naturali repugnant, utpote intrinsecè mala, uti sunt consuetudo blasphemandi, mentiendi, adulterandi, aut fornicandi &c. nequidem potest

test consentire: ergo. Hanc ob causam nulla valet consuetudo contraria decem præceptis decalogi, immò nec contra tertium præceptum, nisi in hanc consentiret legitimus Superior, S. scilicet Pontifex.

490. Colliges 2dò, consuetudines in detrimentum immunitatis Ecclesiasticæ, sive realis, sive etiam personalis vergentes pariter nullius esse roboris. Ratio est: quia Ecclesia hujusmodi consuetudines nunquam approbavit, sed potius damnando reprobavit, prout videre licet tum *ex cap. ad nostram. 3. de consuetud. item ex cap. Clerici 8. de Judic. aliisque pluribus videndis apud M. P. Francisc. Schmier lib. 1. tr. 1. c. 9. sect. 3. n. 110. & Herincx cit. disp. 3. de leg. n. 221. in fine.*

491. Colliges 3tiò, idipsum esse sentiendum de iis consuetudinibus, quæ vel enervant disciplinam ecclesiasticam, vel foveant occasiones peccandi, aut bonis moribus adversantur. Ratio hujus est eadem, quæ proximè fuit data: quia scilicet Ecclesia non vult, immò sine gravissima causa nequidem potest approbare hujusmodi usus vel potius abusus, utpote vergentes in detrimentum honoris divini, & repugnantes ultimato juri naturali ac divino: at, sine consensu Superioris consuetudo quæcunque demum, nullius est roboris, veluti dictum fuit n. 472. ergo. Vid. Schmier *loc. cit.*

cit. à p. 112. vel Pirhing. tit. de consuet. X. sect. 2. §. 2. per totum.

At, quid, inquires, si Legislatur humanus v. g. S. Pontifex ferendo novam constitutionem expresse excipiat contra quamcunque consuetudinem, utputa dicendo: *non obstante quacunque consuetudine &c.* poteritne nihilominus introduci consuetudo contraria tali constitutioni?

R. Vi hujus clausulæ duntaxat excipitur 492. contra quamcunque consuetudinem præ-existentm, non item contra consuetudinem in futurum introducendam. Ratio est: quia dicta clausula debet habere aliquem effectum: at, nequit habere effectum contra consuetudinem in futurum; quia Legislatur nequit suo Successori adimere potestatem, quin possit eandem approbare, præsertim si successu temporis fuerint mutatæ circumstantiæ: ergo debet habere effectum contra consuetudinem præ-existentm, quippe quam solam Legislatur ceu legitimus Superior potest improbare: ergo &c. Herincx *part. 2. tr. 3. disp. 3. n. 220.*

Reiffenstuel *lib. 1. decret. tit. 4.*

§. 8. n. 186.

❧ (0) ❧

CON-

CONFERENTIA DECIMA OCTAVA.

De Privilegiis.

SUMMARIUM.

493. Privilegium ut sic est constitutio Principis vel Legislatoris, tribuens specialem favorem.
494. Quod primario dividi solet in personale, & reale.
495. Aliæ nonnullæ subdivisiones breviter recensentur.
496. Omnis, & solus ille, qui gaudet potestate legislativa, potest concedere privilegium propriè tale.
497. Privilegium strictè tale, nequit concedi nisi subdito, bene tamen minùs strictè tale.
498. Privilegium concessum illicò valet, quam primùm à Procuratore fuit acceptatum.
499. Quò non obstante potest privilegiatus peccare, si utatur privilegio priùs, quàm scit, hoc sibi fuisse concessum.
500. Quidnam circa privilegiorum interpretationem generaliter sit observandum?
501. Privilegium contrarium juri communi per se loquendo strictè est interpretandum.
502. Nisi cedat in favorem causæ piæ, vel eidemet juri communi inferatur.
503. Econtra privilegium in nullius præjudicium,
aut

aut incommodum vergens, latè interpretari debet.

§ 104. Quænam sint Privilegia Clericis & Religiosis in communi concessa?

§ 105. De Privilegiis in particulari benevolus lector remittitur ad certos quosdam Authores.

§ 106. Omnes Mendicantium Ordines gaudent inter se plenissima, & perfecta communicatione privilegiorum.

§ 107. Quin immò etiam non mendicantes iisdem gaudere possunt, ac vicissim.

§ 108. Quod intelligi debet nedum de privilegiis hætenus jam concessis, verùm insuper de concedendis imposterum.

§ 109. Nihilominus hæc communicatio patitur quandam limitationem valde notabilem.

§ 110. Privilegia semel concessa cessare possunt ex triplici capite, utputa 1. ex natura privilegii. 2. ob rationem privilegiantis, & 3. ob rationem privilegiati.

§ 111. § 112. & § 113. singula capita breviter dilucidantur.

§ 114. Resolvitur Casus I. cujusdam ex S. Ordine nostro Vicarii, qui in absentia Guardiani non fuit ausus dispensare cum subdito infirmo in jejuniis regulari &c.

§ 115. Nec benedicere Paramenta Ecclesiastica ab extraneo sibi oblata ad benedicendum.

§ 116. An, & quinam Superiores Regulares cum suis subditis dispensare valeant in irregularitate?

§ 117. Resolvitur Casus II. de quodam Sæculari, qui postulavit sepeliri in nostra Ecclesia, R. D. Parocho contradicente.

§ 118. Quænam cautelæ in tali casu observandæ sint à Superiore Regulari?

519. Utrum in tali Casu Officium & Missa pro defuncto necessariò dici debeant in Ecclesia Parochiali?
520. Resolvitur Casus III. de quadam Persona, quæ uterino suo fratre mediante poculo venenato à se occiso, ad nos recurrit.
521. Quidnam Confessarius id inaudiens debuerit eidem consulere?
522. An talis persona, utpote non gaudens privilegio asyli, debeat extradi curiæ sæculari, & quænam cautelæ in tali casu sint observandæ?
523. Privilegia concessa integris familiis aut communitatibus, censeri debent realia, & non personalia.
524. Unde in dubio colligi possit aut debeat, an privilegium sit personale, vel verò reale?
525. Privilegiatus etiam extra territorium uti potest favore sibi concessio, modò talis usus non cedat in præjudicium alterius Legislatoris.
526. Potestas dispensandi, & absolvendi à reservatis, concessa sine expressione personæ dispensandæ &c. est amplè interpretanda;
527. Sicut & illa, quæ concedi solet tempore Jubilæi respectu omnium fidelium.
528. Contrarium tenendum est de potestate eligendi confessarium, alicui personæ privatæ duntaxat concessa.
529. Religiosorum privilegia regulariter loquendo latè sunt interpretanda.
530. Communicatio privilegiorum inter Religiosos intelligi debet cum quadam proportionc, & limitatione.

§. I.

Præmittuntur, & breviter resolvuntur Quæsitæ scitu necessaria ad debitè resolvendos Casus practicos circa Privilegia, præsertim Religiosos tangentia.

QUæres primò, quid sit Privilegium propriè tale, & quotuplex?

R. ad primum. Privilegium propriè tale^{493.} est constitutio Legislatoris, tribuens specialem favorem ad plures actus. Ita la Croix lib. 1. n. 832. Ex qua descriptione facile liquet, privilegium ut sic differre 1. à Lege, per hoc, quòd non postulet dari Communitati, nec promulgari, neque concedi in perpetuum. 2. à gratia, & licentia per hoc, quòd hæc non postulent dari ad plures actus sicut privilegium. Denique 3. à dispensatione differt, per hoc, quòd hæc semper sit quædam exemptio à lege communi, non item privilegium, veluti constabit amplius ex dicendis.

R. jam ad 2dum. Privilegium ut sic^{494.} communiter dividi solet I. in *personale*, & *reale*. Personale dicitur, quod conceditur immediate alicui personæ ratione sui, id est, personæ. Reale verò, quod confertur intuitu alicujus rei, utputa loci, officii, di-

R. P. Elbel, de Act. Hum. & Leg. Kk gni-

gnitatis &c. Porro inter hæc duo privilegia id discriminis Doctores communiter advertunt, quòd privilegium personale sequatur, & quodammodo concomitetur personam, qua expirante pariter expirat per *cap. Privilegium. de R. I. in 6to.* Reale verò sequitur rem, & transit ad omnes, ad quos transit ipsa res. *L. Imperatores ff. de publicanis.* quo fit, quòd hoc privilegium alicui communitati concessum communiter duret perpetuò, quemadmodum ipsa communitas, non verò illud. Videatur de hoc Herincx *part. 2. tr. 3. disp. 4. n. 56.*

495. II. Dividi solet privilegium in *gratuitum*, id est, mere gratis concessum, & in *remuneratorium*, quod scilicet datur intuitu meritorum præcedentium. III. in *absolutum*, & *conditionatum*. Hoc posterius datur sub conditione, qua non subsistente non valet: illud prius datur sine ulla conditione, & hoc ipso illico suum sortitur effectum. IV. in *odiosum*, & *favorabile*. Odiosum appellatur, quod ita in unius favorem & commodum confertur, ut principaliter in alterius incommodum ac damnum cedat, uti est v. g. immunitas à decimis solvendis, utique satis odiosa illi, cui competit jus exigendi decimas. Favorabile autem appellatur, quod præter juris communis exemptionem nemini principaliter incommodum vel damnum affert, uti est exemptio à
lege

lege jejunii, ab interdicto communi &c. Plures aliæ subdivisiones minùs principales videri possunt apud Illsung *tr. 1. disp. 3. a. 2. à n. 8.* & Mezger *tom. 2. tr. 8. disp. 37. a. 2. §. 2. à n. 7.*

Quæres 2dò, quisnam possit concedere privilegium?

R. Hoc potest omnis, & solus ille, qui ^{496.} gaudet potestate legislativa. Ita Herincx *l. cit. n. 59.* Ratio facile eruitur ex dictis: quia nomine privilegii propriè talis intelligitur *constitutio Legislatoris &c.* Est proin aliquis Paterfamilias, vel etiam Superior non gaudens potestate legislativa, possit subinde alicui subdito specialem favorem concedere, etiam ad plures actus; nihilominus talis favor non erit propriè dictum privilegium, nisi fiat auctoritate ipsius Legislatoris.

Quæres 3tiò, utrum Legislator possit cuilibet, etiam non sibi subdito, conferre privilegium?

R. Cum distinctione. Nam privilegium ^{497.} strictè dictum, quod scilicet est *contra jus*, nequit conferri, nisi aliquò modo subdito: bene verò privilegium minùs strictè acceptum, seu *prater jus* dictum. Ratio prioris est: quia per privilegium contra jus privilegiatus eximitur à lege, & Legislator concedendo hujusmodi favorem exercet actum jurisdictionis: atqui nemo potest à

lege eximi, nisi eidem fuerit subiectus, nec potest Legislator actum jurisdictionis exercere nisi in sibi subditum: ergo &c. Ratio autem posterioris est: quia concessio privilegii præter jus (id est, tale, cujus actus, vel materia non est quidem jure prohibita, sed tamen non, nisi certis personis concessa, uti est potestas dispensandi &c.) non est tam actus jurisdictionis, quam donationis, & domini illius rei, vel juris, quod per privilegium confertur, uti bene observat Herincx *loc. cit.* atqui donatio fieri potest etiam non subdito, ut de se liquet: ergo etiam concedi privilegium &c.

Quæres 4to, quandonam Privilegium à Principe vel Legislatore concessum suum sortiatur effectum?

498. R. Hunc sortitur illico, quam primum à Procuratore fuit acceptatum, tamen si privilegiatus adhuc ignoret illud sibi fuisse concessum. Ita Castropalao *tr. 3. disp. 4. pu. 3. §. 2. n. 12.* Sanchez *in Summa lib. 4. c. 48. n. 7.* Michel *tom. 1. Theolog. Can. mor. tr. 4. q. 7. §. 8. pu. 3. n. 9.* Ratio est: quia concedens privilegium absolute vult (ut supponitur) subditum à lege exemptum: ergo is illico eximitur, quantumvis ignoret exemptionem, quia secundum dicta superius obligatio legis tota quanta præcisè & unice dependet à voluntate Legislatoris.

Quo-

Quocirca tamen advertendum est, quodd499.
si talis subditus ignarus privilegii sibi concessi, nihilominus agat contra legem communem, & quidem mala fide, sine dubio possit peccare, non quidem contra legem, vi privilegii sublatam respectu sui, sed contra conscientiam erroneam: sicut is, qui immemor dispensationis obtentæ, malâ conscientia carnes comederet. Hac de causa graviter peccaret, qui Româ quidem petit facultatem absolvendi ab hæresi, vel Casibus Bullæ Cœnæ, aut ducendi suam consanguineam, vel affinem &c. illico præsumeret, facultatem hanc jam sibi fuisse concessam, proptereaque matrimonium contraheret, vel à casu Bullæ Cœnæ absolveret; quia tales revera sese exponunt periculo transgressionis gravis, cum irreverentia, vel etiam nullitate Sacramenti, tametsi absolutio taliter data, vel etiam matrimonium contractum subsisteret, post dispensationem, vel privilegium à Procuratore actu acceptatum, non obstante ignorantia privilegiati. Videantur de hoc Herincx *disp.* 4. n. 72. Pellizarius *tr.* 8. c. 3. n. 91.

Quæres 5to, quomodo privilegia sint interpretanda?

R. I. In Casu, quo verba aut tenor privilegii mentem vel intentionem privilegiantis non satis exprimit (ubi enim de mente Legislatoris satis constat, interpretatione 500.

opus non est) potissimum attendi debet, tum ad materiam privilegii, tum etiam ad motiva & finem concedentis privilegium: finis autem plerumque colligi poterit ex proœmio constitutionis, prout sapienter advertit P. Mezger *tom. 2. tr. 8. disp. 37. art. 3. n. 1.* Communiter enim Legislator solet in tali præfatione exprimere motiva & finem, cujus gratia vult privilegiatum à lege exemptum, vel tali favore præditum. Quodsi omnibus perpensis adhuc dubium relinquatur, per se loquendo, ubi id moraliter fieri potest, consulendus est Legislator: sin minus fieri valeat, consulendus erit homo prudens, & in tali materia, vel arte interpretandi peritus; pro cujus majori intelligentia

501. R. 2dò ad quæsitum. Privilegium contra jus commune concessum, regulariter loquendo est strictè interpretandum: similiter privilegium derogans alterius particulari juri jam acquisito strictè debet interpretari. Ita cum *communi DD.* Herinax ubi supra *disp. 4. n. 89. & 90.* Michel *loc. cit. punct. 4. n. 6. & 16.* Illsung *tr. 1. disp. 3. n. 33. & 34.* Ratio hujus posterioris est: tum quia Legislator concedendo favorem, seu privilegium speciale, non censetur velle præjudicare juri alterius, nisi id specialiter exprimat, prout habetur *L. Nec avus. 4. C. de*

de emancipat. liber. item c. 9. X. de sepultur.
tum etiam, quia privilegium, quatenus de-
rogans juri-pesitivo vel actu acquisito ab
altero, est odiosum: atqui odia convenit
restringi juxta *Regul. 15. Jur. in 6.* Neque
de mente legislatoris præsumi debet facile,
quod voluerit alterius juri derogare, nisi
occurrat specialis causa vel ratio: ergo &c.
Ratio autem prioris est: quia privilegium,
in quantum derogat juri communi, habet
se per modum dispensationis: atqui dispen-
satio in lege communi est strictè interpre-
tanda, tunc saltem quando observantia le-
gis necessaria est ad conservationem boni
publici; nam recta ratio dicitur, semper
esse majorem rationem tenendam pro con-
servatione boni publici, quàm privati:
ergo &c.

Dictum tamen fuit: *per se loquendo stri* §02.
ctè interpretanda esse præfata privilegia &c.
Hanc enim regulam Doctores communiter
limitant, excipiendo primò privilegia in
favorem causæ piæ concessa. 2. Privile-
gia inserta corpori juris. 3. Item privile-
gia concessa ex motu proprio, vel ex certa
scientia. Ratio est: quia in his casibus Prin-
ceps censetur voluisse specialiter favere:
ad ampliandam verò Principis auctorita-
tem & honorem, omnino expedit, ut si-
milis privilegia latè interpretemur, prout

rectè tradit Michel *cit.* 17. 4. q. 7. §. 6. pu. 7
n. 14. cum Sanchezio.

- §03. R. jam 3tò ad quæsitum. Privilegium, quod in nullius præjudicium cedit, est amplè interpretandum. Ratio est: quia est purum beneficium à Principe concessum; atqui purum beneficium Principis amplè esse interpretandum, constat ex *l. beneficium. ff. de constitut. Princip.* Et juxta Regulam juris proximè allegatam *favores conveniunt ampliari: ergo &c.*

Quæres 6tò, an, vel quibus privilegiis gaudeant Clerici, præsertim Religiosi?

- §04. R. Clerici sæculares gaudent privilegio *Feri, & Canonis*; de quibus videri possunt ea, quæ diximus in *Theolog. Sacram. part. 1. Confer. 21. n. 21. & 22.* Porro præter hæc duo Clerici Religiosi (in communi loquendo) insuper gaudent sequentibus. 1. Vi Religiosæ professionis in statu gratiæ factæ, adipiscuntur plenariam remissionem omnium suorum peccatorum, nedum quoad culpam, verum etiam quoad pœnam. 2. Vi ejusdem professionis Religiosæ eximuntur obligatione votorum præcedentium, non præjudicantium juri alterius, non quidem per modum commutationis, sed quia profitens se ipsum totaliter offert, & offerendo facit quantum successiva suorum votorum adimplerione facere potuisset, prout teste P. Mezger *cit. disp. 39. art. 5.*

§. 1.

§. 1. n. 4. Doctores communiter tenent. 3.
 Vi ejusdem professionis tollitur irregularitas ex defectu natalium orta, ut proin omnes illegitimi, etiam spurii, in approbata Religione professi, ad Sacros Ordines (non tamen ad Prælaturas & dignitates Ecclesiasticas) sine alia dispensatione promoveri possint. per *cap. 1. de filiis Presbyt.* quamvis in rigore loquendo hujuscemodi favores non mereantur dici privilegia, eò quòd non dentur ad plures, sed potius ad unum, & intuitu unius actus. Videatur de hoc Kazenberger in *Supplem. n. P. Sargar Confer. 55. n. 153.*

Dictum insuper fuit, hæc esse Religio-
 forum privilegia in communi loquendo &c.
 Nam de privilegiis singulorum Religio-
 rum in particulari agere, quemadmodum
 ad hanc materiam de legibus per se non
 pertinet; ita nec de iisdem fusiùs tractare
 intendimus hòc loco, eò præsertim, quòd
 amplitudo hujus materiæ exigeret integrum
 volumén. Nonnulla quidem hinc inde in
 prioribus tractatulis jamjam inseruimus:
 de reliquis verò, si dubium emergat, lecto-
 rem benevolum remittimus ad Auctores ex
 professo de hac materia tractantes scilicet,
 Chassaingum, Payrinis, Antonium à Spi-
 ritu S. Petrum ab Angelis, Virgilium ab
 Alvilet &c. in quibus abundè inveniet,
 quod desideraverit.

Quæres 7^{timò}, an, vel quanta commun-
nicatio privilegiorum de facto detur, præ-
sertim inter Religiosos?

506. R. primò. Religiosi mendicantes habent
inter se plenissimam, absolutam, & perfe-
ctam communicationem privilegiorum.
Ita, teste Reiffenstuel *lib. 5. decret. tit. 33.*
§. 3. n. 55. unanimiter Doctores hac de re
scribentes. Ratio est; quia id à diversis
Pontificibus obtinuerunt, nominatim à Ju-
lio II. Leone X. Pio V. & Clemente VIII.
quorum Bullæ nedum in Bullario Romano,
sed etiam apud Rodriquez *tom. 3. QQ. Regular.*
& apud Reiffenstuel *loc. cit.* in terminis vi-
deri possunt. Idipsum Sacro Ordini no-
stro Seraphico pro sua erga hunc singulati,
& nunquam satis extollenda clementia am-
plissimè confirmavit & indulgit SS. M. Pa-
ter ac Pontifex Benedictus XIII. in sua
Bulla *Summè decet* edita 1727. quinto no-
nas Aprilis: in qua §. V. confirmat nedum
in specie plurima privilegia Sacro Ordini
nostro, ab Antecessoribus suis concessa, sed
insuper etiam alias gratias, per modum etiam
communicationis, & extensionis cum aliis Or-
dinibus Mendicantium, & non Mendicantium,
præsertim S. Benedicti, Ordinis Prædicatorum,
nec non Societatis Jesu concessas &c. Quin
immò §. VI. insuper confirmat, *quascunque*
etiam Apostolicas litteras, in favorem nostræ
Religionis Seraphicæ quomodocunque editas
atque

atque vulgatas, dummodo earum existentia legitime & valide comprobetur &c.

R. 2dò. Probabilissimè omnes Ordines §07.
etiam non Mendicantium gaudent privilegiis nostris, & reliquorum Mendicantium. Ita tenent Joannes de Cruce *lib. 2. c. 4. conclus. 1.* Salmanticenses *c. 1. de privileg. p. 7. n. 9.* eosque secutus Mezger *tom. 2. tr. 8. disp. 37. a. 4. §. 3. n. 90.* Ratio est: quia quemadmodum diversi Pontifices specialiter faventes Nobis (id est, Mendicantibus) clementer indulgere, ut possemus gaudere aliorum non Mendicantium privilegiis; ita vicissim alii S. Pontifices, ob singularia merita aliorum Ordinum non Mendicantium, eisdem concessere, ut possent nostris etiam gaudere privilegiis, prout videre licet tum apud Doctores proximè allegatos, tum etiam apud P. Virgilium Alviset *de Privilegiis sect. 4ta. dub. 1.*

Quinimò nedum communicationem §08.
privilegiorum hætenus jam concessorum, sed etiam deinceps concedendorum clementissimè fuisse concessam à diversis Pontificibus, haud improbabiler tenet Mezger *l. cit. n. 10.* cum aliis pluribus allegatis.

Verum ad pleniorẽ hætenus dictorum §09.
de communicatione privilegiorum intelligentiam, advertendum est, hanc doctrinam esse duntaxat intelligendam de privilegiis generaliter alicui Ordini vel Religioni concessis, non

non item de illis, quæ 1. vel alicui Religioso privato tantum fuere concessa; quia juxta *Reg. 7. Jur. in 6to. privilegium personale personam sequitur, & extinguitur cum persona.* Nec 2. de iis, quæ alicui Ecclesiæ, vel loco ad tempus determinatum fuere concessa, uti sunt indulgentiæ concessæ in honorem alicujus Sancti, vel cujusdam Altaris privilegiati ad tot vel tot annos v. g. quinquennium. Nec denique 3to, de privilegiis ob aliquam specialem rationem uni Ordini, vel loco concessis; uti sunt v. g. indulgentiæ concessæ intuitu alicujus imaginis miraculosæ: quemadmodum enim talis ratio specialis supponitur non occurrere pro alio loco vel imagine; ita neque indulgentia loci vel imaginis concessa rationabiliter potest extendi. Et ob hanc causam (inquit Reiffenstuel *lib. 5. tit. 33. n. 62.*) communiter tenent Doctores, vix uno vel altero excepto, indulgentias Portiunculæ non communicari Ecclesiis aliorum Ordinum, præter Ordinem S. P. N. Francisci. Videatur de hoc Antonius à Spiritu S. in *directorio Regularium tr. 1. disp. 1. sect. 3. n. 42. & seqq.* vel Donatus *part. 1. tom. 1. tr. 7. 14. & 15.*

Quæres 8vo, an, vel quibus de causis privilegia semel concessa soleant cessare, & expirare?

R. Di-

2. Diversis de causis privilegia cessare § 10. solent, quæ tamen omnes commodè revocari possunt ad tria capita, scilicet 1. ob naturam ipsius Privilegii. 2. ob rationem Privilegiantis, & 3. denique ob rationem ipsius privilegiati. Explico breviter singula capita.

I. Ex natura sua privilegium expirare § 11. solet 1. quando hoc fuit duntaxat concessum ad tempus limitatum v. g. quinquennium; quo elapsio cessat, ut de se clarum est. 2. quando fuit duntaxat concessum sub conditione: qua non subsistente privilegium pariter corrui, aliunde notum est. 3. cessat insuper privilegium, quando causa finalis & motiva ex integro cessavit. Ratio horum omnium est: quia *actus agentium non operantur ultra intentionem eorum. l. non omnis. ff. si certum pet.* at, supponitur in his casibus, non fuisse aliam intentionem Legislatoris privilegium concedentis, quam ut hoc valeat ad certum tempus, vel sub certa conditione: ergo &c.

II. Ob rationem privilegiantis potest § 12. cessare privilegium 1. quando is moritur: quod tamen intelligi debet de casu, quo privilegium concessum nondum transiit in gratiam factam, id est, completam, & plenarie impertitam, ante mortem Privilegiantis, sed primum erat facienda, id est inchoata & nondum completa; tametsi Herincx

rincx cit. disp. 4. n. 96. aliique multi Doctores satis probabile existiment, quòd, si v. g. Summus Pontifex ante suum obitum jam alicui demandaverit, ut huic vel illi consignet certum aliquem favorem seu privilegium, talis gratia non exspiret cum morte S. Pontificis, quippe qui, quantum erat ex sua parte, gratiam jam fecit, ut proin mandatario non amplius liberum sit, privilegium concessum expedire vel non, modò causa finalis hujusmodi concessionis adhuc subsistat. 2. Potissimum etiam cessare potest privilegium ob expressam, vel saltem tacitam revocationem privilegiantis; quam ob causam privilegia Regularium; adversantia decretis SS. Concilii Tridentini sess. 25. de Regularibus, sicut & illa, quæ adversantur præcedentium ejusdem Concilii Sessionum decretis, continentibus clausulam sufficienter derogatoriam, seu etiam revocatoriam, hodie nullius sunt roboris, tametsi adhucdum valeant ea, quæ contrariantur aliis decretis ejusdem S. Concilii, non continentibus clausulam specialiter derogatoriam privilegiis Regularium, prout colligere fas est ex sequenti propositione n. 36. ab Alexandro VII. damnata 1666. 18. Martii: *Regulares possunt in foro conscientia uti privilegiis suis, quæ sunt expressè revocata per Concilium Tridentinum.* Similiter privilegia vivæ vocis oraculò à diversis SS.

SS. Pontificibus olim concessa Regularibus, postea fuerunt revocata & cassata per Gregorium XV. & Urbanum VIII. aliquibus duntaxat exceptis, prout videre licet apud Reiffenstuel *l. 5. decret. tit. 33. §. 6. & 7.* nec non apud Illsung *tr. 1. disp. 3. art. 9. 10. & 11.*

III. Ob rationem privilegiati cessat privilegium 1. si privilegiatus moriatur. Vel 2. si huic renunciaret, modò sit in ipsius potestate, renunciare, vel non; dantur enim nonnulla privilegia, quibus, tametsi homo privatus renunciare vellet, tamen non potest; sic enim Clericus privatus nequit renunciare privilegio fori & canonis, utputa permittendo se verberari &c. Nec Religiosus privatus validè renunciare potest privilegio totì Communitati Religiosæ concessò, eò quòd tales favores non intuitu unius duntaxat Clerici vel Religiosi privati, sed potius immediatè in bonum totius status Ecclesiastici, aut Regularis fuerint concessi. 3. denique privilegium subinde potest amitti per *non usum*, vel etiam per abusum privilegiati. Quandonam verò id contingat, prolixioris foret tractationis, quæ cum sit à scopo meo aliena; ideo pro contingentia facti lectorem benevolum remitto ad Doctores proximè allegatos, scilicet P. Reiffenstuel *l. cit. §. 8.* Illsung *disp. 3. art. 8.* vel Mezger *tom. 2. tr. 8. disp. 38. art. 3. §. II.*

§. II.

Proponuntur, & breviter resolvuntur Casus practici circa usum nonnullorum privilegiorum in particulari.

CASUS PRIMUS.

Titio cujusdam certi Conventus è nostra Provincia Vicario in absentia A. V. P. Guardiani prasidente, contigit, ut quidam subditus Religiosus infirmaretur; qua de causa nedum Medicus, sed etiam alii Viri prudentes judicaverunt, sin minus necessarium, saltem admodum congruum esse, ut Vicarius cum eodem dispenseret, nedum in jejunio regulari, verum etiam in recitatione Breviarii: & quia sub idem tempus Titio fuerant aliunde submissa quadam paramenta Ecclesiastica, scilicet Casula, Alba, immò & Calix cum patena, eo fine, ut dignaretur eadem consecrare; hinc Titius respondet, se nolle hujuscemodi factis suam onerare conscientiam, propterea que rem totam distulit usque ad adventum A. V. P. Guardiani. An bene?

- §14. R. ad primum. Titius negando dispensationem subdito in his circumstantiis non bene fecit. Ratio est: tum quia potuit dispensare; tum etiam quia charitate fraterna id suadente debuit, quandoquidem nedum

dum Medicus, verum insuper alii viri prudentes existimaverint, id summopere expediens pro salute & sublevatione infirmi. Quod autem dispensare potuerit in tali casu nedum ex statutis nostris generalibus *cap. 6. §. 22.* constare potest, ac debet, sed etiam ex statutis provincialibus anno 1720. editis, in quibus *cap. 9. n. 5.* habentur sequentia formalia: *in absentia Guardianorum, quando isti sunt in civitate vel oppidis (Vicarii) possunt facere, quæ possent Guardiani, si essent præsentis; quia tunc sunt quasi Prælati &c.* atqui Guardiani possunt dispensare ex rationabili causa in præceptis Regulæ ex concessione Pii II. videnda apud nostrum Kerkove *in statut. general. cap. 1. §. 15. n. 2.* ergo &c.

Scio equidem quod Pellizarius *tr. 8. c. 2. n. 50.* & Payrinis *tom. 1. privileg. constit. 4. Sixti IV.* teneant, Vicarium dispensare non posse, nisi Guardianus saltem per unum diem absit è Conventu; nihilominus cum hoc privilegium sit favorabile, & eo ipso latè interpretandum, in statutis verò requiratur duntaxat absentia Guardiani, non vero absentia per diem vel plures &c. hinc censeo cum eodem P. Kerkove *in statut. general. c. 6. §. 22. n. 83.* quod Vicarius Conventus in quacunque demum Guardiani è Conventu absentia, possit cum subditis dispensare in simili casu, sicut etiam absol-

R. P. Elbel, de Act. Hum. & Leg. LI vere

vere à peccatis relervatis modò (ut in iisdem statutis cavetur) Guardiani absentia in fraudem non expectetur. Non possunt tamen Abbatissæ cum suis Monialibus dispensare, cum non gaudeant jurisdictione spirituali, prout jam superius *Confer. 10. n. 281.* animadvertimus. Videantur de hoc P. Sporer *tr. 3. in decal. c. 3. n. 50. & seqq.* vel Kazenberger in *Supplem. 2do. P. Sargat. Confer. 65. n. 182.*

515. R. jam ad 2dum. Vicarius bene fecit, quòd non præsumpserit consecrare Calicem vel patenam. Ratio est: quia Leo X. concedendo Abbatibus, Prioribus, Guardianis, aliisque Religionum Prælatiis potestatem benedicendi paramenta, expressè excepit eas res, in quibus sacra unctio adhiberi debet: at, hæc debet adhiberi in consecratione Calicis: ergo &c. Minime tamen dubito, quod Vicarius in absentia P. Guardiani potuisset reliqua paramenta Ecclesiastica (etiam Ciborium, vel lunulam Monstrantiæ benedicere. Ratio est: quia Innocentius VIII. Prioribus Ord. S. Hieronymi, & Vicariis in absentia Prioris, & cuilibet habenti principale regimen cujuscunque Monasterii, posse benedicere corporalia, vestimenta, ceteraque ornamenta Ecclesiastica, ad cultum divinum pertinentia, tam sui Monasterii, quàm etiam undecunque sint, prout videre licet apud Rodriguez *tom. 1. QQ. Regul. q. 19.*

ar. 2. Pellizarium, Miranda, & alios plures: atqui in eodem privilegio communicant nostri Superiores, prout ex dictis mox supra n. 506. videre licet: ergo. Vide Reiffenstuel lib. 3. decret. tit. 40. §. 2. n. 52. vel nostrum A. R. P. Kazenberger in Supplem. 2. P. Sargar. Confer. § 8. n. 163.

At, inquires: possuntne Superiores Regulares cum suis subditis dispensare in irregularitatibus, vel aliis pœnis Canonicis?

R. Superiores Regulares, gaudentes præ- § 16.
rogativa veri Prælati (quales nedum sunt RR. DD. Præsules seu Abbates, verum etiam Generales, Provinciales, Priores, & Guardiani Conventuum) possunt cum suis subditis dispensare in omni irregularitate, orta ex delicto v. g. homicidii, mutilationis, aut enormis effusionis sanguinis, modo tale delictum sit occultum. Ratio est: quia id concesserunt diversi Pontifices, nominatim Martinus V. prout in terminis videre licet apud Rodriquez tom. 1. QQ. Reg. 9. 24. art. 12. Reiffenstuel lib. 5. decret. tit. 12. n. 228. & Sogar tr. 62. n. 28. Quin immò Paulus III. Bulla *Exponi nobis*. 10. in Bullario Rodriquez, concessit Generali, Abbatibus, Prioribus & Præsidentibus Ordinis & Congregationis S. Benedicti Vallisoleti, plenam, & liberam facultatem, singulis annis die lunæ post primam Dominicam quadragesimæ cum suis subditis Regularibus

bus in omnibus irregularitatibus publicis, & occultis in foro conscientiae dispensandi, prout testantur Shogar *cit.* Herincx, & alii. Addit insuper Portel in *dubiis Regularib. V. dispensare*, addit. n. 2. dictos Prælatos posse hoc privilegium alteri Confessario delegare.

CASUS SECUNDUS.

Sempronius secularis, Ordini nostro Seraphico multum addictus, ante obitum suum instantissime petiit, ut in nostra (Franciscanorum scilicet) Ecclesia, vel cameterio sepeliretur, & quidem indutus habitu S. Ordinis Tertiariorum, quod, dum inaudit R. D. Parochus loci, illico, & solenniter quidem protestatus fuit: quia (ajebat) non PP. Franciscanis, sed mihi incubuit cura hujus anima: ergo & jus sepultura. Queritur jam, an non obstante bujuscemodi protestatione Sempronius potuerit de jure sepeliri in nostra Ecclesia?

- § 17. R. Affirmativè. Ratio est: quia Sixtus IV. autoritate & constitutione Apostolica perpetuo valitura indulgit omnibus ac singulis utriusque Sexus personis volentibus cum prædicto habitu sepeliri, prout refert Rodriquez tom. 1. QQ. Reg. 9. 39. art. 6. Idipsum conceditur Clement. dudum. 2. §. bujuscemodi. de sepultur. item Extravag. super Cathedralam, 2. §. bujuscemodi. eod. tit. ubi habetur, quod Fratres Ordinis Prædicatorum & Mino-

Minorum S. Francisci in Ecclesiis vel locis suis ubilibet constitutis, liberam (ut sequitur) habeant sepulturam; videlicet quod omnes ad eam recipere valeant, qui sepeliri elegerint in locis, & Ecclesiis memoratis. Idem privilegium postea concessum fuit Augustinianis & Carmelitis, teste Abba in *cap. certificari de sepult. n. 8.* prout videre licet apud Reiffenstuel *lib. 3. decret. tit. 28. n. 30.*

At, inquires, quænam cautelæ in tali casu à Superioribus nostris sunt observandæ?

R. Sequentes quatuor. I. *Habitus nulli* § 18. *Sæculari concedi potest, nisi à Guardiano loci, vel alio Superiore Prælato, aut hujus delegato.* Ita ex constitutione Sixti IV. tradit Rodriquez *loc. cit.*

II. *Sæculares ipsi à Fratribus nullatenus induci debent, ut in nostris Ecclesiis eligant sepulturam, vel jam electam non amplius immutent; secus suadentes graviter peccarent, & electio taliter facta ipso jure nulla foret per cap. 1. de sepult. in 6to.*

III. *Fratres nequeunt corpus levare, & ad locum sepulturæ deferre, nisi prius requisito Parocho, eoque præsentem.* Si tamen is renuat, tunc illud, eo etiam invito possunt deferre ad nostram Ecclesiam, prout decisum fuit in quadam S. Congregatione *Rituum videnda apud Barbosam de offic. & potestate Parochi part. 3. c. 26. n. 70.*

IV. Singulariter advertendum existimo id, quod sapientissimè monet R. P. Reiffenstuel *lib. 3. decret. tit. 28. n. 34.* scilicet, ut in tali casu observetur consuetudo laudabilis loci, vel etiam pacta specialiter erecta. Quare cùm in nostra Provincia (quantum mihi constat) consuetudo passim obtinuerit, ut funus à R. D. Parocho perducatur usque ad portam Ecclesiæ nostræ, vel cœmeterii, & in eodem loco primum à Superiore loci excipiat cum debitis ceremoniis, & hæc consuetudo laudabilis multum conferat ad conservandam pacem, omnimodis consulo, ut sine gravissima causa ab eadem nunquam deflectatur.

At, inquires, nunquid in hoc casu officium vel etiam Missæ pro defuncto, debent legi in Ecclesia Parochiali, & non in Ecclesia Fratrum?

§19. R. Quod non, saltem per se loquendo. Ratio est: quia libertas eligendi sepulturam post se trahit, & suô modo involvit libertatem in loco sepulturæ exigendi funeralia, ideoque etiam Officium vel Missas defunctorum; secus enim, ait rectè Reiffenstuel *l. cit. n. 38.* libertas nimium læderetur, si hæredes cogerentur ad duplicanda Officia & Missas.

Tellatur insuper Barbosa *l. cit. n. 82.* à S. rituum Congregatione 12. Martii 1612. immò sæpius decilum fuisse, *Officium in tumulandis*

mulandis cadaveribus in Ecclesiis Regularium, non per Parochum seu alios Presbyteros sacculares, sed per eosdem Regulares fieri debere, non obstante quacunque contraria consuetudine. Videatur de hoc Antonius à Spiritu S. in Directorio Regular. tr. 2. disp. 3. sect. 4. §. 2. n. 130. & 131.

CASUS TERTIUS.

CAja uterino fratri suo (nescio qua de causa, vel cujus instinctu) propinavit poculum venenatum, cumque animadvertisset, illud non fuisse satis efficax ad inferendam mortem, eidem de novo sub schemmate pietatis (asserens scilicet esse antidotum & medicinam) propinavit alterum, quò sumpto puer paulò post diem suum obiit, altero verò die sepultus fuit. Cum verò mors tam repentina & inopinata multas concitasset suspiciones: hinc auctoritate publica corpusculum defuncti exhumatum, inque ejusdem stomacho venenum latens repertum fuit: quò facto Caja, utpote sibi malè conscia, confugit in quandam Ecclesiam Regularium, ibique Confessario rem totam aperuit, petendo nedum absolutionis beneficium, sed etiam asylum. Quaritur jam, an Confessarius Regularis vi privilegiorum nostrorum potuerit Cajam absolvere? 2. an eidem potuerit indulgere beneficium asyli, vel quidnam in tali casu fuerit agendum?

§20. R. ad primum. Confessarius Regularis potuit confessam, & verè contritam absolvere à patrato scelere (nisi casus homicidii Episcopo loci fuisset specialiter reservatus, prout plerùmque reservari solet) Ratio est: quia nos Religiosi Mendicantes (immò & non Mendicantes, gaudentes nostris privilegiis secundùm dicta n. 307.) possumus pro foro conscientie absolvere quoscunque Sæculares, undeunde demum ad nos recurrentes ab omnibus casibus & peccatis, etiam S. Pontifici (extra Bullam Cœnæ) reservatis: atqui casus homicidii, vel etiam fratricidii non est reservatus in Bulla Cœnæ: ergo potuit Caja ab hoc casu absolvi. Quin immò tametsi casus fuisset Episcopo, seu Ordinario loci reservatus, si tamen Caja Ordinarium ipsum, vel alium ab Eodem delegatum, seu præditum facultate absolvendi à reservatis Episcopo accedere non potuit moraliter, prout in simili casu fieri potest, tunc potuisset etiam per accidens absolvi ab hoc casu Episcopo reservato, veluti constare potest tum ex communissima DD. tum etiam ex his, quæ diximus in *Theolog. Sacram. part. 2. Confer. 14. n. 369. & seqq.*

§21. R. jam ad 2dum quæsitum. Caxæ à Confessario fuit consulendum, ut sibi quancumque fugâ consulat, modò id moraliter loquendo fieri potuit. Idque præsertim dicen-

cendum fuisset, si casus supponatur contingisse post constitutionem Benedicti XIII. p. m. *Ex quo Divina*. editam anno 1727. 15. Junii, & videndam in appendice 25. ad Concil. Lateran. eodem anno, ubi memoratus S. Pontifex ait: *Excludimus pariter, repellimus, atque privamus ejusdem immunitatis privilegio interficientes proximum suum animò premeditato, ac deliberato*: atqui Caja hoc fecit: ergo non potuit gaudere beneficio asyli, & hoc ipso, consulendum eidem fuit, quatenus fugâ sibi vellet consulere, idque tantò amplius & efficacius, quò minus tales personæ alterius Sexus in Monasteriis Virorum, vel aliis locis piis sine pluribus inconvenientiis conservari possunt, veluti cuivis rem, ut par est, perpendenti, facile constabit.

Ergone, inquires, Caja, utpote privata jure asyli vi præfatæ constitutionis, potuisset illico potestate brachii sæcularis eripi ex Ecclesia Regularium, vel saltem Superior Regularis eò adigi, ut Cajam extraderet?

R. Juxta tenorem mox citatæ constitutionis talis persona nequit illico eripi, aut extrahi è loco sacro, neque Superior Regularis vel Ecclesiasticus ad ejusdem extraditionem adigi potestate brachii sæcularis, sed debent observari sequentes cautelæ. 1. si delinquens repetatur à curia sæculari, tunc curia Ecclesiastica cum interventu personæ Ecclesiasticæ ab Episcopo deputandæ te-

§. II.

Proponuntur, & breviter resolvuntur Casus practici circa usum nonnullorum privilegiorum in particulari.

CASUS PRIMUS.

Titio cujusdam certi Conventus è nostra Provincia Vicario in absentia A. V. P. Guardiani prasidente, contigit, ut quidam subditus Religiosus infirmaretur; qua de causa nedum Medicus, sed etiam alii Viri prudentes judicaverunt, sin minus necessarium, saltem admodum congruum esse, ut Vicarius cum eodem dispenseret, nedum in jejunio regulari, verum etiam in recitatione Breviarii: & quia sub idem tempus Titio fuerant aliunde submissa quadam paramenta Ecclesiastica, scilicet Casula, Alba, immò & Calix cum patena, eo fine, ut dignaretur eadem consecrare; hinc Titius respondet, se nolle hujuscemodi factis suam onerare conscientiam, propterea que rem totam distulit usque ad adventum A. V. P. Guardiani. An bene?

- § 14. R. ad primum. Titius negando dispensationem subdito in his circumstantiis non bene fecit. Ratio est: tum quia potuit dispensare; tum etiam quia charitate fraterna id suadente debuit, quandoquidem nedum

dum Medicus, verum insuper alii viri prudentes existimaverint, id summopere expediens pro salute & sublevatione infirmi. Quod autem dispensare potuerit in tali casu nedum ex statutis nostris generalibus *cap. 6. §. 22.* constare potest, ac debet, sed etiam ex statutis provincialibus anno 1720. editis, in quibus *cap. 9. n. 5.* habentur sequentia formalia: *in absentia Guardianorum, quando isti sunt in civitate vel oppidis (Vicarii) possunt facere, quæ possent Guardiani, si essent præsentis; quia tunc sunt quasi Prælati &c.* atqui Guardiani possunt dispensare ex rationabili causa in præceptis Regulæ ex concessione Pii II. videnda apud nostrum Kerkove *in statut. general. cap. 1. §. 15. n. 2.* ergo &c.

Scio equidem quod Pellizarius *tr. 8. c. 2. n. 50.* & Payrinis *tom. 1. privileg. constit. 4. Sixti IV.* teneant, Vicarium dispensare non posse, nisi Guardianus saltem per unum diem absit è Conventu; nihilominus cum hoc privilegium sit favorabile, & eo ipso latè interpretandum, in statutis verò requiratur duntaxat absentia Guardiani, non vero absentia per diem vel plures &c. hinc censeo cum eodem P. Kerkove *in statut. general. c. 6. §. 22. n. 83.* quod Vicarius Conventus in quacunque demum Guardiani è Conventu absentia, possit cum subditis dispensare in simili casu, sicut etiam absol-

R. P. Elbel, de Act. Hum. & Leg. Ll vere

vere à peccatis relervatis modò (ut in iisdem statutis cavetur) Guardiani absentia in fraudem non expectetur. Non possunt tamen Abbatissæ cum suis Monialibus dispensare, cum non gaudeant jurisdictione spirituali, prout jam superius *Confer. 10. n. 281.* animadvertimus. Videantur de hoc P. Sporer *tr. 3. in decal. c. 3. n. 50. & seqq.* vel Kazenberger in *Supplem. 2do. P. Sargat. Confer. 65. n. 182.*

§ 15. R. jam ad 2dum. Vicarius bene fecit, quod non præsumpserit consecrare Calicem vel patenam. Ratio est: quia Leo X. concedendo Abbatibus, Prioribus, Guardianis, aliisque Religionum Prælati potestatem benedicendi paramenta, expressè excepit eas res, in quibus sacra unctio adhiberi debet: at, hæc debet adhiberi in consecratione Calicis: ergo &c. Minimè tamen dubito, quod Vicarius in absentia P. Guardiani potuisset reliqua paramenta Ecclesiastica (etiam Ciborium, vel lunulam Monstrantiæ benedicere. Ratio est: quia Innocentius VIII. Prioribus Ord. S. Hieronymi, & Vicariis in absentia Prioris, & cuilibet habenti principale regimen cujuscunque Monasterii, posse benedicere corporalia, vestimenta, cateraque ornamenta Ecclesiastica, ad cultum divinum pertinentia, tam sui Monasterii, quàm etiam undecunque sint, prout videre licet apud Rodriguez *tom. 1. QQ. Regul. q. 19.*

ar. 2.

ar. 2. Pellizarium, Miranda, & alios plures: atqui in eodem privilegio communicant nostri Superiores, prout ex dictis mox supra n. 506. videre licet: ergo. Vide Reiffenstuel lib. 3. decret. tit. 40. §. 2. n. 52. vel nostrum A. R. P. Kazenberger in Supplem. 2. P. Sargar. Confer. 58. n. 163.

At, inquires: possuntne Superiores Regulares cum suis subditis dispensare in irregularitatibus, vel aliis pœnis Canonicis?

R. Superiores Regulares, gaudentes præ- § 16.
rogativa veri Prælati (quales nedum sunt RR. DD. Præsules seu Abbates, verum etiam Generales, Provinciales, Priores, & Guardiani Conventuum) possunt cum suis subditis dispensare in omni irregularitate, orta ex delicto v. g. homicidii, mutilationis, aut enormis effusionis sanguinis, modo tale delictum sit occultum. Ratio est: quia id concesserunt diversi Pontifices, nominatim Martinus V. prout in terminis videre licet apud Rodriquez tom. 1. QQ. Reg. 9. 24. art. 12. Reiffenstuel lib. 5. decret. tit. 12. n. 228. & Sbogar tr. 62. n. 28. Quin immò Paulus III. Bullâ *Exponi nobis*. 10. in Bullario Rodriquez, concessit Generali, Abbatibus, Prioribus & Præsidentibus Ordinis & Congregationis S. Benedicti Vallisoleti, plenam, & liberam facultatem, singulis annis die lunæ post primam Dominicam quadragesimæ cum suis subditis Regularibus

bus in omnibus irregularitatibus publicis, & occultis in foro conscientiae dispensandi, prout testantur Shogar cit. Herincx, & alii. Addit insuper Portel in dubiis Regularib. V. dispensare, addit. n. 2. dictos Prælatos posse hoc privilegium alteri Confessario delegare.

CASUS SECUNDUS.

Sempronius secularis, Ordini nostro Seraphico multum addictus, ante obitum suum instantissime petiit, ut in nostra (Franciscanorum scilicet) Ecclesia, vel camerio sepeliretur, & quidem indutus habitu S. Ordinis Tertiariorum, quod, dum inaudiit R. D. Parochus loci, illico, & solenniter quidem protestatus fuit: quia (ajebat) non PP. Franciscanis, sed mihi incubuit cura hujus anima: ergo & jus sepultura. Quæritur jam, an non obstante bujuscemodi protestatione Sempronius potuerit de jure sepeliri in nostra Ecclesia?

- § 17. R. Affirmativè. Ratio est: quia Sixtus IV. autoritate & constitutione Apostolica perpetuo valitura indulgit omnibus ac singulis utriusque Sexus personis volentibus cum prædicto habitu sepeliri, prout refert Rodriquez tom. 1. QQ. Reg. q. 39. art. 6. Idipsum conceditur Clement. dudum. 2. §. bujusmodi. de sepultur. item Extravag. super Cathedralam. 2. §. bujusmodi. eod. tit. ubi habetur, quod Fratres Ordinis Prædicatorum & Mino-

Minorum S. Francisci in Ecclesiis vel locis suis ubilibet constitutis, liberam (ut sequitur) habeant sepulturam; videlicet quod omnes ad eam recipere valeant, qui sepeliri elegerint in locis, & Ecclesiis memoratis. Idem privilegium postea concessum fuit Augustinianis & Carmelitis, teste Abba in cap. certificari de sepult. n. 8. prout videre licet apud Reiffenstuel lib. 3. decret. tit. 28. n. 30.

At, inquires, quænam cautelæ in tali casu à Superioribus nostris sunt observandæ?

R. Sequentes quatuor. I. **Habitus nulli**, § 18. **Sæculari concedi potest, nisi à Guardiano loci, vel alio Superiore Prælato, aut hujus delegato. Ita ex constitutione Sixti IV. tradit Rodriquez loc. cit.**

II. **Sæculares ipsi à Fratribus nullatenus induci debent, ut in nostris Ecclesiis eligant sepulturam, vel jam electam non amplius immutent; secus suadentes graviter peccarent, & electio taliter facta ipso jure nulla foret per cap. 1. de sepult. in 6to.**

III. **Fratres nequeunt corpus levare, & ad locum sepulturæ deferre, nisi prius requisito Parocho, eoque præsentem. Si tamen is renuat, tunc illud, eo etiam invito possunt deferre ad nostram Ecclesiam, prout decisum fuit in quadam S. Congregatione Rituum videnda apud Barbosa de offic. & potestate Parochi part. 3. c. 26. n. 70.**

IV. Singulariter advertendum existimo id, quod sapientissimè monet R. P. Reiffenstuel *lib. 3. decret. tit. 28. n. 34.* scilicet, ut in tali casu observetur consuetudo laudabilis loci, vel etiam pacta specialiter erecta. Quare cum in nostra Provincia (quantum mihi constat) consuetudo passim obtinuerit, ut funus à R. D. Parocho perducatur usque ad portam Ecclesiæ nostræ, vel cœmeterii, & in eodem loco primum à Superiore loci excipiat cum debitis ceremoniis, & hæc consuetudo laudabilis multum conferat ad conservandam pacem, omnimodis consulo, ut sine gravissima causa ab eadem nunquam deflectatur.

At, inquires, nunquid in hoc casu officium vel etiam Missæ pro defuncto, debent legi in Ecclesia Parochiali, & non in Ecclesia Fratrum?

§19. R. Quod non, saltem per se loquendo. Ratio est: quia libertas eligendi sepulturam post se trahit, & suò modo involvit libertatem in loco sepulturæ exigendi funeralia, ideòque etiam Officium vel Missas defunctorum; secus enim, ait rectè Reiffenstuel *l. cit. n. 38.* libertas nimium læderetur, si hæredes cogerentur ad duplicanda Officia & Missas.

Tellatur insuper Barbosa *l. cit. n. 82.* à S. rituum Congregatione 12. Martii 1612. immò sæpius decilum fuisse, *Officium in tumulandis*

mulandis cadaveribus in Ecclesiis Regularium, non per Parochum seu alios Presbyteros sacculares, sed per eosdem Regulares fieri debere, non obstante quacunque contraria consuetudine. Videatur de hoc Antonius à Spiritu S. in Directorio Regular. tr. 2. disp. 3. sect. 4. §. 2. n. 130. & 131.

CASUS TERTIUS.

CAja uterino fratri suo (nescio qua de causa, vel cujus instinctu) propinavit poculum venenatum, cumque animadvertisset, illud non fuisse satis efficax ad inferendam mortem, eidem de novo sub schemmate pietatis (asserens scilicet esse antidotum & medicinam) propinavit alterum, quò sumpto puer paulò post diem suum obiit, altero verò die sepultus fuit. Cum verò mors tam repentina & inopinata multas concitasset suspiciones; hinc auctoritate publica corpusculum defuncti exhumatum, inque ejusdem stomacho venenum latens repertum fuit: quò facto Caja, utpote sibi malè conscia, confugit in quandam Ecclesiam Regularium, ibique Confessario rem totam aperuit, petendo nedum absolutionis beneficium, sed etiam asylum. Quaritur jam, an Confessarius Regularis vi privilegiorum nostrorum potuerit Cajam absolvere? 2. an eidem potuerit indulgere beneficium asyli, vel quidnam in tali casu fuerit agendum?

§20. R. ad primum. Confessarius Regularis potuit confessam, & verè contritam absolvere à patrato scelere (nisi casus homicidii Episcopo loci fuisset specialiter reservatus, prout plerùmque reservari solet) Ratio est: quia nos Religiosi Mendicantes (immò & non Mendicantes, gaudentes nostris privilegiis secundum dicta n. 507.) possumus pro foro conscientie absolvere quoscunque Sæculares, undeunde demum ad nos recurrentes ab omnibus casibus & peccatis, etiam S. Pontifici (extra Bullam Cœnæ) reservatis: atqui casus homicidii, vel etiam fratricidii non est reservatus in Bulla Cœnæ: ergo potuit Caja ab hoc casu absolvi. Quin immò tametsi casus fuisset Episcopo, seu Ordinario loci reservatus, si tamen Caja Ordinarium ipsum, vel alium ab Eodem delegatum, seu præditum facultate absolventi à reservatis Episcopo accedere non potuit moraliter, prout in simili casu fieri potest, tunc potuisset etiam per accidens absolvi ab hoc casu Episcopo reservato, veluti constare potest tum ex communissima DD. tum etiam ex his, quæ diximus in *Theolog. Sacram. part. 2. Confer. 14. n. 369. & seqq.*

§21. R. jam ad 2dum quæsitum. Cajæ à Confessario fuit consulendum, ut sibi quanto cyus fugâ consulat, modò id moraliter loquendo fieri potuit. Idque præsertim dicen-

cendum fuisset, si casus supponatur contingisse post constitutionem Benedicti XIII. p. m. *Ex quo Divina*, editam anno 1727. 15. Junii, & videndam in appendice 25. ad Concil. Lateran. eodem anno, ubi memoratus S. Pontifex ait: *Excludimus pariter, repellimus, atque privamus ejusdem immunitatis privilegio interficientes proximum suum animò premeditato, ac deliberato*: atqui Caja hoc fecit: ergo non potuit gaudere beneficio asyli, & hoc ipso, consulendum eidem fuit, quatenus fugâ sibi vellet consulere, idque tantò amplius & efficacius, quò minus tales personæ alterius Sexus in Monasteriis Virorum, vel aliis locis piis sine pluribus inconvenientiis conservari possunt, veluti cuivis rem, ut par est, perpendenti, facile constabit.

Ergone, inquires, Caja, utpote privata jure asyli vi præfatæ constitutionis, potuisset illico potestate brachii sæcularis eripi ex Ecclesia Regularium, vel saltem Superior Regularis eò adigi, ut Cajam extraderet?

R. Juxta tenorem mox citatæ constitutionis talis persona nequit illico eripi, aut extrahi è loco sacro, neque Superior Regularis vel Ecclesiasticus ad ejusdem extraditionem adigi potestate brachii sæcularis, sed debent observari sequentes cautelæ. 1. si delinquens repetatur à curia sæculari, tunc curia Ecclesiastica cum interventu personæ Ecclesiasticæ ab Episcopo deputandæ te-

netur procedere ad extractionem delinquentis ab Ecclesia, extractumque ad suos (Ecclesie scilicet) carceres asportare, ibidemque sub tuta custodia detinere, usque dum constet, an criminolus gaudeat immunitate Ecclesiastica, nec ne? Quodsi ex processu informativo desuper instituendo certò constet, crimen esse exceptum, ideoque delinquentem non gaudere jure asyli, tunc primum curia Ecclesiastica extractum Ministris & Officialibus Curie secularis, tradere & consignare potest ac debet, exacta tamen, receptaque prius ab ipsis obligatione, in forma juris valida, restituendi extractum Ecclesie, si is indicia contra se acquisita in suis defensionibus purget ac diluat &c. Vide *Concilium Lateranense loc. cit.* vel P. Kresslinger addit. *ad tr. 12. dist. 2. post. n. 55. Theologia moralis R. P. Reiffenstuel.*

§. III.

Corollaria ex dictis inferenda.

523. **C**olliges ex hætenus dictis primò, privilegia concessa Filiis familias v. g. ne mutuo obligentur; sicut & privilegia concessa Regularibus intuitu totius Religionis vel Ecclesie, esse realia, ideoque non extingui cum aliqua persona individua, quacunque demum. Ratio est: quia hæc & similia

similia non conceduntur intuitu personæ privatæ, sed potius intuitu boni publici, vel totius Religionis, quæ, quemadmodum exigit durare perpetuò, ita & talia privilegia hujus intuitu concessa.

At quid, inquires, si dubitetur, sitnè privilegium reale, vel personale?

R. In tali dubio attendendum esse 1. ad ^{§ 24.} formam verborum. 2. Cuinam, vel ex quo sine privilegium fuerit concessum? Nam si privilegium fuit directum ad personam individuum, eam specificè & individualiter exprimendo; ut si Legislator dicat: *Tibi Petre, ob specialia tua merita, scientiam &c. concedimus &c.* reputandum erit privilegium personale. Econtra si in privilegio exprimitur perpetuitas, aut facultas diffundendi illud in hæredes, hac vel simili clausula: *Concedimus in perpetuum: hac nostra constitutione perpetuò valitura &c.* censendum erit privilegium reale. Denique si neque ex his satis liquidò discerni valeat, oportebit attendere, sitnè privilegium odiosum; utpote juri communi vel alterius Tertii contrarium, vel verò merè favorabile? si prius, judicandum est personale & strictè interpretandum per c. odia 15. & qua à jure. 28. de R. I. in 6to. Si 2dum. Censendum est esse reale, & amplè interpretandum; nam concessum à Principe beneficium debet esse mansurum c. 16. de R. I. in 6to. & l. 3. ff. de Constit.

Constit. Princip. Videatur Palao *part. 1. tit. 3. disp. 4. punct. 2. §. 1. n. 6.* vel Engel *lib. 5. tit. 33. n. 4.*

§25. Colliges 2dò. Subditum privilegiatum uti posse suo favore etiam tunc, dum extra territorium, sui Legislatoris existit, modò privilegium sit absolute concessum sine restrictione ad locum, esto cæteroquin esset contrarium legibus particularibus illius loci, ubi peregrinus existit. Ratio est: quia privilegium tali personæ individux concessum est privilegium personale: at, hoc ex sua natura comitatur personam; ubicunque demum hæc existit: ergo &c. Secus tamen dicendum foret, casu quo hujusmodi usus vergeret in præjudicium alterius Legislatoris.

Ratio est: quia Legislator indulgens suo subdito privilegium vel specialem favorem, non potuit, consequenter nec debet censi voluisse præjudicare jurisdictioni alterius Legislatoris independentis. Hac de causa v. g. Parochus nequit in aliena Parochia, absque speciali licentia alterius Parochi, baptizare infantem sui Parochiani, prout diximus in *Theolog. Sacram. part. 1. Confer. 6. n. 65.* Similiter Confessarius in una Diœcesi approbatus, nequit Subditum Diœcesanum in alia Diœcesi absolvere, nisi sit Pastor illius, veluti rursus dictum fuit *part. 2. Confer. 12. n. 317. & 318.*

Videa-

Videatur Herincx *cit.* *disp.* 4. n. 60. vel Illung *tr.* 1. *disp.* 3. *art.* 4. n. 26.

Colliges 3^{to}, potestatem dispensandi & 26. absolvendi à reservatis, concessam sine expressione personæ dispensandæ, vel absolvendæ esse latè interpretandam. Ratio est, quia talis potestas conducit ad sublevandas multorum necessitates, neque etiam refragatur juri communi, vel in ullius alterius præjudicium cedit. Secus dicendum foret, si privilegium vel potius facultas dispensandi cuiquam fuisset demandata pro aliqua determinata persona; tunc enim talis facultas dispensandi censetur virtualiter esse inchoata dispensatio, quæ strictè interpretari debet, uti bene observant Palao *cit.* *punct.* 11. n. 5. & Suarez *lib.* 6. de *LL.* c. 17. n. 7.

Colliges 4^{to}, potestatem eligendi Confessarium, qui tempore Jubilæi v.g. absolvat à reservatis, pariformiter latè esse interpretandam. Ratio est: quia talis potestas conceditur ad bonum commune totius Ecclesiæ, & hoc ipso censi debet in favorem Religionis, & piæ causæ: hæc autem privilegia latè esse interpretanda, jam constare potest ex dictis n. 502. ergo. Adde insuper, quòd Pontifices indulgendo hanc potestatem, id faciant eo fine, quatenus fideles certius & efficacius obtineant remissionem suorum peccatorum: atqui talis con-

concessio nec repugnat juri communi, neque vergit in præjudicium Tertii: ergo merito debet latè interpretari: Vide Palaum *loc. cit. n. 7.* vel Suarez *de votis lib. 6. c. 16. n. 3.*


§ 28. Colliges è contrario sctò, Aristè interpretandam esse potestatem eligendi Confessarium, in bonum privatum alicujus concessam, qui hunc à casibus reservatis absolvat. Ratio est: quia talis facultas continet exceptionem à jure communi, vi cujus omnes alii fideles tenentur recurrere ad Judicem Superiorem, vel ad hujus delegatum, neque pro hac militat ampliùs favor boni communis, Religionis, aut piæ causæ. Magnum itaque (ut ex hæcenus dictis constare potest) discrimen est observandum circa interpretationem *dispensationis*, & *facultatem dispensandi*, prout jam alibi annotavimus: nam dispensatio ipsa, eò quòd sit quasi quoddam vulnus legis, non debet latius extendi vel interpretari: è contra facultas dispensandi utpote valde necessaria & proficua bono communi, hoc ipso merito censetur favorabilis, & per consequens latioris interpretationis. Ita DD. *cit.*

§ 29. Colliges sctò, privilegia Religiosorum, id est, alicui S. Religioni, Ordini, Provinciæ aut Monasterio, sive immediate & directe, sive etiam indirectè & per communicationis viam concessa, latè esse interpretanda, & ex.

& extendenda, quantum tenor & proprietas verborum id permittit. Ratio est: quia hujusmodi privilegia continent merum favorem Principis, Religionis, & piæ causæ, quô nulli à Summo Pontifice infertur injuria, aut præjudicium, prout (teste Mezger) cum S. Thoma in 4. dist. 17. q. 3. a. 3. quæst. 5. ad 1. & opusculo 19. contra impugnatores Religionum prope fin. tenent Palao, Laymann lib. 1. tit. 4. c. 23. n. 5. & alii plures.

Colliges 7^{timò}, illam communicationem § 30. privilegiorum, quam diximus suprâ n. 506. dari amplissimam inter Religiosos, intelligendam esse cum quadam proportionem, ita scilicet, ut privilegia *Prælati* unius Religionis concessa, non eo ipso censi debeant concessa *subdito* alterius Religionis, sed *Prælati* duntaxat. Debet itaque hæc communicatio intelligi cum tali proportionem, scilicet *Prælati* ad *Prælatum*; *Vicarii* ad *Vicarium*; *Congregationis* unius Religionis ad *Congregationem* alterius; *Fratrum privatorum* unius ad *fratres privatos* alterius; Denique *festivitatis* ad *festivitatem* alterius, ita scilicet, ut v. g. *indulgentiæ* nobis concessæ in *Festo*, & intuitu SS. P. N. *Francisci*, viâ communicationis possint participari ab aliis Religiosis ex. gr. RR. PP. *Dominicanis* in *Festo* SS. *Patriarchæ Dominici*, vel à RR. PP. *Jesuitis* in *Festo* SS. P. *Ignatii*. Et ita expressè declaravit *Julius II. Bullâ* 18. videntia

denda apud nostrum Rodriquez. Quocirca
 utiliter videri potest noster Herincx *part. 2.*
tr. 3. disp. 4. n. 78. ubi idem Doctor *n. 77.*
 sapienter notat, privilegia unius Religionis
 etiam tunc non communicari alteri, quan-
 do in hujus malum aut relaxationem cede-
 rent. Hac de causa v. g. nos Fratres Mi-
 nores non possumus communicare privile-
 giis aliis Religionibus concessis coëmendi
 scilicet, aut possidendi bona temporalia;
 quia hæc repugnarent nostro instituto ac
 professioni. Ratio hujus est: quia non li-
 cet præsumere de mente S. Pontificis, quòd
 concedendo privilegia & favores speciales
 uni Religioni, propterea intenderit relaxare
 aliam, vel aliquid hujus instituto repugnans
 concedere. Itaque communicatio privile-
 giorum, tametsi fortassis non exprimat
 singulariter, semper intelligi debet cum hac
 clausula: *Dummodo privilegia observantia*
regulari non sint contraria. Ita
 Herincx *locò cit.*



CON-

CONFERENCE

DECIMA NONA.

De Peccatis in genere.

SUMMARIUM.

- § 31. Peccatum ut sic & genericè sumptum, quid?
- § 32. Et quid peccatum Philosophicum?
- § 33. Peccatum Theologicum est voluntaria transgressio legis divinæ.
- § 34. Quod variè dividitur in diversas classes.
- § 35. Lex vel præceptum affirmativum censetur illud, quod intendit positionem alicujus actus; è contra illud dicitur negativum, quod intendit omissionem actus.
- § 36. Inter quæ notata dignum, quòd affirmativum ex sua natura *semper quidem*, sed *non pro semper* obliget, negativum verò obligat *semper & pro semper*.
- § 37. Peccatum actuale consistit in actuali transgressione legis divinæ.
- § 38. Cujus malitia sita est in privatione rectitudinis debitæ juxta legem.
- § 39. Peccatum verò habituale consistit in ipso peccato actuali, physicè quidem præterito, at moraliter perseverante in obligatione placandi Deum, Eidemque satisfaciendi &c.
- § 40. Distinctio moralis *specifica* peccatorum desumenda est ex privatione diversarum rectitudinum, seu etiam virtutum; quemadmodum

R. P. Elbel, de Act. Hum. & Leg. Mm 541.

541. Econtra distinctio *physica* peccatorum colligi ac peti debet ex diversitate objectorum.
542. Diversitas præceptorum formalium desumi potest & debet ex diversitate finium à Legislatore intentorum.
543. & 544. Satisfit duabus instantiis in contrarium factis.
545. Distinctio moralis numerica desumenda est ex pravis actibus voluntatis moraliter completis, & consumatis.
546. Pro cujus meliori captu notanda est differentia inter actus *merè internos*, & *externos*; Nam
547. Peccata merè interna toties número multiplicantur, quoties actus internus voluntariè repetitur: externa verò toties, quoties actus exteriores, peccatum physicè, & moraliter complentes repetuntur.
548. Resolvitur Casus I. cujusdam hominis scrupulosissimi, qui tandem laboris pertæsus, & lassus ex continuo conflictu contra scrupulos, secum statuit, quòd proximè vellet peccare mortaliter.
549. Quid cum tali pœnitente Confessario fuerit agendum?
550. Et quid judicii de eo, qui quidem minimè scrupulosus, nihilominus ex tædio semper honesta, vel id, quod perfectius est, sectandi, sese resolvit, quòd vellet amplecti id, quod delectat?
551. Resolvitur Casus II. cujusdam debitoris, qui accusatus locò solutionis debitæ suo Creditori coram Pro-Consule, & debitum negavit, & eadem accusatori varias contumelias intulit.
552. Plures contumelias ex eodem impetu iræ seu passionis inferendo, probabiliter non commisit plura peccata distincta.

553. Quo-

553. Quomodo Confessarius talem pœnitentem debeat examinare, casu quo is se ipsum non satis explicat?
554. Resolvitur Casus III. de quodam adolescente, qui secum statuit, ducere vitam licentiosam, proptereaque quæsitv alium quendam ditiozem se seducere, & in suam pertrahere sententiam,
555. Vi hujus resolutionis procul dubio commisit plura peccata etiam specie distincta.
556. Satisfit cuidam instantiæ notabili, in contrarium factæ.
557. Universim in quovis peccato reperiuntur diversæ deordinationes, non tamen semper necessariò exprimendæ in confessione.
558. DEUS non fit Auctor peccati formalis, tametsi nobiscum concomitanter influat ad materiale peccati.
559. Unde malitia formalis in genere moris soli arbitrio humano imputari debet.
560. Qui tempore quadragesimæ, incidente simul die cujusdam vigiliæ transgreditur jejunium, non committit duo peccata.
561. Secus dicendum foret, si ad idem jejunium vi voti, vel alterius præcepti formaliter distincti fuisset obligatus.
562. Ad multiplicationem numericam peccatorum externorum non sufficit quæcunque interruptio voluntatis internæ; sicut e contrario.
563. Vi unius duntaxat propositi interni peccata externa non semper fiunt unum numero peccatum.
564. Utrum ille, qui Sacrificium Missæ negligit, & tempore Sacrificii studet, aut ludit &c. ludendo, vel studiis vacando peccet?

§. I.

Præmittuntur, & breviter resolvuntur Quæsitæ scitu necessaria ad debitè resolvendos Casus practicos de Peccatis in genere.

Quæres primò, quid sit Peccatum ut sic?

§ 31. R. Nomine peccati ut sic intelligitur a Cōio quædam defectuosa, vel potius ipse defectus: & quia talis defectus nedum reperire est in operibus rationalis creaturæ seu animæ, verum etiam in operibus artis, & naturæ; hinc peccatum in hoc sensu latissimè sumptum dividi solet in peccatum naturæ, artis, & animi. Natura quippe dicitur suo modo peccare, quando contra communem ordinem producit monstrum. Similiter ars, vel potius artifex peccare dicitur, quando in suo opere deviat à regulis artis. Denique creatura rationalis peccare dicitur, quando aliquid contrarium agit regulis rectæ rationis. *Communis DD.*

§ 32. Porro hoc peccatum animi rursus considerari potest, vel quatenus præcisè importat quendam defectum rectæ rationi contrarium, vel quatenus simul est offensa Dei, prout sapienter observavit Doctor Angelicus *part. 2, q. 71. art. 6. ad 3um.* Hoc posteriori

teriori modo consideratum, dicitur peccatum Theologicum (Theologorum quippe est, examinare ea, quæ ad DEum, ceu ultimum finem, nostrum nos dirigunt, vel ab eodem avertunt) Priori autem modo consideratum dicitur peccatum Philosophicum, rationi scilicet naturali, cui potissimum innituntur Philosophi, contrarium. Quocirca id unicum nobis occurrit notandum, scilicet, quod Alexander VIII. 24. Augusti 1690. damnaverit sequentem propositionem: *Peccatum - Philosophicum quantumvis grave in illo, qui DEum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale, dissolvens amicitiam Dei, neque aterna pœnâ dignum*: quæ propositio in eo sensu sumpta uti jacet, procul dubio scandalosa est, temeraria, erronea, & piarum aurium offensiva, ideoque meritissimo jure damnata, prout bene probat Viva *ad dictam proposit. 2.* Et La. Croix *lib. 5. n. 49. & seqq.* Nobis proin de solo peccato Theologico erit negotium. Unde

Quæres 2dò, quid sit peccatum Theologicum?

R. Peccatum Theologicum est voluntaria transgressio legis divinæ. Ita R. D. Michel in *sua Theolog. Canon. moral. tom. 1. tr. 3. q. 3. n. 2.* Bufenbaum & alii DD. communissime, esto in modo describendi non-

nihil varient, & plerique amplectantur illam notissimam descriptionem, quam S. Augustinus tradit *lib. 22. contra Faustum c. 27.* ubi ait, quod peccatum sit *dictum, factum, vel concupitum contra legem DEI aeternam*; quæ descriptio in rei veritate idem dicit, quod nostra; cujus bonitas vel inde facile colligetur; nam hæ violatio seu transgressio obtinet locum generis, quippe in quo convenit cum peccato philosophico &c. *voluntaria* autem esse debet; quia juxta celebre effatum D. August. *lib. 1. retract. c. 13. & lib. de vera Relig. c. 14. usque adeo peccatum voluntarium est malum, ut nullâ modo sit peccatum, si non sit voluntarium.* Additur autem: *legis divina*, id est, voluntatis divinæ; hæc enim prima & radicalis est regula omnis honestatis; cui proin omne peccatum, præsertim Theologicum adversatur. Et licet contra præcepta humana agendo pariter peccemus, v. g. non servando jejunium Ecclesiasticum &c. nihilominus hujusmodi transgressiones omnes ultimâ repugnant voluntati divinæ, quippe qua jubemur obedire præceptis Superiorum nostrorum, juxta illud Apostoli Petri *1. c. 2. v. 18. Servi subditi estote in omni timore Dominis, non tantum bonis & modestis, sed etiam dyscolis.* Herincx p. 2. tr. 2. disp. 5. n. 3. Sporer & alii communiter.

Quæ.

Quæres 3tio, quotuplex sit peccatum theologicum?

R. varias patitur divisiones, scilicet novem sequentes.

- I. Solet dividi in peccatum *originale* & *personale*. Originale est, quod ex Adamo protoparente ceu origine ipsa generationis naturalis propagine contrahimus, personale verò est, quod in propria persona quisque committit.
- II. Dividi solet in peccatum *attuale* & *habituale*, de quibus mox n. 537. & 539. agemus.
- III. Dividitur in *mortale* & *veniale*, de quibus *Conferentia proxima* à n. 565. ex professo agetur.
- IV. Peccatum ut sic dividi solet in *carnale* & *spirituale*. Carnalia dicuntur illa, quæ in delectatione carnali, utputa gula, luxuria &c. Spiritualia verò, quæ in delectatione spirituali, id est, mentali perficiuntur, esto talis delectatio capiatur de aliquo objecto sensibili v. g. divitiis, officiis, aliisque bonis temporalibus &c.
- V. Dividitur in peccatum *cordis*, *oris* & *operis*, scilicet juxta diversos gradus, per quos tandem devenitur ad consummationem peccati exterioris: nam plerumque corde, id est, animò, seu etiam cogitatione concipitur peccatum, quod postea ore profertur, ac tandem opere consummatur,

matur, prout fieri amat in eo, qui v. g. adulterium committit &c.

VI. Rectè dividi solet in peccata contra *DEum*, & *proximum*, *seipsum*. Peccata contra *DEum* dicuntur illa, quæ opponuntur illis virtutibus, quibus in *DEum* per nostras operationes attingendum, aut colendum ordinamur, uti sunt peccata opposita virtutibus theologicis, vel Religionis v.g. desperationis, blasphemiz &c. peccata verò contra proximum illa rectè vocantur, quæ adversantur virtutibus nos dirigentibus erga proximum; uti sunt peccata homicidii, furti, scandali &c. & alia hujuscemodi tum justitiæ, tum etiam charitati proximo debitæ adversantia &c. Denique peccata contra se, seu etiam nos ipsos, appellari solent illa, quæ contrariantur illis virtutibus, quibus in moderandis passionibus nostris rectè dirigimur; uti sunt peccata luxuriæ, gulæ, timiditatis, & similia, fortitudini ac temperantiæ contraria.

VII. Dividitur in peccatum ex *infirmate*, *ignorantia*, vel ex *malitia* commissum. Ex infirmate dicuntur illa commissæ quæ sunt ex vehementissima tentatione, seu etiam impulsu appetitus sensitivi. Ex ignorantia verò, quæ sine prævia apprehensione, esto non inculpabili, malitiæ committuntur. Ex malitia verò re-

ctè

Et censentur illa committi, quæ præcitantatione gravi vel omni etiam ignorantia sponte, ac deliberatè ex perversione voluntatis admittuntur; & hæc posteriora prioribus procul dubio tantò sunt majora, quanto majori libertate & cognitione mali committuntur.

VIII. Rectè dividi solet peccatum ut sic in *proprium* & *alienum*. Nomine prioris intelligitur illud, quod quisque per se ipsum committit; nomine autem posterioris illud, quod quis facit committi ab alio, utputa jussu, consilio, vel dissimulatione &c.

IX. Denique solet peccatum ut sic dividi in peccatum *commissionis* & *omissionis*; illud consistit in actu positivo, præcepto negativo contrario: istud committitur, dum quis voluntariè negligit satisfacere præcepto positivo v. g. de audiendo Sacro; pro quorum meliori intelligentia,

Nota, quòd lex seu etiam præceptum, ut sic communiter, soleat distingui in *affirmativum* & *negativum*, quorum differentia minimè petenda est ex modo enunciandi seu proponendi affirmativo scilicet vel negativo, quò Legislator utitur, sed potius ex fine, quem intendit: illud enim præceptum dici debet affirmativum, vi cujus præcipitur aliquis actus, seu quo jubemur aliquid facere v. g. audire Sacrum, confiteri &c.

è contra negativum ceneri debet illud, vi cuius prohibemur aliquid facere, sed potius jubemur aliquid omittere v. g. non mentiri, non furari &c.

36. Rursus inter hæc duo genera præceptorum advertendum hic venit notabile illud discrimen, quòd scilicet præceptum affirmativum (idem est de lege) semper quidem obliget, non tamen pro semper, id est, non pro omni, sed pro certa duntaxat temporis differentia, sic enim non omni tempore vel momento tenemur amare DEum, actum fidei elicere, vel audire Sacrum &c. Econtra tamen præceptum negativum obligat semper, & pro semper, seu pro omni temporis differentia, saltem in eo sensu, quo Legislator obligare voluit: sic enim nunquam licet mentiri, nunquam moechari, vel homicidium injustum committere &c. prout cum communi aliorum bene docet Reiffenstuel *Theolog. moral. tr. 3. dist. 1. n. 11.*

Quæres 4^{ta}, quid sit, seu in quo consistat peccatum actuale?

37. R. Peccatum actuale consistit in actuali transgressione legis divinæ, sive dein id fiat contra præceptum affirmativum, utputa omittendo Sacrum &c. sive contra præceptum negativum, v. g. committendo homicidium vel furtum &c. Ex quo facile colligere licebit, in quolibet peccato, præ-

sertim

sertim commissionis importari duo, scilicet
 1. actum physicum v. g. occisionis &c.
 quod dicitur *materiale peccati*; & 2dò, quan-
 dam deordinationem seu defectum crea-
 turæ rationalis, vi cuius hæc sese privat re-
 ctitudine debita, ponendo v. g. actum ho-
 micidii in iis circumstantiis, in quibus no-
 vit, eum esse prohibitum; & in hac con-
 sistit malitia moralis seu *formale peccati*;
 quocirca Theologi Scholastici multum dis-
 sident, volentibus nonnullis, præsertim re-
 centioribus, quod hæc malitia formalis con-
 sistat in positivo, aliis è contra TT. & Sco-
 tistis mordicus defendentibus, quod consi-
 stat in mero negativo, seu privativo. Cum
 verò ad praxin parum omnino, immò ni-
 hil prorsus referat, sive unum dicatur, sive
 alterum; hinc præsentem controversiam
 operiosius examinandam Scholasticis relin-
 quimus. Videatur de hoc Mastrius 2. sent.
 disp. 6. q. 1. Pro aliquali tamen hujus no-
 titia

Et breviter 2dò. Formalis malitia pec-
 cati probabilius non consistit in aliquo po-
 sitivo, sed in privativo, id est, in carentia
 seu privatione rectitudinis & conformitatis
 ad legem. Ita S. Bonaventura 2. dist. 37.
 art. 2. q. 1. Scotus in 2. eadem dist. q. 1.
 Alensis, Mastrius, Reiffenstuel, & alii Sco-
 tistæ communissimè. Ratio hujus colligi po-
 test ex eo: quia quamprimum actum ali-
 quem

quem concipimus conformiter ad legem esse præstitum, illum dicimus bonum: ergo à contrario, quamprimùm illum intelligimus esse dissonum legi, vel potius destitutum rectitudine & conformitate illa, quam juxta præscriptum legis deberet habere, meritò illum appellamus formaliter malum; ideòque formalis malitia peccati melius constituitur in negativo, quàm in positivo. Id quod satis clarè innuit S. Augustinus in cap. 1. Joan. super illa verba: *sine ipso factum est nihil.* ubi per ly nihil intelligit Sanctus Doctor peccatum, & ait: *manifestum est, quia peccatum nihil est.* Denique omne ens positivum per se & immediate debet in DEO saltem virtualiter, vel eminenter contineri, & ab Eodem ceu causa prima & operatrice omnis creaturæ effici: absurdum verò videtur asserere, quòd in DEO virtualiter, vel eminenter contineatur malitia moralis, vel quòd hæc ab eodem procedat effectivè, & sit quædam participatio divinæ naturæ, prout omnis effectus creatus esse debet: ergò melius illa malitia moralis constituitur in privativo, quàm in positivo. Videantur de hoc dicta superiùs *Conferent. 3. n. 60.*

Quæres jam sctò, in quo consistat peccatum habituale?

539. R. ad hanc quæstionem speculativam breviter. Peccatum habituale probabiliùs

con-

con-

consistit in ipso peccato actuali, physice quidem præterito, moraliter tamen perseverante in obligatione Deum placandi, eidemque satisfaciendi pro offensa. Ita contra TT. & multos alios etiam è Scotistis tenet noster Herincx *part. 2. tr. 2. disp. 5. n. 35. ubi n. 36.* pro eadem opinione citat Oviedo *tr. 6. controvers. 8. punct. 4. & 5.* Idipsum tenet Du-Pasquier *de peccat. disp. 2. concl. 3.* & Henno *tr. de peccat. disp. 1. q. 5. a. 1. concl. 3.*

Ratio est: quia peccatum habituale quæ peccatum non differt à peccato actuali: quæ habituale verò aliud nihil importat, quam moralem perseverantiam ipsius peccati physice præteriti: atqui hæc moralis perseverantia melius explicari non potest, quam per illam obligationem Deum placandi, eidemque satisfaciendi; quemadmodum enim alii contractus v. g. matrimonii, mutui, emptionis &c. in morali hominum estimatione quantumvis physice præteriti, nihilominus moraliter censentur perseverare, idque tamdiu, quamdiu obligatio inde contracta v. g. à creditore non fuit remissa, vel ab ipso emptore extincta mediante pretio promisso; ita sanè quamoptimè intelligi potest, peccatum physice præteritum tamdiu moraliter perseverare, quamdiu peccator pro culpa admissa Deo non satisfecerit, vel hæc à Deo gratis non fuerit condonata.

Et

Et certè, quamprimum peccator huic obligationi satisfecit, vel Deus eandem remisit, sive dein ob contritionem perfectam, sive ob amorem Dei super omnia, sive denique intuitu absolutionis Sacramentalis, tametsi adhuc restet reatus pœnæ, peccatum non ampliùs perseverat, veluti evidenter colligere fas est ex illa notissima historia Davidica 2. Reg. c. 12. ubi, cùm David Rex corde verè contrito & compuncto dixisset: *Peccavi Domino*, illico audivit per Prophetam Nathan: *Dominus quoque transtulit peccatum tuum &c.* ergo peccatum habituale quà tale quamoptimè constituitur in præfata obligatione. Et hæc sententia, utpote reliquis planior, expeditior & captu faciliior, mihi nunquam non placuit, eò præsertim, quòd huic insistendo faciliùs & doctrinæ coherentius explicari valeat peccatum originale.

Quæres 6to, undenam desumenda, vel colligenda sit distinctio moralis specifica peccatorum?

540. R. Distinctio moralis specifica desumi debet per ordinem ad diversas specie virtutes vel rectitudines, quibus actus peccaminosi opponuntur vel privant, ita scilicet, ut quantò plures hujuscemodi privationes sive in eodem, sive etiam in diversis numero actibus reperiuntur, tantò plura specie morali distincta peccata prudenti Confessa,

feffario colligi, vel argui debeant. Ita tenet Doctor Subtilis 2. *dist.* 37. q. 1. quem sequuntur SS. *communiter*, nominatim Reiffenstuel *Theol. mor. tr.* 3. *dist.* 1. n. 41. Sporer *tr.* 1. *proam. c.* 4. n. 11. Henno ubi *suprà dist.* 1. q. 10. *concl.* 2. Ratio hujus est facilis: quia secundum mox dicta n. 538. peccatum quò tale consistit in privatione rectitudinis debita: ergo tot specie distincta peccata rectè arguuntur, quot sive in eodem, sive etiam diversis numerò actibus reperiuntur specie distinctæ privationes: atqui tot specie distinctæ privationes reperiuntur, quot virtutibus, vel rectitudinibus actus peccaminosi opponuntur; quia quævis privatio specificatur à forma, qua privat: quemadmodum ergo rectè arguimus, privationem v. g. frigoris specie differre à privatione caloris, eò quòd calor, & frigus sint formæ specie physica distinctæ; ita profecto arguere oportet, quòd v. g. peccatum odii & furti specie morali differant, eo quòd odium privet virtute charitatis, furtum verò virtute, & honestate, seu etiam rectitudine justitiæ.

Dixi tamen, distinctionem *moralem* specificam esse desumendam ex diversis privationibus &c. Non enim hic agimus de distinctione meràm physica peccatorum, id est, de illa, vi cujus peccata à se invicem in genere physico noscuntur differre; nam
hæc

hæc distinctio desumi debet ab objectis specie diversis, in quo genere furtum auri & argenti, vel vestis, aut vini &c. specie dicuntur distincta &c. Verum hæc diversitas peccatorum parum, immò nihil omnino facit in ordine ad iudicium Sacramentale, bene verò illa distinctio specifica moralis, quam ex declaratione Concilii Tridentini ff. 14. de Sacram. penitent. cap. 5. & can. 7. & communissima Theologorum opinione in confessione tenemur exprimere, sicut & circumstantias speciem mutantem.

At verò, inquires fortassis; undenam igitur colligendæ sunt illæ diversæ rectitudines?

542. R. Eas esse colligendas partim 1. ex diversis virtutibus, ut jam dictum fuit (quemadmodum enim quælibet virtus habet suum peculiarem finem honestum; ita pariter habet suam peculiarem rectitudinem & honestatem, veluti constat de virtute fidei, spei & charitatis) partim etiam 2. colligi possunt ac debent ex *formaliter diversis* præceptis, id est, talibus, quæ tendunt in formaliter diversos fines. Ex, gr. præceptum jejunii eo tendit, ut per saluberrimam hanc abstinentionem marceremur in corpore & spiritualiter vegetemur in mente, dum caro subjicitur spiritui: è contra præceptum de audiendo Sacro immediatè tendit & intendit honorem ac cultum divinum; quam ob rem hæc duo præcepta (idem iudicium for.

formandum est de aliis) censentur formaliter inter se distincta, ita ut quodlibet habeat honestatem & rectitudinem ab alterius rectitudine distinctam. Econtra tamen, tametsi idem v. g. jejunium ex eodem tamen fine, scilicet macerationis &c. à diversis Legislatoribus, vel ab eodem quidem, ast, diversis temporibus supponatur præceptum, hujusmodi præcepta non formaliter, sed materialiter potius censentur distincta, ut proin contrafaciens, & jejunium frangens, non duo specie distincta, sed unum duntaxat peccatum committat, juxta *communissimam Doctorum*.

Dices adhuc. Dantur peccata specie distincta, uti sunt vitium prodigalitatis & avaritiæ, quæ tamen privant eadem rectitudine, & opponuntur eidem virtuti, scilicet liberalitatis: ergo distinctio specifica moralis non rectè colligitur ex diversis privationibus &c.

R. Distinguendo *ans.* Vitium prodigalitatis & avaritiæ privant eadem rectitudine subalterna, *concedo*, eadem rectitudine in specie infima, *neg. ans. cum conseq.* Virtus quippe liberalitatis, utpote consistens in medio, sub se continet duas rectitudines specie infima distinctas; nam recta ratio dicitur, quod homo nullatenus debeat excedere limites liberalitatis, & excedendo incurrere vitium prodigalitatis: dicitur insu-

R. P. Elbel, de Art. Hum. & Leg. Nn per,

per quòd non debeat ab eadem deficere per nimiam tenacitatem, & deficiendo incurrere vitium avaritiæ, quæ duo dictamina in morali hominum existimatione multum inter se differunt, veluti fufius declarat P. Mastrius in 2. lib. sent. disp. 6. de peccat. art. 3. n. 52. & seqq.

Dices iterum. Furtum veniale & mortale specie morali inter se differunt; cùm unum fit veniale, alterum verò mortale peccatum, & tamen opponuntur eidem virtuti, & privant eadem rectitudine iustitiæ in specie infima: ergo resolutio data non subsistit, neque ex privatione rectitudinum rectè arguitur distinctio specifica peccatorum.

544. & quòd peccatum mortale differat quidem à veniali specie morali non quacunque, sed Theologica, scilicet in ordine ad confessionale; alia quippe est rectitudo, seu etiam dictamen rectæ rationis, quo iubemur DEum non offendere graviter, neque nos ab eodem similiter avertere per gravem læsionem proximi: aliud verò dictamen, quò recta ratio nos monet, ne DEum leviter quidem offendamus, aut nos ab Eodem secundùm quid avertamus, per modicam proximi nostri damnificationem. Et quia species Theologica peccati idem vult dicere, quod facies rei, seu peccati; hinc meritò peccatum veniale, & mortale quæ

quà talia dicuntur differre specie morali Theologica; quandoquidem Theologus prudens longè aliud iudicium ferre debeat de peccato mortali, vi cuius peccator gratiâ DEI simpliciter excidit, & pœnæ æternæ reatum incurrit, quàm de peccato veniali v. g. furti, vi cuius peccator nec se ipsum simpliciter avertit, nec gratia DEI excidit, neque proximum graviter lædit. Quare ad hanc instantiam in forma negari debet minor cum conseq. Videatur R. P. Kresslinger addit. post. n. 42. ad tr. 3. dist. 1. Theolog. mor. R. P. Reiffenstuel.

Quæres 7timò, undenam desumi possit vel debeat distinctio moralis numerica peccatorum?

R. Distinctio moralis numerica (in ordine scilicet ad confessionem, in qua juxta Tridentinum suprâ tenemur hanc exprimere) desumi debet ex actibus pravis voluntatis, moraliter completis, ac consummatis, ita scilicet, ut tot committantur numerò distincta peccata, in confessione necessariò explicanda, quot actus pravi voluntariè consummantur, seu etiam repetuntur. Hanc velut regulam universalem ex communi Doctorum sententia sapienter tradit Reiffenstuel Theolog. mor. tr. 3. dist. 1. n. 51. Ratio est: quia omne peccatum quà tale plenariè dependet, ac procedit à voluntate: ergo rectè dicuntur tot committi peccata, quò-

ties ab eadem voluntate actus peccaminosi consummantur, & complentur. Et hæc quidem regula satis plana est: advertendum tamen est, quod notanter

- §46. Dixi: distinctionem moralem numericam esse desumendam ex *actibus moraliter completis & consummatis*; pro cuius pleniori intellectu notandum venit, alia esse peccata merè interna, alia verò peccata externa. Prioris generis sunt illa, quæ merè intra mentis latebras, seu, ut alii loquuntur, in corde consummari possunt, ac solent, veluti sunt v. g. odium Dei vel proximi, item hæresis, invidia & similia, propterea que appellari solent peccata interna; fieri quippe potest, ut aliquis evadat verus ac formalis hæreticus (esto non excommunicatus) modò in intellectu foveat & assentiatur alicui errori contra aliquam veritatem à Deo revelatam. Alia è contra appellantur peccata externa, eò quod præter internam malevolam voluntatem ad sui consummationem insuper requirant opus quoddam externum; nam ad homicidium v. g. aut furtum consummandum non sufficit solus actus internus v. g. furandi vel occidendi, sed insuper necessum est, ut interveniat actus externus, utputa contræctionis rei alienæ, trajectionis &c. veluti quisque prudentum facile capiet. Idem suò modo tenendum est de actu detractionis, seu etiam diffamationis,

tionis, fornicationis, adulterii & similibus.
Hoc notato

Et jam 2dò. Peccata merè interna toties 547.
numerò multiplicantur, quoties actus inter-
nus repetitur. Econtra 2. peccata externa
toties numero multiplicantur, quoties actus
exteriores peccatum physicè, & moraliter
consummantes, atque complentes repetun-
tur. Ita Reiffenstuel *l. cit. n. 55. & 56.*
Laymann *l. 1. tr. 3. c. 3. n. 3.* Sporer *tr. 1.*
proem. c. 4. sect. 3. n. 15. & seqq.

Ratio hujus facillè colligitur ex mox di-
ctis: tot enim committuntur numerò di-
stincta peccata in confessione necessariò
explicanda, quot actus maligni seu peccami-
nosi consummati voluntariè repetuntur: at,
quoties peccata merè interna reassumun-
tur; quoties etiam actus externi idem pec-
catum moraliter complentes & consumman-
tes iterantur, toties peccata consummantur:
ergo totidem numerò distincta peccata in
confessione necessariò exprimenda com-
mittuntur. Ex quibus facillè liquet, quòd
toties pecces mortaliter peccato interno,
quoties odium in DEum, vel proximum
conceptum voluntariè renovas intra late-
bras mentis tuæ. Similiter peccato externo
toties peccas, quoties s. v. pollutionem
procuras, vel copulam cum aliena consum-
mas &c. quia scilicet hæc peccata semper cen-
sentur physicè, & moraliter consummata;

neque enim una pollutio cum altera, vel una copula cum alia, habet connexionem moralem, vel ullam dependentiam, aut subordinationem ex natura rei.

Verum tota hæc res de distinctione numerica peccatorum, quæ (ut verum fatear) suis difficultatibus non caret; eò quòd, ut jam insinuavi in *Theolog. Sacram. part. 2. Confer. 7. n. 195.* potissimum à morali hominum judicio (quod utique inter omnes æquale non est), dependeat: nihilominus, nî fallor, captu facilius reddetur per sequentes Casus practicos, & Corollaria mox subsequutura. Quare sit.

§. II.

Proponuntur, & breviter resolvuntur Casus practici circa speciem, & numerum peccatorum, discernendum.

CASUS PRIMUS.

Talius homo optima voluntatis, sed continuis scrupulis continuò exagitatus, hætenus totis viribus conatus fuit, ne unquam DEUM, Ter. O. M. offenderet. Quia tamen (sine dubio suggerente diabolo) existimavit, se hætenus ex molestissimo illo & continuo labore non reportasse, nisi continuam conscientia sua inquietudinem & anxietatem; hinc tandem demonis tenta-

tationibus succumbens, firmiter secum statuit, quodd proxima tentatione, vel occasione sibi occurrura, velit peccare mortaliter, ut tandem experiatur, & sciat, quomodo homo peccato mortali obnoxius se habeat, vel quidnam tunc sua conscientia esset dictatura. Verum bonus Titius vix tale propositum conceperat, dum ecce! gravioribus conscientia stimulis, ac furiis exagitatus, sine mora cucurrit, ut inveniret quempiam, qui se à tam perverso proposito absolveret. Jam ad nostrum propositum quarere licet, an vel quomodo Titius in hoc facto peccarit, & quid eidem fuerit consulendum, vel agendum Confessorio, cui retulit casum mox narratum?

R. ad primum. Titium, si tamen reipsa voluntariè ac deliberatè illud propositum concepit (de quo meritò dubitandum videtur, eo ipsò, quodd semper conatus fuerit resistere, prout constare debet ac potest ex dictis suprà de Conscient. scrupul. Conser. 8. n. 262. & seqq.) Titium, inquam, sine dubio graviter peccasse, peccato tamen speciei innominandæ potius, quàm nominatæ seu determinatæ. Ratio est: quia tale propositum non repugnat cuidam determinatæ virtuti in individuo, prout consideranti patebit, sed potius generali illi principio & regulæ morali, vi cujus jubemur *declinare à malo, & facere bonum*: ergo cum Titius solum sese resolverit ad peccandum morta-

liter, non determinando se, in quo genere, vel in qua specie peccati; clarum est, quòd nequeat dici peccasse in quadam certa specie, prout jam suprà *Confer. 3. n. 71.* cum P. Herincx id ipsum tradidimus. Secus tamen dicendum foret, si Titius tentatus contra aliquam virtutem in individuo v. g. contra castitatem, sese resolvisset, quòd proxima occasione sibi oblata vellet uti, tunc enim procul dubio determinare posset, & hòc ipso teneretur, an cum hac, vel illa persona, vel quò modo &c. Hac de causa

- § 49. R. jam ad 2dum, à Confessario fuisse in hoc casu indagandum 1. an revera deliberato animò conceperit dictum propositum? sæpe sæpiùs enim verè scrupulosi existimant, immò afferunt, se consensisse, aut succubuisse tentationi, tametsi in veritate rei consensum minimè præbuerint, prout jam *loc. prox. cit.* animadvertimus: si tamen fateatur, se revera illud propositum deliberato animò concepisse, tunc 2. oporteret eum examinare, an non cogitaverit de aliquo peccato determinato, vel, an non in aliqua materia determinata, circa hanc vel illam personam &c. tentatus fuerit? quò supposito Confessarius haud difficulter poterit colligere speciem, & qualitatem peccati commissi à pœnitente. Et adhuc faciliùs (nò fallor) eidem, utpote homini optimæ mentis, persuadere poterit, ne deinceps unquam

quam ampliùs concipiat hujuscemodi resolutionem, quippe quæ, uti experientia docuit, nihil prorsus confert ad serenandam conscientiam, sed potiùs ad eam ampliùs intricandam: non enim succumbendo & aquietendo diaboli tentationibus, vel inordinatis naturæ passionibus, sed potiùs viriliter iisdem resistendo, acquiritur vera pax cordis, & tranquillitas mentis.

At, inquires, quid tenendum de eo, qui quidem minimè scrupulosus, sæpiùs tamen à dæmone infestatus ac tentatus, tandem sese resolvit in hunc modum: *Video, quòd semper honesta sectari, perfectiora sequi, vel etiam inspirationibus divinis obtemperare hominem reddat tristem ac melancholicum: admit- tam ergo etiam in animum meum id, quod delectat.* An, vel qualiter talis censendus est peccasse?

R. In hoc casu non illico inferendum, esse, quòd pœnitens deliquerit mortaliter, sicut neque determinari potest, in quam virtutem impeggerit; nam semper perfectiora sectari, aut quibusvis inspirationibus divinis ad virtutis studium excitantibus morem gerere, cum sit procul dubio res valde ardua ac difficillima, meritò sub consilium potiùs, quàm sub præceptum cadere, tenetur ab omnibus Theologis, tametsi fateri cogamur, quòd resistendo hujusmodi inspirationibus sæpe sæpiùs possimus incur-

Nn §

rere

rere imperfectiones homine christiano, & præsertim Religioso indignas.

Quia tamen in hoc casu pœnitens fertur proposuisse, quòd vellet admittere in animum id, quòd delectat; hinc ad dignoscendam speciem, seu etiam gravitatem peccati examinandus erit, quas delectationes intenderit admittere? an scilicet honestas, vel inhonestas? Et si hoc posterius fateatur, ulterius oportebit indagare, quasnam delectationes, cum quibus personis, vel in quo genere illas desideraverit. Tum verò ex ejusdem responsis haud difficile erit gravitatem, & speciem peccati colligere.

Denique si omnibus perpensis maneat dubium, an voluerit admittere delectationem graviter, vel leviter tantum peccaminosam, Vasquez, Thomas Sanchez aliique plures autumant, eum fore condemnandum peccati mortalis: è contra alii, nominatim Perez, & Rodriquez, quos citat, & sequitur R. D. Michel *Theolog. Canon-morali. tom. 1. tr. 3. q. 3. §. 2. pu. 4. n. 8.* putant, talem peccare venialiter duntaxat. Verùm salvo meliore judicio, existimo ego, in tali dubio vel maximè attendendum esse ad indolem & animum pœnitentis, qui, si comperiatur cæteroquin esse homo bonæ mentis, qui non soleat de facili consentire peccatis gravioribus, etiam in hoc casu vel dubio reputandus est, non peccasse graviter:

secus

fecus procul dubio judicandum foret, si esset homo perversus, pluribus peccatis obnoxius, vel assuetus bibere quasi iniquitatem velut aquam. Videantur de hoc dicta superius *Confer. 3. n. 71.*

CASUS SECUNDUS.

*S*empronius hinc inde multa debita contraxerat, quibus solvendis se imparem agnoscit. Cum verò nuper ab aliquo creditore (quem sciverat satis probare non posse) de quodam debito 50. florenorum coram Pro-Consule fuisset conventus; hinc illud debitum nedum rotundè negavit, verum insuper suum creditorem coram Pro-Consule locò solutionis debita multis agnominibus, immò etiam convitiis, & contumeliis ex uno quidem, & eodem impetu iracundia affecit. Jam verò ad nostrum propositum dubitatur 1. an Sempronius non solvendo, vel etiam differendo solutionem hujus debiti, commiserit unicum duntaxat, vel verò plura peccata mortalia. 2. An diversis convitiis, & contumeliis creditorem ex eodem quidem impetu iracundia proscindendo, non commiserit plura, numerà, & specie distincta peccata; & denique 3. Quidnam Confessario cum tali pœnitente fuerit agendum?

R. ad primum. Sempronius ex eo præ-§ 71.
cise, quòd non solverit (nam mentiendo,
vel creditorem suum calumniando procul
dubio

dubio commisit alia peccata) vel quòd restitutionem distulerit per integrum annum, etsi citius potuisset restituere, non commisit, nisi unicum peccatum. Ratio est: quia moraliter loquendo censetur unica injusta detentio rei alienæ: esto etiam supponeretur, hoc suum propositum sæpius repetiisse; nihilominus omnes istæ repetitiones, utpote tendentes, & unitæ in eodem moraliter fine, non integrant nisi unicum numerò peccatum; quemadmodum intentio v. g. furandi, occidendi, fornicandi &c. sæpius quidem repetita, non facit plura, sed unum numerò peccatum v. g. cum furto, vi ejusdem intentionis tandem subsecuto & completo. Secus dicendum foret, casu quo Sempronius suum malignum propositum (scilicet non solvendi) sæpius interrupisset, seu etiam retractasset, & denuo de novo reassumpsisset &c. tunc enim hujusmodi proposita non solvendi, sed etiam non restituendi, manerent peccata numerò inter se distincta, & necessario in actu confessionis exprimenda. Ex quo P. Sporer *tr. 1. proæm. c. 4. n. 19.* rectè infert, posse aliquem integro mense, vel anno perseverare in malo proposito v. g. duellandi cum suo inimico, & tandem eundem in duello occidendo complere unicum duntaxat peccatum externum. Econtra verò alium unâ eadèmq; hora posse committere centum pec-

peccata merè interna, & moraliter interrupta, propterea que per se loquendo necessario exprimenda in confessione.

Nihilofecius cum hujusmodi pœnitentibus plerumque saltem moraliter impossibile accidat exprimere numerum & interruptionem actuum internorum, idèò ordinariè sufficit exprimere moram temporis; v. g. integro mense, vel anno &c. perstiti in proposito maligno fornicandi, non restituendi &c. quod sæpius renovavi, antequam consummare illud. Ita Vasquez *disp.* 75. c. 2. Laymann *lib.* 1. tr. 3. c. 3. n. 4. quos refert, & sequitur Sporer *l. cit.* Quæ de causa sapienter monet Sabinus Bononiensis in *sua luce morali. part.* 1. tr. 35. n. 17. quòd in similitudine Confessarii non debeant esse nimis anxii, aut nimis molesti suis pœnitentibus in indagando numero interruptionum, sed satis esse, quòd inquirant, quanto tempore rem alienam non restituerint &c.

R. ad 2dum. Tametsi quamplures etiam insignes Doctores probabiliter teneant, illum, qui ex eodem impetu iræ plures contumelias infert suo proximo, utpote eundem appellando furem, adulterum, impostorem, homicidam &c. committere tot, & quidem specie distincta peccata, quot specie distinctas contumelias vel calumnias eidem infert; tum quia quælibet supponitur
ab

ab altera specie distincta; tum etiam quia quælibet est peccatum externum, physicè, & moraliter completum; nihilominus præcticè loquendo existimo probabilius cum Bonacina *disp. de peccat. q. 4. pa. 2. n. 12.* Castropalao *part. 1. tr. 2. disp. 3. pu. 3. n. 6.* Tambur. *in methodo exped. confess. l. 2. c. 2. n. 12.* Illis & aliis pluribus, talem non comittere plura numerò, vel specie distincta peccata. Ratio est: quia hæc calumniatio, præsentè licèt Proconsule, moraliter loquendo non fuit, nisi unicus numerò actus, & unica diffamatio. Unde, quemadmodum is, qui à Petro furatus fuit equum, vestem, & arma, non tenetur ea explicare in confessione, sed satisfaceret dicendo, se graviter damnificasse proximum in bonis fortunæ, injustè eidem clam auferendo seu furando; ita pariter in nostro proposito Sempronius satisfaciet se se accusando, quòd coram Proconsule graviter infamavit suum Creditorem: sicut enim in priori casu contractatio diversarum rerum moraliter adintegrat unum furtum, & unam damnificationem in bonis fortunæ; ita in posteriori plures contumeliæ aut calumniæ simul ex eodem impetu iracundiæ prolatæ, moraliter adintegrant unam injustam diffamationem: profecto nec praxis Confessariorum fert, ut pœnitentem velint obligare & ad explicanda singula nomina, quibus proximum

num suum dehonoravit, prout sapienter notavit Palao *part. 2. Tr. 2. disp. 3. pu. 3. n. 5.* Secus procul dubio dicendum foret, casu quo Sempronius moraliter prævidisset, ex sua diffamatione Creditori emerfurum aliud damnum in bonis fortunæ &c. hoc enim velut peccatum physicè, & moraliter distinctum ab injusta diffamatione, procul dubio teneretur exprimere in sua confessione. Ex quibus

¶ Jam ad 3tium. Si Sempronius se ipsum non satis explicuit, examinari debuit 1. an ergo semper, & quamdiu perstiterit in eadem voluntate efficaci non restituendi, vel solvendi suo Creditori? nam si sæpius retractasset hanc suam voluntatem, plura numerò peccata saltem interna commisisset secundum dicta. 2. An ex tali dilatione solutionis non præviderit aliud damnum, suo Creditori subsequendum? tunc enim obligandus foret ad hujus reparationem. 3. An putet, Proconsulem adhibuisse fidem falsis diffamationibus (de quo vix dubitandum, quin saltem aliquid adhæserit) nam in hoc casu tenetur Sempronius modo moraliter possibili retractare sua dicta. 4to Denique vel maxime indagandum est ex tali poenitente, an defacto saltem efficaciter proponat satisfacere suo Creditori, nedum quoad bona fortunæ, sed etiam quoad bonum famæ, quam primum moraliter potuerit,

rit. Ratio est: quia secundum dicta *part. 2. Theol. Sacram. Confer. 18. n. 457. & seqq.* Confessario incumbit, procurare reſtitutionem iudicii, ideòque etiam explorare, sitne pœnitens ritè dispositus, & capax absolutionis, vel non? at, non erit capax, nisi adpromittat serio satisfacere suo Creditori: ergo &c. Cæterum, quomodo restitutio famæ, & recompensatio damnorum inde fortassis subsecutorum fieri debeat, colligi poterit ex iis, quæ diximus in *tr. de Restit. Confer. 9. n. 231. & seqq.*

CASUS TERTIUS.

CAjus juvenis firmiter secum statuit, quòd vellet sua natura ad omnem vivendi licentiam stræna laxare: cum verò in hunc finem subsidio pecuniario (quò ipse velut pauperculus destitutus fuerat) necessarium sibi esse bene perspexerit, hinc alium quendam locupletiozem se in suam sententiam pertrahere studuit; quod & feliciter obtinuit, eundem primò inducendo, ut neglecto Sacro tempore matutino secum pergeret in hospitium seu popinam ad sumendum jentaculum; quod dum alter seductus præstitit, & vino paululum incaluit. 2. Eidem Cajus facillimè persuasit, ut secum pergeret ad certam quandam domum, in qua noverat latitare quandam mulierem, vel verius loquendo, quoddam Veneris simulacrum &c. Tandem Cajus pœnitentia duc-

Aus

Quis suppliciter sese accusat de peccatis mox relatis, simul tamen subdit (fortassis ut videretur & ipse doctus vel sapiens) se omnia illa peccata commisisse ex una eadēque intentione ac proposito, scilicet licentiosè vivendi. Quæritur jam, an Cajus unicum duntaxat, vel verò plura peccata commiserit in hoc casu?

R. Minimè dubitandum est, quin Caius, § 54 in hac specie facti commiserit plura numerò & specie distincta peccata, in confessione necessariò exprimenda; & primò quidem propositum illud laxandi naturam frana ad omnem vivendi licentiam, fuit peccatum gravissimum, etsi in specie innominanda potius, quam nominanda, veluti dictum fuit in casu proximè præcedenti, addò, dum ex eodem fine alium se locupletiores studuit seducere, procul dubio commisit aliud numerò distinctum peccatum, scilicet scandalum, vi cujus plurium alienorum peccatorum participem sese reddidit, utputa neglectus divini officii, fornicationis &c. &c.

At, inquires fortassis plures actus externi secundum dicta n. § 47. ordinati ad eundem finem constituunt unicum duntaxat peccatum mortale, veluti Doctores communiter exemplificant de illo, qui ex intentione occidendi inimicum suum præparat arma, conscendit equum &c. & tandem eundem trahit, non nisi unicum peccatum commisisse censetur, & satisfacit in

R. P. Elbel, de Ad. Hum. & Leg. Oo con-

confessione sese accusando, quòd inimicum suum occiderit: atqui Cajus pariter supponitur prædicta omnia fecisse ex uno, eodemque fine, scilicet *verè licentiosè vivendi*; ergo non commisit, nisi unicum numerò peccatum.

555. R. Negando suppositum majoris: non enim docui *loc. cit.* quòd plures actus externi, qualescunque demum, ad eundem finem ab operante solùm ordinati non faciant, nisi unicum numerò peccatum: sed hoc solùm, quòd actus externi peccaminosi seu mali moraliter tot sint numerò distincta peccata, quoties physicè simul, & moraliter complentur, prout bene exemplificatur in exemplo allato de homicida. Contrarium nihilominus tenendum est de illis actibus, qui aliunde ex suo objecto habent specialem malitiam; esto enim tales etiam plures ab operante referantur ad eundem finem, & vi hujus induant specialem malitiam ipsius finis, in quem referuntur, propterea tamen minimè perdunt, vel exuunt illam malitiam specialem, quam habent ex suo objecto. Ex. gr. si Cajus noster supponatur efficaciter sibi proposuisse corrumpere virginem, & ex hoc fine eidem blandiatur, inserviat, osculetur, tangat, ac tandem opus ipsum perficiat, omnes isti actus, utpote ex natura sua subordinati & ad eundem finem tendentes, eidemque

virg.

Virtuti repugnantes censentur in eodem fine quodammodo uniti, & moraliter compleri, ut propterea Caius satisfaceret in confessione sese accusando & dicendo: fui semel fornicatus &c. At verò, si idem Cajus animadvertisset, hanc Virginem solis blanditiis non posse permoveri ad concedendum usum corporis, nisi simul trahatur vinculis aureis, vel saltem argenteis, proptereaque utpote propriis mediis destitutus in eundem finem suo Domino abstulisset v. g. decem florenos, profecto minimè satisfaceret præcepto Confessionis præcisè se accusando, quòd fuerit semel fornicatus &c. sed insuper teneretur fateri illud furtum ex tali fine commissum. Ratio est: quia tamen si medium de se malum (uti est furtum) contrahat malitiam finis, in quem ab operante ordinatur & intenditur, propterea tamen non amittit propriam suam malitiam, v. g. injustæ damnificationis proximi, quæ, cum sit prorsus aliena à malitia fornicationis, hinc necessario debet in confessione distinctim exprimi, prout facile constare potest ex iis, quæ diximus superius *Confer. 3. à n. 83.*

Dices. Si Cajus ex eodem proposito & intentione abstulisset integram bibliothecam constantem pluribus libris, non commisisset, nisi unicum peccatum, esto etiam pluribus & interpolatis vicibus libros

furtim asportasset : ergo similiter non committit, nisi unicum numerò peccatum, esto Cajus ex eodem fine licentiosè vivendi alterum seduxerit ad negligendum sacrum, & ad fornicandum &c.

556. *xy.* Negando hanc pessimam consequentiam, & paritatem. Quemadmodum enim integra bibliotheca non ex uno, sed necessario ex pluribus libris integratur, & his non obstantibus unica duntaxat bibliotheca censetur; ita ablatio totius bibliothecæ potest intendi per modum unius furti, ad quod illæ successivæ ablationes ordinantur; quæ, cum aliunde non supponantur habere singularem malitiam, meritò reputantur in morali hominum existimatione unicum furtum consummatum ac completum: è contra verò ad illum pessimum finem, *licentiosè scilicet vivendi*, per se non ordinatur seductio alterius &c. & licet per accidens saltem, ex fine operantis scilicet, eò fuerit ordinata, quia tamen hujusmodi media in se habent diversas malitias specie distinctas; hinc juxta Concilium Tridentinum suprà *n.* 541. citatum, & *communissimam* DD. in confessione necessario debent exprimi.

§. III.

Corollaria ex dictis inferenda.

Colliges ex hæcenus dictis primò, in § 7. quolibet peccato reperiri diversas deordinationes; nam, 1. in quantum repugnat Deo ut supremo Legislatori, continet quandam inobedientiam. 2. in quantum Eidem velut Supremo & absoluto Domino nostro repugnat, continet injustitiam. 3. in quantum Deo ceu supremo Benefactori nostro & communi Parenti omnium adversatur, continet nedum ingratitude, sed etiam quandam impietatis speciem. Denique 4. in quantum Deo ceu ultimo fini nostro repugnat, continet aversionem à Deo, & conversionem ad creaturam. Verùm hòc ipso, quòd omnes ac singulæ deordinationes mox relatæ in quolibet peccato involvantur, & ipsius naturam velut quædam proprietates transcendentes consequantur, necessum non est, ut pœnitens de his singulariter sese accuset: quandoquidem à quovis Confessorio aliunde possint, ac debeant intelligi. Secus dicendum foret, si pœnitens tam fuisset perversus, ut ex professo intendisset Deum velut Parentem, aut supremum Dominum &c. offendere, quo casu utique hujusmodi impietatem, utpote aliunde non

perceptibilem à Confessario, teneretur in confessione singulariter exprimere, juxta communissimam DD. apud Herincx *diff. cit. de peccatis. n. 5. & seqq.* Sporer *tr. 1. c. 4. à n. 5. & alios.*

- § 58. Colliges 2dò. Deum non fieri auctorem peccati, neque eidem malitiam formalem seu causam moralem hujus imputari posse, tametsi cum homine seu causa 2da concurrat simultaneè juxta Scotistarum opinionem, ad materiale peccati, utputa ad contrectationem rei alienæ in furto, ad trajectionem physicam &c. in homicidio &c. Ratio fundamentalis hujus corollarii, est: quia ille dumtaxat dicitur formaliter peccare, qui voluntariè agit contra legem justam sibi positam: atqui DEUS concurrente simul cum creatura ad materiale peccati, v. g. ad contrectationem rei alienæ &c. non agit contra legem sibi positam, quin potius velut causa universalis debet simul influere cum causa 2da ad quemlibet effectum positivum, quippe qui sine concursu causæ primæ prorsus impossibilis foret: ergo proposito semel justissimo suo decreto, quod velit causis liberis relinquere arbitrii libertatem atque indifferentiam, tenetur ad hujus determinationem in malum simul concurrere & se condeterminare; consequenter non Deo, sed soli creaturæ utpote prævaricanti legem justam, malitia formalis peccati debet imputari.

putari. Videatur Reiffenstuel *Theolog. mor. tr. 3. dist. 1. n. 24.* Kreslinger *addit. ad eundem numerum*, vel Henno *disp. 1. de peccat. q. 4. conclus. 1.*

Colliges 3^{to}, solum arbitrium humanum, § 59.
 esse immediatam & proximam causam omnis peccati & malitiæ moralis. Ratio est: quia. lex soli agenti libero imponitur: atqui solum arbitrium humanum est agens liberum: & licet dependenter ab arbitrio humano etiam aliæ potentie exteriores, utputa oculus, lingua, auris &c. dicantur operari liberè, nihilominus hæc denominatio tota quanta originatur & derivatur ab arbitrio humano ceu prima radice libertatis, cui proin quemadmodum omnis moralitas, ita etiam omnis bonitas, vel malitia moralis meritò imputatur, esto negari non possit, quin & aliæ potentie humanæ tum intum exteriores etiam, utputa visus, auditus, intellectus &c. causa, vel potius occasio peccati dici valeant, in quantum sæpe sæpius voluntati nostræ proponunt delectabilia, & illicitas, quibus hæc tandem pertrahitur ad assentiendum & peccandum, prout cum *Communi* aliorum rectè docet Henno *l. cit. consl. 2.*

Colliges 4^{to}. Eum, qui non jejunat tempore quadragesimæ, & quidem in tali die, in quem incidunt quatuor tempora, vel vi-

gilia alicujus Sancti v. g. Matthiæ &c. non committere duo sed unum duntaxat specie & numero peccatum. Idipsum dicendum est de eo, qui violat duo vota simplicia, vel duo juramenta circa eandem materiam. Ratio est: quia hujusmodi præcepta & obligationes, esto fortassis à diversis legislatoribus, aut certè diversis temporibus contractæ, prorsus ad eundem finem, utputa macerationem carnis &c. tendunt, ideoque non sunt præcepta formaliter, sed materialiter duntaxat diversa; qui verò violat præcepta materialiter tantum diversa, non committit propterea plura numero vel specie distincta peccata, sed unicum, esto fortassis gravius: ergo &c.

- §61. Colliges tamen è contrario quòd, cum, qui non exequitur opus diversis formaliter præceptis debitum, ut si quis ad jejunandum, confitendum, communicandum &c. nedum ex præcepto Ecclesiæ, verum etiam ex voto, vel ex præcepto Confessarii pœnitentiæ causâ fuit obligatus, plura committere peccata specie distincta, & in actu confessionis necessario exprimenda. Ratio est: quia talis se privat diversis reëctitudinibus ac virtutibus; alia quippe est honestas jejunii secundum se præcisè, alia honestas voti, aut pœnitentiæ à Confessario intentæ: ergo qui violat non solum præceptum Ecclesiæ,

clesiæ, sed etiam votum &c. committit plura specie distincta peccata, juxta *communissimam* DD. videndam apud Babenstuber *tr. 2. disp. 3. a. 2. n. 19.*

Colliges 6to, ad multiplicanda numericè § 62. peccata externa non sufficere quamcunque interruptionem voluntatis internæ, utputa merè naturalem, vel involuntariam, qualis potest intervenire v. g. ob distractionem naturalem, commestionem, conversationem cum aliis, aut propter somnum necessarium; ut si hodie proposuisti, quòd crastina die velis occidere inimicum tuum (loquimur enim de peccatis externis) & in hac voluntate firmiter perseverans interea dormias, cibum capias, cum aliis converseris, quantumvis immemor hujus propositi, crastinà verò vi hujus exequaris homicidium, unicum duntaxat peccatum committes, & in confessione satisfacies temet accusando, quòd homicidium commiseris. Ratio est: quia actus internus ad exteriorē ordinatus physicè quidem, non verò moraliter fuit interruptus, quod tamen omnino fuisset necessarium ad multiplicanda numericè peccata, prout rectè docent Moya *tr. 3. de penitent. disp. 2. q. 1. n. 13.* Coninck, Navarrus, Tamburinus & alii plures, quos refert, & sequitur Illung *tr. 2. a. 5. n. 62.*

563. Colliges rursus è contrario 7mo, ex eo præcisè, quòd plures actus externi ordinentur ad eundem finem externum, seu etiam unica intentione simul intenduntur, minime sequi, quòd unicum duntaxat peccatum in executione committatur, nisi actus externi tales sint, ut de se ad eundem finem tendant; & sibi subordinentur, prout fieri potest in pluribus successivis ablationibus ad auferendam v. g. integram bibliothecam, veluti diximus n. 556. Unde tametsi v. g. ad initium quadragesimæ proponas, quòd nunquam velis servare jejunium, vel nunquam recitare breviarium, & vi hujus intentionis singulis diebus jejunium frangas, aut breviarium negligas, non committis unicum duntaxat, sed plura numero distincta peccata, tot scilicet, quot diebus jejunium fregisti, aut breviarium neglexisti. Ratio est: quia ex ordinatione Ecclesiæ, & morali hominum existimatione, cuilibet diei affixa est specialis obligatio breviarium recitandi, & jejunium servandi; quò fit, ut quocunque demum die jejunium frangis, censearis peccatum physicè & moraliter consummatum commisisse, in confessione necessario explicandum, nec penes te stat, ut vi unius intentionis ex pluribus illis peccatis externis unicum duntaxat fiat, vel ut singula in unum coalescant.

Econ-

Econtra verò si vi ejusdem intentionis omittas integrum breviarium unius diei, id est, omnes horas canonicas, committis unicum duntaxat peccatum, etsi gravius, quàm si unicam tantùm horam canonicam neglexisses. Ratio est: quia ex septem horis Canonicis simul, ex ordinatione Ecclesiæ adintegratur solum unicum officium unius diei, consequenter potest per modum unius intendi, ita, ut quemadmodum is, qui in unico convivio comedit plures cibos carnales die veneris, non nisi semel censetur fregisse jejunium, ita etiam talis Clericus non censetur omisisse, nisi unicum breviarium. Cæterùm an illa voluntas seu propositum, per integram quadragessimam nunquam jejunandi &c. præscindendo ab executione seu fractione jejunii, sit unicum duntaxat peccatum, vel verò plura numerò diximus satis in *Theolog. Sacram. p. 2. Conf. 7. n. 185. & seqq.* Videatur de hoc P. Stoz *tribun. lib. 1. part. 3. n. 592.* Gobat. *theolog. exper. tr. 6. n. 385.* vel Illung *tr. 2. disp. 2. n. 67.*

Colliges denique 8tavò, Eum, qui post § 64. conceptum firmum propositum de negligendo v.g. Sacro, domi manens, tempore Sacrificii audiendi studiis, lusuivè vacat, non peccare studendo præcisè vel ludendo: neque alii eidem colludentes peccant. Ita cum communi DD. tenet P. Mezger
10m.

tom. 2. tr. 6. disp. 18. art. 1. n. 6. eumque
 secutus Babenstuber tr. 2. disp. 3. a. 3. n. 7.
 & 11. Ratio est: quia tale studium de
 se non est malum: similiter lusus, uti sup-
 ponitur de se est indifferens: esto etiam sit
 incompatibilis cum auditione Sacri, nihil-
 ominus tamen non est causa omissionis:
 ergo vi studii vel lusûs præcisè non peccat
 is, qui Sacrum negligere jam prius efficaci-
 ter statuit: & hōc ipso neque alii collu-
 dentes peccant. Secus dicendum foret, ca-
 su quo talis lusus fuisset causa ommittendi
 Sacrum; quia tunc talè medium, quan-
 tum vis de se indifferens, inducere malitiam
 finis, proptereaquè lusus vel studium eva-
 deret peccaminosum, licet non contrahe-
 ret aliam malitiam diversam ab omissione
 Sacri, cujus supponitur causa exstitisse,
 ita ut pœnitens accusando se præcisè de
 omissione seu negligentia Sacri, adhucdum
 satisfaceret præcepto Confessionis. An ve-
 rò possibilis sit *pura omissio libera*? Schola-
 sticis disputandum consultò relinquimus,
 cū hujus decisio prorsus nihil con-
 ferat ad praxim.



CON-

CONFERENCE VIGESIMA.


De Peccato mortali, & veniali in specie.

SUMMARIUM.

- 565. Quid sit peccatum mortale ex genere suo?
- 566. Et quid mortale ex accidente duntaxat?
- 567. Ad omne peccatum necessariò requiritur 1. ut sit voluntarium, 2. liberum, & 3. cum advertentia malitiæ commissum.
- 568. Insuper ad peccatum mortale debent necessariò concurrere tam plena advertentia malitiæ gravis, quàm etiam deliberatio perfecta.
- 569. Quando nam plena advertentia; &
- 570. Quando perfecta deliberatio ad peccatum mortale sufficiens concurrisse, colligi vel præsumi valeat?
- 571. Quid sit peccatum veniale ex genere suo?
- 572. Et quid peccatum veniale ex accidente?
- 573. Peccatum ex genere suo mortale fieri potest veniale ex triplici capite 1. ratione ignorantie, 2. ratione indeliberationis, & 3. ob parvitatem materiæ.
- 574. Econtra peccatum veniale fieri potest mortale ex quinque capitibus, quæ breviter explicantur.
- 575. Quid sit contemptus materialis & quid formalis, & quid, agere cum-vel ex contemptu?
- 576. Un-

576. Undenam desumenda sit gravitas peccatorum ex suo genere mortalium?
577. Et unde levitas ex suo genere venialium?
578. Quibus ex capitibus in dubio colligere liceat, an poenitens mortaliter, an verò venialiter tantum peccaverit?
579. Resolvitur Casus I. cujusdam poenitentis multum afflicti ex eo, quòd in somno s. v. pollutionem sæpe nedum sentire, sed etiam procurare soleat.
580. Quid si dicat, quòd in tali actu excitatus, delectationem carnalem plenariè sentiat?
581. Et quid consilii tali poenitenti à Confessario suggerendum sit?
582. Qui in peccatum consentit sub conditione duntaxat, & quidem tali, quo excludit malitiam, non peccat.
583. Modò non habeat actualem complacentiam in actum intrinsecè malum.
584. Resolvitur Casus II. cujusdam Sponsæ, quæ ex familiariori, honesta tamen conversatione cum suo Sponso, animadvertit ex utraque parte periculum gravioris lapsus.
585. Satisfit cuidam instantiæ contra datam resolutionem.
586. Quidnam tali personæ à Confessario consulendum sit?
587. Resolvitur Casus III. cujusdam Sartoris, qui die dominica demandavit quatuor famulis suis, ut post auditum Sacrum unâ hora secum laborarent.
588. An dicti famuli intuitu hujus laboris extraordinarii aliquid de segmentis aureis & argenteis subtrahendo graviter deliquerint?

589. Et an, vel ad qualem restitutionem propterea teneantur?
590. Peccatum mortale & veniale in aliquibus conveniunt, in aliis verò multum differunt.
591. Illa peccata, quibus immediatè læditur aliqua perfectio divina, nunquam evadunt venialia ob parvitatem materiæ, bene verò ob imperfectionem actûs.
592. Ad mortaliter peccandum sufficit materia respectivè gravis.
593. Venialia quantumvis multiplicata formaliter non constituunt peccatum mortale.
594. Fieri tamen amat, ut quis multiplicando venialia mortaliter peccet ob coalescentiam, & unionem materiæ.
595. Quænam peccata venialia moraliter coalescant, & quænam non?
596. Qui proponit nullum prorsus peccatum veniale vitare, potest saltem per accidens vi hujus propositi peccare mortaliter.
597. Scierens auferens unum solidum, vi cujus prævidet se completurum grave damnum, peccat mortaliter.
598. Secus dicendum, si ignoranter, & sine omni reflexione ad priora furtiva id faciat.
599. Et quid, si talis interim in confessione priora furtiva retractavit?



- §76. Undenam desumenda sit gravitas peccatorum ex suo genere mortalium?
- §77. Et unde levitas ex suo genere venialium?
- §78. Quibus ex capitibus in dubio colligere liceat, an pœnitens mortaliter, an verò venialiter tantum peccaverit?
- §79. Resolvitur Casus I. cujusdam pœnitentis multum afflicti ex eo, quòd in somno s. v. pollutionem sæpe nedum sentire, sed etiam procurare soleat.
- §80. Quid si dicat, quòd in tali actu excitatus, delectationem carnalem plenariè sentiat?
- §81. Et quid consilii tali pœnitenti à Confessario suggerendum sit?
- §82. Qui in peccatum consentit sub conditione duntaxat, & quidem tali, quo excludit malitiam, non peccat.
- §83. Modò non habeat actualem complacentiam in actum intrinsecè malum.
- §84. Resolvitur Casus II. cujusdam Sponsæ, quæ ex familiariori, honesta tamen conversatione cum suo Sponso, animadvertit ex utraque parte periculum gravioris lapsus.
- §85. Satisfit cuidam instantiæ contra datam resolutionem.
- §86. Quidnam tali personæ à Confessario consulendum sit?
- §87. Resolvitur Casus III. cujusdam Sartoris, qui die dominica demandavit quatuor famulis suis, ut post auditum Sacrum unâ hora secum laborarent.
- §88. An dicti famuli intuitu hujus laboris extraordinarii aliquid de segmentis aureis & argenteis subtrahendo graviter deliquerint?

589. Et an, vel ad qualem restitutionem propterea teneantur?
590. Peccatum mortale & veniale in aliquibus conveniunt, in aliis verò multum differunt.
591. Illa peccata, quibus immediatè læditur aliqua perfectio divina, nunquam evadunt venialia ob parvitatem materiæ, bene verò ob imperfectionem actûs.
592. Ad mortaliter peccandum sufficit materia respectivè gravis.
593. Venialia quantumvis multiplicata formaliter non constituunt peccatum mortale.
594. Fieri tamen amat, ut quis multiplicando venialia mortaliter peccet ob coalescentiam, & unionem materiæ.
595. Quænam peccata venialia moraliter coalescant, & quænam non?
596. Qui proponit nullum prorsus peccatum veniale vitare, potest saltem per accidens vi hujus propositi peccare mortaliter.
597. Scientes auferens unum solidum, vi cujus prævidet se completurum grave damnum, peccat mortaliter.
598. Secus dicendum, si ignoranter, & sine omni reflexione ad priora furta id faciat.
599. Et quid, si talis interim in confessione priora furta retractavit?



§. I.

Præmittuntur, & breviter resolvuntur Quæsitæ scitu necessaria ad debitè resolvendos Casus practicos circa peccatum mortale, & veniale in specie.

Quæres primò, quid sit peccatum mortale?

§65. R. Peccatum mortale ex genere suo est voluntaria transgressio legis divinæ graviter obligantis. Ratio hujus descriptionis facile colligetur ex dictis suprâ n. 553. Dicitur autem hoc peccatum mortale, propterea, quòd inducat privationem gratiæ sanctificantis, in qua consistit mors spiritualis animæ, quemadmodum vita spiritualis secundum omnes sita est in ipsa gratia sanctificante. Quin etiam ultra hanc privationem gratiæ insuper reddit hominem obnoxium suppliciiis æternis, si is in tali statu disgratiæ decedat ex hac vita.

§66. Dixi tamen: peccatum mortale ex genere suo; pro cujus pleniori captu advertendum hic est, ex communi Theologorum doctrina, aliud dici peccatum mortale ex suo genere, & aliud ex accidente, prout ex paulò infrâ dicendis ampliùs constabit. Illud dicitur mortale ex suo genere seu etiam ex sua

sua specie; (nam genus & species hic sumuntur pro eodem) quod præcisè ex suo objecto tantam habet malitiam & deordinationem, ut præcisà etiam omni alia malitia v. g. ex fine vel circumstantiis, meritò reputetur gravis offensa Dei, veluti sunt blasphemia, odium Dei, & alia plura, præsertim ex capitalibus, prout inferius dicemus. Econtra verò illud appellatur mortale ex accidente, quod quidem spectato præcisè objecto non involvit tam gravem deordinationem contra rectam rationem; nihilominus ex alio accidente, utputa fine extrinseco, aliisve circumstantiis, graviter offendit Deum; ut si quis mentiatur, vel etiam eleemosynam largiatur, sed ex eo fine, ut puellam pauperem inducat in fornicationem &c. Videatur Michel tom. 1, Theolog. Canon-moral. tr. 3. q. 3. §. 1. pu. 3. n. 1.

Quæres 2dò, quænam conditiones necessariae sint ad peccandum, præsertim graviter seu mortaliter?

R. 1. Ad omne peccatum, nedum mortale, sed etiam veniale necessariò debent concurrere sequentes tres conditiones, scilicet 1. ut sit voluntarium, 2. liberum libertate indifferentiæ, & 3. ut fiat cum advertentia malitiæ; è quibus, si vel unica deficiat, pariter cessabit peccatum formaliter tale. Ratio horum est ista: quia

R. P. Elbel, de Art. Hum. & Leg. P p om-

omne peccatum formale, utpote imputabile ad pœnam & vituperium, necessariò importat actum humanum: atqui ad omnem actum humanum necessariò requiritur 1. ut sit voluntarius. 2. liber libertate indifferentiæ; & si malus sit, 3. ut fiat cum advertentia malitiæ; secus enim hæc non foret imputabilis ad vituperium &c. veluti diximus *Confer. 1. superius de nat. act. hum.* Inde fit, quòd defectu primæ conditionis peccaminosæ non sint, vel certè *juxta communissimam Theologorum*, à peccato formali excusentur turpes incidentiæ contra fidem, Deum, Sanctos &c. nec non motus carnis, etiamsi fiant usque ad effusionem seminis, inquit Reiffenstuel *theol. mor. tr. 3. dist. 2. n. 5.* modò non sint voluntarii &c. Defectu 2dæ conditionis excusantur motus primò-primi iræ, concupiscentiæ ac sensualitatis, prævenientes libertatem nostram, rationemvè perturbantes &c. Denique defectu 3tiæ conditionis excusatur à peccato formali Jacob accedens ad Liam: excusatur insuper, qui immemor diei esurialis carnes comedit &c. veluti jam dictum fuit *loc. cit.*

- §68. R. jam 2dò. Ad omne peccatum mortale necessariò insuper debent concurrere tria, scilicet 1. ex parte intellectûs plena advertentia & deliberatio. 2. ex parte voluntatis :

tatis perfectus consensus, & 3. gravitas
materiæ. Ita Michel ubi *suprà* §. 2. *per totum*.
Et ex communi DD. Reiffenstuel cit. n. 8.
Henno noster *de peccat. disp.* 1. q. 3. a. 3.
conclus. 5. Ratio est: quia cum peccatum
mortale tam enormes post se trahat pœnas,
scilicet æternas & infinitas saltem extensive,
minimè sanè præsumendum est de infinita
bonitate & clementia Dei, quòd is propter
actum aliquem imperfectum duntaxat, vel
indeliberatum hominem aliunde satis fragi-
lem & infirmum æternis velit addicere sup-
pliciis.

At inquires, quandonam censendum est,
quòd intervenerit plena advertentia, & ple-
na deliberatio, sufficiens ad mortaliter pec-
candum?

R. 1. Tunc censendum ac judicandum § 69.
est, intervenisse plenam advertentiam, quan-
do quis nedum apprehendit materiale, sed
etiam formale peccati, id est, quando v. g.
comedens carnes die prohibito, nedum ap-
prehendit actum ipsam comestionis, sed
etiam scivit prohibitionem Ecclesiæ, vel
certè dubitavit practicè, an comestio car-
nium tali die non fuerit interdicta, & nihi-
lominus sine rationabili causa carnes co-
medit. Ratio est: quia hoc ipsò, quòd
sciverit, vel saltem rationabiliter dubitavit,
an talis actus non sit prohibitus, & nihilo-
minus eundem posuit, convincitur, quòd

P p 2

saltem

saltem indirectè & interpretativè consenserit in ipsam malitiam, veluti dictum fuit superius *Confer. 3. n. 67.*

570. R. jam ad 2dum. Deliberatio plena, perfecta, & sufficiens meritò præsumitur intervenisse tunc, quando quis perspecta etiam malitiâ modò mox dicto, nihilominus ponit actum, tametsi non examinaverit ulterius rationes *pro*, & *contra*, id est, an esset ponendus potius, quàm non ponendus &c. Ita *communissimè* tenent Theologi apud Sanchez *in decalog. lib. 1. c. 1. n. 10.* Ratio hujus peti debet ex dictis superius *Confer. 1. n. 22.* quia ad actum humanum, etiam perfectum, non est necessaria deliberatio formalis (id est, consultatio, & ponderatio rationum *pro*, & *contra*) sed sufficit etiam virtualis, quippe per quam voluntati sufficienter ostenditur malitia latens in tali actu, seu objecto: ergo si hac semel perspecta, nihilominus amplectitur objectum malum, ipsò facto convincitur, voluisse malitiam, & offensam Dei. Unde P. Henno noster *loc. prox. cit.* cum aliis sapienter advertit, ad peccandum formaliter circa talia objecta vel actus, qui sunt intrinsecè mali, uti est v. g. odium DEI, blasphemia &c. multò minori deliberatione vel consultatione opus esse, eò quòd lumen naturale cuivis rationis usu prædito facile dicet, hujuscemodi actus utpote repugnantes primis principiis

piis & regulis honestatis &c. esse malos, & creaturæ rationali disconvenientes.

Quæres 3tò, quid sit peccatum veniale?

R. Peccatum veniale ex genere suo est ^{§71.} violatio legis divinæ leviter obligantis. Ita Felix Potestas in *Exam. Confess. tom. 1. part. 4. c. 6. n. 3700.* Ratio autem hujus descriptionis facile constabit ex hæcenus dictis. Id unum observandum hic venit, quod, quemadmodum peccatum dicitur mortale ex eo, quod animæ mortem post se trahat, juxta illud *Rom. 6. Stipendia peccati mors*; ita etiam veniale appelletur tale eò, quod sit levis offensæ Dei, & propterea venia tantò sit digniùs, quantò minùs hominem à Deo avertit, vel Dei amicitia excludit.

Dixi tamen rursus: peccatum veniale ex ^{§72.} genere suo &c. Nam, quemadmodum juxta dicta *n. 566.* aliud est peccatum mortale ex genere suo, aliud ex accidente; ita vicissim aliud appellatur veniale ex genere suo, aliud veniale per accidens. Prius est illud, cujus genus, vel potius species de se non est capax malitiæ mortalis, in quacunque demum materia, vel quantumvis deliberatè tale peccatum fiat, nisi alia circumstantia vel species malitiæ accedat v. g. ex fine extrinseco. Sic mendacium ex genere suo, id est, quatenus præcisè importat locutionem

contra mentem, dicitur veniale peccatum; quia tamen si quis cum summa deliberatione mentiatur v. g. quòd integrum Regnum terræ motu fuerit absumptum, tam parùm peccat mortaliter, ac si dixisset, se occidisse muscam vel culicem, quem tamen non occidit. Secus dicendum foret, si mentiretur ex alio fine malo v. g. occidendi, fornicandi, aut furti committendi &c. Posterius, id est, veniale per accidens, illud peccatum rectè appellatur, quod quidem de se, & ex suo objecto est graviter offensivum Dei, uti est v. g. gravis detractio, perjurium assertorium &c. quia tamen contigit absque sufficienti deliberatione vel apprehensione malitiæ, ideo non imputatur à Deo ad peccatum grave formaliter, sed ad leve, seu veniale duntaxat.

Dices. Quot igitur modis, vel quibus ex capitibus peccatum mortale fieri potest veniale, ac vicissim veniale, quot modis transire potest in mortale?

173. **R.** ad primum. Peccatum ex genere suo mortale, fieri potest veniale per accidens ex triplici capite, scilicet 1. propter ignorantiam, quando nimirum gravis malitia inculpabiliter non fuit cognita vel apprehensa. 2. propter indeliberationem, ut si quis blasphemet aut perjuret ex motu primo. primo &c. 3. denique propter parvitatem

tatem seu exiguitatem materiæ, ut si quis leviter duntaxat diffamet proximum, vel in bonis fortunæ leviter tantum eundem damnificet. Ita cum Communissima DD. Michel tom. 1. tr. 3. q. 3. §. 1. pu. 3. Ratio horum facile colligetur ex hæcenus dictis; ignorantia enim invincibilis, sicut & indeliberatio tollunt plenam advertentiam & deliberationem requisitam ad mortaliter peccandum, juxta dicta n. 569. & 570. Similiter ubi charitas vel jus proximi leviter tantum læditur, eò ipso nec proximus graviter offenditur, neque DEus, ut de se liquet.

R. jam ad 2dum. Peccatum veniale fieri potest mortale per accidens quinque, vel potius sex modis sequentibus, 1. Ratione conscientię erroneę. 2. Ratione mali finis intenti. 3. Ratione finis ultimi, vel, ut alii loquuntur, ratione nimii affectus. 4. Ratione scandali. 5. Ratione periculi, & denique 6to Ratione contemptus. Explico breviter singula membra.

I. Ratione conscientię erroneę fit mortale tunc, quando quis erroneè existimans, se hoc vel illud leve peccatum committendo, utputa parum aliquid in Ecclesia auferendo &c. peccare mortaliter, vel certè præcise dubitans, & suspicans de gravi peccato, nihilominus illud committit; quia hoc ipso convincitur, voluisse consentire in

peccatum mortale, cujus periculo voluntarie sese exposuit, veluti ex proximè dictis constare potest, & amplius ex iis, quæ superius *Confer. 5. & 6. à n. 137.* diximus.

II. Ratione finis mortaliter malum sit v. g. mendacium, dum quis per hujusmodi medium intendit v. g. mulierem inducere ad fornicandum &c. Ratio est: quia medium induit malitiam finis: ergo si is sit mortaliter malus, etiam medium inficit suâ malitia, tametsi finis non fuisset obtentus.

III. Ratione finis ultimi, aut nimii affectus tunc evadit mortale, quando quis erga materiam vel rem de se levis, & exigui momenti tantum gerit affectum, aut paratus sit eam prosequi, tametsi sciret, se propterea mortaliter peccaturum & gratia excisurum, qua de causa dicitur in tali creatura finem suum ultimum collocare, utique non sine maxima deordinatione contra rectam rationem, & gravi offensa Dei.

IV. Ratione scandali peccatum de se veniale evadit mortale, quando quis prævidet se ex tali peccato v. g. levitate aut irreligiositate huic vel illi personæ præbiturum occasionem gravissimæ indignationis, vel ruinæ spiritualis, tametsi hanc minimè intendat. Quocirca ii vel maximè impingere solent, qui coram juventute verba inhonesta aut facta &c. incautè narrant, esto per hæc non, nisi jocum intendant &c.

V. Ra-

V. Ratione periculi peccatum de se veniale vergit in mortale, quando quis advertit se ex tali conversatione, manuum compressione, osculo personæ alterius sexus &c. exponi periculo proximo, eò quòd v. g. experimentò didicerit, se intuitu talium jam sæpiùs quàm par est, & frequentius in peccatum grave consensisse, quàm incolumem evasisse ex eodem periculo. Quocirca personæ aliunde labiles vel inamoratæ vel maxime cavere sibi debent.

VI. Denique ratione contemptus veniale peccatum fieri amat mortale, dum quis in re de se levi & exigui momenti legem vel præceptum transgreditur ex formali contemptu non ipsius materiæ, quia scilicet levis est & exigui momenti, sed potius ex contemptu formali potestatis legislativæ. Ratio est, quia talis contemptus redundat in ipsum Deum, à quo omnis potestas legislativa derivatur juxta illud *Luc. 10. Qui vos audit, me audit, & qui vos spernit, me spernit*, at, Deus vel potestas Dei sine gravi culpa nequit contemni, prout innuit Apostolus *ad Rom. 13.* sequentibus verbis: *non est potestas, nisi à Deo. Quæ autem sunt à Deo, ordinata sunt: itaque qui resistit potestati, Dei ordinationi resistit: qui autem resistunt, ipsi sibi damnationem acqui-
runt.*

575. Verum pro pleniori hujus materię intelligentia advertendum hic venit, alium esse contemptum generalem, seu etiam materiale, alium verò specialem, seu formalem. Prior in omni peccato imbibitur; quicumque enim agit contra legem, suo modò saltem virtualiter convincitur, voluisse contemnere legem: talis autem contemptus non est speciale peccatum, neque specialiter in confessione exprimendus. Posterior, sive formalis contemptus est; qui procedit ex formali, ac directà intentione despiciendi, & vilipendendi (nam hoc importat natura contemptus formalis) personam aliquam, vel potius ejusdem præcepta, & mandata. Rursus benè advertendum est, aliud esse peccare *cum contemptu*, & aliud, peccare *ex contemptu*. Cum contemptu peccare dicitur ille, qui v. g. vehementi passione concupiscentiæ, vel iræ inductus movetur ad transgressionem legis: Ex contemptu verò dicitur peccare ille, qui ex vilipensione ipsius potestatis legislativæ vel præceptivæ, vel Superioris quā talis, & non quatenus est persona defectibilis &c. movetur ad transgressionem mandati: de hoc postremo contemptu formali Superioris quā talis intelligi debet resolutio data n. precedente.

Quæres 4to, undenam generaliter loquendo colligenda sit gravitas, vel etiam levitas peccatorum?

R. Ge.

32. Generaliter loquendo illa peccata censentur 576.
feri debent gravia, & ex suo genere mortalia, quæ vel 1. directe sunt contra Deum, vel aliquam Ejus perfectionem; uti est blasphemia, perjurium, odium Dei, desperatio &c. vel 2. quæ in gravissimum præjudicium humani generis vergunt; veluti est homicidium injustum, nec non illa peccata, quæ extra statum matrimonialem committuntur in materia venerea; vel denique 3tiò, quæ committuntur circa objectum, vel præceptum, cujus transgressio in quacunque materia æqualiter repugnat fini, à Legislatore sub gravi culpa intento: uti est v. g. fractio jejunii naturalis ante sumptionem Eucharistiæ, vel fractio sigilli Sacramentalis. Hac de causa bene notarunt Thom. Sanchez in decalog. lib. 1. c. 4. n. 1. Suarez lib. 3. de leg. c. 28. n. 23. Illung. 17. 2. disp. 2. n. 9. & la Croix lib. 5. n. 200. & seqq. in peccatis mox recensitis non dari parvitatem materiæ. Denique 4. illa etiam peccata (generaliter loquendo) debent reputari gravia, quæ in communi hominum piorum & doctorum existimatione habentur ut talia; vel propter quæ Scriptura Sacra transgressoribus intonat vix; vel denique quæ justitiæ, aut charitati sibi, vel proximo debiti graviter repugnant; uti est v. g. Scandalum, furtum, detractio &c. tametsi in his non raro parvitas materiæ,

teriz, à peccato mortali excusans inveniri queat, veluti post S. Thomam rectè tradit La Croix *l. cit. n. 204.*

- §77. R. 2dò. Illa peccata, quæ 1. nec sunt contra Deum immediatè, neque 2. bono communi, nec 3. justitiæ, aut charitati sibi, vel proximo debitæ graviter adverlantur, reputari debent ex suo genere venialia. Talia sunt prodigalitas, tenacitas, hypocrisis, simulatio, mendacium, nimia cura, vel etiam neglectus vestium honestarum, ingratitude, adulatio, inconstantia &c. & alia hujusmodi plura, videnda apud la Croix *lib. 5. n. 205.*

Quæres adhuc 5tò, undenam in dubio sese quis resolvere valeat, vel Confessarius colligere, an pœnitens plenè consentiendo peccaverit mortaliter, an verò defectu consensus & advertentiæ venialiter tantum deliquerit?

- §78. R. Id colligi posse ac debere à Confessario ex sequentibus capitibus. 1. quidem *defectu sufficientis advertentiæ* venialiter tantum, aut certè non mortaliter peccasse censendus est, si dicat, quòd valdè tenuiter, & quasi semidormiens apprehenderit malitiam actûs; vel si dicat, se certè hoc vel illud non fuisse facturum, si apprehendisset tantam malitiam, aut gravem Dei offensam &c. vel denique si fateatur, se vehementissima passione v. g. iræ &c.

ap.

apprehensione, vel etiam distractione fuisse præoccupatum, ita, ut ferè nesciverit, quid ageret. 2dò à fortiori defectu sufficientis consensus præsumi potest ac debet, non peccasse mortaliter, si advertatur esse homo conscientia valde timorata, ita scilicet, ut nunquam, vel admodum rarò soleat consentire in peccatum mortale: vel si fateatur, quòd erga tale peccatum v. g. pollutionis, semper habeat aversionem, ita, ut, tamen si facile potuisset eam procurare, certò tamen nunquam fuisset facturus &c. vel si soleat sæpiùs protestari contra quodcunque peccatum grave, aut certè contra illud, quod defacto se se incidisse fatetur &c. Plura hujusmodi indicia semipleni consensus vel insufficientis advertentia, ad ea, quæ mox recensuimus, reducibilia videri possunt apud P. Herincx *part. 2. tr. 2. disp. 7. n. 41.* Sporer *tr. 1. proqm. c. 5. sect. 2. n. 12.* & alios passim.

§. II.

Proponuntur, & breviter resolvuntur Casus practici de peccato mortali, & veniali in specie.

CASUS PRIMUS.

*T*itius multum consternatus & anxius de salute anima sua Confessarium alloquitur sequentibus.

minosus est. Neque etiam refert, quòd Titius fateatur, se olim assuetum fuisse pollutionibus voluntariè procurandis, propterea que videatur dubium, an hujusmodi tactus, etiam in somno facti, non sint voluntarii, saltem in sua causa, id est, in pessima illa consuetudine & habitu vitioso olim contracto.

Contra enim est, quòd Titius fateatur, se illam consuetudinem jam pridem retractasse immò defacto summopere ab eadem abhorrere: ergo hujusmodi tactus in somno facti propterea dici nequeunt voluntarii, vel ad culpam imputabiles. Hinc ad illud alterum quæsitum, quidnam scilicet Titio fuerit consulendum à Confessorio?

- §81. R. Huic pœnitenti ex rationibus mox allegatis breviter fuisse persuadendum, quòd in his circumstantiis non peccaverit, neque deinceps peccaturus sit, dummodo tamen (quod bene notandum est) quamprimum è somno excitatus, sibi que plenè præsens, consensum illico excludat, nec positivè cooperetur ad promovendum seminis fluxum, sed ad hunc merùm permissivè se habeat. In hunc verò finem vel maximè juvabit eidem consulere 1. ut de die aliquoties, saltem tunc, cùm eidem inciderit cogitatio hujus periculi, conetur illico concipere aversionem ab hac turpitudine. 2. ut
ante

ante cubitum contra eandem protestetur, suumque corpus, & animam nedum in Sacratissima quinque vulnera Jesu Christi, sed etiam patrocinio, ac tutelæ B. Virginis, S. Angeli sui Custodis, aliorumque suorum Patronorum commendare studeat, tum verò rem totam sine scrupulo Deo relinquat.

At quid (inquies) tenendum de illo, qui sub conditione duntaxat consentit in peccatum, quodcumque demum?

R. Etiam consensus conditionatus in § 82.
peccatum, vel potius objectum peccaminosum, quodcumque demum, peccaminosus est, nisi conditio malitiam excludat. Unde secundum omnes peccat mortaliter is, qui dicit v. g. vellem fornicari, adulterari, furari &c. nisi timerem infamiam inde incurrendam coram hominibus, vel certè coram Confessario.

Ratio est; quia, ut de se liquet, hujusmodi conditiones non excludunt malitiam, sed solam infamiam; & hoc ipsò, quòd hæc sola à peccato absterreat, haud obscurè manifestat peccator, quòd ad peccandum actuale & inordinatum affectum portet. Econtra tamen non peccat, qui v. g. die veneris dicit: hodie vellem comedere carnes, nisi ab Ecclesia esset prohibitum: hodie non audirem Sacrum, nisi ab Ecclesia esset præceptum &c. vel, voto castitatis adstrictus diceret: inirem hodie.

R. P. Elbel, de Act. Hum. & Leg. Qq ma-

matrimonium, nisi obstaret meum votum &c. Ratio horum est : quia, ut perpendenti facile constabit, hujusmodi conditiones excludunt, & abstrahunt omnem malitiam objecti, sin minus realiter, saltem intentionaliter.

583. Nihilominus hæc doctrina limitanda est nonnihil, & intelligenda sic : modò excludatur omnis affectus & complacentia de objecto, quando hoc intrinsecè malum est. Nam qui v. g. de fornicatione carnaliter sibi complacens dicit : nisi fornicatio esset prohibita, corrumperem hanc puellam &c. vel qui dicit : si hæc esset mea Uxor, hodie eam cognoscerem &c. portando scilicet actualem affectum carnalem, procul dubio peccat; esto enim supponatur excludere, nolle ipsum concubitum velut illicitum, non tamen excludit actualem complacentiam & delectationem morosam de concubitu, quæ utique hic & nunc illicita, immò mortaliter peccaminosa est, prout sapienter advertit Henno *tr. de pecc. act. disp. 1. q. 3. a. 2. conclus. 3. n. 1.* Videatur de hoc Sporer *tr. 1. proæm. c. 6. n. 35. & seqq.*

CASUS SECUNDUS.

*S*empronia non raro cum suo sponso familiariter conversari assuevit, at sine omni finis-
stra

fra vel mala intentione : quia tamen ex hujusmodi conversatione jam sapius passa suit stimulos carnis, eò vel maximè, quòd subinde de futuro statu & negotio conjugali discurrere caperint : immò verò aliquoties ex modo discurrendi, aliisque gestibus sponsi, præsertim verò ex osculis ab eodem sibi intentatis satis liquidè collegit, eum pariter flammis venereis actu succensum; hinc vehementer angitur in sua conscientia : partim quia ex ulteriori conversatione, præsertim sub crepusculo (uti hætenus assueverant) continuanda, timet graviores lapsum & offensam Dei; partim verò quia metuit, ne familiaritatem hætenus assuetam subterfugiendo aut recusando, gravem offensam sui sponsi incurrat, immò ne ab eodem, non sine graviore periculo fortunæ ex matrimonio tam favorabili sibi arridentis, repudietur. Quarit proin, an in his circumstantiis tutâ conscientia possit continuare familiaritatem illam hætenus assuetam? Quid iudicii?

R. ad hunc casum verè, immò nimis præcicum, Semproniam non posse tutâ conscientia protinus continuare dictam familiaritatem cum suo sponso. Ratio est, quia tametsi hæc conversatio aut collocutio ex parte Sempronix hætenus semper contigerit absque malo fine, & intra terminos honestatis, nihilominus si bene ponderare velimus circumstantias hujus casus, hinc

personarum libidine ardentium, illinc temporis, scilicet crepusculi, utpote aptissimi ad hujusmodi impudicitias exercendas &c. & alias plures in hac specie facti recensitas, quisque prudentum facile colliget, Semproniam ex ulteriori conversatione sese exposituram certo periculo, & quidem proximo, formaliter peccandi, id est, consentiendi, sin minus in ipsam copulam, saltem in delectationem veneream, ex conversatione, osculis &c. captandam, aut certe cooperabitur peccatis sui Sponsi, quippe quem advertit ex tali conversatione flammis veneris succendi &c. atqui non licet se exponere periculo formaliter peccandi; nam qui voluntarie vult tale periculum, merito præsumitur velle peccatum juxta illud *Ecclesi.* 3. *Qui amat periculum, peribit in illo.* Quæ de causa Innocentius XI. justissime damnavit sequentes propositiones, è quibus prior n. 62. ita sonat: *Proxima occasio peccandi non est fugienda, quando causa aliqua utilis, aut honesta non fugiendi occurrit.* posterior n. 63. sic habet: *licitum est, quarere directe occasionem proximam peccandi pro bono spirituali, vel temporali, nostro, vel proximi.*

At, inquires, hoc periculum formaliter peccandi ex parte Sempronie non est certum, sed probabile duntaxat: atqui juxta P. Gobat, Sporer & alios plures haud illicitum

licitum est, se exponere periculo probabili, ubi suppetit rationabilis causa, veluti contingit in nostro casu : ergo Sempronia non peccat &c.

R. Negando Majorem ; nam in hoc casu periculum formaliter peccandi nedum est probabile, sed omnino certum, esto lapsus ipse, seu consensus in peccatum certus non sit. Ferè, quemadmodum si conversareris cum pestifero, periculum infectionis foret nedum probabile, sed omnino certum, licet certum non sit, quòd ex tali conversatione sis inficiendus, & moriturus.

Et quis, amabo ! si tamen rem lumine fidei & sanæ rationis, uti par est, considerare velimus, quis, inquam, non videat, periculum illud animæ, quod ex tali conversatione Sempronix imminet, longè majus esse, & hòc ipso præponendum illi alteri, quod ex tuga hujus conversationis eidem imminere videtur in bonis fortunæ ? Profecto si in ullo alio, vel maximè in hoc casu timenda est fraus diabolica, quâ is, nescio quibus coloribus solet delineare ingentia honoris, fortunæ, immò etiam culpæ politicæ, & offensionis humanæ duntaxat pericula, ut horum intuitu hominem còpertrahat, ne vereatur offendere Deum. Fallitur sanè, quisquis cum offensa Dei nititur conscendere altiorem fortunæ suæ gra-

dum; quia dum hâc via temporale emolumentum quærit, Dei gratia, amicitia, immo etiam benedictione cœlesti excidit.

Quid ergo, inquires, consulendum est Sempronix: quæ rationabiliter timet, ne subterfugiendo & declinando conversationem hæctenus assuetam, repudietur à suo sponso, non sine ingenti fortunæ arridentis discrimine & jactura?

- § 86. R. A Confessario in hoc casu ed conandum esse, ut Sempronix præprimis exponat & declaret periculum animæ, eidemque demonstret periculum fortunæ huic longè postponendum esse. 2. Singulariter eidem inculcet, ut satagat illud periculum proximum vertere in remotum, ita scilicet, ut si absque graviore offensa, aut discrimine fortunæ suæ nequeat declinare conversationem cum Sponso, saltem fugiat conventicula sub crepusculo, vel tempore nocturno, utpote magis periculosa. 3. Sola non conversetur cum solo. 4. Sæpius obfirmet animum contra omnem impudicitiam. 5. Roget etiam sponsum, quatenus velit sibi parcere, & ab omni actu illicito, seu venereo abstinere, ne forte connubium (uti sæpe sæpius inter tales fieri assolet) malum sortiatur exitum. Si hæc promittat seriò, procul dubio erit capax absolutionis; nam ex rationabili causa haud illicitum est, se exponere præcisè peri-

periculo tentationum, aut turpium motuum, ait la Croix lib. 5. n. 274. modò absit periculum consensûs: ergo si Sempronia efficaciter adpromittat; quòd velit omni possibili modo declinare occasionem proximam, & consensum in peccatum carnale, potest absolvi, tametsi prævideatur subesse periculum saltem materialiter peccandi. Videantur ea, quæ de hac materia diximus in *Theolog. Sacram. part. 2. Confer. 4. n. 100. & seqq.*

CASUS TERTIUS.

CAjus Sartor suos famulos (quorum quatuor habuit) adstrinxit, ut die Dominica post auditum Sacrum hora integra laborarent, quas etiam ipsemet fideliter adjuvit eo fine, ut pro aliquo Magnate vestem conficerent: quod & factum.

At verò Senior ex illis famulis, ratus se hunc extraordinarium suum laborem nemini gratis debere, tacitè compensandum duxit; unde etiam insciò suo Magistro aliquid de Segmentis aureis, & argenteis clepsit: quod dum reliqui conservi animadverterunt singuli sequentes exemplum senioris, suas partes clam præsciderunt. Tametsi verò singulorum surta seorsim considerata respectu illius Magnatis non videantur materia sufficiens ad mortale pecca-

quentibus verbis: Pater R. ait: nescio jam juvare meipsum, & quidem in puncto gravissimo, concernente salutem anima mea; enim verò (ait idem) soleo non raro pollui in somno; immò verò, quod me summopere affligit, & caput rei est, aliquoties jam è somno evigilans animadverti, quòd contactu proprii corporis pollutionem procuraverim, aut certè in proximum ejusdem periculum memet conjecerim: & licèt plenè mihi præsens, & advertens hanc turpitudinem, illicò destiterim, nihilominus aliquoties mihi contigit, ut fluxum seminis amplius impedire non potuerim, sed potius voluptatem inde consequentem plenè senserim. Nescio planè quò fato hoc mihi eveniat; licèt enim in juventute mea olim aliquoties voluntariè procuraverim pollutionem, modò tamen summopere abhorreo hanc turpitudinem. Quid quaso Reverentia V. censet de statu anima mea, vel quid consilii mihi donat? Hactenus Titius. Cui ego existimo

579. R. quòd probabilissimè in hoc casu, & specie facti ne venialiter quidem peccaverit Titius. Ratio est: quia secundum dicta n. 567. & 568. omne peccatum debet esse voluntarium & liberum: at: quod in somno accidit vel fit, nec voluntarium est, nec liberum; tum quia dormientibus ex parte intellectus deficit consultatio in utramque partem necessariò prærequisita ad plenam & perfectam libertatem; tum etiam, quia

quia ex parte voluntatis deficit expedita facultas, hoc vel illud eligendi, prout bene ex S. Thoma 2. 2. q. 154. art. 5. probat & demonstrat P. Claudius la Croix lib. 5. n. 65. ubi rectè ait, id probari communi consensu omnium hominum, qui aliquid in somno factum non imputant ad culpam, vel peccatum, neque ad meritum, vel demeritum, nisi fortè propter causam ante positam: ergo stante etiam, & non obstante, quòd Titius semetipsum in somno tetigerit, vi hujus tamen in somno æquè parum peccavit, quàm si hominem occidisset in somno. Adde insuper, quòd omne peccatum debeat ita esse positum in arbitrio hominis, ut is valeat illud liberè evitare, & emendationem, seu etiam evitacionem illius efficaciter proponere: at Titius nequit efficaciter proponere, quòd nolit deinceps se ipsum tangere in somno, vel contrectando polluere &c. ergo per hoc non peccavit hætenus, nec deinceps peccabit. Profectò hæc ratio mihi videtur nedum palpabilis, sed omnino convincens.

Neque obstat, quòd Titius jam aliquoties sibi plenariè præsens, posteaquàm scilicet evigilavit, senserit voluptatem naturaliter consequentem ad fluxum seminis; nihil inquam obstat; non enim sensus, sed solus consensus in talem voluptatem peccaminò-

minosus est. Neque etiam refert, quòd Titius fateatur, se olim assuetum fuisse pollutionibus voluntariè procurandis, proptereaque videatur dubium, an hujusmodi tactus, etiam in somno facti, non sint voluntarii, saltem in sua causa, id est, in pessima illa consuetudine & habitu vitioso olim contracto.

Contra enim est, quòd Titius fateatur, se illam consuetudinem jam pridem retractasse immò defacto summopere ab eadem abhorrere: ergo hujusmodi tactus in somno facti propterea dici nequeunt voluntarii, vel ad culpam imputabiles. Hinc ad illud alterum quæsitum, quidnam scilicet Titio fuerit consulendum à Confessorio?

- §81. R. Huic pœnitenti ex rationibus mox allegatis breviter fuisse persuadendum, quòd in his circumstantiis non peccaverit, neque deinceps peccaturus sit, dummodo tamen (quod bene notandum est) quamprimùm è somno excitatus, sibi que plenè præsens, consensum illico excludat, nec positivè cooperetur ad promovendum seminis fluxum, sed ad hunc merùm permissivè se habeat. In hunc verò finem vel maximè juvabit eidem consulere 1. ut de die aliquoties, saltem tunc, cùm eidem inciderit cogitatio hujus periculi, conetur illico concipere aversionem ab hac turpitudine. 2. ut
ante

ante cubitum contra eandem protestetur, suumque corpus, & animam nedum in Sacratissima quinque vulnera Jesu Christi, sed eiam patrocínio, ac tutelæ B. Virginis, S. Angeli sui Custodis, aliorumque suorum Patronorum commendare studeat, tum verò rem totam sine scrupulo Deo relinquat.

At quid (inquies) tenendum de illo, qui sub conditione duntaxat consentit in peccatum, quodcunque demum?

R. Etiam consensus conditionatus in § 82. peccatum, vel potius objectum peccaminosum, quodcunque demum, peccaminosus est, nisi conditio malitiam excludat. Unde secundum omnes peccat mortaliter is, qui dicit v. g. vellem fornicari, adulterari, furari &c. nisi timerem infamiam inde incurrendam coram hominibus, vel certè coram Confessario.

Ratio est; quia, ut de se liquet, hujusmodi conditiones non excludunt malitiam, sed solam infamiam; & hoc ipsò, quòd hæc sola à peccato absterreat, haud obscurè manifestat peccator, quòd ad peccandum actuale & inordinatum affectum portet. Econtra tamen non peccat, qui v. g. die veneris dicit: hodie vellem comedere carnes, nisi ab Ecclesia esset prohibitum: hodie non audirem Sacrum, nisi ab Ecclesia esset præceptum &c. vel, voto castitatis adstrictus diceret: inirem hodie

R. P. Elbel, de Act. Hum. & Leg. Qq ma-

matrimonium, nisi obstarat meum votum &c. Ratio horum est: quia, ut perpendenti facile constabit, hujusmodi conditiones excludunt, & abstrahunt omnem malitiam objecti, sin minus realiter, saltem intentionaliter.

583. Nihilominus hæc doctrina limitanda est nonnihil, & intelligenda sic: modò excludatur omnis affectus & complacentia de objecto, quando hoc intrinsecè malum est. Nam qui v. g. de fornicatione carnaliter sibi complacens dicit: nisi fornicatio esset prohibita, corrumperem hanc puellam &c. vel qui dicit: si hæc esset mea Uxor, hodie eam cognoscerem &c. portando scilicet actualem affectum carnalem, procul dubio peccat; esto enim supponatur excludere, nolle ipsum concubitum velut illicitum, non tamen excludit actualem complacentiam & delectationem morosam de concubitu, quæ utique hic & nunc illicita, immò mortaliter peccaminosa est, prout sapienter advertit Henno *tr. de pecc. act. disp. 1. q. 3. a. 2. conclus. 3. n. 1.* Videatur de hoc Sporer *tr. 1. proæm. c. 6. n. 35. & seqq.*

CASUS SECUNDUS.

*S*empronia non rarò cum suo sponso familiariter conversari assuevit, at sine omni sinistra

stra vel mala intentione: quia tamen ex hujusmodi conversatione jam sapius passa fuit stimulos carnis, ed vel maximè, quòd subinde de futuro statu & negotio conjugali discurrere caperint: immò verò aliquoties ex modo discurrendi, aliisque gestibus sponsi, praesertim verò ex osculis ab eodem sibi intentatis satis liquidè collegit, eum pariter flammis venereis actu succensum; hinc vehementer angitur in sua conscientia: partim quia ex ulteriori conversatione, praesertim sub crepusculo (uti haëtenus assueverant) continuanda, timet graviolem lapsum & offensam Dei; partim verò quia metuit, ne familiaritatem haëtenus assuetam subterfugiendo aut recusando, gravem offensam sui sponsi incurrat, immò ne ab eodem, non sine graviore periculo fortuna ex matrimonio tam favorabili sibi arridentis, repudietur. Quarit proin, an in his circumstantiis tutà conscientia possit continuare familiaritatem illam haëtenus assuetam? Quid iudicii?

R. ad hunc casum verè, immò nimis praeticum, Semproniam non posse tutà conscientia protinus continuare dictam familiaritatem cum suo sponso. Ratio est, quia tametsi hæc conversatio aut collocutio ex parte Semproniz haëtenus semper contigerit absque malo fine, & intra terminos honestatis, nihilominus si bene ponderare velimus circumstantias hujus casus, hinc

personarum libidine ardentium, illinc temporis, scilicet crepusculi, utpote aptissimi ad hujusmodi impudicitias exercendas &c. & alias plures in hac specie facti recensitas, quisque prudentum facile colliget, Semproniam ex ulteriori conversatione sese exposituram certo periculo, & quidem proximo, formaliter peccandi, id est, consensuendi, sin minus in ipsam copulam, saltem in delectationem veneream, ex conversatione, osculis &c. captandam, aut certe cooperabitur peccatis sui Sponsi, quippe quem advertit ex tali conversatione flammis veneris succendi &c. atqui non licet se exponere periculo formaliter peccandi; nam qui voluntariè vult tale periculum, meritò præsumitur velle peccatum juxta illud *Ecclesi.* 3. *Qui amat periculum, peribit in illo.* Quae de causa Innocentius XI. justissimè damnavit sequentes propositiones, è quibus prior n. 62. ita sonat: *Proxima occasio peccandi non est fugienda, quando causa aliqua utilis, aut honesta non fugiendi occurrit.* posterior n. 63. sic habet: *licitum est, quarere directè occasionem proximam peccandi pro bono spirituali, vel temporali, nostro, vel proximi.*

At, inquires, hoc periculum formaliter peccandi ex parte Semproniae non est certum, sed probabile duntaxat: atqui juxta P. Gobat, Sporer & alios plures haud illicitum

licitum est, se exponere periculo probabili, ubi suppetit rationabilis causa, veluti contingit in nostro casu : ergo Sempronia non peccat &c.

R. Negando Majorem ; nam in hoc casu periculum formaliter peccandi nedum est probabile, sed omnino certum, esto lapsus ipse, seu consensus in peccatum certus non sit. Ferè, quemadmodum si conversareris cum pestifero, periculum infectionis foret nedum probabile, sed omnino certum, licet certum non sit, quòd ex tali conversatione sis inficiendus, & moriturus.

Et quis, amabo ! si tamen rem lumine fidei & sanæ rationis, uti par est, considerare velimus, quis, inquam, non videat, periculum illud animæ, quod ex tali conversatione Sempronix imminet, longè majus esse, & hōcipso præponendum illi alteri, quod ex fuga hujus conversationis eidem imminere videtur in bonis fortunæ ? Profecto si in ullo alio, vel maxime in hoc casu timenda est fraus diabolica, quâ is, nescio quibus coloribus solet delineare ingentia honoris, fortunæ, immò etiam culpæ politicæ, & offensionis humanæ duntaxat pericula, ut horum intuitu hominem eò pertrahat, ne vereatur offendere Deum. Fallitur sanè, quisquis cum offensa Dei nititur conscendere altiore fortunæ suæ gra-

dum; quia dum hâc via temporale emolumentum quærit, Dei gratia, amicitia, immo etiam benedictione cœlesti excidit.

Quid ergo, inquires, consulendum est Sempronix: quæ rationabiliter timet, ne subterfugiendo & declinando conversationem hæctenus assuetam, repudietur à suo sponso, non sine ingenti fortunæ arridentis discrimine & jactura?

586. R. A Confessario in hoc casu eò conandum esse, ut Sempronix præprimis exponat & declaret periculum animæ, eidemque demonstret periculum fortunæ huic longè postponendum esse. 2. Singulariter eidem inculcet, ut satagat illud periculum proximum vertere in remotum, ita scilicet, ut si absque graviori offensa, aut discrimine fortunæ suæ nequeat declinare conversationem cum Sponso, saltem fugiat conventicula sub crepusculo, vel tempore nocturno, utpote magis periculosa. 3. Sola non converseetur cum solo. 4. Sæpius obfirmet animum contra omnem impudicitiam. 5. Roget etiam sponsum, quatenus velit sibi parcere, & ab omni actu illicito, seu venereo abstinere, ne forte connubium (uti sæpe sæpius inter tales fieri assolet) malum sortiatur exitum. Si hæc promittat seriò, procul dubio erit capax absolutionis; nam ex rationabili causa haud illicitum est, se exponere præcisè peri-

periculo tentationum, aut turpium motuum, ait la Croix lib. 5. n. 274. modò absit periculum consensûs: ergo si Sempronia efficaciter adpromittat, quòd velit omni possibili modo declinare occasionem proximam, & consensum in peccatum carnale, potest absolvi, tametsi prævideatur subesse periculum saltem materialiter peccandi. Videantur ea, quæ de hac materia diximus in Theolog. Sacram. part. 2. Confer. 4. n. 100. & seqq.

CASUS TERTIUS.

CAjus Sartor suos famulos (quorum quatuor habuit) adstrinxit, ut die Dominica post auditum Sacrum hora integra laborarent, quas etiam ipsemet fideliter adjuvit eo fine, ut pro aliquo Magnate vestem conficerent: quod & factum.

At verò Senior ex illis famulis, ratus se hunc extraordinarium suum laborem nemini gratis debere, tacitè compensandum duxit; unde etiam insciò suo Magistro aliquid de Segmentis aureis, & argenteis clepsit: quod dum reliqui conservi animadverterunt singuli sequentes exemplum senioris, suas partes clam præsciderunt. Tametsi verò singulorum furta seorsim considerata respectu illius Magnatis non videantur materia sufficiens ad mortale pecca-

tum, minimè tamen dubitandum est, quin materia ab omnibus collectivè sumpta, & furtivè ablata, adintegret materiam notabilem, utpote ultra 6. vel 7. florenos sese extendentem. Jam verò ad nostrum propositum dubitare licet 1. an Cajus peccaverit mortaliter adigendo famulos suos ad præfatum laborem servilem per integram horam. 2. An singuli famuli laborando, vel etiam clependo &c. peccarint venialiter vel verò mortaliter.

§87. R. ad primum. Cajus non peccavit mortaliter ex eo, quod per integram horam adegerit suos famulos ad laborem die Dominica, esto etiam supponatur id fecisse sine necessitate, modò abfuerit omne Scandalum, vel contemptus formalis præcepti Ecclesiastici &c. Ratio est: quia talis labor ab omnibus simul per integram etiam horam continuatus, non reputatur (secluso Scandalo &c.) gravis, sed levis duntaxat dehonoriatio diei Dominicæ. Secus dicendum foret, si Cajus adegisset famulos suos, ut singuli per singulas horas successivè laborarent; quia tunc talis labor servilis, utpote per quinque horas continuatus (& quidem absque necessitate, uti supponitur) in morali prudentum existimatione censetur graviter præjudicare reverentiæ debitæ diei festivo.

Scio quidem, Sanchezium, Bonacin. Castropalaum, Herincx, Illsung, & alios velut proba-

probabile agnoscere, hujusmodi Dominum, aut Patrem familias mandando pluribus sibi subiectis, ut successivè per notabile tempus die festivo serviliter laborent, non peccare, nisi venialiter, eò quòd singuli non peccent, nisi venialiter, neque eorum labor coalescat in unum moraliter; censeo nihilominus oppositum de tali mandante esse probabilius; nam talis labor, utpote continuatus per plures horas ex parte mandantis cenietur saltem coalescere: ergo ipse probabilius peccat graviter, quemadmodum graviter peccasset, si demandasset ut singuli de segmentis aureis, & argenteis aliquid cleperent, esto singulorum furta seorsim considerata non sufficerent ad damnum grave inferendum. Plures rationes pro hac opinione videri licet apud *Arsdeckin tom. 2. part. 2. tr. 5. c. 3. §. 1. q. 4.* & *la Croix lib. 3. p. 1. n. 581.*

& jam ad 2dum. Si materia singulorum seorsim sumpta non sit gravis, aut sufficiens ad grave damnum; esto tota simul ab omnibus ablata ad grave damnum, vel notabilem summam conscendat, probabiliter nullus ex præfatis famulis peccavit mortaliter contra justitiam. Ita contra *Filliuc. Navarrum*, & alios plures tenet *Lessius lib. 2. de just. c. 12. dubit. 9.* *Sanchez lib. 7. mor. c. 21. n. 22.* *Tannerus tom. 3. disp. 4. q. 6. dub. 9.* aliique plures, quos sequitur *P. Sporer*

tr. i. proæm. c. 5. n. 49. Ratio est: quia singuli seorsim sumpti non intulerunt grave damnum secundum se; neque ratione furti ut conjuncti cum furto alterius; quia ut supponitur, nullus vi sui furti exstitit causa, ut alter similiter aliquid cleperet: ergo singuli non peccârunt contra justitiam, nisi venialiter. Secus dicendum foret, si communi consensu & consilio abstulissent illa segmenta aurea & argentea; quia tunc quivis exstitisset causa moralis totius damni illati.

Dices contra hoc. In casu mox relato quilibet ex famulis influxit, & quidem scienter in grave damnum illius Magnatis: at, qui scienter influit in grave damnum proximi, peccat graviter, cum obligatione restituendi: ergo &c.

589. R. Distinguendo minor: qui scienter influit, ita ut sit causa moralis totius damni, utputa jussu, consiliô, auxiliô &c. *con.* ita, ut non sit causa moralis totius damni, prout supponitur in hoc casu, *neg. min. cum conseq.* Et licet fortassis malô exemplo famuli senioris, reliqui juniores fuerint induciti suô modo ad surripiendum suas partes; quia tamen hoc malum exemplum, seu Scandalum quâ tale, non fuit contra justitiam, sed potius contra charitatem; hinc neque iste peccavit mortaliter contra justitiam; ac per consequens non tenetur sub mortali ad compensationem, seu

seu refusionem totius damni illati; quandoquidem obligatio restituendi non oritur ex læsione solius charitatis, veluti diximus *de Restitut. Confer. 1. n. 5. & Confer. 5. n. 127.* Videatur Sporer *loc. prox. cit.*

§. III.

Corollaria ex dictis inferenda.

COLLIGES ex hæcenus dictis primò, peccatum mortale cum veniali in nonnullis convenire, in multis verbò per omnem modum differre; nam in primis conveniunt per hoc, quòd tam mortale, quàm veniale etiam, sit actus moraliter malus, Deo displicens, Eundemque verè offendens, proptereaqué dignus pœna à Deo infligenda. 2. conveniunt in eo, quod utrumque velut actus humanus, debeat esse voluntarium ac liberum, tametsi major libertas necessaria sit ad mortaliter, quàm ad venialiter peccandum, prout ex dictis à n. 568. constare debet: prætereo insuper nonnullas alias convenientias minùs notabiles. Econtra tamen multùm per omnem modum inter se differunt, eò vel maximè, quod 1. homo per peccatum mortale simpliciter sese avertat à Deo, non item per veniale. 2dò. per prius amittitur gratia Dei, & incurritur reatus pœnæ æternæ, non item per posterius, veluti animadvertimus
suprà

suprà n. 565. aliæ plures con- & disconvenientiæ inter utrumque videri possunt apud Reiffenstuel *Theolog. moral. tr. 3. dist. 2. n. 3. & 4.*

591. Colliges 2dò, quòd, licèt in illis peccatis, quibus immediatè læditur aliqua perfectio Dei; uti sunt infidelitas, desperatio, blasphemia, vel odium Dei &c. non detur parvitas materiæ; nihilominus hujusmodi peccata aliquando saltem (licèt non frequenter, ob nimis evidentem eorum enormitatem) fieri possunt venialia per accidens; idque ob solam imperfectionem actus, seu indeliberationem, aut nimiam rationis perturbationem. Ratio facilè deducitur ex dictis n. 568. quia scilicet ad omne peccatum mortale necessariò requiritur plena advertentia, & consensus perfectus, ita, ut si alterutrum deficiat, pariter actus deperdat malitiam formalem peccati mortalis: at minimè dubitandum venit, quin ratio humana in tantùm perturbari valeat, ut hujusmodi actum, vel malitiam actus non plenariè advertat, prout rectè advertit S. Thomas 1. 2. q. 88. art. 6. & alii DD. communiter: ergo &c.

592. Colliges 3tiò, ad mortale peccatum incurrendum mihiimè necessum esse, ut materia sit semper in se, & absolutè gravis, sed sufficere, materiam respectivè gravem, id est, respectu finis gravis à Legislatore intenti,

tenti, ad quem talis materia vel simpliciter necessaria est vel certè multum conducere nata. Ita *ex communi* DD. tenent Castropalao *tr. 2. disp. 2. pu. 7. n. 4.* Laymann *lib. 1. tr. 4. c. 14.* Sporer *tr. 1. c. 5. n. 27.* Qui propterea unanimiter tenent, graviter deliquisse Proto-Parentes nostros comedendo de fructu vetito: graviter item peccaturum Sacerdotem, qui scienter & voluntariè intermitteret mixtionem aquæ modicæ cum vino in SS. Missæ Sacrificio: denique etiam graviter peccaturum Religiosum, qui contra gravem prohibitionem sui Prælati domum v. g. suspectam alicujus sæcularis ingrederetur, vel in tali domo præsumeret bibere vitrum vini, non obstante gravi prohibitione, vel periculo Scandali &c. Ratio est: quia tametsi materiæ mox recensitæ utputa elus pomi, neglectus guttulæ aquæ calici admiscendæ &c. in se revera sint materia levis; nihilominus ratione finis à Deo intenti sunt materia gravis, prout vel inde colligere licet, quòd Deus Protoparentes nostros ob esum pomi vetiti Paradiso expulerit. Videantur dicta superiùs *Confer. 12. n. 327. & seqq.*

Colliges 4tò, peccata venialia, quantumvis multiplicata, *formaliter* nunquam 593. constituere, vel ascendere ad gravitatem peccati mortalis. Ita *Communissimè* DD. Ratio fundamentalis hæc est: quia indivi-
dua

dua ordinis essentialiter inferioris, quantumvis multiplicentur, nunquam possunt attingere ad rationem individui superioris: sit v. g. accidentia quantumvis multiplicata, nunquam sunt, nec fieri possunt substantia: at peccatum mortale & veniale specie differunt, & illud prius in morali hominum existimatione meritò reputatur ordinis essentialiter superioris: ergo &c. Hinc etiam DD. *communiter* inferunt, propositum plura, immò omnia peccata venialia committendi, vel nullum evitandi, *per se loquendo* non esse mortaliter malum. Ratio est: quia si quis reipsa committeret peccata venialia, quantumcumque demum multiplicata &c. reipsa non peccaret mortaliter, eò ipso, quòd supponatur se continere intra limites peccatorum venialium: ergo à fortiori *saltem per se loquendo* non peccat mortaliter is, qui duntaxat proponit, quòd velit nullum peccatum merè veniale effugere.

594. Dixi tamen primò, quòd peccata venialia quantumvis multiplicata, *formaliter* non constituent peccatum mortale, neque ad hujus gravitatem ascendant; Negari enim minimè potest, quin ob venialia multiplicata possit incurrì peccatum mortale, idque toties, quoties materia hujusmodi venialium inter se, vel certè in aliquo effectumoraliter coalescit; pro cuius pleniori notitia,
No.

Notandum hic venit, duplex reperiri *95.*
genus venialium, unum, quorum materia
in morali hominum existimatione quo-
dammodo concrevit, vel inter se, vel in
aliquo effectu; alterum, quorum materia
non coalescit. Prioris generis sunt v. g.
furta levia, præsertim eidem facta, quibus
tandem procul dubio infertur grave dam-
num. Similiter multæ de se leves detra-
ctiones graviter præjudicant famæ: multæ
leves percussiones aut vulnerationes causant
grave damnum corporis: multæ commes-
tiones modicæ præjudicant graviter jejunii
præcepto, sicut & multæ comestiones re-
rum noxiarum, vel immodicæ potationes
repetitæ tandem confluunt in non modi-
cum damnum naturæ humanæ. Postero-
ris verò generis venialia sunt v. g. otiosa
verba, mendacia non perniciofa &c. &
omnia illa, quæ, sunt circa res præceptas
diversis determinatè temporibus, ita, ut
cum tempore obligatio finiatur; uti sunt
venialia circa auditionem Missæ, horas
Canonicas, aut jejunia plurium dierum,
quippe quorum obligatio singulis diebus
finitur, ita, ut unum non censetur habere
connexionem moralem cum altero, prout
jam alibi notavimus, & bene advertit la
Croix l. 5, n. 284.

Dixi 2dò, propositum committendi *96.*
quæcumque demum venialia *per se loquendo*
non

non esse mortaliter malum : nam *per acci-*
dens fieri potest, ut tale propositum con-
 scendat gravitatem peccati mortalis ; vel
 quia tale propositum concipiens prævidet,
 certum aliquod veniale in individuo sibi
 fore occasionem proximam ad mortale :
 vel quia advertit, se vi hujus laxitatis sen-
 sim diffluere, immò properare ad gravio-
 rem lapsum & ruïnâ spirituales animæ ;
 vel denique quia vi suæ professionis sese
 singulariter sub gravi culpa adstrinxit ad
 sectanda perfectiora &c. Qua de causa
 Doctores Communissimè tradunt, pro-
 positum illud, *nullum scilicet peccatum venia-*
le vitandi, in Religioso, vel à Religioso
 conceptum, esse mortaliter peccaminosum ;
 non quidem ea de causa, quòd is
 nullum veniale velit evitare, aut quodlibet
 committere, sed quia hoc proponendo
 convincitur, quòd non velit tendere ad per-
 fectionem Religiosam, ad quam sub mor-
 tali peccato vi suæ professionis præsumitur
 se voluisse adstringere ; vel certè quia pro-
 pterea meritò reputatur contemnere Regu-
 lam, seu etiam constitutiones ; vel denique,
 quia talis procul dubio suæ Religioni eva-
 deret petra Scandali, & lapis offensionis.
 Vid. Sanchez *lib. 6. decalog. c. 4. n. 18.* Ca-
 stropalao ubi *suprà pu. 9. §. 4. n. 3.* Ba-
 benstuber *tr. 2. disp. 3. a. 4. n. 50.* la Croix
lib. 5. v. 288.

Col-

Colliges 510, in supposito quod 20. 597.
solidi, vel si mavis, 20. paccii respectu
alicujus sint materia gravis, eum, qui suc-
cessivè auferet 19. semper peccare venialiter
(nisi ab initio statim habuisset intentio-
nem graviter damnificandi Dominum)
Si tamen postea scienter auferat vigesimum
solidum, peccabit mortaliter, non quidem
eo ex capite, quòd furtum unius soli-
di sit mortaliter malum, sed, quia hic ul-
timus solidus cum prioribus simul con-
junctus, conficit materiam gravem, &
complet grave damnum proximo inferen-
dum. Unde scienter auferens hunc so-
lidum vigesimum, ipso facto convincitur,
voluisse dominum injustè, & graviter qui-
dem damnificare, atqui voluntas hæc est
mortaliter peccaminosa secundum omnes:
ergo &c.

Dixi rursus: si scienter, id est, haud im- 598.
memor priorum ablationum auferat vigesi-
mum solidum, ita scilicet, ut advertat gra-
vitatem formalem damni inde inferendi;
secus enim dicendum foret, si vel 1. nul-
latenus, nequidem in ultimo furto animad-
vertisset malitiam gravis peccati, seu etiam
damni inferendi: 2. aut si priores solidos, vel
saltem partem eorum jamjam restituisset;
vel denique si rationabiliter posset præsum-
mere, Dominum jamjam condonasse prio-
R. P. Elbel, de Art. Hum. & Leg. Rr ra

ra furta, aut certè non esse graviter invictum respectu hujus furti, vigesimi scilicet solidi; de quo in ordine ad dignoscendam gravitatem peccati (saltem per se loquendo, nisi ipsemet exprimat) poenitens examinandus est. Videatur *la Croix lib. 5. n. 293.*

Ergonè, inquires, si Titius hodie sese accusavit, quod 19. solidos abstulerit, postea verò etiam vigesimum, vel plures adhuc auferat, non amplius peccat graviter, eò, quòd priora furta jamjam detestando in confessione, efficaciter retractaverit?

599. R. Negando conseq. Nam qui jam semel complevit materiam notabilem, & graviter damnosam, & hoc non obstante denuo aliquid aufert de novo, quod cum priori materia facit aliquid unum, procul dubio committit novum peccatum mortale; ferè quemadmodum si hodie proximo tuo multa, etsi de se levia vulnera inflixisses, & de hoc efficaciter doluisses, postea verò aliud vulnus, utut de se leve, ex quo eum graviter infirmatum, aut damnificatum iri animadverteres, denuo infligas, procul dubio graviter peccabis, non obstante priori dolore, vel retractatione: sicut enim retractatio prior non impedit, quin posterius vulnus compleat grave damnum in bono corporis, vel vitæ; ita pariter retractatio, aut sola detestatio priorum ablatio.

lationum minimè impedit, quia illud posterius furtum compleat, seu etiam augeat grave damnum in bonis fortunæ.

Cæterùm an talis semper committat novum peccatum à priori numericè distinctum, an verò idem numerò peccatum duntaxat aggravet, poterit de facili colligi ex dictis suprà n. 545. & seqq. Videri etiam potest de hoc la Croix l. cit.

n. 294. vel lib. 3. pu. 1.

n. 1007.



CONFERENCE

VIGESIMA PRIMA.

De Superbia, & Avaritia.

SUMMARIUM.

600. Dantur septem peccata capitalia, scilicet superbia, avaritia &c.

601. Superbia est inordinatus appetitus propriæ excellentiæ suprà alios &c.

602. Superbia completa, & perfecta per se loquendo est mortaliter peccaminosa;

603. Imperfecta autem de se non excedit gravitatem peccati venialis.

604. Enumerantur breviter undecim filiz superbia;
605. Quæ, licet de se non videantur excedere limites peccati venialis; nihilominus non raro conscendunt gravitatem peccati mortalis.
606. Recensentur breviter nonnulla remedia generalia contra superbiam.
607. Avaritia consistit in appetitu inordinato habendi;
608. Quæ quatenus præcisè opponitur virtuti liberalitatis, non excedit limites peccati venialis.
609. Recensentur breviter septem filiz Avaritiæ.
610. Præscribuntur media contra avaritiam.
611. Resolvitur Casus I. cujusdam militis emeriti, ambientis reliquis suis Commilitonibus præfici, & ad altiora promoveri.
612. Qui tamen pessimè sese solet jactitare, & gloriari de suis vitiis, olim in statu militari commissis.
613. Hujusmodi jactantia vana subinde quidem, sed admodum raro fieri solet absque peccato gravi.
614. Resolvitur Casus II. de quodam Mercatore avarissimo, qui alterius litteras subdolè apertas legit, eidemque propterea ingens lucrum surripuit. Hinc
615. Obligandus est ad restitutionem & refusionem damni.
616. Aperiens litteras, quas in suū præjudicium, vel damnum scriptas probabiliter & fundatè existimat, per se loquendo non peccat.

617. An, vel quomodo peccet subditus Religiosus aperiens litteras alterius, ad Superiorem majorem directas?
618. Resolvitur Casus III. de quodam Viro ditissimo simul & avarissimo, qui ne micam quidem panis assueverat dare pauperibus.
619. Occurritur euidam instantiæ, vel potius frigida excusationi, quam avari communiter solent prætere.
620. Homines rudiores ratione superbiz rariùs solent peccare mortaliter; bene tamèn subinde ratione avaritiæ.
621. Jactans se cum complacentia de aliquo gravi crimine commissio, committit duplex peccatum, necessariò exprimendum in confessione.
622. Idque verum est, si se jactaverit de crimine vero, si de falso.

§. I.

Præmittuntur, & breviter resolvuntur Quæsitæ scitu necessaria ad debitè resolvendos Casus practicos de Superbia, & Avaritia.

Quæres primò, quot sint peccata capitalia?

R. Sunt septem, scilicet 1. Superbia. 2. Avaritia. 3. Luxuria. 4. Ira. 5. Gula. 6. Invidia. 7. Acedia. Ita communissimè DD. nominatim D. Gregorius lib. 31. moral. c. 31. Non abs ratione autem appel-

Rr 3

lari

lari solent peccata capitalia; eò, quòd ex his velut quibusdam fontibus & capitibus soleant profluere alia quam plurima vitia, veluti patebit ex dicendis proximè. Et hoc de Superbia ceu primo peccato capitali innuit Propheta Tobias c. 4. ubi ait: *in ipsa* (superbia scilicet) *initium sumpsit omnis perditio.* Superbia scilicet & Angelos apostatate, & Protoparentes nostros è Paradiso exulare fecit, prout ex Sacris paginis abundè constat.

Quæres 2dò, quid sit Superbia, & quale peccatum?

601. R. ad primum. Superbia est inordinatus appetitus propriæ excellentiæ super alios. Ita cum communissima DD. tenent Mastrius *Theolog. moral. disp. 15. n. 137.* Et Sporer *tr. 1. Theolog. decalog. c. 7. n. 64.* Dicitur autem appetitus inordinatus; nam appetitus ordinatus cujuscunque demum rei, eò ipso quòd supponatur esse talis, nequit esse peccaminosus. Dicitur 2. propriæ excellentiæ *suprà alios*; enimverò in hoc propriissimè fundatur, & dignoscitur natura superbiæ, quòd scilicet superbientem faciat sese super alios extollere, aut certè inordinatè ambire, vel desiderare *suprà alios* extolli; quò fit, ut superbus alios soleat suò modo contemnere, & longè infrà se positos reputare, prout vel ex ipso vocabulo *superbire* datur haud obscurè intelligi, quippe

pe quod interpretatum idem sonat, ac *super* alios *ire*. Hinc tametsi is, qui in propriis talentis, donis, vel gratiis sibi inordinate complaceat, sine respectu tamen, vel potius despectu aliorum, quibus præferri, aut certe major videri ambit, possit delinquere, ut de se clarum est, non tamen dici potest superbus propriè loquendo, sed impropriè duntaxat; licet hæc inordinata complacentia (quam Scotus, & alii DD. non immerito vocant Philautiam, id est, quandam quasi luxuriam spiritualement) plerumque soleat inclinare, & proximè disponere ad superbiam formalem, prout nedum Casus Luciferi, sed etiam aliorum multorum nos docent.

R. jam addum. Superbia completa, & 602. perfecta, id est, illa, vi cujus aliquis ita vult excellere, ut nec Deo, neque aliis Superioribus, eorumvè legibus velit subjici, est peccatum ex genere suo mortale. Ita omnes. Ratio est: quia hoc vitium, ut de se liquet, involvit maximam deordinationem, vi cujus homo, quantumvis vilissimus terræ vermiculus, abjectâ DEI ipsius, aliorumque DEI locò præcipientium regula, vult esse suis juris, suumque, ut ita dicunt, capricium sequi. Hac de causa Doctor Gentium Rom. 1. superbos ait, *dignos esse morte*. Et Jacob. c. 4. v. 6. *DEus dicitur superbis resistere*. Videatur de hoc S. Bonavent. in

diata salutis tit. 1. c. 3. ubi hoc vitium graphicè depingit;

603. Dixi tamen, *superbiam completam, & perfectam* esse mortaliter peccaminosam &c. Nam *superbia imperfecta* duntaxat, id est, illa, quâ quis in sua duntaxat opinione sese magnificat &c. licet non detrectet obedientiam Deo, aliisve Superioribus debitam, non est, nisi peccatum veniale; esto enim in hoc aliqua, non tamen adeò gravis deordinatio apparet, veluti communiter fatentur Doctores hætenus allegati. Reiffenstuel *Theol. mor. tr. 3. dist. 3. n. 4.*

Quæres 3tiò, quænam sint filix Superbiæ?

604. R. Sunt undecim sequentes, scilicet 1. *Præsumptio*; vi cujus superbus animò elatò præsumit obtinere aliquid temerè, id est, tale, quod est supra suas vires. 2. *Ambitio*, id est, inordinata cupiditas dignitatis, & honoris indebiti, vel debitò majoris. 3. *Vana gloria*, hoc est, inordinata delectatio humanæ laudis, vel vana cupiditas æstimationis propriæ excellentiæ, siue veræ, siue fictæ, seu imaginariæ. 4. *Jactantia*, quâ scilicet quis sese extollit, dicendo de se aliquid supra se, utputa, quòd sit nobilis, dives, doctus, vir tanti vel tanti meriti &c. 5. *Hypocrisis*, quâ Superbus se justum simulat; vel justiorem, quàm à parte rei est. 6. *Inobedientia*, quâ Superbus dedignatur aliis subesse, propterea quæ solet contemnere
- autho-

authoritatem præcipientis, certè eandem parvi pendere. 7. *Pertinacia*, vi cujus superbus nimis tenaciter adhæret suo iudicio, vel opinioni, nolens cedere meliori sententiæ, aut saniori consilio. 8. *Curiositas*, quâ superbi assolent intendere altioribus studiis, statum suum & capacitatem transcendentibus. 9. *Ingratitudo*, vi cujus beneficia accepta parvi pendere, vel contemnere, aut certè oblivioni dare assueverunt. 10. *Arrogantia*, per quam Superbus sibi attribuit, quod non habet. 11. Tandem *Discordia*, seu voluntatum divisio; inter superbos enim semper solent esse jurgia. Videatur Clericatus decis. miscellan. decis. 136. n. 6. ubi plura adhuc mala ex Superbia oriri nata recenset.

Quocirca tamen illud animadvertendum 605.
reor, quòd, tametsi peccata mox recensita, velut quidam partus infauisti pessimæ Matris, de se non videantur excedere limites peccati venialis; nihilominus non rarò, & fortassis sæpiùs, quàm par est, evadant peccata mortalia per accidens, idque vel ratione materiæ gravis, vel ratione finis mali, vel denique ratione damni; ut si quis præsumeret agere officium medici spiritualis, vel corporalis; aut advocati &c. cum gravi detrimento sui Clientis &c. Vel si quis inordinate ambiat beneficium, cum præviso gravi damno, proximo propterea inferendo,

Rr §

rendo, prout bene advertunt Doctores communiter, nominatim Reiffenstuel *Theolog. mor. 17. 3. dist. 3. n. 7. & 8.* item Henno *17. de peccat. act. disp. 4. q. 1. concl. 3.* Et amplius constabit ex resolutione Casuum.

Quæres 4to, quænam dentur, aut præscribenda sint remedia contra superbiam?

606. R. in primis generaliter loquendo omnia illa remedia pugnare contra superbiam, quæ foveant humilitatem, proptereaque à Confessario haud inconvenienter, proportionatè tamen ad conditionem, statum, ac dispositionem pœnitentis posse præscribi. Præcipuè tamen juvabunt sequentia tria à Doctore Angelico *2. 2. q. 162. art. 6. ad 1.* præscripta, ad quæ cætera, ab aliis Doctoribus fusiùs assignata, haud difficulter reduci poterunt: primò scilicet jubeatur superbus considerare, & sæpiùs ac seriòse quidem considerare illud *Ecclesiastici 10. quid superbis terra, & cinis?* 2. Jubeatur etiam pensare magnitudinem Excellentie Divinæ, juxta illud *Job. 15. quid tumet contra Deum spiritus tuus?* 3. denique juvabit considerare fragilitatem, misérias, & defectuositates proprias juxta illud, *Psal. 138. Imperfectum meum viderunt oculi tui.* Plura adhuc alia videri possunt apud Henno *loc. cit. conclus. 6.* Et apud Ludovicum Granatens. *part. 2. lib. 2. c. 4.*

Quæ.

Quæres 5. quid sit avaritia, & quale peccatum?

R. Avaritia est inordinatus appetitus habendi, bona scilicet temporalia, utputa pecunias, possessiones, aliasvè divitias. Ita DD. communissimè. Dicitur autem: appetitus *inordinatus &c.* Nam ordinatè appetere divitias, utpote ad vitam honestè, & conformiter suo statui traducendam, ad proles debitè educandas, vel familiam conservandam &c. non est peccatum, quin potius multum conveniens æquitati naturali, modò cor & animus iisdem non affigatur cum offensa Dei juxta monitum Regii Plaltis *Psal. 61. divitiæ, si affluant, nolite cor apponere.*

R. jam ad 2dum. Avaritia in quantum opponitur virtuti liberalitatis, est peccatum ex suo genere veniale duntaxat, juxta communem DD. apud Sporer *tr. 1. c. 7. n. 65.* Ratio est: quia excessus in re de se indifferenti ex suo genere non est, nisi venialiter peccaminosus: atqui avaritia, in quantum præcisè opponitur virtuti liberalitatis, est talis excessus: ergo &c.

Fatendum nihilominus est, quòd Avaritia sæpius evadat mortaliter peccaminosa, saltem per accidens, quando scilicet jungitur cum gravi læsione justitiæ, aut charitatis proximo debiti, id est, quando avarus ob nimium appetitum divitiarum non

veretur invadere alienum, aut illud detinere injustè, vel non restituere &c. Vel denique, quando ob nimium amorem divitiarum suarum renuit succurrere proximo, in extrema, vel certè gravi necessitate constituto. Unô verbo: quando Avarus eò defleſcit, ut in suis divitiis & bonis temporalibus quasi ponat ultimum suum finem, ita, ut sit paratus quamlibet Dei legem violare, modò valeat acquirere bona temporalia, vel quomodocunque demum adepta non amplius cogatur expendere, prout reipsa à multis fieri amat, juxta illud Christi Domini effatum apud *Matth. 19: 6.* *quàm difficile est, confidentes in pecuniis in Regnum Dei introire! facilius est, Camelum per foramen acis transire, quàm divitem intrare in Regnum Dei.* Et Apostolus ad *Coloss. 3.* *avaritiam idolorum servitutem appellat*; quæ de re egregiè scribit Innocentius III. *lib. de vilitate conditionis hum.* videndus apud nostrum Henno *l. cit. q. 2. conclus. 2.*

Quæres 6tò, quanam, & quot sint filie Avaritiæ?

609. R. Sunt septem sequentes. 1. Proditio. 2. Fraus. 3. Fallacia. 4. Perjurium. 5. Inquietudo. 6. Violatio. 7. Obduratio cordis contra misericordiam. Ita S. Gregorius *lib. 31. mor. c. 31.* quem alii Doctores communiter sequuntur. Rationem horum sapienter reddit P. Reiffenstuel ubi supra

præ rr. 3. dist. 3. n. 15. Avarus, inquit, excedit in duobus, videlicet in *retinendo*, & in *acquirendo*: nimius affectus retinendi parit obdurationem cordis erga miseros, & egenos: nimius autem affectus acquirendi, parit animi inquietudinem, & inducit ad reliqua peccata mox recensita. Videatur Doctor *loc. cit.*

Quæres denique 7^{timò}, quænam remedia avaro sint præscribenda à Confessario?

R. Haud inconvenienter (servata ta-610.
men proportionem & conditionem statuum, vel potius pœnitentium) præscribi possunt sequentia, scilicet 1. jubeatur considerare caducitatem bonorum temporalium, quæ plerumque non acquiruntur sine magno labore, majori sollicitudine custodiuntur, & nihilominus in morte debent derelinqui hæredibus, sæpe sæpius ingratis &c. 2. Jubeatur considerare damna, & pericula ex avaritia, seu nimio affectu bonorum temporalium sibi imminencia, scilicet quòd per hujusmodi tenacitatem omnibus hominibus sese reddat exosum, & abominabilem &c. 3. Juvabit considerare bona, quæ ex moderata, & christianæ charitati accommodata (plus enim de jure non exigitur) liberalitate, & communicatione bonorum temporalium sibi sint obventura in altera vita &c. 4. Proderit considerare paupertatem Christi, qui, ut pretium paupertatis nos

vit, immò potuit mediis de se honestis, ac licitis eam procurare, prout nemo prudentum facile dubitabit; eò præsertim, quòd in omni statu nedum Civili, verùm etiam Ecclesiastico passum id fieri videamus. Esto fortassis hujusmodi homines, proprio amore excæcati, sibi videantur capaces & digni ad talia officia, ad quæ revera prorsus inepti, & inhabiles sunt.

612. R. ad 2dum. Titius per se loquendo graviter peccat enarrando hujusmodi facta Scandalosa, & peccaminosa. Ratio est: quia, ut ex ipsa specie facti liquet, solet gloriari de talibus, de quibus revera deberet potius coram homine prudente & christiano erubescere, tales autem acriter reprehendit Spiritus Sanctus, velut qui latantur, cum malefecerint, & exultant in rebus pessimis: quorum via perversa sunt, & infames gressus eorum. Proverb. c. 2. vers. 14. & 15. Accedit insuper, quòd similes discursus nati sunt, aliis audientibus præbere Scandalum, & pessimæ imitationis exemplum: hujusmodi autem hominibus expediret, ut suspendatur mola asinaria in collo eorum, & demergerentur in profundum maris, juxta infallibile effatum Christi Domini Matth. 18. vers. 7. & 8. ubi talibus intentatur va! quod est signum gravis offensionis seu peccati mortalis, juxta dicta superius n. 576. & Communissimam Theologorum.

Liquet

Liquet proin, quòd Confessarius talem pœnitentem scribè debeat dehortari, ac monere, quatenus deinceps velit à similibus discursibus abstinere, ne aliis præbeat scandalum, aut complacendo de similibus Deum de novo graviter offendat. Videatur Busenbaum apud la Croix l. 5. n. 298.

Dixi etiam, Titium *per se loquendo peccare* 613. *graviter &c.* ut innuerem, subinde (etsi procul dubio rariùs) ab hujusmodi vaniloquis & carnalibus hominibus similiz enarrari absque peccato gravi; idque propterea; vel quia non apprehendunt malitiam; vel quia nullum advertunt periculum Scandali; vel denique, quia non intendunt se jactitare de operibus malis quàm talibus, seu quatenus erant peccaminosa, sed potiùs de sua fortitudine, ingenio, dexteritate, vel etiam humana fragilitate in similibus monstratis; quod secluso Scandalo aut malo exemplo, vel omni, vel certè gravi culpa vacat, prout bene animadvertunt Sanchez lib. 1. moral. c. 3. n. 12. Sporer part. 1. proœm. c. 6. n. 45. & la Croix ubi supra n. 299.

CASUS SECUNDUS.

*S*Empronius Mercator non minùs avarus & lucri cupidus, quàm opulentus, alterius ejusdam litteras subdolè interceptis & aperuit, R. P. Elbel, de Art. Hum. & Leg. Si qui.

diata salutis tit. 1. c. 3. ubi hoc vitium graphicè depingit;

603. Dixi tamen, *superbiam completam, & perfectam* esse mortaliter peccaminosam &c. Nam *superbia imperfecta* duntaxat, id est, illa, quâ quis in sua duntaxat opinione sese magnificat &c. licet non detrectet obedientiam Deo, aliisve Superioribus debitam, non est, nisi peccatum veniale; esto enim in hoc aliqua, non tamen adeò gravis deordinatio apparet, veluti communiter fatentur Doctores hætenus allegati. Reiffenstuel *Theol. mor. tr. 3. dist. 3. n. 4.*

Quæres 3^{tiò}, quænam sint filix Superbiæ?

604. R. Sunt undecim sequentes, scilicet 1. *Præsumptio*; vi cuius superbus animò elatò præsumit obtinere aliquid temerè, id est, tale, quod est supra suas vires. 2. *Ambitio*, id est, inordinata cupiditas dignitatis, & honoris indebiti, vel debitò majoris. 3. *Vana gloria*, hoc est, inordinata delectatio humanæ laudis, vel vana cupiditas æstimationis propriæ excellentiæ, sive veræ, sive fictæ, seu imaginariæ. 4. *Jactantia*, quâ scilicet quis sese extollit, dicendo de se aliquid supra se, utputa, quòd sit nobilis, dives, doctus, vir tanti vel tanti meriti &c. 5. *Hypocrisis*, quâ Superbus se justum simulat; vel justiore, quàm à parte rei est. 6. *Inobedientia*, quâ Superbus dedignatur aliis subesse, propterea que solet contemnere
autho-

authoritatem præcipientis, certè eandem parvi pendere. 7. *Pertinacia*, vi cujus superbus nimis tenaciter adhæret suo iudicio, vel opinioni, nolens cedere meliori sententiæ, aut saniori consilio. 8. *Curiositas*, quâ superbi assolent intendere altioribus studiis, statum suum & capacitatem transcendentibus. 9. *Ingratitudo*, vi cujus beneficia accepta parvi pendere, vel contemnere, aut certè oblivioni dare assueverunt. 10. *Arrogantia*, per quam Superbus sibi attribuit, quod non habet. 11. Tandem *Discordia*, seu voluntatum divisio; inter superbos enim semper solent esse jurgia. Videatur Clericatus decis. miscellan. decis. 136. n. 6. ubi plura adhuc mala ex Superbia oriri nata recenset.

Quocirca tamen illud animadvertendum 605.
reor, quòd, tametsi peccata mox recensita, velut quidam partus infancti pessimæ Matris, de se non videantur excedere limites peccati venialis; nihilominus non raro, & fortassis sæpius, quàm par est, evadant peccata mortalia per accidens, idque vel ratione materiæ gravis, vel ratione finis mali, vel denique ratione damni; ut si quis præsumeret agere officium medici spiritualis, vel corporalis; aut advocati &c. cum gravi detrimento sui Clientis &c. Vel si quis inordinate ambiat beneficium, cum præviso gravi damno, proximo propterea inferendo,

Rr §

rendo, prout bene advertunt Doctores communiter, nominatim Reiffenstuel *Theolog. mor. tr. 3. dist. 3. n. 7. & 8.* item Henno *tr. de peccat. act. diff. 4. q. 1. concl. 3.* Et amplius constabit ex resolutione Casuum.

Quæres 4to, quænam dentur, aut præscribenda sint remedia contra superbiam?

606. R. in primis generaliter loquendo omnia illa remedia pugnare contra superbiam, quæ foveant humilitatem, proptereaque à Confessario haud inconvenienter, proportionatè tamen ad conditionem, statum, ac dispositionem poenitentis posse præscribi. Præcipuè tamen juvabunt sequentia tria à Doctore Angelico 2. 2. q. 162. art. 6. ad 1. præscripta, ad quæ cætera, ab aliis Doctoribus fusiùs assignata, haud difficulter reduci poterunt: primò scilicet jubeatur superbus considerare, & sæpiùs ac seriòse quidem considerare illud *Ecclesiastici 10. quid superbis terra, & cinis?* 2. Jubeatur etiam pensare magnitudinem Excellentie Divinæ, juxta illud *Job. 15. quid timeas contra Deum spiritus tuus?* 3. denique juvabit considerare fragilitatem, misérias, & defectuositates proprias juxta illud, *Psal. 138. Imperfectum meum viderunt oculi tui.* Plura adhuc alia videri possunt apud Henno *loc. cit. conclus. 6.* Et apud Ludovicum Granatens. *part. 2. lib. 2. c. 4.*

Quæ.

Quæres 5. quid sit avaritia, & quale peccatum?

R. Avaritia est inordinatus appetitus habendi, bona scilicet temporalia, utputa pecunias, possessiones, aliasvè divitias. Ita DD. communissimè. Dicitur autem: appetitus *inordinatus &c.* Nam ordinatè appetere divitias, utpote ad vitam honestè, & conformiter suo statui traducendam, ad proles debitè educandas, vel familiam conservandam &c. non est peccatum, quin potius multum conveniens æquitati naturali, modò cor & animus iisdem non affigatur cum offensa Dei juxta monitum Regii Plaltis *Psalm. 61. divitiæ, si affluant, nolite cor apponere.*

R. jam ad 2dum. Avaritia in quantum 608. opponitur virtuti liberalitatis, est peccatum ex suo genere veniale duntaxat, juxta communem DD. apud Sporer *tr. 1. c. 7. n. 65.* Ratio est: quia excessus in re de se indifferenti ex suo genere non est, nisi venialiter peccaminosus: atqui avaritia, in quantum præcisè opponitur virtuti liberalitatis, est talis excessus: ergo &c.

Fatendum nihilominus est, quòd Avaritia sæpius evadat mortaliter peccaminosa, saltem per accidens, quando scilicet jungitur cum gravi læsione justitiæ, aut charitatis proximo debitæ, id est, quando avarus ob nimium appetitum divitiarum non

ve-

præ rr. 3. dist. 3. n. 15. Avarus, inquit, excedit in duobus, videlicet in *retinendo*, & in *acquirendo*: nimius affectus retinendi parit obdurationem cordis erga miseros, & egenos: nimius autem affectus acquirendi, parit animi inquietudinem, & inducit ad reliqua peccata mox recensita. Videatur Doctor *loc. cit.*

Quæres denique 7^{timò}, quænam remedia avaro sint præscribenda à Confessario?

2^a. Haud inconvenienter (servata ta-^{610.}men proportionem & conditionem statuum, vel potius pœnitentium) præscribi possunt sequentia, scilicet 1. jubeatur considerare caducitatem bonorum temporalium, quæ plerumque non acquiruntur sine magno labore, majori sollicitudine custodiuntur, & nihilominus in morte debent derelinqui hæredibus, sæpe sæpius ingratis &c. 2. Jubeatur considerare damna, & pericula ex avaritia, seu nimio affectu bonorum temporalium sibi imminencia, scilicet quoddam per hujusmodi tenacitatem omnibus hominibus sese reddat exosum, & abominabilem &c. 3. Juvabit considerare bona, quæ ex moderata, & christianæ charitati accommodata (plus enim de jure non exigitur) liberalitate, & communicatione bonorum temporalium sibi sint obventura in altera vita &c. 4. Proderit considerare paupertatem Christi, qui, ut pretium paupertatis nos

nos doceret, ait D. Bernardus, voluit pauperrimus nasci; pauperrimè vixit, & denique pauperrimè, utpote non habens, quo SS. Caput suum reclinaret, pro nobis in cruce obiit. Plura hujusmodi media passim præscribunt alii Doctores, prout videre licet apud Clericatum *loc. mox. cit. decis. 137. n. 10.*

§. II.

Proponuntur, & breviter resolvuntur Casus practici circa Superbiam, & Avaritiam,

CASUS PRIMUS.

*T*itius Veteranus miles, eo tempore, quo Castra secutus fuerat, reliquis suis commilitonibus præfici, vehementer ambiit; eò quòd firmiter sibi persuaserit, se ceteros omnes, tum animi fortitudine, tum etiam belli peritiâ, dexteritate, ac prudentiâ excedere, aut certè nulli esse secundum. Posteaquam autem Minervam minùs sibi faventem longo tempore fuit expertus, tandem eidem valedixit. At verò hodie dum heroica sua facta mirum in modum extollit, & sapiissimè coram aliis gloriari solet 1. quòd frequenter cum aliis sibi similibus duellave-

laverit. 2. quòd nullam prorsus occasionem agendi, seu etiam habendi rem cum altero sexu, cujuscunque demum conditionis fuerint, exclu- serit, immò verò ex professo quasiverit. 3. Quòd de Deo, rebusvè divinis nihil unquam cogitârit, quin etiam toto illo tempore, quò miles audiit, vix unquam divinis interfuerit, & absolutè nunquam confessus, aut Sacra commu- nione fuerit refectus. Hac, & alia plura, è quibus ne medietas quidem homini prudenti vi- deretur vera, aut verosimilis, Titius continuè quasi, & plenis quidem buccis decantare asso- let. Dubitare proin jure meritò licet 1. an, vel qualiter peccaverit ambiendo propriam ex- cellentiam & præfecturam super reliquos Com- militones? 2. an, vel qualiter peccet, narran- do illa sua heroica (scilicet) facta?

xy. ad primum. Si Titius revera fuit ha- 611. bilis ad altiora officia publica, ambiendo promotionem, seu etiam præfecturam non peccavit. Ita cum Communi DD. Fe- lix Potestas Exam. Confess. tom. 1. part. 4. c. 7. n. 3773. Et ratio hujus est: quia ap- petere propriam excellentiam, promotio- nem &c. res est de se prorsus indifferens? quod si fiat ex bono fine, culpâ vacat, & laudabile efficitur. Itaque solus inordi- natus appetitus propriæ excellentiæ vicio- sus est, & peccaminosus: ergo si Titius fuit re ipsa capax & dignus ulteriori promotio- ne, eandem appetendo nullatenus pecca- vit,

vit, immò potuit mediis de se honestis, ac licitis eam procurare, prout nemo prudentum facile dubitabit; eò præsertim, quòd in omni statu nedum Civili, verùm etiam Ecclesiastico passim id fieri videamus. Esto fortassis hujusmodi homines, proprio amore excæcati, sibi videantur capaces & digni ad talia officia, ad quæ revera prorsus inepti, & inhabiles sunt.

612. R. ad 2dum. Titius per se loquendo graviter peccat enarrando hujusmodi facta Scandalosa, & peccaminosa. Ratio est: quia, ut ex ipsa specie facti liquet, solet gloriari de talibus, de quibus revera deberet potiùs coram homine prudente & christiano erubescere, tales autem acriter reprehendit Spiritus Sanctus, velut qui latantur, cum malefecerint, & exultant in rebus pessimis: quorum via perversa sunt, & infames gressus eorum. *Proverb. c. 2. vers. 14. & 15.* Accedit insuper, quòd similes discursus nati sint, aliis audientibus præbere Scandalum, & pessimæ imitationis exemplum: hujusmodi autem hominibus expediret, ut suspendatur mola asinaria in collo eorum, & demergerentur in profundum maris, juxta infallibile effatum Christi Domini *Matth. 18. vers. 7. & 8.* ubi talibus intentatur va! quod est signum gravis offensionis seu peccati mortalis, juxta dicta superius n. 576. & *Communissimam Theologorum.*

Liquet

Liquet proin, quòd Confessarius talem prœnitentem scrib̄ debeat dehortari, ac monere, quatenus deinceps velit à similibus discursibus abstinere, ne aliis præbeat scandalum, aut complacendo de similibus Deum de novo graviter offendat. Videatur Busenbaum apud la Croix l. 5. n. 298.

Dixi etiam. Titium *per se loquendo peccare* 613. *graviter &c.* ut innuerem, subinde (etsi procul dubio rariùs) ab hujusmodi vaniloquis & carnalibus hominibus similia enarrari absque peccato gravi; idque propterea; vel quia non apprehendunt malitiam; vel quia nullum advertunt periculum Scandali; vel denique, quia non intendunt se jactitare de operibus malis quàm talibus, seu quatenus erant peccaminosa, sed potiùs de sua fortitudine, ingenio, dexteritate, vel etiam humana fragilitate in similibus monstratis; quod secluso Scandalo aut malo exemplo, vel omni, vel certè gravi culpa vacat, prout bene animadvertunt Sanchez lib. 1. moral. c. 3. n. 12. Sporer part. 1. proœm. c. 6. n. 45. & la Croix ubi supra n. 299.

CASUS SECUNDUS.

SEmpronius Mercator non minùs avarus & lucri cupidus, quàm opulentus, alterius ejusdam litteras subdolè interceptis & aperuit, R. P. Elbel, de A& Hum, & Leg. Si qui.

quibus certum quoddam mercium genus in per-
 magna quantitate ab alio (uti vocare solent)
 amico, postulari intellexit; idcirco, ut hoc
 revera ingens lucrum alteri Mercatori prari-
 peret absque mora scribendo, amico postulan-
 ti suas merces, & quidem diminuto nonnihil
 pretio obtulit, quò & intentum suum felici-
 ter obtinuit, & alteri satis notabile & am-
 plum lucrum avaritia duce praripuit. Qua-
 ritur jam 1. an Sempronius hoc faciendo pec-
 caverit? & 2dò, an, vel ad qualem restitutio-
 nem à Confessario sit obligandus?

614. R. ad primum quæsitum. Sempronius
 graviter deliquit subdolè aperiendo alte-
 rius litteras, eidemque lucrum justum præ-
 ripiendo. Ratio est clara: quia hōc modo
 graviter læsit justitiam cum damno proximi:
 atqui talis læsio fieri nequit sine gravi pec-
 cato, ut de se liquet. Hinc bene docet
 Laymann *lib. 3. tit. 3. p. 1. c. 4. n. 2.* eum,
 qui dolosè alterius litteras aperit, & legit cum
 ipsius injuria vel damno, crimen falsi co-
 mittere.

615. R. jam ad alterum quæsitum breviter ex-
 diſcris in *tr. de restit. Confer. 4. n. 97.* Sempro-
 nium propterea teneri ad aliquam restitu-
 tionem, seu etiam refusionem damni, vel
 potiùs lucri cessantis: non tamen teneretur
 refarcire totum lucrum, sed ratam spei dun-
 taxat, quam ille alter habuit ab obtinendum
 idem

Idem lucrum. Ratio prioris est clara ex dictis *loc. cit.* quisquis enim alterius jus cum damno scienter lædit, tenetur ad refusionem damni, & ad reparationem injuriæ; atqui Sempronius supponitur id fecisse: ergo &c. Ratio autem posterioris inde desumitur: quia injustus damnificator non tenetur restituere ultra illud quantum, quod necessarium est ad introducendam æqualitatem, & compensationem damni: at si restituat alteri pro rata spei, utique fiet æqualitas: quia ut supponitur, ille alter nondum obtinuit lucrum in re, sed tantum in spe: certum autem est, & omnibus persuasum, quod lucrum in spe non sit tanti æstimabile, quanti habetur lucrum in re, veluti bene docent Molina *de justit. tom. 3. tr. 2. disp. 727. n. 7.* Sporer *tr. 4. in decalog. c. 2. n. 201. & 210.* ergo &c. Quantum verò rata spei restituendum sit, videri potest *loc. prox. cit. n. 107.*

At quid, inquires, de illo tenendum, qui aperit litteras alterius, eò quod probabiliter, immò moraliter certò judicet, fuisse scriptas in sui præjudicium aut damnum?

¶. Talem per se loquendo non peccare. 616. Ratio est: quia hoc non supponitur facere ex avaritia, vel animò decipiendi, seu etiam circumveniendi alterum, illiusvè juri præjudicandi, sed potius animò à se avertendi, aut præoccupandi injustum gravamen sibi

imminens : at, cuivis licet de jure naturæ prævertere damnum injustum sibi inferendum à quocunque demum : ergo. Hac de re Laymann *lib. 2. tr. 3. p. 1. c. 4. n. 2.* bene ait : „Interdum autem justa est aperiendi (*litteras scilicet*) causa, etiam invito „eo, ad quem mittuntur, puta, si id fiat ju- „re belli, aut justæ defensionis causâ, con- „tra inimicum insidias molientem, vel si „Prælati, Paterfamilias &c. suspicentur, „aliquid mali patrandi in litteris contineri. Hactenus Doctor *l. cit.*

617. Dixi tamen, *per se loquendo non peccari* aperiendo aut legendo litteras alienas, de quibus rationabiliter timetur injusta delatio, vel damnum &c. Enimverò Escobar, Peyrinis *de Relig. tom. 1. q. 2. c. 1. & Diana part. 3. tr. 6. resolut. 55.* hanc doctrinam limitant in hunc modum, *nisi scilicet apertio talium litterarum specialiter sit interdicta* v. g. vi/Instituti Religiosi, prout etiam in nostro S. Ordine per statuta generalia *c. 6. §. 22.* sub pœna reservationis, seu casus reservati interdicatur, *malitiosum impedimentum, aut retardatio, aut apertio litterarum à Superioribus ad inferiores, aut ab inferioribus ad Superiores &c.* His tamen non obstantibus satis probabile existimo, non peccaturum graviter illum, neque propterea incursum pœnam reservationis, qui, sive subditus sit, sive Superior, moraliter certus

certus est, in hujusmodi litteris contineri falsam, aut injustam quærelam, propterea duntaxat illas aperiret, vel retardaret, quatenus injustam infamiam, delationem, aliudvè damnum à se avertat. Hujus sanæ opinionis pariter sunt Portel *dub. Regul. V. littera Pralatorum. n. 10.* Molina *t. 4. de justit. disp. 36. n. 6.* Bassæus *V. Casus reservatus. §. 11.* quos refert & sequitur Kerckhove *in statut. gener. c. 6. §. 22. n. 44.* hac ratione: quia talis Religiosus retardando aut aperiendo litteras, utitur defensione jure naturali sibi concessa: atqui hæc defensio vacat culpa, præsertim gravi: ergo nec potest pœna reservationis affici. Unde statuta nostra generalia noluerunt reservationis pœna afficere quodcunque demum, sed *malitiosum duntaxat impedimentum &c.* quale non debet censi illud, quod sit justæ defensionis causâ. Quocirca tamen benenotari debet id, quod *l. cit.* sapienter advertit Kerckhove, scilicet hujusmodi retardationem, seu etiam apertionem litterarum, non imprudenter, vel passim, sed quàm rarissimè attentandam, aut præsumendam esse, tunc scilicet, quando ex una parte moraliter certò timetur injusta delatio, aut damnum imminens ex hujusmodi litteris, ex altera verò parte illud aliter declinari non potest &c.

CASUS TERTIUS.

Vir quidem ditissimus (quem Cajum baptizare lubet) olim Sanctissimo Patriarcha nostro Francisco fuerat delatus, quod, quantumvis opulentus, ob nimiam tamen tenacitatem ne unicam quidem micam fratribus nostris Dei amore soleat dare in eleemosynam. Iussit propterea idem Sanct. noster Patriarcha fratribus suis, satagerent, quocunque demum modò licito à Cajo obtinere Sacram eleemosynam: qua obtenta eandem (panem scilicet in frustra concisum) voluit fratribus apponi in mensa & à singulis pro eodem Benefactore specialiter orari. Et ecce! vixdum oratione ad Deum susa animus ejusdem divinitus ita immutatus fuit, ut deinceps sese monstraverit singularissimum Fratrum fautorem & benefactorem. Teste P. Marco de Lysahona part. 1. l. 1. c. 82. vita S. P. Franc. Jam verò ad nostrum propositum juvet disquirere, an Cajus sub tenacitate prius assueta peccaverit, vel quomodo?

618. *Et ad hanc speciem facti cum distinctione, Nam si Cajus ob suam avaritiam solis fratribus nostris, non tamen aliis pauperibus necessarium charitatis subsidium denegavit, videtur excusandus saltem ab avaritia graviter mala: quia hòc supposito videtur certum & exploratum, quòd hoc non fecerit.*

fecerit nimio affectu divitiarum, sed potius ex alio fine aut aversione erga fratres nostros, charitati potius, quam liberalitati contraria. At verò si Cajus supponatur fuisse ita tenax rerum suarum, ut quantumcunque opulentus, nedum fratribus nostris, sed etiam aliis quibusvis demum pauperibus denegaverit eleemosynam non video, qua ratione à peccato mortali excusari valeat. Ducor hac ratione : quisquis enim tam inordinatum erga divitias vel opes temporales gerit affectum, ut propterea non vereatur prævaricari legem Dei graviter obligantem, procul dubio peccat mortaliter peccato avaritiæ, veluti ex hactenus dictis de facili constare potest ; nam reipsa talis homo, quicumque demum sit, convincitur in suis opibus ultimum sibi posuisse finem : at, ex hac suppositione Cajus hoc fecit ; qui enim de sibi superfluis non vult succurrere pauperibus in extrema, vel certè gravi necessitate constitutis, graviter impingit in legem Dei : atqui minime dubitandum est, quin è pauperibus illo tempore, SS. scilicet Patris Francisci, Cajo plures obtigerint, sin minus extrema, saltem verè gravi necessitate pressi : ergo si supponatur ex nimio bonorum temporalium affectu omnibus ac singulis pauperibus denegasse charitatis subsidium, absque dubio graviter deliquit. Justè proin

S. Basilii in persona Christi Judicis *hom. 7. variorum argum. ad populum, circa medium* in hujusmodi avaros detonat sequentibus omnino verbis: *non te miseret, misericordiam non invenies: non aperuisti domum tuam, à Regno Dei excluderis, non dedisti panem, non vitam recipies aeternam.* Videatur Henno *noſter tr. de peccat. aſ. diſp. 4. q. 2. concl. 3. n. 2. vel Clericat. deciſ. miſcellan. deciſ. 137. n. 2.*

At inquiet fortaffis Cajus, ratio naturalis dictat, proſpiciendum potiùs eſſe bono proprio, filiorum, aut familiæ &c. quàm bono alieno v. g. pauperum, præſertim cum habeam proles nondum emancipatas &c.

619. R. Utique proſpiciendum eſſe bono proprio, liberorum &c. ſervata tamen charitate proximi, cui in extrema vel certè gravi neceſſitate conſtituto tenemur ſuccurrere; minimè tamen cum læſione charitatis fraternæ ſeu etiam proximi. Non jubet Deus, ut tibi, prolibus tuis, aut tuæ familiæ neceſſaria expendas, ſed ut de ſuperfluis tuo ſtatui tribuas pauperibus indigentibus, quò factò & tibi & tuis proſpicias, utpote promeriturus cœleſtem benedictionem, æternamque retributionem, juxta illud infallibile promiſſum Domini *Luc. 6. verſ. 38. date, & dabitur vobis. Qui rursus apud Matth. c. 10. v. 42. ait: quicumque potum dederit uni ex minimis iſtis, calicem*

licem aqua frigida tantum in nomine discipuli: amen dico vobis, non perdet mercedem suam. Cæterum minimè dubitandum est, quin quamplures divites habeant bona, suo statui, sin minus absolutè, saltem respectivè superflua; qua ratione Innocentius XI. procul dubio ductus Spiritu S. damnavit sequentem n. 12. propositionem: vix in secularibus invenies, etiam in Regibus superfluum statui, & ita vix aliquis tenetur ad eleemosynam, quando tenetur tantum ex superfluo statui. Verum ea noscitur avarorum indoles, ut quantumvis bonis omnibus abundant, nihilominus amore temporalium bonorum excæcati, sibi nunquam non videantur minus habere. Hinc rectè ait Clericatus loc. cit. decis. 137. n. 6. plurimi ab avaritia moventur in retinendo, acquirendovè opes inordinate; & tamen suis excusationibus vitium hoc tutantur: videlicet: quilibet debet custodire res suas: neminem oportet deserere domus sua providentiam, & ita à minore usque ad majorem omnes avaritia student &c. Vid. D. l. cit.

§. III.

Corollaria ex dictis inferenda.

Colliges ex hætenus dictis Imò, homines 610.
 plebejos saltem, ac rudiores raro peccare mortaliter ratione superbiæ, esto fortassis non ita raro ratione avaritiæ. Ra-

S f §

tio

tio prioris est : quia in hujusmodi hominibus plebeis de raro contingenti invenitur superbia completa & perfecta ; quæ sola, secundum dicta *n. 602*, est mortaliter peccaminosa. Et licet non raro hujuscemodi homines, præsertim alterius sexus, quantumvis de infima plebe, sese accusare soleant, quod habuerint cogitationes superbas, vel superbierint &c. revera tamen, re melius examinata, Confessarius experietur, quod aliud nihil voluerint dicere, quam, quod sese reputaverint aliis meliores, aut majores, sive in divitiis, sive in ornatu vestimentorum, sive denique in aliis, nescio quibus, etiam levissimi momenti crepundiis, ita, ut inter triginta & plures etiam, vix ullus reperiat, qui superbiendo tam altum conscenderit gradum in sua opinione, ut propterea nec Deo, neque aliis Superioribus à Deo sibi præfixis putaverit esse obediendum. Ratio autem posterioris est : quia etiam inter plebem communem non raro invenire est tales, qui ob nimiam tenacitatem & affectum ad bona temporalia renuunt succurrere aliis in vera necessitate constitutis, aut certe aliis criminibus sese propterea implicant. Unde Clericatus *loc. cit. decis. 137. n. 6.* non sine ratione ait : *pauperes ex avaritia furantur : divites vero fraudant pauperes : mercatores ex avaritia sævus patrant ; Venditor*

tor inferis fraudem in re, & Emptor in pecuniis &c. Videatur Doctor l. cit.

Colliges 2dò, vanos illos gloriatores, 621. qui de peccatis perpetratis sese ineptissimè & iniquissimè jactitare solent, vi hujus-jactantiæ, qua ex re pessima gloriam sibi comparare attendant; præter ignominiam coram prudentioribus contractam novum insuper incurrere peccatum. Quin imò, si in actu malo olim perpetrato sibi complacere, tenebuntur in confessione nedum substantiam ipsam peccati v. g. luxuriae, verum insuper circumstantias objecti speciem mutantem exprimere, utputa quòd gloriati sint v. g. de percussione Clerici, vel de concubitu cum consanguinea aut conjugata.

Ratio est : quia hæc complacentia sumit suam specificationem seu malitiam specificam ab objecto : ergo ubi objecta specie morali distinguuntur, uti revera differt v. g. concubitus cum soluta à concubitu cum consanguinea vel conjugata &c. committuntur peccata specie morali distincta, præsertim cum talis jactator inanis ipsò facto censeatur approbare factum infame, & graviter offensivum Dei, quod, cum Confessarius non aliunde, quàm ex sola confessione poenitentis intelligere possit, fatendum necessariò est, quòd is teneatur confitendo exprimere circumstantias mox com-

me-

652 Conferentia vigesima prima de Superbia &c.

memoratas. Videantur de hoc dicta in *theologia Sacrament. part. 2. Conferent. 7. n. 168. & seqq.* Vel ea, quæ habet P. Sporer *tr. 1. theolog. decalog. c. 6. n. 45.*

- § 22. Colliges 3^{ti}o, in ordine ad peccatum perinde esse, siue quis se jactet seu gloriatur de crimine vero, seu verè commisso, siue de crimine falso. Ratio est: quia gloriano meritò censetur approbare actum malum quâ talem, nisi oppositum aliunde colligi possit: at, sine peccato nemo potest approbare peccatum commissum: ergo. Id ipsum dicendum est de iis, qui vel alium laudant de peccato; vel qui audientes alium sese jactitantem de peccato perpetrato, sibi in eodem complacent; vel denique, qui dum de peccato v. g. furti, fornicationis, &c. à se commisso, ab aliis laudantur, in eodem sibi de novo complacent. Ratio semper manet eadem, veluti rem ponderanti faciliè apparebit.



CON-

CONFERENTIA VIGESIMA SECUNDA.

De Luxuria, & Invidia.

SUMMARIUM.

- 623. Luxuria consistit in appetitu inordinato venereorum.
- 624. Estque ex suo genere peccatum mortale, merito inter peccata capitalia recenseri solitum.
- 625. Enumerantur breviter principales luxuriæ species.
- 626. Quibus superadditur impudicitia &c. Et
- 627. Morosa delectatio, consistens in complacencia &c.
- 628. Quæ communiter distingui solet in rationalem, sensibilem, ac veneream.
- 629. Explicatur breviter progressus, seu modus, quò homo solet pervenire à delectatione rationali ad sensibilem, & ab hac ad veneream.
- 630. Quale peccatum sit delectatio morosa, præsertim venerea?
- 631. Filiæ luxuriæ communiter recensentur octo.
- 632. Remedia contra luxuriam breviter præscribuntur.
- 633. Invidia est tristitia de bono proximi &c.
- 634. Quæ per se loquendo est mortaliter peccaminosa.

635. Filix invidiæ reperiuntur quinque.
636. Remedia à Confessario præscribenda contra invidiam, breviter enarrantur.
637. Resolvitur Casus I. cujusdam personæ valde luxuriosæ, quæ post varia media in ordine, ad Sacerdotem seducendum frustra tentata, tandem ab eodem petiit extremam unctionem, eo duntaxat fine, ut ab eodem tangeretur &c.
638. An propterea incurritur casum reservatum?
639. Et quid, si Sacerdos reservationis immemor eandem absolvisset sine ulteriori indagine in numerum peccatorum?
640. Esto talis persona diversa media tentaverit ex eodem fine, nihilominus minimè dubitandum, quin diversa tum specie, tum numero etiam distincta peccata commiserit.
641. Resolvitur Casus II. de quodam lascivo Juvene, qui certis quibusnam reliquiis seu particulis de corpore suæ amasiæ obtentis, eandem mirum in modum fascinauit amore venerco.
642. Etiam Amasia easdem reliquias tradendo, licet ex alio fine superstitioso, gravissimè, & multipliciter quidem deliquit.
643. Quænam remedia huic peccatrici à Confessario fuerint præscribenda?
644. Resolvitur Casus III. de quodam Mercatore, qui alteri suo Vicino gravissima mala imprecari assueverat.
645. Hic videtur probabilius graviter deliquisse peccato invidiæ.
646. Occurritur cuidam instantiæ in contrarium.
647. In delectatione venerea directè voluntaria non datur parvitas materiæ.

648. Secus tamen probabiliter dici potest, ubi talis commotio non est, nisi indirectè voluntaria, & quidem seclusò periculo consensùs.
649. Conjugibus per se loquendo haud illicitum est delectari de actibus venereis &c.
650. Per accidens tamen in certis quibusdam casibus etiam ipsi possunt peccare delectando de similibus.
651. Neque Viduis de præterita, neque Sponsis de futura copula fas est captare delectationem sensibilem.
652. Nihilominus licet gaudere de actu malo præterito v. g. pollutionis &c. non quidem quatenus malus, seu etiam delectabilis fuit, sed potius de affectu bono (v. g. Sanitatis) inde obtento &c.
653. Qui orta tentatione, & motuum carnalium procella nullò modo resistit, peccat mortaliter;
654. Nisi causa rationabilis illum excuset: & quænam sint tales?
655. Qui de bono alterius tristatur ideò præcisè, quòd ipse tali bono non gaudeat &c. non potest dici invidus.

§. I.

Præmittuntur, & breviter resolvuntur quæsitæ, scitu necessaria ad debitè resolvendos Casus practicos de Luxuria & Invidia.

QUæres primò, quid sit Luxuria, & quale peccatum?

Æ. ad primum. Luxuria est inordinatus appetitus

appetitus, vel usus venereorum. Ita *Communissimè DD. apud Clericatum decis. miscellan. decis. 138. n. 1.* Rectè autem appellatur *appetitus vel usus inordinatus* venereorum; cum enim hæc à Deo Auctore naturæ non sint instituta, nisi ad convenientem humani generis propagationem, quæ convenienter fieri nequit, nisi in statu matrimoniali: hinc quisquis extra hunc statum appetit, seu etiam utitur venereis, gravem infert injuriam nedum soli Deo, sed insuper toti generi humano. Unde

624. R. jam ad 2dum. Luxuria est ex suo genere peccatum mortale, & meritò computatur inter peccata capitalia. Ita rursus *DD. unanimiter.* Ratio prioris est: quia actus luxuriæ (id est venereus & carnalis, cum commotione spirituum generationi servientium, ut proximè dicitur) extra matrimonium exercitus vel acceptatus &c. opponitur virtuti castitatis, quæ sub mortali prohibet hujusmodi impudicitias extra connubium exercendas, eò præsertim, quòd si semel hujusmodi actus permitterentur procul dubio ingens damnum habituale immineret toti Generi humano; nam quilibet hac delectatione venerea v. g. ex pollutione aut fornicatione simpliciter captanda contentus, perpetraret nescio quæ nefanda, cæteroquin parum sollicitus de humani generis propagatione, prout Doctores

Orōes nostri communiter, & sapienter quidem advertunt: ergo luxuria meritò dicitur ex suo genere peccatum mortale. Ratio autem posterioris de se liquet, nec indiget alia probatione, quàm quotidiana experientia, vi cuius constat, ex luxuria, seu inordinato venereorum appetitu, vel usu innumera, quasi alia peccata committi, veluti ex proximè dicendis ampliùs constabit.

Quæres 2dò, quænam sint principales species luxuriæ ut sic?

Re. Sunt sequentes. 1. *fornicatio Simplex.* 629.
 2. *adulterium.* 3. *incestus.* 4. *stuprum,*
 5. *raptus.* 6. *peccatum contra naturam,* quibus meritò superaddi potest. 7. *Sacrilegium.*
 Explico breviter singulas species; Vel enim copula carnalis habetur inter duas personas solutas; & est simplex fornicatio. vel 2. inter duas ligatas, vel unam ligatam & alteram solutam, & est respectivè simplex, aut duplex adulterium. 3. si habeatur cum consanguinea vel affine, dicitur incestus. 4. si cum virgine invita, seu oppressa, est stuprum. 5. cum muliere violenter abducta de uno loco in alium ad commodiorem coitum, erit raptus. 6. si fiat cum effusione seminis extra concubitum dicitur pollutio seu etiam mollities, vel intra concubitum quidem, sed cum dispersione ejusdem extra vas &c. & est peccatum contra
R. P. Elbel, de Act. Hum. & Leg. Tt na.

naturam. quô etiam reduci debet congressus cum bestia, vel dæmone, & dicitur *bestialitas*, nec non congressus cum persona ejusdem sexûs; & appellatur *Sodomia*, sive dein perfecta, sive imperfecta &c. Denique septimò si peccatum carnale fiat à - vel inter personas Deo consecratas, sive per ordinem Sacrum, sive etiam per votum castitatis; sive denique à laicis, sed in loco Sacro &c. dicitur *Sacrillegium carnale*. Videantur de his Sporer *tr. 1. in decalog. cap. 7. n. 66.* Matthæucci *lib. 2. Cautel. cap. 28. n. 4.* vel la Croix *l. 6. p. 2. à num. 1022.* ubi hanc materiam fusiùs tractat.

626. Porro mox enumeratis speciebus Luxuriæ accenseri debet impudicitia, quæ, uti sapienter advertit Matthæucci *l. 6. n. 8.* versatur circa tactus impudicos, oscula, verba obscæna, & aspectus libidinosos, quæ omnia in personis non conjugatis ob delectationem veneream in eis repertam, & voluntariè quæsitam vel acceptatam meritò reputantur peccata mortalia; tum quia ex his imminet grave damnum, aut præjudicium humano generi, secundùm dicta *n. 624.* tum etiam, quia hujusmodi actus impudici stare nequeunt cum charitate, prout satis clarè innuit Doctor Gentium *1. Cor. 6.* Nam, ut rectè observat Matthæucci *l. 2. c. 28. n. 8.* præfati actus pertinent ad speciem

ciem coitûs, utputa ad quem ex sua natura disponunt, ita scilicet, ut si fiant cum soluta, habeant malitiam fornicationis: si cum uxorata, malitiam adulterii; si cum consanguinea, malitiam incestûs; si cum persona ejusdem sexûs, malitiam sodomiz &c. tametsi ex intentione operantis non ordinentur ad copulam; satis enim est, quod ex sua natura ad eandem ordinentur, velut quædam dispositiones præviz.

Quæres 3tiò, quid, & quotuplex sit morosa delectatio?

R. ad primum. Morosa delectatio de-627.
scribi solet communiter, quod sit *voluntaria complacentia de objecto cogitato, ex gr. de copula carnali &c. absque intentione perficiendi illud opus.* Et in hoc differt à desiderio; nam qui aliquid desiderat, semper intendit, seu etiam nititur illud in effectu assequi, idque tantò efficacius, quò ardentiori desiderio fertur in illud opus. Illud tamen bene notandum hic venit, quod morosa delectatio non dicatur talis à *mora temporis*; certum quippe est, quod etiam fieri possit in instanti: sed dicitur morosa à *mora voluntatis*; dum enim hæc advertit malitiam cogitationis, tunc vel illam cogitationem, seu etiam commotionem aver-
satur &c. & tunc non peccat, sed potius meretur à Deo gloriam; vel non aver-
satur

tur illam, sed potius ulterius immoratur cogitando, delectando, seu etiam complacendo, in hujuscemodi objecto, velut intentionaliter sibi præsentè &c. & tunc delectatio in primo instanti appellatur morosa, veluti communissimè tradunt DD. Sporer, Reiffenstuel, Matthæucci *l. cit.* Felix Potestas *Exam. Confessar. Tom. 1. p. 2. n. 2268.*

628. R. jam ad 2dum. Delectatio morosa ut sic communiter dividi solet in rationalem, & sensibilem. Rationalis consistit in quodam gaudio & complacentia exurgente ex apprehensione cujusdam rei delectabilis v. g. lusûs, potus, commestionis, promotionis &c. Sensibilis autem appellatur illa, quæ ex imaginatione phantastica rei aut actionis delectabilis exurgit in appetitu sensitivo, seu sensualitate; & hæc potest esse vel *merè sensibilis*, vel *sensibilis simul & venerea*. Merè sensibilis dicitur illa, quæ quidem sensum exteriorem movet, sed non allicit ad venerem, uti est delectatio captata ex auditu Musicæ, ex odoratu rosæ &c. Venerea autem dicitur illa, quæ ex apprehensione phantastica aliqujus objecti carnaliter delectabilis & allèctivi, ut puta coitus &c. consurgere solet in partibus genitalibus ex commotione seminis, vel spirituum generationi servientium, qui spiritus (ait la Croix *l. 5. n. 93.*) sunt

sunt languis subtilis, velut in aërem attenuatus, ideoque facillimè moventur. Dicitur autem hæc delectatio ideò *venerea*, quia à natura ordinata est ad generationem, cui Venerem, tanquam Deam statuere Ethnici.

Verùm pro meliori intellectu istorum *ju-629.* vabit bene notare progressum, quò à delectatione rationabili, & sensibili deveniri solet ad veneream: id, quòd ferè sequenti modo fieri assolet. 1. voluntas permittit intellectum cogitare de aliquo objecto turpi v.g. copula &c. 2. de copula sic apprehensa & cogitata sibi complacet quodammodo & gaudet, absque ulla commotione venerea. Ex hujusmodi tamen imaginatione seu etiam repræsentatione phantastica. 3. naturaliter solet consequi quædam commotio in appetitu sensitivo, scilicet per commotionem spirituum vitalium circa pectus, vel membra genitalia &c. 4. Voluntas denique consentit, seu etiam permittit appetitum sensitivum ita delectari, eamque delectationem acceptat, approbat, complacet &c. & hoc est delectatio morosa nedum sensibilis, sed etiam venerea. Ex quibus prudens lector facile noverit distinguere inter delectationem merè rationalem, merè sensibilem, & sensibilem simul, ac veneram. Videatur de hoc Sporer *tr. 1. proæm. c. 6. Sect. 4. n. 22. fin. vel la Croix lib. 5. n. 95.*

Tt 3

At

At, inquires, quale peccatum est delectatio morosa?

630. R. 1. Omnis delectatio morosa de re mala est peccaminosa, pro qualitate objecti graviter, vel leviter mali. 2. Delectatio autem morosa venerea, extra statum matrimonialem voluntariè admissa vel captata, semper est peccatum mortale. Ita quoad utramque partem tenent Doctores communissimè, prout videre licet apud Sporer *l. cit. n. 23. & 39.* la Croix *cit. n. 96.* & Babenstuber *tr. 2. disp. 3. art. 9. n. 15. & 16.*

Ratio prioris est: quia omnis actus humanus desumit suam bonitatem, vel malitiam per se primò ab objecto, ita scilicet, ut si objectum sit malum, & ut tale cognitum, actus infallibiliter participet ejusdem malitiam juxta dicta *superius Confer. 3. n. 61.* atqui delectatio morosa est actus humanus: ergo &c. Ex quo clarè & palpabiliter sequitur, quòd non solum is, qui de peccato v. g. fornicationis morosè delectatur, graviter peccet contra castitatem, sed etiam ille, qui morosè delectatur de peccato v. g. homicidii injusti, mutilationis, furti &c. peccet graviter respectivè contra virtutem charitatis, seu etiam justitiæ. Ratio autem posterioris est: quia delectatio venerea est causa ordinata ad venerem, immò ex sua natura involvit commotionem spiri-

spirituum genitalium, veluti ex proximè dictis constat: atqui hæc commotio voluntariè procurata, vel etiam acceptata ab homine soluto, est mortalis; cùm sit gravis deordinatio contra sanam rationem, & quædam inchoata profusio seminis humani juxta Gallenum: ergo est mortaliter mala. Quin etiam illa delectatio, quæ ex apprehensione rei delectabilis seu allektivæ ad venerem in sola voluntate admittitur deliberatè, juxta *communissimam & receptam Doctorum sententiam* teste Babenstuber *l. cit. n. 16.* est mortaliter peccaminosa; eò quòd sit de se nata, immò causa proxima motuum libidinosorum: ergo illam deliberatè admittere, ejusdemvè periculo proximo sine rationabili causa necessitatis vel utilitatis sese exponere, meritò reputatur graviter illicitum. Videantur *DD. ll. cit.*

Quæres 4to, quæ, & quot sint filix luxuriæ?

R. Communiter à DD. enumerantur 631. octo sequentes, è quibus priores quatuor se tenent ex parte intellectûs, posteriores verò quatuor ex parte voluntatis. Itaque prima est *Cacitas intellectus & excæcatio* quædam mentis, quia hujusmodi homines videmus nedum sua bona temporalia, verùm insuper bona spiritualia animæ, utputa gratiam Dei, famam, & honorem proprium mirum in modum dilapidare. Hac ratione fortassis pictores solent libidinem expri-

mere coloribus in forma cujusdam pueruli, velatos habentis oculos.

2da est quædam mentis *præcipitatio*, quæ luxuriosi absque consilio vel deliberatione non raro apprehendunt, quæ vel maximè sunt nociva, & ab omni ratione vel sano judicio aliena, modò putent se consecuturos suum intentum.

3tia filia est, *Inconsideratio* vi cujus luxuriosi minimè solent attendere ad ea, quæ statum suum, & honorem concernunt, immò apprehendunt ea, quæ maximè dedecent, unde & ludibrio; & fabulæ aliis semetipfos reddunt.

4ta Filia est *Inconstantia* animi, vi cujus homo luxuriosus facile deserit sana proposita vel consilia, & ad pristinum cœnum revertitur, velut sus lota ad volutabrum, aut canis ad vomitum: unde tales peccatores (inquit) Reiffenstuel *theolog. mor. tr. 3. dist. n. 23.* sunt difficilis curationis.

5ta est *Amor sui*; nam homo huic vitio subjectus ob captandas voluptates inordinatas seipsum (Deo neglecto) constituit quodammodo finem actionum suarum.

6ta Est *Odium Dei*: lascivus quippe sollet nedum à Deo, verum etiam à rebus divinis, utputa confessione, communione sacra &c. absterreri, & studiosè abstinere, ne fortè cogatur inordinatis, & effrænis desideriis suis ponere metam.

7^{ma} est *Affectus præsentis sæculi*; amor quippe voluptatum carnalium usque adeo fascinare solet homines, ut spretis etiam omnibus cœlestibus deliciis & consolationibus spiritualibus (quibus obicem ponunt lætando vitiosas naturæ corruptæ inclinationes) immo neglecta beatitudine audiantur cantare illud *Psal. 113. cælum Cæli Domino, terram autem dedit filiis hominum &c.*

8^{ta}va denique est *horror futuri sæculi*; luxuriosus enim homo utpote voluptatibus carnis totus quantus immerfus, tantò ampliùs timet deserere hoc sæculum, quantò magis horret sæculi hujus voluptatibus privari: & quantò horror inferni ob gravitatem criminum magis affligit cor, tantò ampliùs timet comparere coram Christo Judice, & faciliùs permovetur ad omnimodam & finalem desperationem, prout multorum tragica exempla nos docent. Videatur la Croix *l. 5. n. 301.* vel Reiffenstuel *locò prox. cit.*

Quæres igitur, quænam sint remedia contra luxuriam præscribenda à Confessario?

æ. Sequentia. 1. Luxuriosus jubéatur 32. ante omnia fugere occasiones, quibus solet pertrahi ad peccata carnalia, juxta illud Augustini *Serm. 250. de tempor. Apprehende fugam* (ait) *si vis obtinere victoriam; nec tibi sit verecundum fugere, si castitatis palmam desideras obtinere. adò fugiat & declinet oti-*

Tt 5

um,

um, quippe quod est pulvinar diaboli, & omnium libidinum seminarium. 3tò Exurgente hujusmodi tentatione carnis studeat mentem occupare in rebus seriis, vel certè intendat occupationi, quam actu præ manibus habet; vel si actu non sit occupatus quodam labore, uti solet contingere tempore nocturno &c. reflectat se ad contemplationem passionis dominicæ, & sese quodammodo abscondere nitatur in vulneribus Jēsu Christi, quod certò certius semper experietur velut medium quoddam efficacissimum & præsentissimum contra insultus diaboli. Vel 4tò consideret quatuor novissima, juxta illud *Eccli. c. 7. vers. 40. memorare novissima tua, & in æternum non peccabis.* 5tò. Imploret auxilium divinum, signando sese devotè signò Sanctæ crucis. 6tò, confugiat ad patrocinium B. Virginis Mariæ, velut singularissimæ Patronæ, orando v. g. *sub tuum præsidium &c.* vel illud ex hymno Mariano: *Virgo singularis, inter omnes mitis non culpis solutos; mites fac & castos &c.* 7. Invocet Angelum suum tutelarem, dicendo: *Angele Dei, qui Custos es mei &c.* aliosvè suos Sanctos Patronos &c. 8. vigilet præsertim ad initium tentationis, ne sinat hostem castrum cordis sui ingredi, sed ocyus in limine eidem occurrat, & generosè repellat; nam quanto diutius torpendo distulerit, tantò graviores

experietur inimici insultus, tantòque evadet ad resistendum debilior, inimicus verò ad vincendum validior. 9. Denique juvabit etiam hujusmodi Clienti (juxta capacitatem tamen subjeçti, & aliarum circumstantiarum) moderata jejunia, mortificationes externas, præsertim gustus & oculorum &c. vel etiam disciplinas &c. consulere. Videantur de his la Croix lib. 3. part. 1. n. 914. Felix Potestas tom. 1. part. 2. n. 2265. Clericatus *decision. miscellan. decis.* 110. apud quem plures adhuc Doctores, & Ascetas hac de re scribentes invenientur citati.

Quæres 6tò, quid sit Invidia, & quale peccatum?

R. ad primum. Invidia est tristitia inordinata de bono proximi, in quantum illud apprehenditur velut malum proprium, diminutivum propriæ gloriæ & excellentiæ. Ita ex communi DD. Reiffenstuel *theolog. mor. tr. 3. dist. 3. n. 27.* Rectè autem dicitur tristitia de bono proximi in quantum &c. Hæc enim præcipuè versatur circa talia bona, ex quibus, fortassis etiam falsò & sinistrè, existimamus fortunam, gloriam & excellentiam proximi augeri, nostram autem inde deprimi. Unde per invidiam volumus & desideramus alium carere talí bono, quia per illud nos excellit, aut credimus excellere, ita, ut propriè

invidus dicendus sit ille, qui non præcisè de suo dolet infortunio, sed etiam de bono alterius, putans inde proprium suum interesse, aut propriam excellentiam diminui, veluti bene tradit Tamburinus *lib. 5. in decalog. c. 1. §. 3. n. 39.*

634. R. ad 2dum. Invidia ex genere suo est peccatum mortale *secundum omnes*, teste Sporer ubi supra *c. 7. n. 67.* Ratio est: quia in primis graviter repugnat charitati proximi, quippe quæ nos jubet potius gaudere, quam tristari de bono proximi nostri. 2dò, insuper repugnat contra voluntatem Dei, ex qua velut causa distributiva omnium bonorum, proximus possidet talia bona. Fatendum nihilominus est, invidiam sæpe sæpius excusari à peccato mortali, idque vel ob imperfectionem actus, seu inadvertentiam, & defectum pleni consensus, prout subinde fieri amat in hominibus naturâ sua valde inclinatis, & pronis ad invidiam, vel etiam ob materię levitatem, uti fieri assuevit in pueris, qui de quantumvis exiguis aliorum sibi similium bonis subinde tristari solent inordinatè, & moveri ad invidiam. Reiffenstuel *l. cit. n. 29. & alii.*

Quæres 7mò, quæ, & quot sunt Filix invidiæ?

635. R. Sunt quinque Sequentes, quas recenset S. Gregorius *lib. 31. moral. c. 31.*
sci-

scilicet 1. Odium. 2. Susurratio. 3. Detra-
ctio. 4. Exultatio in adversis proximi, & 5.
Afflictio in casibus prosperis eidem contingenti-
bus: invidus namque, inquit Reiffenstuel
cit, n. 31, dum de bono proximi tristatur, pu-
tans inde suam excellentiam diminui, mo-
vetur ex hac tristitia 1. ad desiderandum,
ut proximus illo bono careat. 2. incipit
suo conatu gloriam alterius diminuere, id-
que vel susurrando, vel detrahendo &c.
Et cum invidus nullatenus sufferre valeat,
ut alter videatur se major; hinc fit, ut &
de illius malo gaudeat, de prosperis verò
successibus tristetur. Videatur de his S.
Bonaventura in *Diala salutis* tit. 1. c. 4.

Quæres denique octavò, quænam reme-
dia à Confessario sint præscribenda contra
invidiam?

R. Sequentia. 1. Jubeatur considerare 336.
propriam infelicitatem ex tali invidia sibi
orituram; *invidus* enim, ait D. Bonaven-
tura l. cit. de bonis aliorum affligitur, de me-
lioratione deterioratur, de profectu deficit, de
pinguedine marcescit, de sanitate infirmatur, de
vita moritur &c. 2. singulariter eidem in-
culcetur, quod invidia ad nihil prorsus de-
serviat, nisi ad proprium cruciatum invidi;
nam per hanc præcisè proximo nihil noce-
bit, benè autem sibi met. 3. Insuper utili-
ter consuli poterit, ut subinde conetur er-
ga eundem proximum suum elicere actum
cha-

charitatis, in- vel etiam externum, quô fiet, ut declinet odium, rancorem, & arrofionem proprii cordis &c. Vide, si placet Henno 17. de peccat. disp. 4. q. 3. conclus. 4.

§. II.

Proponuntur, & breviter resolvuntur **Casus practici de Luxuria, & Invidia.**

CASUS PRIMUS.

*Itia lascivo amore fascinata, longo tempore nixa est quemdam Sacerdotem in suam pertrahere sententiam; quam ob rem saepe sapiens quasivit occasiones cum eodem familiarius conversandi, seu etiam colloquendi: porro inter conversandum eidem blandiri, licentiosius loqui, nec non circa pectus & ubera minus honestè recta, ausa fuit comparere. cum verò animadvertisset mox dicta media minimè sufficere ad succendendas in ejusdem corde venereas flammæ; hinc (suggerente procul dubio diabolo) in lectum decumbens, fecit ad se vocari eundem, depositaque, nescio qua cum specie pietatis, confessione Sacrilega, & simulata gravissima infirmitate, postulavit ab eo iungi, revera nullum alium finem intendens, quam ut ab eodem tangeretur &c. &c. Hinc
etiam*

etiam durante actuali unctiōe nedum partem inferiorem corporis, pedes scilicet, ultra omnem honestatem & necessitatem discooperuit, sed insuper pectus & ubera liberalissimè denudavit, postulans ab eodem etiam in hac parte inungi. Verùm Sacerdos animadvertens malignam & Sacrilegam intentionem, impostricem peracriter reprehendit, illicòque pratermissa ulteriori unctiōe domum sese recepit. Tandem Titia partim inviſtâ Sacerdotis & Pastoris devotissimi constantia, partim etiam peracri Ejusdem reprehensione excitata, cœpit criminum suorum fœditatem nedum agnoscere, sed etiam nixa est eadem multis cum lachrymis pœnitendo diluere. Placuit hunc casum non fictum, sed verè factum proponere, quippe qui bene ponderatus nobis servire poterit nedum ad eruditionem nostram, verùm insuper ad cautelam & piissimi Pastoris sequelam. Unde jam ad nostrum propositum quari potest, an, qualiter, vel quoties etiam Titia in hoc facto peccaverit?

R: Minimè ambigendum est, quin Titia gravissimè, & multipliciter quidem peccaverit, veluti cuivis prudentum, hanc speciem facti perpendenti facilè patebit; nam 1. gravissimè peccavit, saltem in affectu, contra castitatem. 2. insuper contra virtutem Religionis, utpote volendo habere rem cum persona Deo consecrata. 3. Peccavit peccato Scandali activi toties, quo-

quoties sive blandiendo, sive licentiosius loquendo, sive denique minus honestè etiam se præsésentando nixa fuit Sacerdotem seducere. 4. denique gravissimum commisit Sacrilegium, dum unctioe Sacra, ceu remedio salutis à Christi instituto, non sine gravissima injuria ejusdem Institutoris abusa fuit ad lasciviam, & ad animæ suæ perniciem.

Neque etiam dubitandum ullatenus est, quin peccata mox recensita specie inter se differant, proptereaque in confessione necessariò fuerint exprimenda. Ratio horum de facili poterit colligi ex dictis suprà *Conferent. 3. n. 61. & seqq.* quia scilicet actus humani suam bonitatem, vel etiam malitiam desumunt nedum ab objecto, verùm etiam à fine extrinseco, nec non à circumstantiis, prout *Conferent. 4ta per totam* fuit dictum. Insuper ex ibidem dictis constare debet, quòd media de se mala non amittant propriam malitiam ex eo, quòd ad alium malum finem ordinentur: quin potius, inde novam contrahunt, prout dictum fuit *Confer. 3. n. 65. & seqq.* atqui Titia intendit finem pessimum, & in hunc finem apprehendit media prorsus inordinata, veluti rem consideranti facile patebit: ergo &c.

At, inquires, potestne Titia absolvi à quolibet Confessario;

638. R. Minimè dubito, quin possit absolvi à quo.

à quolibet in hac Archi-Diœcesi Salisburgenſi, utpote in qua caſus mox enarratus non fuit reſervatus. Dubito tamen vehementer, immò moraliter certum exiſtimo, quòd, ſi idem caſus ſupponatur contigiffè in Diœceſi Paſſavienſi, non poſſet in eadem abſolvi à quolibet, ſaltem per ſe loquendo; niſi ſcilicet ignorantia reſervationis, vel neceſſitas aliud ſuadeat. Ratio eſt: quia in eadem Diœceſi præter alia peccata primò loco reſervatur uſurpatio SS. Euchariſtiæ, & etiam aquæ baptiſmatis, ſicut & *Sacrorum liquorum* ad artes magicas ſeu veneficia, *aliòſque neſarios uſus*: atqui certum eſt, quòd Titia uſurpaverit unctiorem Sacram ad uſum, vel potiùs abuſum neſarium, & finem peſſimum, veluti ex ſpecie facti liquidò conſtat: ergo &c.

Dices adhuc. At ego Confefſarius excipiendo confeſſionem Titia, equidem bene apprehendi, quòd ſit graviffima peccatrix, nihilominus durante confeſſione non me ità diſtinctè reflexi ad ſingulas ſpecies, aut circumſtantias peccatorum ab eadem recenſitorum; multò minùs examinavi numerum, quoties ſcilicet tentaverit ſeducere Sacerdotem, & nihilominus eandem abſolvi: quid ergo de valore hujus abſolutionis tenendum, aut, quid mihi agendum eſt?

Ꝙ. De valore abſolutionis minimè du-639.
R. P. Elbel, de Aſt. Hum. & Leg. Uu bi-

bitandum est : tum quia Titia supponitur fuisse verè contrita , & debitè disposita ; tum etiam quia statum hujus peccatricis nedum intellexisti , verùm insuper præditus fuisti potestate eandem absolvendi. (Quin immò , tametsi Titia incurrisset Casum reservatum , si tamen Confessarius cæteroquin potestate absolvendi à reservatis destitutus , bona fide procedat , nedum validè , sed etiam licitè agat , absolutione immediatè & directè cadente in peccata non reservata , mediatè verò & indirectè etiam in reservata , veluti *ex communi DD.* tradidimus *in theolog. Sacram. part. 2. Confer. 14. n. 372.*) Minus tamen bene egisti non indagando numerum , quem Titia procul dubio potuisset , ac debuisset exprimere , & in hujus defectum Confessarius diligentius inquirere , proptereaquæ etiamnum , per se loquendo saltem , teneris id supplere in proxima confessione ; prout rursus diximus *eadem part. 2. Confer. 7. n. 172.* nec non *Conferent. 17.*

At inquires fortassis , quando plures actus per modum mediorum ordinantur ad eundem finem , v. g. fornicationis , homicidii &c. tunc omnes cum homicidio , aut fornicatione censentur unicum duntaxat peccatum adimplere , ita ut pœnitens satisfaciât in confessione sese accusando & dicendo v. g. semel fornicatus fui , vel : commisi ho-

homicidium &c. veluti rursus *communissime* tradunt Doctores, uti videre licet apud P. Sporer *tr. 1. in decalog. c. 4. n. 21.* & nos ipsi-
met diximus *d. p. 2. Confer. 17. n. 196. & 197.*
atqui Titia prædictos actus omnes exercuit
ex eodem fine, scilicet perducendi Sacer-
dotem ad peccatum carnale seu concubi-
tum: ergo non commisit, nisi unicum
peccatum mortale, ad quid ergo opus cla-
riori indagine, aut expressione numeri?

℞. distinguendo, & explicando Majorem. 640.

Actus ordinati per modum mediorum ad
eundem finem, adintegrant unicum pec-
catum, casu quo actus principalis v. g. for-
nicationis subsequitur, & cum iisdem mo-
raliter conjungitur, *concedo*. Si actus prin-
cipalis non subsequatur, quacunque demum
ex causa, neg. Tunc enim blanditiæ, olcu-
la, verba obscæna & similia, manent in se
peccata numericè distincta, juxta *Commu-
nem Doctorem* apud Spoter *l. cit.* Laymanii
lib. 1. tr. 2. c. 9. n. 8. Azorium, Navar-
rum, & alios: jam verò in nostro Casu
supponitur Titia nunquam obtinuisse finem
suum, seu actum principalem, quin potius
semper repulsam tulisse: ergo per se loquen-
do tenetur explicare numerum suorum pec-
catorum, quoties scilicet, & quibus mediis
intenderit seducere Sacerdotem. Item, at
nunquam, vel quoties hanc malignam in-
tentionem revocaverit.

Uu 2

CA.

CASUS SECUNDUS.

Sempronius sat longo tempore rem habuit cum quadam puella: quia verò nescio qua de causa aliò proficisci debuit; hinc ab eadem certas quasdam corporis reliquias (certè non Sacras) postulavit, sub prætectu, quòd iis mediantibus sese possit, ac velit reddere invulnerabilem, germanicè: *gefrohren machen*: iis verò vix dum obientis, Amasia illico se sensit flammis venereis mirum in modum accensam, ita quidem, ut quasi diu nocturne aliud nihil in mente habuerit, quàm suum Amasium, scilicet Sempronium, & alia, quacunque demum impudica immò nefanda hactenus cum eodem perpetrata, ita quidem, ut vehementiâ hujus passionis, & inordinati desiderii vix non à sensibus fuerit alienata. Jam verò ad nostrum propositum dubitare licet 1. quomodo Sempronius peccaverit, exigendo illas reliquias ad perversum hunc finem, scilicet amoris venerei, quem revera solum, & nihil aliud intendit? 2. Quomodo peccaverit Amasia, eidem prabendo reliquias de suo corpore? 3. denique, quidnam huic persona à Confessario fuerit consulendum?

641. R. ad primum, Sempronius procul dubio gravissimè peccavit, nedum 1. peccato Scandali; verùm insuper 2. peccato superstitiolæ, vanæ, immò magicæ observantiæ, dum prædictis reliquiis usus fuit ad
con-

conciliandum, vel etiam inflammandum in sua Amasia amorem venereum vix non ad insipientiam usque. Ratio prioris inde patet: quia per hæc media intendit dare, immò actu dedit suæ amasiæ causam innumerabilium peccatorum: quis enim amabo? horum numerum ex recensita facti specie enumerare sufficiat? Ratio autem posterioris ex eo facile suadetur, quòd prædictæ reliquæ corporis neque ex sua natura, neque etiam ex alia ordinatione divina, aut humana habuerint effectum conciliandi illum amorem lascivum & insanum neque etiam vim reddendi hominem invulnerabilem: ergo hujusmodi effectus debuerunt peti & expectari ab alia causa altiore, & quidem rationali: atqui non ab homine, multò minùs à Deo, vel Angelo bono: ergo à Diabolo tantùm: hoc verò nil aliud est; quàm cum eodem querere commercium saltem tacitum seu implicitum: quod sine gravissimo delicto fieri nequit.

Liquet insuper ex his, nedum Sempronium, sed etiam Amasiam incurrisse casum veneficii, qui passim reservari solet ab Episcopis, veluti constabit legenti casus reservatos, quos *theolog. Sacrament. part. 2. Confer. 13. à n. 336.* recensuimus. Videantur, si placet, ibi dicta n. 354.

R. ad 2dum. Semproniam pariter gravissimè peccasse, tum quòd reliquias sui cor-

Uu 3

poris

prioris ex superstitioso fine Sempronio præbuerit; tum etiam vel maximè, quòd diu quasi nocturne nonnisi de nefandis impudiciis cogitaverit, & in iisdem sibi complacuerit &c. Et licèt hæc phantasmata, ac turpissimæ incidentiæ eidem fortassis non fuerint voluntariæ in sua causa, eò quòd, non sciverit, Sempronium iisdem abusu- rum in ordine ad conciliandum amorem venereum; quia tamen in huiusmodi phantasmatis, & impudicis repræsentationibus (procul dubio à dæmone excitatis) sibi complacere, iisdem delectari, immò quàm ardentissimè desiderare solebat, nescio quæ nefanda cum eodem perpetrare; hinc procul dubio nedum frequentissimè, sed & gravissimè peccavit: proindeque tenetur huiusmodi peccata, quantum moraliter potest, subicere clavibus, veluti ex hæcenus dictis quisque prudentum facile colliget,

643. R. jam ad 3tium quæsitum, huic personæ ante omnia consulendum fuisse, ut satagat conscientiam suam sincera, ac verè dolorosa confessione purgare. 2. ut, si sciat, ubinam defaëto Sempronius moretur, ab eodem illico repetat reliquias sui corporis; sin verò id fieri nequeat, vel quia ignorat, ubinam moretur, vel quia jam desuper rogatus, non vult, aut non potest ampliùs easdem restituere; tunc 3. recurrendum erit

ad præsidium mediorum spiritualium: juvabit proin hujusmodi personam exorcizare, si hoc absque periculo diffamiae, aut admirationis, sinistræve suspicionis fieri non possit, jubeatur verè humili, ac contrito corde divinam exorare Clementiam, nec non Angeli sui tutelar, aliorumque Patronorum, præsertim verò B. Virginis, ceu singularissimæ Patronæ Generis humani, patrocinium implorare, factò etiam voto v. g. singulis Ejusdem B. V. festivitibus per annum recurrentibus summendi Sacram Synaxin &c. Insuper ex hoc fine eidem poterunt præberi alia nonnulla remedia spiritualia, Reliquiæ scilicet sacræ, vel etiam Schedulæ Lucanæ (uti vocant) vel potius immaculatæ conceptionis B. Virginis Mariæ, cum pio erga Eandem affectu, & confidentiâ in Ejusdem patrocinium sumendæ, vel è collo gestandæ &c. Novi ego Confessarium, qui idipsum in hoc casu consulit, idque effectu tam felici, ut persona facta confessione, & percepta S. Communionè, depositoque voto penitus sese liberatam senserit ab hujuscemodi turpissimis phantasmatibus, & pristinæ tranquillitati restitutam, haud aliter, ac si cæcus (ajebat ipsa) remoto oculorum velamine lumen pristinum recuperasset, proptereaque sine mora ad Confessarium regressa, multis cum lacrymis pro tam salubri consilio gratias egit.

CASUS TERTIUS.

CAjus mercator jam à multis annis multo cum senore suam mercaturam nedum hinc inde in diversis nundivis, verum etiam domi in propria sua taberna exercuit. At verò nuper alius quidam Mercator in vicina tabernam è Regione sibi oppositam iisdem mercibus instruatam erexit, & quia is transeuntes singulari quadam humanitate invitare solet, & invitando allicere, ut apud se emant; hinc non modicum lucrum praripit Cajo, qui propterea nimium quantum exacerbatus fatetur, se non posse suo Vicino illud lucrum sibi prareptum non invidere, immò jam sapius optasse, ut mille diaboli illum abripiant, aut ut fulmine percussus intereat, idque toties, quoties videt aliquem emptorem ingredi tabernam alterius. Insuper contra eundem suum vicinum hinc inde conqueri, seu etiam murmurare solet. Quæritur jam, an, vel quomodo Cajus in his deliquerit?

644. R. Certum videtur, quòd Cajus graviter deliquerit contra charitatem proximo suo debitam, eidem imprecando tam grandia mala: & licèt similia plerumque (saltem inter illos, qui se amant) fiant ex motu primo aut 2dò primo, ideòque defectu sufficientis voluntarii videantur excusabilia à peccato mortali: plerumque enim tales homi-
nes

nes interrogati, an serió optârint, ut proximo similia mala eveniant &c. quantocyus respondere solent, quòd non &c. Nihilominus in nostro casu Cajus vel ideò minus excusari potest à gravi peccato, quia supponitur id facere ex odio inveterato, & quotidie, & quidem in vindictam injustam: ergo ob indeliberationem minimè excusandus videtur à gravi culpa.

Dixi tamen, Cajum graviter peccare ^{64f.} contra charitatem imprecando mala, suo vicine &c. Nam utrum etiam graviter peccet invidendo eidem fortunam & commercium &c. est alia quæstio; ad quam (salvò meliori judicio) mihi videtur verosimilius affirmativè respondendum, quandoquidem imprecationes tam vindicativæ, & frequenter factæ, satis patenter manifestent inordinatam invidiæ passionem in animo Caji latentem, immò & odium grave erga eundem conceptum. Nihilominus pro discernenda omnimoda gravitate invidiæ quâ talis juvabit practicè interrogare ex Cajo, an revera invideat alteri lucrum justè obtentum, an verò solùm doleat propterea, quòd ipse Cajus lucro tam multis annis justè aquisito carere cogatur, ita, ut cæteroquin minimè foret invitus, immò & bene contentus de lucro alterius, modò sibi exinde nihil decederet? Si primum: infallibiliter concludendum erit, quòd graviter

Uu s

pec.

peccet peccato invidiæ. Si 2dum: probabiliter licebit concludere, quòd non peccet graviter peccato invidiæ; quia revera non tristatur de bono alterius, sed potius de damno proprio, seu carentia lucri, quod alioquin justè obtinuisset, nisi ab altero suo Vicino sibi fuisset præreptum; in quo sanè non reperitur gravis deordinatio, prout bene observant Burghaber, la Croix, Henno *tr. de peccat. disp. 4. q. 3. conclus. 1.* eosque secutus R. P. Kreslinger *addit. ad tr. 3. dist. 3. n. 28. ad theolog. mor. R. P. Reifensuel.*

At, inquires, si Vicinus ille Mercator non venderet, aut lucrum vendendo præriperet, Cajus profectò non tristaretur, neque moveretur ad hujusmodi imprecationes pessimas: ergo revera tristatur de bono sui proximi.

646. R. Negando conseq. Quia ex hoc non sequitur, bonum vel lucrum alterius esse causam tristiciæ à Cajo conceptæ, sed solum, quòd sit occasio hujus: causa autem tristiciæ est cessatio boni seu lucri, quæ procul dubio est verum malum respectu Caji, prout bene perpendunt: Henno, & Kreslinger *ll. cit.* nec non Tamburinus *in decalog. l. 5. c. 1. §. 3. n. 37.* Fateor nihilominus cum P. la Croix *l. 5. n. 304.* hanc rem in praxi valde periculosam esse, eo quod admodum rarò contingat aliquem
de

de proprio damno ita triftari, ut non fimul triftetur de alterius lucro, quod apprehendit velut caufam proprii damni: id, quod vel maximè in præfenti cafu fufpicari licet, prout confideranti fpeciem faciæ facile patebit. Et hanc fortaffis ob caufam Innocentius XI. præter alias, etiam damnavit illas *num. 13. & 15.* propofitiones, in quibus afferebatur, quòd liceat triftari de vita alterius ob emolumentum temporale, vel gaudere de morte Parentis, propter hæreditatem inde adeundam &c. Vide, fi placet Matthæucci in *Cautela Confefs. l. 2. c. 10.* vel Viva ad easdem propofitiones.

§. III.

Corollaria ex dictis inferenda.

COLLIGES ex hætenus dictis primò, de 647.
 lectiones circa materiam veneream directè quæfitas, & voluntariè captatas femper effe mortaliter malas, ita, ut in hac re non detur parvitas materiæ. Ita cum Sanchezio *l. 5. moral. c. 6. n. 12.* Laymanno *lib. 4. tr. 5. c. 8. n. 2.* Leffio, Diana, & aliis pluribus Sporer *tr. 1. proæm. c. 5. n. 12.* Quibus accedunt Matthæucci in *cautela Confefs. l. 2. c. 28. n. 25.* & la Croix *l. 3. p. 1. n. 910.* qui mox fequenti
 n. 911.

n. 911. producit decretum *Rev. P. Claudii Aqua Viva*, Generalis meritissimi de eadem Inclyta Societate, vi cujus is omnibus ac singulis suis subditis in virtute S. obedientiæ prohibuit, *ne quis oppositam sententiam ut veram, vel probabilem, aut etiam tollerabilem doceat &c.*

Ratio autem hujus opinionis est: quia omnis delectatio venerea & libidinosa ex sua natura ordinatur ad copulam, seu seminationem, immò verò juxta Galleni, aliorumque Medicorum opinionem est ipsissima inchoatio pollutionis, utpote consistens in quodam motu humoris spermatici, per spiritus generationi inservientes incalescentis, & per certas arterias ad instrumentum generationis tendentis &c. quemadmodum ergo voluntas habendi copulam, aut seminationem illicitam (scilicet extra matrimonium) semper est mortaliter mala; ita pariter delectatio venerea directe quæsitæ & intenta, nequit non esse mortaliter peccaminosa, prout bene probat noster P. Sporer *l. cit.*

648. Dixi tamen, non dari parvitatem materiæ in delectatione venerea *directè quæsita &c.* Enimverò subinde, immo satis frequenter dari posse materiæ parvitatem in materia impudica, vel delectatione, aut potius commotione venerea *indirectè duntaxat*

taxat voluntaria, id est, in causa de se leviposita, aut non ablata, ex qua prævidetur consecutura hujusmodi commotio. NB. absque consensu tamen, aut periculo consensûs in ipsam delectationem veneream, hodie dum tenent multi, & quidem probatissimi & Classici Doctores, nominatim Vasquez t. 2. *disp.* 108. Uterque Marchantius, Busenbaum, Sporer *loc. cit.* n. 19. Kreslinger *addit* I. *post* n. 18. *ad tr.* 9. *dist.* 7. q. 2. *theolog. moral* R. P. Reiffenstuel. Ratio hujus est: quia valde rationabile, & consonum fragilitati humanæ videtur, quòd divina clementia noluerit hominem sub reatu poenæ æternæ adstrictum, ad vitandam omnem actionem levem (id est, de se leviter incitantem ad venerem) ex qua prævidetur periculum alicujus commotionis, aut delectationis veneræ, præsertim, cum hujusmodi motus facillimè soleant concitari. Accedit, quòd isti motus non supponantur in se voluntarii, sed duntaxat in sua causa, in quantum scilicet voluntariè supponitur fuisse posita: ergo si causa non est, nisi leviter mala seu venialiter peccaminosa, profectò prudenter asseritur, etiam delectationem inde consequentem, non esse, nisi ad summum venialiter malam; secus enim, ait Sporer, oportet condemnare peccati mortalis omnem conversationem non necessariam Virorum cum foeminis, aut juvenum

venum cum puellis; item colloquia familiaria, choreas, aliasque recreationes etiam honestas: cum in iis facillime intervenire soleant aspectus blandi, verbalenia, tactus manuum, oscula &c. ex quibus plerumque oriuntur motus aliqui venerei: quod tamen videtur minus verosimile. Hanc opinionem etiam P. la Croix *lib. 3. part. 1. n. 893. in fine* agnoscit probabilem, attamen periculosam in praxi; id, quod meo iudicio nemo prudentum inficias ibit; eo quia huiusmodi actiones solent disponere ad delectationem veneream; hæc verò ad consensum: proptereaque à confessario gravitas peccati in similibus dimetienda erit à gravitate periculi, in ordine ad consensum dandum, vel non dandum ab hoc subiecto.

649. Colliges 2dò, Conjugibus per se loquendo haud illicitam esse delectationem morosam de copula carnali inter se habita vel habenda, vel de actibus, contactibus, aspectibus impudicis &c. Ita *Communissime DD. Sanchez lib. 9, de Matr. disp. 45. n. 33. Sporer l.cit. n. 43. Sayrus in clav. reg. lib. 8. c. 7. n. 32. Babenstuber tr. 2. disp. 3. a. 6. n. 19.* Ratio: quia delectatio de rebus licitis, haud est illicita, velut de se liquet: atqui copula carnalis, & reliqua mox commemorata sunt licita conjugatis; ergo & delectatio inde captata erit eisdem licita per se loquendo.

Dis

Dico: *per se loquendo*; per accidens enim 650.
 talia etiam Conjugibus possunt fieri illicita,
 idque sequentibus in casibus vel circumstan-
 tiis. 1. quando uterque, vel alteruter Con-
 jugum vovit castitatem, vel 2. quando præ-
 scindendo etiam à tali voto hujusmodi actus
 ob meram & solam voluptatem exercent;
 tunc enim saltem venialiter erunt pecca-
 minosi. 3. quando ex tactu &c. prævide-
 tur periculum manifestum pollutionis, quò
 casu erit mortaliter malus; sicut & 4. quan-
 do Conjuges practicè dubitant de valore
 sui matrimonii. Babenstuber *l. cit. n. 20.*
 videantur ea, quæ diximus in *theolog. Sa-
 cram. p. 3. Conf. 16. à n. 392.*

Colliges 3^{tiò}, Viduis econtra non esse 651.
 licitum delectari morosè, & venereè de co-
 pula olim habita; neque sponsis de copu-
 la carnali aliquando habenda in matrimo-
 nio. Ita Castropalao *tr. 2. disp. 2. qu. 10.*
§. 2. n. 7. Paulus Mezger *tom. 2. tract. 6.*
disp. 21. à 4. n. 16. Sporer, la Croix &
 alii *communiter*. Ratio est: quia obje-
 cta hujus delectationis (esto olim fuerint
 licita) defacto tamen, seu de præsentì ex-
 citare solent Commotionem veneream, &
 sunt quasi quædam inchoatio actus gene-
 rationis: atqui talis actus tam viduis, quàm
 etiam sponsis de futuro, est graviter illicitus
 pro præsentì statu: ergo & actualis de-
 lectatio.

Esto

Esto etiam sponsis haud illicita videatur delectatio merè rationalis aut spiritualis (id est, præcisè subsistens in voluntate, absque commotione venerea &c.) Nunquid enim, inquit Sporer *tr. 1. c. 6. n. 41.* de ea (copula scilicet aliquando exercenda) deberent tristari, vel eam averfari? Fatendum nihilominus est, rem hanc esse plenam periculo, eò quòd hujusmodi homines exinde de facili soleant commoveri ad actualem libidinem, proptereaque à Confessario seriò sunt dehortandi &c.

652. Colliges 4tò, quòd, tametsi non sit licitum delectari de ipsa pollutione facta v. g. in somno, amentia, ebrietate &c. nihilominus haudquaquam illicitum esse delectari de effectu bono inde obtento, utputa de exonerata natura, & recuperata valetudine, aut de filio v. g. ex fornicatione suscepto. Ratio est: quia delectatio sumit suam bonitatem, aut malitiam moralem ab objecto, in quod tendit: ergo cum objectum hujus delectationis non sit ipsa pollutio, aut concubitus &c. sed tantum sanitas, vel etiam filius inde obtentus, prorsus nulla ratio est, cur hujusmodi delectationem condemnemus, modò tamen non sit adeò vehemens & efficax, ut influat, aut provocet ad novam pollutionem, motusvè venereos inde consecuturos, uti benè limitant Castropalao.

lao l. cit. n. 10. Sporer l. cit. c. 6. n. 34.
Bonacina de Matrim. q. 4. pu. 8. n. 8.

At, inquires, quid de illo tenendum, qui exorta tentationum, aut libidinosa commotionis procella, merum negativè se tenet, ita, ut nec contra protestetur per positivum actum voluntatis, vel displicentiam, neque alia viâ, vel medio conetur impedire, seu etiam sedare fluctus?

R. Cum distinctione. Nam si voluntas hujuscemodi motibus periculosis plenè animadversis nequidem per simplicem aversionem de iisdem conceptam resistat, probabilissimè peccat mortaliter, saltem per se loquendo. Si verò resistat in tantum, ut saltem per simplicem aversionem seu etiam positivam noleatatem easdem aversetur, tunc non peccat, sed potius meretur à Deo præmiari. 653.

Ita quoad utramque partem tenent DD. satis Communiter, Laymann, Sporer, Lessius, Mezger, Vasquez, Sayrus, & alii plures videndi apud Babenstuber tr. 2. disp. 3. 4. 6. n. 53. & 54. la Croix lib. 5. de peccat. n. 111. Ratio est: quia, si voluntas nullum prorsus eliciat actum contrarium hujuscemodi motibus impudicis &c. moraliter semper erit exposita proximo periculo consentiendi in delectationem veneream: & contrarium credere (inquit P. Sporer cit. c. 6. n. 14. nimia foret sui confidentia, & R. P. Elbel, de Act. Hum. & Leg. Xx præ-

præsumptio, ut proin Deo ita in superbiz
pœnam permittente, certior lapsus timeri
debeat: ergo ad evadendum morale peri-
culum lapsûs & consensus in turpitudinem
veneream, tenemur ad minimum elicere
actum contrarium noieitatis, sive simplicis
displicentiæ, vel aversionis à tali motu. Ra-
tio autem posterioris est: quia voluntas
concipiendo actum displicentiæ vel aver-
sionis simplicis ab hujusmodi turpitudini-
bus, eô ipso excludit consensum, quippe
qui cum aversione ad tale objectum stare
nequit; nam impossibile est, idem simul
placere, & displicere: atqui secluso omni
consensu & periculo consensûs merùm per-
missivè se habere in ordine ad delectatio-
nem, seu etiam concitationem motuum
carnalium, non est grave peccatum; quia
voluntas in illos hoc modò non influit sim-
pliciter, & aliunde periculum consensûs
exclusum manet per simplicem aversionem:
ergo propterea non peccat, nec digna est
supplicio, sed potiùs præmio, & tantò ma-
jori, quantò frequentius & efficacius resistit
infrænis naturæ corruptæ desideriis.

654. Dixi tamen rursus, eum, qui nullo mo-
dò resistit, *per se loquendo peccare mortali-
ter &c.* Secus enim dicendum est, casu quo
rationabilis causa non resistendi positivè,
sed potiùs permissivè sese habendi suppe-
tit. Hujusmodi autem causæ possunt esse
se-

sequentes. 1. Si impetitus aut obrutus inordinatis seu lascivis naturæ motibus probabiliter timeat, ne resistendo positivè, magis augeat periculum, aut certè tentationis procellam, prout sæpe fieri assolet in meticulosis, teste la Croix. 2. si nimis molestum accideret, continuè positivè resistere, veluti procul dubio contingeret, quando tentatio aliqua diu duraret. 3. si conatus sit resistere, & nihil profecerit; quod sine dubio sæpe nimis contingere natum est, eò quòd hujusmodi motus potentia sensitivæ non substant despotico voluntatis nostræ imperio, ut rectè advertunt Azorius, & Sanchez in decalog. l. 1. c. 2. n. 12. 4. si propterea tentatus teneretur, aut cogeretur omittere actionem aliquam utilem, & honestam v.g. studium, confessionem &c. Videatur la Croix l. cit. n. 110. vel Sporer tr. 1. c. 6. n. 16.

Colliges denique 5to, Eum, qui tristatur de bono alterius, in quantum præcisè advertit, sibi exinde imminere periculum cujusdam nocimenti; ut, si advertens suum inimicum exaltatum ad aliquod officium, timeat, ne ab eodem opprimatur, aut indebito modò prematur &c. non peccare peccatò invidiæ; quia hæc tristitia potius concipitur ex timore proprii damni, quàm ex malevolentia boni alieni, prout bene docet Doctor Angelicus 2. 2. q. 36. a. 1. Et

si fatendum sit, semper quasi subesse periculum, ne quis revera tristari incipiat etiam de bono sui proximi, præsertim inimici, uti jam dictum fuit *suprà* n. 647. Similiter tristitia de bono alterius concepta non ideò, quia ipse tale bonum possidet, sed quia nos tali bono destituimur, non spectat ad peccatum invidiæ, sed potius dici debet quædam æmulatio, & Zelus, qui, si concipiatur de re bona v. g. de alterius scientia, arte, Sanctitate &c. quam nobis pariter optaremus, absque detrimento proximi, omnino laudabilis consistit: hac enim de causa Apostolus 1. Cor. 12. nos exhortatur ad *amulanda charismata meliora*. Videatur Reiffenstuel *tr. 3. dist. 3. n. 28.*

Vel Busenbaum apud la Croix *lib. 5.*

n. 303. Laymann lib. 2.

tr. 3. 6. 10.



CON-

CONFERENTIA VIGESIMA TERTIA.

De Gula, Ira, & Acedia.

SUMMARIUM.

- 656. Nomine gulæ intelligitur inordinatus appetitus Cibi, aut potus; unde
- 657. Communiter dividi solet in commessationem, & ebrietatem.
- 658. Peccatum gulæ ex suo genere non excedit malitiam peccati venialis
- 659. Per accidens tamen sæpissimè evadit mortale.
- 660. *Ebrietas rectè describitur*: excessus in potu inebriante usque ad violentam privationem usus rationis;
- 661. Quæ si sit plena, & perfecta: per se loquendo semper est mortaliter mala.
- 662. Secus tenendum est de ebrietate materiali, id est, non voluptatis causâ admissa
- 663. Vel si sit imperfecta tantum & non plena.
- 664. Filix gulæ dantur quinque.
- 665. Plura adhuc remedia contra vitium gulæ breviter insinuantur.
- 666. Ira consistit in appetitu inordinato vindictæ.
- 667. Quæ sub diverso respectu potest esse vel mortaliter, vel venialiter peccaminosa.

668. Filix iræ enumerantur Sex.
669. Plura adhuc remedia contra eandem infirmitatem.
670. Acedia ut sic importat quendam torporem animi, qui potest esse vel naturalis tantum, vel moralis simul.
671. Acedia, prout est vitium Capitale dicit tristitiam, seu tedium de conservanda amicitia Dei;
672. Et hæc ex suo genere est mortaliter mala.
673. Filix acedix similiter sunt Sex.
674. Quibusnam remediis acedia sit curanda?
675. Resolvitur Casus I. de quodam Nobili, qui Concionatorem ad prandium suum invitatum fecit inebriari, utique non sine gravi peccato.
676. Secus dicendum foret, si non intendisset, nisi crapulam, seu semiplenam ebrietatem.
677. Qui ex modico haustu, prævidet se inebriatum iri, ita, ut non amplius possit satisfacere suo officio, graviter peccat.
678. Et quid tenendum de illis, qui non tam ex abundantia potus, quam ob capitis, vel naturæ, debilitatem faciliè inebriari solent?
679. Resolvitur Casus II. de alio quodam Nobili, qui homini plus quam semisatuo assuevit dare potum excoessivum eò fine, ut postea facilius irritaretur &c.
680. Esto propterea fortassis non peccaverit graviter contra virtutem temperantiæ, nihilominus certum videtur, quod graviter impegerit in alias virtutes.
681. Satisfit cuidam instantiæ in contrarium.
682. Resolvitur Casus III. Cujusdam pœnitentis qui posteaquam relapsus fuit, conclusit intra se, quod deinceps jam non possit amplius abstinere,
pro-

proptereaque sæpiſſimè fuit relapſus in vitium pollutionis &c.

683. An talis pœnitens propterea inciderit peccatum acediae, in confeſſione ſingulariter exprimendum?

684. Item an propterea incurrit peccatum deſperationis, aut præſumptionis de miſericordia divina?

685. Peccatum ebrietatis incurritur tunc, quando quis advertens ſe privatum iri uſu rationis; nihilominus pergit ulterius bibere.

686. Qui ſeſe exponit periculo plenæ ebrietatis, graviter delinquit.

687. Quid, ſi talis prævideat, ſe tunc primùm uſu rationis privatum iri, ubi domo egreſſus aëri ſeſe expoſuerit?

688. Qui præter omnem advertentiam aut intentionem bibendo inebriatur, non peccat formaliter, ſed materialiter duntaxat.

689. Qui quavis oblata occasione more helluorum ſeſe inebriare aſſuevit, vivit in peſſimo ſtatu.

690. Peccata Capitalia hætenus breviter explicata, non ſunt omnia ex ſua natura mortalia.

§. I.

Præmittuntur, & breviter reſolvuntur quæſita, ſcitu neceſſaria ad reſolvendos Caſus præcticos de Gula &c.

QUæres primo, quid ſit gula, & quoduplex?

Xx 4

Re. ad

656. R. ad primum. Gula est inordinatus appetitus cibi, aut potûs. Ita *Communissimè DD.* Et bene dicitur appetitus inordinatus; qui enim tempore debito cibum, vel potum appetit ad reficiendas naturæ vires, neutiquam culpandus est. Ille proinde taxat gulosus homo dici potest ac debet, qui cibos, vel potum inordinatè (sive dein in quantitate, aut qualitate non debita appetit; id, quod quinque modis sequenti verlu expressis fieri assolet:

Praproperè, lautè, nimis, ardentè, studiosè;

Praproperè, id est, ante horam prandii, præsertim diebus esurialibus comedendo. *Lautè*, id est, cibos nimis exquisitos & delicatos, respectivè ad suum statum, procurando &c. *Nimis*, id est, ultra naturæ exigentiam, & plus justo comedendo, aut bibendo. *Ardentè*; id est, nimis voraciter, & quasi more canis famelici vorando &c. *studiosè*, id est, impendendo multum tempus & curam ad præparandos cibos, ut magis delectent, utputa ut sint multum variati; cum aromatibus lixi, assati &c. Videatur de hoc Gobat in *Quinario* tr. 5. c. 23. n. 100. vel *Clericatus decis. miscell. decis. 141. n. 5. & seq.*

657. R. jam ad 2dum. Gula ut sic communissimè solet distingui in commestationem, & ebrietatem, velut in duas species. Prior
con.

consistit in appetitu inordinato ciborum, posterior in appetitu inordinato potûs, & hæc potest esse vel plena, seu perfecta, vel semiplena, & imperfecta duntaxat, veluti ex dicendis amplius constabit.

Quæres 2dò, quale peccatum sit vitium Gulæ?

R. Per se loquendo & ex suo genere vi-658.
tium gulæ non est; nisi peccatum veniale, juxta communem DD. quam etiam tenent Mastrius *theolog. mor. disp. 15. n. 146.* Reginaldus & alii plures, relati à P. Reiffenstuel *theolog. mor. tr. 3. dist. 3. n. 43.* Ratio est, quia gula præcisè secundum se sumpta non repugnat graviter charitati Dei, vel proximi, veluti constabit perpendenti quinque modos proximè recensitos, quibus gulosi solent excedere regulas temperantiæ.

Dixi tamen; *per se loquendo, & ex suo* 659.
genere &c. Nam per accidens vitium gulæ sæpissimè evadit mortaliter malum, vel 1. ratione Scandali; vel 2. rationè gravis detrimenti in bonis corporis, aut fortunæ sibi, aut proximo illati; vel 3. ratione officii ob excessivum potum &c. neglecti, ad quod quis sub gravi obligatione fuit adstrictus &c. prout amplius patebit. ex proximè dicendis. Hac de causa Apostolus ad Galat. 5. scribens ait: *manifesta sunt autem opera carnis, quæ sunt fornicatio - - ebrietates*

commestationes, & his similia, qua prädico vobis, sicut prädixi, quoniam quia talia agunt, regnum Dei non consequentur.

Quæres 3^{ti}o, quid, & quale peccatum sit Ebrietas?

660. R. ad primum. Ebrietas est excessus in potu inebriante usque ad violentam privationem usus rationis. Ita *communissimè DD.* licet plerique addant sequentes particulas: *voluptatis gratiâ factus*; idque propterea: quia, sicut ad sobrietatem spectat moderari concupiscentiam potûs, & delectationem ex illo; ita ad ebrietatem sobrietati oppositam, moveri concupiscentiâ nimia, & delectatione potûs. Fatendum nihilominus est, posse quandoque fieri, ut quis peccet mortaliter sese inebriando, tametsi id non faciat causâ voluptatis inde captandæ, sed ex alia nonjusta, utputa ad alios inde animandos ad hujusmodi ingurgitationem, vel etiam ad sese ostentandum velut aliis omnibus superiorem in virtute, vel potius vitio potitandi &c. veluti sapienter tradunt la Croix *lib. 5. n. 319.* & noster Henno *tr. de peccat. disp. 4. q. 4. art. 2. concl. 1.*

661. R. jam ad 2^{dum}. Ebrietas formalis, si sit plena, & perfecta, semper est mortaliter peccaminosa. Ita rursus *Communissimè DD.* nominatim D. Thomas 2. 2. q. 150. art. 2. Reiffenstuel *ubi supra n. 45.* Sporer *tr. 1.*

17. 1. proœm. c. 7. n. 69. Matthæucci in *Cautela Confessarii*, lib. 2. c. 6. n. 7. Ratio hujus est: quia revera gravem præfert deformitatem, & grande malum, ipsi DEO valde injuriosum, dum homo ad imaginem & similitudinem Dei creatus, potando rationis usum (quô nihil præstantius possidet) abjicit, & brutis animantibus solius voluptatis gratiâ similem sese reddit, ita, ut ne quidem proximè ampliùs capax sit redeundi ad eundem rationis usum, & instar hominis sese gerendi: id, quòd sanè gravem præfert deordinationem, ut propterea Doctor Gentium mox relatus ad *Galat. 5.* haud immeritò inter opera carnis, à Regno Cælorum excludentia enumeret ebrietatem.

Dixi tamen primò. *Ebrietas formalis*, id 662. est, præcisè voluptatis gratiâ, aut certè sine justa causa facta &c. Enimverò utrum ebrietas materialis (quô nomine Doctores quamplures intelligunt eam, quæ non sit voluptatis, sed potiùs necessitatis gratiâ) ita sit mala, ut nunquam possit licitè procurari aut intendi, nequidem necessitatis causâ v. g. ad recuperandam sanitatem ex consilio Medicorum &c. acriter inter se disceptant DD. Et licèt non pauci existiment, hoc in nullo casu esse licitum, eò præsertim, quòd alia media suppetant ad recuperandam valetudinem, & hòc ipsa talis

lis casus videatur impossibilis, immò merus prætextus fictitius; nihilominus multò plures, nominatim Tannerus, Diana, Pontius, Reiffenstuel, Illsung, Gobat & alii videndi apud la Croix *loc. cit. n. 321.* id nequaquam illicitum existimant, quemadmodum enim (ajunt) licitum est, se in perpetuum privare brachio, aut pede, aliove membro, ad conservandum totum corpus; ita à fortiori licitum erit, ad respectivè exiguum tempus sese privare actuali usu rationis, ad conservandum suppositum; *neque enim tunc absurdum judicat recta ratio* (ait Sporer *tr. 1. c. 7. n. 69.*) *ad breve tempus usu rationis destitui (quod & in somno accidit) ut reparata valetudine, munera recta rationis præstentur.* Ex quo ego inferendum censeo, huic sententiæ, utpote tam rationi, quàm auctoritati nixæ dari posse locum in praxi, casu quo revera Medici id consulerent. eò præsertim, quòd hic non agatur de valore, sed de mera honestate actionis. Videatur la Croix *cit. n. 323.*

663. Dixi 2dò- *Ebrietas plena, & perfecta*, id est, ad plenariam privationem usus rationis; Secus enim dicendum est de ebrietate semiplena, & imperfecta (quo nomine Germani saltem Doctores communiter intelligunt crapulam) quando scilicet bibitur usque ad aliqualem perturbationem rationis, vi cujus homo, etsi adhuc potens discernere

nere inter bonum, & malum, sibi que præ-
sens, nihilominus minùs aptum minùsque
dispositum sese invenit v. g. ad orandum,
studendum, meditandum &c. eò quòd
phantasia sit turbata, lingua titubet, aut bal-
butiet, pedes nonnihil vacillent, oculis
cuncta videantur duplicata, vel stomachus
etiam S. V. evomat &c. Cæterùm plenæ
ebrietatis signa diversi diversa ponunt, ut-
puta 1. si talis homo, licet cæteroquin pa-
cificus, tempore suæ temulentix, incede-
rit rixas, si blasphemavit, uxorem percus-
sit &c. item 2. si altera die non ampliùs
sciat, quid fecerit, aut egerit &c. Illa prioris
generis signa mihi non videntur tam certa,
quia sæpe sæpiùs contingere novimus, ho-
mines, dum solito plus biberunt (esto non
sint ebrii) faciliùs moveri ad rixas, & alias
inconvenientias. Posteriora tamen signa
videntur clariora, seu magis certa, præ-
sertim si talis homo altera die non sciat am-
pliùs sese reflectere super sua facta princi-
paliora, ita, ut ignoret, quo modò do-
mum venerit, aut cubitum &c. Secus rur-
sus dicendum est, si quis non ampliùs re-
miniscatur eorum, quæ velut minùs prin-
cipaliter acta, aut gesta sunt; nam eò ipso,
quòd minùs advertenter soleant fieri (pro-
ut subinde inter pocula diversa narrari so-
lent) minimè mirandum est, quod similis
vel mediocriter etiam tinctis, non ampliùs
lo-

soleant incidere altera die : propterea que non rectè inferretur, quòd talis pœnitens deluper se accusando fuerit plenè ebrius, aut, quòd mortaliter deliquerit. Videatur Henno *ubi suprà disp. 4. q. 4. art. 5.* vel Busenbaum apud la Croix *lib. 5. 318.*

Quæres 4to, quænam sint filiæ Gulæ?

664. R. sunt quinque sequentes. 1. *Hebetudo mentis*, vi cujus homo redditur ineptus v. g. adorandum &c. ut dictum est. 2. *Ineptalitia*, vi cujus homo gulosus solet moveri ad cantiones obscenas, actus turpes, saltus, vel choreas inhonestas. 3. *Multiloquium*; plerumque enim dum poculis indulgetur abundantius, fræna linguæ laxari solent ad detractiões, diversâsque morum, seu etiam gestorum, & personarum discussiones; id quod rarò fieri solet sine peccato, propterea que *Proverb. 10.* habetur: *in multiloquio non deerit peccatum*: 4. *Scurrilitas*, vi cujus homo potatus solet profligare in diversos gestus exteriores, etiam minùs honestos, aut certè in diversa verba scurrilia, id est, scurram potiùs, quàm hominem ingenuum, aut honestum decentia. Ita denique filia gulæ est *Immunditia corporis*, inde oriri nata, scilicet vomitus; vel etiam pollutio &c. Videantur de hoc Laymann *lib. 3. Sect. 4. à n. 2.* Reiffenstuel *rr. 3. dist. 3. n. 52. & seqq.* Mauthæucci *loc. cit. n. 4.*

Quæ-

Quæres 510, quænam remedia contra gulam sint præscribenda à Confessario?

R. Generaliter loquendo omnia illa ser. 665. vident, quæ virtutem temperantiæ suffulciunt: particulariter tamen juvabit homini guloso præscribere, aut certe insinuare sequentia. 1. jubeatur evitare pro possibili & fugere computationes, seu etiam illas occasiones, in quibus novit se excessisse regulas temperantiæ, vel, si id fieri non possit, jubeatur saltem facere singulare propositum de excessu in hac vel illa occasione vitando. 2. juvabit eidem breviter exponere, quàm indignum homine ingenuo sit hoc vitium quippe quo homo inclinatur totus quantus ad comedendum, & potandum, neglectis iis, quæ sibi sive ex præcepto humano, sive etiam ex divino incumbunt, prout plerumque fieri assolet &c. 3. singulariter Confessarius nitatur homini guloso intimare damna nedum animæ, sed vel maximè etiam corpori obventura, enimverò ex abundantia cibi, ac potùs proficiscuntur innumeræ infirmitates corporis, utputa calculus, Podagra, chiragra, vertigo capitis, cruditates stomachi, oculorum caligo & suffusio, viscerum corruptela, & adustio &c. de quibus videri potest Henno *tr. de peccat ast. disp. 4. q. 4. art. 6. conclus. 2.* Vel Clericatus *decis. 141. n. 18.*

Quæ-

Quæres 6to, quid sit ira, & quale peccatum?

666. R. ad primum. Ira: prout est unum ex peccatis capitalibus rectè describitur, quòd sit *inordinatus appetitus vindictæ*, vel, ut habet Marchantius noster *in suo tribunali tom. 2. tr. 6. tit. 2. q. 2. est inordinata commotio animi, vindictam, vel quasi vindictam appetentis*. Rectè autem dicitur inordinata commotio; nam vindicta ordinatè (id est, juxta exigentiam justitiæ appetitâ, prout fieri solet ac debet per Superiores & Ministros justitiæ) non est peccatum, sed potius induit speciem virtutis, modò non excedatur rationis imperium & præscriptum. Hac de causa Regius Psaltes *Psal. 4. ait: irascimini, & nolite peccare.*

667. R. jam ad 2dum cum distinctione; nam ira inordinata & peccaminosa dupliciter considerari potest, scilicet primò ex parte commotionis, seu modi irascendi; & hæc ex suo genere est peccatum veniale tantum. Ratio est: quia est excessus voluntarius in aliqua passione animi de se indifferente, quippe, quæ secundum mox dicta, potest etiam esse bona & virtuosa: tamen & hæc non rarò evadat mortaliter mala, scilicet tunc, dum homo scienter & advertenter motibus iracundiæ eo usque condescendit, ut propterea in gestus enormes, tunctiones, clamores, membrorum contorsiones &c.
crum.

erumpat, utique non sine gravissima deordinatione contra rectæ rationis dictamen, & humanæ naturæ conditionem. 2dò. Ira considerari potest ex parte vindictæ inordinatæ: & hæc ex suo genere est mortaliter peccaminosa. Ratio est: quia graviter repugnat charitati proximo debitæ, & tantò quidem gravius, quando majus malum proximo desideratur &c. Ex quibus facile liquet, iram meritò computari inter peccata capitalia, quippe ex qua diversa solent peccata proficisci, prout patebit ex dicendis. Unde

Quæres 7mò, quot, & quænam sint filix iræ?

R. Sunt sex sequentes. 1. Indignatio. 668.

2. Tumor mentis. 3. Clamor. 4. Contumelia.

5. Blasphemia. 6. Rixa. Explico brevissimè.

1. Nomine indignationis intelligitur inordinatus affectus aversionis, ex eo, quòd quis existimet, se ab

alio fuisse indignè, aut minùs convenienter tractatum.

2. Per tumorem mentis intelligitur illa exacerbatio & quasi exulceratio animi, vi cuius iracundi solent

diversas in animo excogitare vias vindictæ, & excogitando intumescere quòdammòdo.

3. Clamorem etiam iracundi plerumque excitare solent, & quidem tantò majorem, quantò magis iracundiâ tumescunt; quo

fit, 4. ut proximum contumeliis, id est,

R. P. Elbel, de Act. Hum. & Leg. Yy ver-

verbis, aut factis (necio quæ crimina in faciem exprobrando) afficere soleant: quin insuper. 5. nonnunquam contra Deum, & Sanctos excandendo, solent eosdem blasphemis, id est, verbis contumeliosis proscindere &c. 6. denique solent insuper homines iracundi facillimè commoveri ad rixas, prout multiplici experientia compertum habemus; unde hæc non indigent alia proba.

Quæres 8tavò, quænam remedia iracundis præscribere oporteat?

669. R. Sequentia utiliter præscribere possunt à Confessario. 1. Jubeatur sibi proponere, aut se reflectere ad exemplum, vel potius exemplar Christi patientis, qui cum ad victimam duceretur, velut ovis non aperuit os suum; immò singulariter voluit, ut imitemur ipsius mansuetudinem, juxta illud *Matthai 11. discite à me, quia mitis sum, & humilis corde.* 2. Juvabit ponderare mala, quæ ex iracundia oriri sunt nata, scilicet discordiæ, seditiones, rixæ, & alia plura, quæ experientia docente nimis sunt nota. 3. singulariter jubeatur talis poenitens sese reflectere ad occasiones, quibus hætenus ad iracundiam se commotum, vel deinceps commovendam agnoscit, contra quas jubeatur confortare animum, firmissimè proponendo, quod in hac vel illa &c. velit

exer-

exercere patientiam, reflectendo se ad passionem nostri amandissimi Salvatoris &c.

Quæres 9nò: quid sit Acedia, & quale peccatum?

Ante responſionem notandum hic venit, 670.

nomine Acediæ ut sic intelligi quandam negligentiam, torporem, & fastidium; quod vel potest esse merum naturale, id est, ortum ex defectu virium naturalium, vel etiam morale, id est ortum ex libera voluntate. Porro hæc acedia moralis rursus à Doctõribus solet subdividi in generalem, seu universalem, quæ consistit in quodam voluntario animæ languore ad bene operandum in rebus salutem, aut Deum concernentibus. Alia dicitur acedia specialis, consistens in quodam fastidio rerum cœlestium, aut servitii divini Dep exhibendi: & de hac Acedia velut vitio capitali loquendo & intelligendo quæſtionem.

R. jam ad primum. Acedia, prout est 671. vitium capitale, rectè describitur, quod sit quædam tristitia & tædium de conservanda amicitia divina, eo quod hæc per laboriosa virtutum exercitia conservari debeat. Ita Busenbaum apud la Croix lib. 5. n. 347. Reiffenstuel ubi supra n. 59. Henno l. cit. q. 6. conclus. 1.

R. jam ad 2dum. Acedia mox descripta 672. est ex suo genere peccatum mortale. Ita Doctores cit. & alii communiter. Ratio est, quia hæc acedia directè repugnat cha-

riati divinæ, immò eandem destruit, quandoquidem per eam vilipendatur amicitia Dei, & beatitudo, velut obtinenda difficili virtutum exercitio: quod idem est, ac Deum, nec non bona æterna postponere creaturis, bonisque temporalibus. Quo- circa P. Sporer *tr. 1. c. 7. n. 71.* sapienter advertit, hujus acediæ signa, & effectus pessimos esse sequentes, scilicet amaritudinem; tædiūque ad omnia spiritualia & divina, aversionem à verbo Dei, salutisque incuriam &c.

Quæres 10. Quænam sint filiæ Acediæ?

673. R. Sunt sex sequentes: 1. *Malitia*, quæ acediosus odio habet bona spiritualia, & vellet ea non esse, aut non esse obligatum ad ea prosequenda. 2. *Pusillanimitas*; quæ proximè inclinare solet ad omnimodam desperationem de salute animæ. 3. *Rancor*; quo nomine intelligitur quædam indignatio contra eos, qui ad spiritualia, & ad sectanda charismata meliora volunt inducere. 4. *Torpor*: vi cujus homo negligit ea, quæ sibi incumbunt ex præcepto facienda, aut certè suæ obligationi non satisfacit cum debito fervore &c. 5. *Evagatio mentis*; qua scilicet homo acediosus assuevit tempore exercitiorum spiritualium cogitare de aliis, sive illicitis, sive indebitis. 6. denique *Desperatio*; id est quædam abjectio animi de beatitudine, seu salute æterna assequenda; quæ
tan-

tandem vitam acediosè traductam finaliter consequi assuevit. De his utiliter videri potest Clericatus *decis. miscellan. decis. 142. n. 4. & seqq.* ubi ait acediam Clericorum in animarum Pastoribus esse perniciosissimam ovibus.

Quæres denique I Imò, quibusnam remediis Acedia sit curanda?

R. In hunc finem apprimè servire poterunt sequentia. 1. Considerare; quæ & quanta pro nobis passus sit Christus, quot scilicet fatigationes & itinera subiêrit, quot jejunia susceperit, quot agones & tormenta sustinuerit pro nostra salute. 2. Serio sese reflectere ad ea, quæ homines mundani faciunt pro adipiscendis honoribus, opibus, aliisvè crepundiis hujus mundi, ut hominem ingenuum meritò aut confundere, aut certè animare debeant ad sudandum & laborandum pro adipiscendis divitiis cœlestibus, & æternis. 3. Juvabit erigere aures ad tubam judicii divini, quæ negligentibus ac desidiosis continuò minitatur excisionem. 4. Oportet fugere consortium ignavorum & desidiosorum, è contra verò sese associare illis, qui in practicandis virtutibus, & SS. Ecclesiæ Sacramentis sunt assidui & indefessi. 5. denique haud modicum proderit ponderare cruciatus futuros Acediosis infallibiliter subeundos, sive in inferno, sive in purgatorio: è contra verò

immensam gloriam, quam Deus ferventibus suis amatoribus præparavit in cœlesti Patria. Hæc omnia Sanctissimus noster Patriarcha Franciscus in compendio quasi expressit, dum nos ad excutiendum torporem, acediam, & tepiditatem ponderare jubet, quod sit: *voluptas brevis* (hujus scilicet vitæ) *pana perpetua* (in altera) *modica passio*, *gloria infinita*: *multorum vocatio*, *paucorum electio*, *omnium retributio*. Videatur de hoc Clericatus loc. cit. n. 7. vel Henno noster ubi supra disp. 4. de peccat. q. 6. Conclus. 5.

§. II.

Proponuntur, & breviter resolvuntur Casus practici de Gula, & Acedia &c.

CASUS PRIMUS.

Titius homo nobilis saepe sapius alios ad compositandum animare assueverat usque ad ebrietatem; quod, ubi quidam Zelosus Concio-uatur inauduit, nacta occasione opportuna contra vitium intemperantia, & pessimam hanc consuetudinem è pulpito terribiliter detonavit. Titius verò hisce fulminibus se quoque feritum sentiens, paulo post eundem Ecclesiastem ad mensam suam invitavit, eidemque comparenti genero-

nerosissimum, ac fortissimum vinum apposuit, subornatis interim aliis Convivis, qui bibendo modo in sanitatem hujus, mox in alterius, alterius, & continuo sibi succedentibus poculis, vel potius sciphis, illum ad compotitandum provocarent, quousque tandem bene potatus, immò inebriatus succumberet. Hoc verò obtento Titius eidem agnoscis jam (ajebat) fragilitatem nostram humanam: Cave sis, quaso, deinceps Zelò indiscreto in compotatores detonare à pulpito, ne fortassis contingat fulmina retorqueri in Caput Jovis. Quaritur jam ad nostrum propositum, an, vel qualiter Titius peccaverit &c.

R. Titius provocando Concionatorem 675. (idem judicium formes velim de aliis quibuscunque provocatoribus) ad plenam & perfectam ebrietatem peccavit graviter, nedum peccato intemperantiæ, sed insuper peccato scandalii. Ita Communissimè DD. nominatim Gobat in suo Quinario tr. 5. c. 13. à n. 19. Lessius lib. 4. c. 3. dubit. 4. n. 37. Busenbaum, Burghaber, Dicastillo, Matthæucci lib. 2. c. 6. n. 12. Sporer cit. cap. 7. n. 69. la Croix lib. 5. n. 331. Ratio est: quia quisquis alterum inducit ad grave peccatum, graviter peccat contra charitatem peccato scandalii: atqui ebrietas formalis est peccatum grave, & quidem intrinsece malum; ergo Titius provocando Concionatorem (sive dein per se immediate, sive

per alios à se substitutos) ad plenam, & perfectam ebrietatem, peccavit graviter nedum contra charitatem peccato scandalii, sed etiam contra virtutem temperantiæ. Labet in hujus rei confirmationem recensere verba Sancti Augustini *serm. 231. de tempore*, ubi teste la Croix *cit. n. 331.* hæc habet: *certa bibendi lege contenditur, qui poterit vincere, laudem meretur ex crimine - - o infelicitas generis humani! quam multi inveniuntur, qui ebriosos, & luxuriosos amplius, quam oportet, cogunt bibere, & ante ostium pauperibus petentibus vel unum calicem dissimulant dare! - - quando animalia ducuntur ad aquam, ubi saturaverunt sitim suam, etiamsi supra aquam ipsam diutius teneantur, replet à siti bibere nolunt omnino, nec possunt: considerent ebriosi, si non peiores animalibus judicandi sint - - Et quod pejus est, aliqui Clerici, qui hoc deberent prohibere, ipsi cogunt aliquos plus bibere, quam expediat - - si & te, & alium inebriaveris, habebis hominem amicum, habebis Deum inimicum.* Hactenus S. Doctor apud la Croix *l. cit.* Verum ut ad Scopum nostræ resolutionis revertamur, advertendum est, quod

676. Dixi: Titium, aliosque subornatos in hoc casu peccasse mortaliter, si intenderunt Concionatorem provocare ad plenam ebrietatem; Secus enim dicendum foret, casu quo non intendissent, nisi crapulam, seu ebrietatem imperfectam. Ratio hujus limitationis facile colligetur ex dictis: quia
sci-

scilicet ebrietas imperfecta (quam germani saltem Doctores communiter appellant crapulam) secundum dicta non excedit culpam venialem: ergo ad hanc inducentes non peccant, nisi venialiter.

Nihilominus si quis advertat (esto non intendat) ex propinatione ulterius continuanda, alterum plenè inebriatum iri, nec tamen absteineat ab ulteriori propinatione seu etiam provocatione ad bibendum, procul dubio mortaliter peccat; eo quòd proximum suum provocet ad id, quod sine mortali peccato ab eodem fieri nequit. Vide la Croix *cit.* l. Gobat *ubi supra* n. 50. vel Matthæucci in *Cautela Confessarii. lib. 2. c. 6. n. 11. & 13.*

At, inquiet fortassis nonnemo: Ego bibendo unicum duntaxat vel alterum vitrum vini, sentio inde tantum rationis meæ disturbium, ut planè non amplius sim usui, nec meo possim satisfacere officio: scio è contra alios, qui, tametsi eandem quantitatem in duplo, aut triplo biberent, ne quidem crapulam, vel ullam rationis perturbationem sentirent: ergone propterea condemnandus sum peccati gravis, ubi alter in duplo, aut triplo bibendo eandem quantitatem non peccat, nisi venialiter?

R. ad hanc instantiam, quòd, si tuum officium tale sit, ut ad aliud peragendum sub peccato mortali sis adstrictus (prout

v. g. miles est obligatus ad servandam stationem suam tempore belli, ubi hostium insidie timentur; vel Clericus ad recitandum officium divinum, ad succurrendum infirmis periclitantibus de salute animæ &c. procul dubio peccas mortaliter. Ratio est: quia quisquis ad aliquem finem sub gravi culpa vel obligatione adstringitur, eodem jure tenetur nedum ad media, sed multò magis etiam ad non ponendum obstaculum, quò minùs huic suæ obligationi satisfacere possit; ergo si prævideas, te ex sumptione hujus poculi aut sciphi fore prorsus ineptum ad satisfaciendum obligationi gravi tibi incumbenti, procul dubio graviter delinques, secundùm omnes.

Neque est paritas te inter & alterum, quippe qui sumpto etiam potu abundantiori supponitur posse adhuc satisfacere suo officio, immò ne quidem imperfectè inebriari.

Et de hoc nullatenus sanè ambigendum arbitror, ob rationem firmissimam mox datam.

Major tamen difficultas, & ratio dubitandi videtur, an etiam ille, qui ob infirmitatem, seu etiam debilitatem capitis prævidet, se ex sumptione respectivè modicæ portionis vel haustus plenè inebriatum iri, an inquam talis scienter illam portionem sumendo mortaliter peccet, tamen si sciat, se propterea nihil neglecturum, eo quòd jam
jam

jam satisfecerit cunctis obligationibus eodem saltem die sibi incumbentibus? Ad hanc verò quæstionem quantum colligo ex diversis Doctoribus.

Respondendum probabilius arbitror affirmative. Ratio est: quia malitiæ ebrietatis non est sita in quantitate haustus, sed in eo potissimum, quod homo ad imaginem Dei creatus voluntariè, & violenter quidem sese privet usu rationis in tantum, ut non amplius sit proximè capax recuperandi eundem usum (uti potest dormiens) tametsi id necessitas forte exigeret: atqui hoc supponitur fieri in nostro casu: ergo &c. Et certè si quis biberet v. g. vinum adustum, vel alium liquorem v. g. ex cereâs crematum &c. in quantitate respectivè modica, ex qua tamen prævideret se plenè inebriandum, procul dubio graviter peccaret: ergo id ipsum tenendum est de eo, qui ex quantitate respectivè modica vini sese inebriandum prævidet. Fatendum nihilominus est, hoc sæculo, in nostra præsertim Germania, hujusmodi homines infirmos sæpe sæpius per accidens saltem excusandos esse à peccato mortali; vel 1. quia nec bibunt usque ad plenam ebrietatem; vel quia hanc non præviderunt; vel quia temulentia potius ex naturali infirmitate seu debilitate naturæ ac cerebri proficiscitur, quàm ex potûs abundantia vel excessu; vel
de.

denique, quia tametsi libenter voluissent, nihilominus potum illum excessivum ne-
tquam declinare potuerunt, vel ob con-
vivium nimis diu protractum, vel ob alias
3 causas sibi non gratas &c. Quam ob rem
multa discretionem opus censeo in ordine ad
discernendam prudenter gravitatem peccati;
nam multi (inquit Henno) tract. de peccat.
act. disp. 4. q. 4. art. 5. ad petes. 5. confiten-
tur se fuisse ebrios, qui non fuerunt, & aliqui,
se non fuisse, qui fuerunt: credunt enim non-
nulli (licet non plus aquo biberint) se esse gra-
viter ebrios, ubi ad vomitum provocantur, non
attendentes, id ex corporis indispositione pro-
cedere &c. contra alii sibi persuadent, se non
fuisse ebrios, eo quod potuerint currum in pla-
tea transeuntem divertere, domum redire, le-
ctum invenire &c.

CASUS SECUNDUS.

Sempronius Pranobilis ad sui diversionem su-
cepit hominem pauperculum quidem, cate-
roquin tamen satis lepidum, & plus, quam
semisatum, quem probe novit, nimium
quantum exacerbari tunc praesertim, quando
nonnihil potatus vexatur v. g. quod non sit le-
gitime natus, quod infantem genuerit, aliisve
similibus ineptiis. Quia verò Sempronius tan-
to majorem recreationem captare solet, quanto
amplius exacerbatum videt suum histrionem;
hinc

hinc non raro eidem largiorem administrat potum, cuius eundem novit avidissimum; tum vero jam satis, immò excessivè tinctum diversimodè vexando exacerbare, ac irritare solet in tantum, ut is iracundiâ fremens, nescio quâ scommata in proprium Dominum conjicere soleat, & nedum eidem, sed & aliis famulis, vexationem (utî fieri amat) promoventibus, diversa maledicta imprecari, immò & in blasphemias prorumpere &c. Quaritur jam ad nostrum propositum 1. an Sempronius huic plusquam Semifatuo histrioni suo potum excessivum præbendo peccet? 2. an, vel quomodo ipse, alique famuli irritando illum, & vexando delinquant?

Res. ad primum quæsitum, Sempronius 679. præbendo præcisè potum excessivum huic plusquam Semifatuo, non peccat graviter contra virtutem temperantiæ. Ita post Caramuelem, & Gobat cit. Quinar. cap. 13. à n. 29. la Croix lib. 5. n. 335. Ratio est: quia talis stultus, utpote jam prius usu rationis (saltem pleno, ac perfectò) destitutus, nequit ampliùs potitando sese privare usu rationis, quemadmodum cæcus nequit se privare potentia visiva, & per consequens fatuus nequit obligari lege non se inebriandi, æque parum, ac cæcus lege non videndi seu aspiciendi hoc, vel illud objectum &c. at, si plusquam semifatuus non tenetur lege hac non se inebriandi, is, qui eidem præbet po-

potum excessivum, pariter non peccat contra hanc legem: ergo &c.

Dixi tamen, Sempronium, non peccare graviter *contra virtutem temperantia præcise potum excessivum præbendo &c.* Alia enim est quæstio, an non peccet, stultum provocando ad iracundiam, & blasphemias; Unde

680. R. jam ad 2dam partem quæsitæ in hoc casu. Nedom Sempronius, sed & alii ipsius famuli præbendo potum excessivum dicto histrioni eo fine, ut deinceps magis irritari valeat &c. peccant graviter, ita ut de peccatis contra legem naturalem, & divinam à semifatuo commissis teneantur sese accusare in Confessionali, modò ea præviderint (prout in hac specie facti potuere) committenda ab illo plusquam Semifatuo. Ratio hujus resolutionis est: quia secundum dicta superius *Confer. 13. n. 358.* etiam amentes perpetuò, & infantes stringuntur lege naturali ac divina v. g. non blasphemandi Deum &c. ita ut amens blasphemando, jurando, mala imprecando, fornicando &c. revera agat contra legem naturalem, esto ob defectum usus rationis similia agendo per accidens non peccet formaliter, eo quòd malitiam formalem non agnoscat. Atqui hæc ratio non pugnat pro Sempronio, aliisvè ejusdem famulis, neque illos excusat à formali malitia, quip-

quippe quam probè agnoscunt; ergo cum talium peccatorum revera sint causa principalis, & moralis, minimè excusari possunt, sicut à peccato mortali excusari nequit is, qui alium ignorantem scienter inducit ad adulterium, vel furtum. Videatur Laymann *lib. 1. tr. 4. c. 10. n. 3.* vel la Croix *lib. 6. part. 2. n. 984.*

At, inquires fortassis, secundum dicta, Sempronius administrando præcisè potum excessivum non peccat graviter contra virtutem temperantiæ, eò quòd famulus plus quàm semifatuus non peccet, nec possit peccare formaliter sese inebriando: ergo similiter eundem irritando & exacerbando usque ad blasphemias, non peccat graviter contra virtutem Religionis, eò quòd stultus blasphemando non peccet, immò nec possit peccare formaliter.

R. Negando causalem antecedentis; non enim dixi, Sempronium idèò non peccare præbendo potum excessivum &c. quia stultus non peccat formaliter bibendo; sed quia is non tenetur illa lege *non se inebriandi*, seu, quod idem est, *per excessivum potum non se privandi usurationis*, quippe quo supponitur jam prius privatus: ac proin inducens illum scienter ad potum excessivum æquè parum peccat, ac si eundem, vel alium infantem tempore quadragesimæ induceret ad esum carniurum, ad cujus abstinentiam

nentiam non tenentur: è contra verò ad blasphemandum (& alia similia jure naturali ac divino prohibita) amens tenetur, sicut & infans: ergo quemadmodum infantem scienter alliciens & inducens ad blasphemiam, formaliter peccat; ita pariter peccat is; qui stultum ad hujusmodi peccata inducit. Cæterum non diffiteor, quin etiam præbendo potum excessivum stulto, posset graviter peccare v. g. contra charitatem, si prævideat inde grave damnum vel infirmitatem stulto emanaturam: sicut ob eandem rationem graviter peccaret, qui v. g. alicui infanti potum excessivum, quem graviter eidem nociturum prævidet, daret, prout rectè advertit la Croix lib. 5, n. 335. Gobat, Caramuel, & alii.

CASUS TERTIUS.

Cajus dicit, se ab ultima confessione ante annum tempore paschali deposita fuisse negligentissimum, & tardiosissimum in omnibus divinis, ita, ut ab illo tempore non solum nunquam amplius confessus, vel Sacra communione resectus sit, sed sapius quam par erat, etiam diebus festivis divina neglexerit, aliquoties autem iisdein potiùs ex fine profano, v. g. ut videat, vel videatur &c. interfuerit quam animò colendi Deum. Causam porro hujus tanta desidia rogatus, respondit: Pater R. in ultima

ima illa mea confessione firmissimum concep-
 propositum deinceps nunquam ampliùs procuran-
 di S. V. pollutionem, id quod etiam una alte-
 ravè septimana sanctè observavi, tandem vero
 denuo in idem vitium relapsus, omnino de-
 spondi animum, ratus, me, velut hominem fra-
 gilissimum, non posse ampliùs ab hoc vitio ab-
 stinere, proptereaquè totus quantus huic senten-
 tia immersus, qua DEum, & anima mea sa-
 lutem concernere videbantur neglexi, quidquid
 tandem de anima mea salute futurum esset,
 Jam ad nostrum propositum dubitare licet in
 hac specie facti. 1. An Caius dici possit, aut
 debeat Acediosus? 2. An non judicari de-
 beat, desperasse, aut certè in misericor-
 diam divinam peccasse?

R. ad primum. Confessarius ex tali con-682.
 fessione omnino prudenter concludet, Ca-
 jum elapsò anno in pessimo statu vixisse;
 proptereaquè oportebit illum examinare
 1. an, vel quoties circiter per septimanam,
 vel etiam diem procuraverit pollutionem?
 2. quibuscum desideriis? &c. 3. quoties
 divina circa circiter neglexerit? &c. Et sic
 loquendo de aliis peccatis, in quæ verosi-
 militè eum incidisse credere, aut suspicari
 licet, prout partim ex dictis in hoc tracta-
 tu, partim etiam ex iis, quæ diximus in
theolog. Sacram. part. 2. Confer. 17. n. 434.
 facile quisque prudentum colligere poterit.
 Neque etiam dubitandum est, quin Caius
R. P. Elbel, de Act. Hum. & Leg. 22 fue-

fuerit verè acediosus, utpote homo in omnibus, Deum, & animæ salutem concernentibus, nimium quantum fastidiosus, ac tædiosus.

Ergone inquires, Cajus ultra reliqua peccata tenebatur singulariter exprimere, & sese accusare de peccato acediæ, ita, ut non satisfacisset, dicendo, se elapsò anno toties procurasse pollutionem, toties neglexisse SS. Missæ sacrificium, etiam diebus festivis?

683. R. ad hoc quæsitum cum distinctione, & quidem valde notabili. Nam si Cajus ideò præcisè neglexit divina, quia hæc sibi videbantur valde tædiosa, aut quia in his nullum prorsus gustum invenit (prout revera contingere natum est hujusmodi hominibus, voluptatibus carnis nimium quantum immersis, ac deditis) non tenebatur specialiter sese desuper accusare: quia, uti sapienter advertit *Campion. part. 1. instr. ad aud. confess. Cap. 14. eumque lecutus Matthæucci in cautel. Confessar. lib. 2. c. 28. n. 42.* talis acedia non est per se prohibita, sed potius per accidens, quatenus scilicet solet esse causa, vel etiam occasio negligendi divina. At verò, si Cajus divina neglexisset, non tam ex eo capite, quod hæc laboriosa, vel tædiosa, ac nimis fastidiosa videbantur, sed potius ideo, quia bona, & Deum, Ejusdemque gloriam concernebant

bant (quod quidem rarius, nonnunquam tamen contingere solet) tunc fuisset obligatus de hoc peccato Acediæ, utpote specialiter prohibito, divinæque charitati repugnante, sese accusare: profecto hoc gravissimum est peccatum, non admittens parvitatem materiæ, adeò, ut si quis ex tali motivo omittat duntaxat nomen JESU invocare (quia scilicet bonum est, & Deo placitum) peccet mortaliter, esto nullam aliam obligationem haberet illud invocandi. Videatur Matthæucci *loc. cit. n. 43.*

& jam ad 2dum quæsitum hujus casus, 684. Cajum probabilius nec incurrisse peccatum desperationis, neque etiam peccatum præsumptionis. Ratio prioris est: quia, ut ex specie facti satis liquet, Cajus non desperavit simpliciter de salute assequibili, neque etiam de gratiis, vel auxiliis sufficientibus à Deo nobis administrari solitis, sed potius, immò verò tantum de suis viribus, utpote jam longo tempore expertus, se post primum relapsum minus esse sufficientem ad resistendum gravissimis Diaboli, carnisque insultibus: quod, ut de se liquet, non est desperare, sed potius incurium, & minus sollicitum esse de salute.

Ratio autem posterioris est: quia Cajus non supponitur fuisse inductus ad peccandum ex eo, quòd Deus misericors sit, sed potius partim ex fragilitate humana, partim

insuper ex desidia & salutis spiritualis incuria; vicijus (utique pessimè) sese resolvit ad perseverandum in tali statu peccaminoso, & perversa ac pessima sua consuetudine, quidquid demùm Deo placuerit disponere de salute animæ suæ. Cæterùm quænam remedia hujusmodi pœnitenti sint præscribenda, colligi potest ac debet ex dictis in *theolog. Sacram. part. 2. Confer. 4. n. 105.*

§. III.

Corollaria ex dictis inferenda.

685. **C**olliges ex hætenus dictis. i. peccatum ebrietatis tunc incurri, quando quis animadvertit, se jam tantum potûs sumpsisse, ut proximè sit destituendus usu rationis, & ad functiones humanas reddendus omnino ineptus (id, quod bene potest, ac debet advertere, si jam sæpius id ipsum sibi contigisse reminiscatur) & nihilominus pergit bibere. Ratio est: quia tunc censetur consentire in hoc peccatum intemperantiæ seu ebrietatis perfectæ: tametsi fateri cogamur, hoc peccatum quodammodo compleri ac consummari physicè & moraliter, dum quis actu destituitur usu rationis, quemadmodum is, qui prævidet se in ebrietate quempiam occisurum, & nihilominus

minus sese sponte inebriat, peccat nedum contra virtutem temperantiæ, sed etiam charitatis, & justitiæ, dum voluntariè ponit causam ebrietatis, atque homicidii, esto hoc finaliter ac physicè tunc solum compleatur, quando in ebrietate actu occidit. Ita ex *Communi DD. Sporer tr. 1. cap. 7. n. 69. Matthæucci l. 2. c. 6. n. 17.*

Colliges 2dò, etiam illos à gravi peccato⁶⁸⁶, minimè excusandos esse, qui exponunt se periculo ebrietatis, utpote bene advertentes se appropinquare periculo amittendi usum rationis; ille autem scit, adesse periculum, inquit Gobat in *Quinario tr. 5. c. 8. n. 20.* qui bibit; probabiliter putans, vel timens & dubitans; aut etiam suspicans, secuturam ebrietatem, & inhabilitatem ad actus humanos &c. Unde antequam pergat bibere, debet ex prudenti motivo deponere ejusmodi opinionem, dubium, aut suspicionem; secus enim non poterit dici laborasse ignorantia, vel inadvertentia ad peccatum ebrietatis excusandum requisita.

At quid, inquires, tenendum de illo, qui bene advertit, se non fore privandum usu rationis, quamdiu in domo, seu etiam popina perseveraverit; nihilominus plenè privatum iri usu rationis, posteaquam domum regressurus aeri se exposuerit?

R. Cum P. Gobat *l. cit. n. 34. & la Croix*⁶⁸⁷, *lib. 5. n. 328.* talem non peccare graviter

modò proponat se non exponere aeri, & vujusmodi propositum servare soleat. Ratio est: quia quamdiu non se exponit aeri, tandiū supponitur non inebriari: ergo propterea argui non potest gravis peccati. Quin etiam si postea præter omnem suam intentionem vocaretur, & cogeretur se eadem exponere, non tamen ideò peccaret graviter, quia talis ebrietas merè per accidens causata, non foret voluntaria.

688. Colliges inde tertib, Eum qui se inebriat involuntariè, id est, contra omnem suam intentionem, quippe qui nullum prævidit periculum, aut certè fortitudinem vini non agnovit, nec putavit se inebriandum fore, re ipsa non peccare graviter, peccato scilicet formaliter gravi.

Ratio evidenter colligi potest ex dictis suprà *Conferent. 2. n. 35. & seqq.* quia talis ebrietas, eo ipsò quòd non fuerit præcognita, nequit esse voluntaria, & per consequens neque peccaminosa. Rectè tamen S. Thomas, Navarrus & alii quos sequitur la Croix *n. 329.* docent, eum, qui sæpe fuit ebrius, semper sufficienter advertere, vel certè posse, ac debere advertere periculum, propterea que semper peccare mortaliter. Unde, ait la Croix *l. cit.* qui confitetur, se intra mensem semel vel iterum fuisse ebrium, si sit vir intelligens, meritò interrogatur, an præviderit; si autem dicat,

cat, intra mensem decies id contigisse, supponi debet, semper peccasse mortaliter: Quod & ego verum existimo, si pœnitens fateatur, se fuisse toties ebrium, vel ut germani solent exprimere: *Stern voll*. Si tamen dicat solum, se intra mensem decies bibisse crapulam, id est, *einen Kausch truncken*, interrogandum ulterius existimarem, an adhuc perseveraverit in usu rationis, prout crapulosi perseverare solent, ac debent. Si sic: judicarem, eum per se loquendo, nunquam peccasse mortaliter. Sin autem dicat, se sibi nunquam amplius fuisse præsentem, planè condemnandum judicarem peccati mortalis, ob rationes hæcenus datas de malitia ebrietatis plenæ.

Colliges 4to, in pessimo statu versari illos, qui quavis oblata, fortassis etiam sponte quæsitâ, occasione parati, immò verò assueti sunt, bibere more belluonum, scilicet nedum ad satietatem, verum insuper ad crapulam, & perfectam, seu plenam ebrietatem. Ratio clara est: quia revera tales, præterquam quod graviter noceant suæ sanitati, se ipsos etiam reddunt inhabiles ad agenda ea, quæ alioquin vi sui officii, vel obedientiæ etiam graviter obligantis tenerentur præstare. Insuper sæpe sæpius exponunt Uxores, liberos, aliosque v. g. Creditores periculo gravium damnorum, ac propterea multipli-

cia inferunt nocumenta ; præbeant aliis Scandala &c. at, de se liquet, hæc & similia sine peccato gravi non posse fieri: ergo. Hac de causa la Croix l. cit. n. 328. bene infert, quòd is, qui per experientiam scit, se communiter inebriari, quando adit hæc, aut illa consortia, hoc, vel illo modò bibit &c. teneatur sub mortali cavere, ita, ut non possit absolvi, nisi hoc proponat. Ex quo quisque prudentum Confessariorum facile concludet, quo modò cum talibus habeat procedere.

690. Colliges denique ex hæcenus dictis quòd, licet à Doctoribus communissimè, & bone quidem, recenscantur septem peccata capitalia, ob rationem suprà Conferent. 21. n. 600. datam; nihilominus non omnia, sed quatuor tantum ex illis, scilicet Superbia, Luxuria, Invidia, & Acedia in sensu hæcenus explicato sumpta, sint ex suo genere mortalia: reliqua verò tria, scilicet Avaritia, Ira, & Gula per se loquendo sint venialia duntaxat. Ita ex Communi Doctorum tenet Matthæucci in cautel. Confessar. l. 2. c. 28. n. 44. Ratio disparitatis inter utrumque genus hæc est: quia hæc posteriora possunt stare cum charitate Dei, & proximi, non item priora, prout partim ex hæcenus dictis prudens lector haud difficulter colliget, partim etiam apud Doctorem proximè citatum videre licet. Esto


fateri cogamur, quòd etiam hæc posteriora sæpius, quàm par est, conscendant gravitatem peccati mortalis.

Et hæc de Actibus humanis, Conscientia; Legibus, & peccatis (quæ omnia singulius præjudicio, & salvâ, semper Sanctæ Matris Ecclesiæ Auctoritate, aliorumque Superiorum meorum censura dicta velim) Tyronibus posse sufficere, existimo. Cedant proin ad animarum salutem, & præcipuè ac finaliter

Ad majorem Dei Gloriam.



ZZ § IN-



INDEX

Alphabeticus rerum & materialium in hoc opusculo contentarum.

NB. Littera C. Conferentiam; n, cum cifra numerum marginalem denotat.

A.

Abbatissa, an gaudeant potestate legislativa. Conf. 10. n. 293.

Abrogatio legis quid? & quomodo differat à derogatione. C. 15. n. 410. quis possit legem abrogare. ibi. n. 411. abrogatio facta sine justa causa, an sit valida. C. 15. n. 412.

Acceptatio Populi, an sit necessaria ad hoc, ut lex obliget. C. 9. n. 247. & seqq.

Acedia ut sic, in quo consistat. C. 23. n. 670. Et quid *Acedia*, ut est peccatum capitale. ibi. n. 671. an hæc sit peccatum mortale ex suo genere. n. 672. Quæ, & quot sint filix *Acediæ*. n. 672. quibusnam remediis *acedia* sit curanda. ibidem n. 674. An, vel quando *acedia* sit speciale peccatum, in actu confessionis specialiter exprimendum. C. 23, n. 682, & seqq.

Actus

INDEX.

Actus humanus quid sit? C. 1. n. 1. & 2. quænam ad actum humanum propriè talem sint necessaria. ibi. n. 3. & n. 20. quænam impedire soleant actum humanum. C. 2. n. 26. & seqq. Quomodo actus humanus suam bonitatem vel malitiam desumat ab objecto, à fine, & à circumstantiis. C. 3. n. 61. & seqq. Actus externus, an interno superaddat specialem bonitatem, aut malitiam. C. 3. n. 70. an sit possibilis actus humanus in individuo indifferens. ibi. n. 86. Quot, & quæ sint circumstantiæ actus humani? C. 4. n. 87. & seqq. Vide *Circumstantia &c.*

Actus merè internus, quid sit. C. 12. n. 330. utrum auctoritate merè humana præcipi possit aut prohiberi? ibidem. n. 331. & seqq.

Advocatus an licitè possit patrocinari causæ; quæ sibi videtur minùs probabilis. C. 7. n. 199.

Amentes perpetuò, an, vel quibus legibus teneantur. C. 13. n. 356. quid de amentibus per certa duntaxat intervalla, aut tempora, ibidem. n. 357.

Alii privilegio non gaudentes, si confugiant ad Monasterium, vel locum sacrum, quid tunc agendum Superioribus illius loci. C. 18. n. 521.

Avaritia quid sit? C. 21. n. 607. an ex suo genere grave peccatum. ibi. n. 608. quæ,
&c.

INDEX.

& quot sint hujus filia. ibi. n. 609. quænam remedia contra avaritiam sint præscribenda. C. 21. n. 610. Ex avaritia litteras alterius aperiendo, & lucrum justum alteri præripiendo, an peccet, & an teneatur ad restitutionem. n. 614. & 615. Avarus nolens dare eleemosynam pauperibus, an, vel qualiter peccet. C. 21. n. 618. & 619.

B.

Beneficiatus obligatus ad expendendum dugatum in pias causas, an satisfaciatur, dando illo suo famulo pauperi, cui jam pridem ex justitia debuisset solvere. C. 14. n. 402. Quid si debeat tria Sacra pro stipendio, & supponatur unum duntaxat legisse absque speciali intentione aut reflexione, cuinam ex illis tribus velit illud applicatum. C. 14. n. 403.

Bonitas moralis, in quo consistat. C. 3. n. 59. unde sit desumenda. ibi. n. 61. & seqq. quomodo bonitas debeat esse intenta ad hoc, ut in actum derivetur. C. 3. n. 67. an idem actus possit esse simul, vel saltem successive bonus & malus. C. 3. n. 82.

C.

Candidatus suam vocationem negligens, an, vel qualiter peccet. C. 5. n. 124.

Caupo Catholicus, an tempore quadragesimæ turâ conscientia possit Lutheranis præbere carnes. C. 17. n. 483. & seqq.

Quid

INDEX.

Quid si aquam infundant cerevisiæ, aut vino vendendo: C. 17. n. 486.

Cessatio legis quid sit, & quot modis leges soleant cessare. C. 15. n. 409. cessante causa finali, an cesset obligatio legis. ibi. n. 414. & 415. an obligatio legis cesset ob ignorantiam subditorum ibi. n. 418. an ob impotentiam, n. 419. & 420. Quando nam leges cessare soleant per dispensationem, Epikeiam, vel interpretationem. C. 17. n. 469. *Vide Consuetudo.* Quibus de causis cessare, seu etiam expirare soleant privilegia? C. 18. n. 510.

Chirurgus ratione diversarum curationum, præsertim circa alterum sexum, tentatus, an tutâ conscientia possit exercere hanc artem. C. 1. n. 14. & 15. Quid, si talis dicat, se sentire majorem inclinationem ad curandum sexum foemineum, quàm masculinum. ibi. n. 15. Quid, si ex familiari conversatione cum altero sexu se sentiat commoveri ad libidinem. C. 1. n. 16.

Circumstantia actûs humani quid sit. C. 4. n. 87. Quot dentur hujusmodi circumstantiæ. ibi. 88. Quid intelligatur nomine circumstantiæ aggravantis, & quid nomine speciem mutantis. n. 89. Explicantur breviter singulæ circumstantiæ in particulari. C. 4. à n. 91. an circumstantiæ speciem mutant, vel intra eandem speciem notabiliter aggravantes necessario sint exprimendi.

INDEX.

mendæ in confessione. *ibidem*. n. 105. Circumstantia personæ, an vel quando sit specialiter exprimenda. C. 4. n. 106. An exprimenda sit circumstantia furti Clerico illati. *ibi*. n. 107. an vel quando reliquæ circumstantiæ, ut puta loci, temporis &c. necessariò sine exprimendæ in confessione? C. 4. n. 109.

Clericus, an pœnitentiam à suo Rev. Ordinario sibi dictatam negligendo graviter peccet. C. 12. n. 339. & seqq. An Clerici teneantur legibus civilibus. C. 10. n. 275. item. C. 13. n. 365. & 366. an Clericus hinc inde vagando, & negligendo curam animarum, vel residentiam debitam, possit puniri à suo Ordinario. C. 13. n. 397. Clericorum privilegia in communi. C. 18. n. 504.

Communicatio Privilegiorum, an, vel qualis detur inter Religiosos. C. 18. n. 500. & seqq. Vide *Privilegium*.

Compensationi tacitæ, an detur locus post sententiam Judicis. C. 14. n. 397. famula post mortem sui heri non potens probare donationem sibi ab eodem factam, proptereaque ab hæredibus repulsam passa, an licitè uteretur tacita compensatione. C. 15. n. 427. & seqq.

Concupiscentia quid. C. 2. n. 32. quotuplex. *ibi*. n. 33. an vel quomodo augeat vel etiam diminuat voluntarium & liberum? C. 2. n. 34.

Con.

INDEX.

Confessarius, quomodo habeat procedere cum hominibus luxuriæ deditis. C. 3. n. 72. Unde debeat colligere, an pœnitens fuerit ductus conscientia vincibiliter, vel invincibiliter erronea. C. 5. n. 129. Quænam Confessarius singulariter observare debeat, quando pœnitens vult amplecti opinionem probabilem. C. 7. n. 193. & 194. item n. 210. quomodo debeat tractare pœnitentem scrupulosum. C. 8. n. 215. item n. 232. & 233. Confessarius, an possit dispensare in lege jejunii Ecclesiastici. C. 16. n. 450. Quid debeat agere cum iis, qui solent alios defraudare in quantitate aut qualitate mercium. C. 17. n. 488. Confessarius immemor reservationis, an validè absolvat à casu reservato. C. 22. n. 693. Confessio facta animo placendi moderatoribus aut Superioribus, an sit valida. C. 3. n. 78. & 79.

Conjugibus an sit licitum morosè delectari de copula habita vel habenda. C. 22. n. 649. & 650.

Conscientia ut sic quid sit. C. 5. n. 113. hujus quinque communiter recensentur membra. ibi. n. 114. aliæ nonnullæ subdivisiones breviter enumerantur, ibid. n. 115. quid sit conscientia recta, n. 116. an hanc teneamur sequi. ibidem. n. 117.

Conscientia erronea quid sit, & quotuplex? C. 5. n. 118. & 119. an vel quando teneamur

INDEX

neamur hanc sequi, ibi. n. 120. & seqq.
 An peccet, qui ex conscientia erronea non apprehendit malitiam cogitationum impudicarum, vel pollutionis &c. a. n. 127. Erroneè existimans, se irretitum impedimento v. g. affinitatis, an stante hac conscientia validè contrahat marrimonium. n. 130. an talis utendo matrimonio, vel indulgendo tactibus impudicis, peccet. C. 5. n. 132. & 133. quomodo conscientia differat à Synteresi, & à scientia morali. ibi. n. 134. quomodo formetur dictamen conscientiae, & an semper ad hoc necessarius sit discursus formalis. C. 5. n. 135. & 136. Contra conscientiae dictamen operans, an, vel qualiter peccet, qui agit sine reflectione ad gravitatem, vel levitatem peccati. Ibidem n. 140. quid de eo, qui sinistrè existimat se peccaturum, sive unum faciat, sive alterum. C. 5. n. 141.

Conscientia dubia quid. C. 6. n. 142. quid, & quotuplex sit dubium. ibi. 143. & seqq. quotuplex sit conscientia dubia. ibi. n. 148. sitnè licitum operari cum conscientia dubia. C. 6. n. 149. quomodo conscientia dubia debeat vel possit practicè resolvi, & ex quibus principiis. ibidem. a. n. 50. quæ sit differentia inter conscientiam dubiam, & probabilem. C. 6. n. 168.

Conscientia probabilis quid. C. 7. n. 182. an cum conscientia probabili licitum sit operari.
 ibidem

ibidem. n. 183. & 184. *Vide opinio probabilis.*

Conscientia scrupulosa quid sit. C. 8. n. 212. an contra hanc liceat, vel etiam expediat operari, ibidem 217. *vide scrupulus &c.*

Consiliarii Principum, an, vel quare teneantur ad sectandas opiniones tutiores. C. 7. n. 206. Consiliarius sciens pragmaticam proximè promulgandam, an tuta conscientia possit uti tali notitia cum præjudicio proximi ignorantis. C. 9. n. 257. & seqq.

Consuetudo quid sit. C. 17. n. 469. quod duplex. ibi. n. 470. quæ, & quot conditiones ad eam requirantur, ibidem. n. 471. & 472. qualis consensus, & quantum temporis ad legitimam consuetudinem sit necessarium. C. 17. n. 473. & 474. an possit introduci per actus formaliter malos. ibi. n. 476. & seqq. Quid si dubitetur, an hæc, vel illa consuetudo legitimè sit recepta. ibi. a n. 470. Consuetudines Cauponum, Pistorum, vel Lanionum defraudantium in qualitate, aut quantitate, an sint tolerandæ. C. 17. n. 586. & 587. consuetudo legi naturali, vel divinæ repugnans, an valeat. ibi. n. 489. consuetudines vergentes in præjudicium immunitatis, seu etiam disciplinæ ecclesiasticæ, an sint tolerandæ. ibidem. n. 490. & 491. Quid si Legislator expresse excipiat contra omnem consuetudinem. C. 17. n. 492.

R. P. Elbel, de Act. Hum. & Leg. Aaa Con-

I N D E X

Conversatio cum altero sexu, an licita, non obstante, quod quis inde se sentiat commoveri ad libidinem. C. 1. n. 16.

Crapula quid sit, & quale peccatum. C. 22. n. 663. & 677. vide *Ebrietas*.

D.

D*electatio morosa* quid sit, & unde talis dicatur. C. 22. n. 627. quotuplex sit. ibi n. 628. quomodo procedi soleat à delectatione rationabili ad sensibilem, & veneream. ibi. n. 629. quale peccatum sit delectatio venerea. ibidem n. 630. utrum in hac detur parvitas materiæ. ibi. n. 647. & 648. An Conjugatis, Viduis, vel Sponsis, seu etiam personis solutis licitum sit, delectari morosè v. g. de copula, aut pollutione. C. 22. n. 649. & seqq. An peccet is, qui carnis tentationibus nullatenus resistit. C. 22. n. 653. & 654.

Deliberatio qualis vel quanta sit necessaria ad actum humanum. C. 1. n. 20. & seqq. quænam, vel quanta sit necessaria ad mortaliter peccandum. C. 20. n. 568. quando nam præsumere liceat, intervenisse sufficientem deliberationem. C. 20. n. 570.

Detractor famæ, an teneatur singulariter & specificè exprimere materiam detractio- nis. C. 4. n. 108.

Dispensatio legis quid sit, & quotuplex C. 16.

I N D E X.

C. 16. n. 436. & 437. penes quos resideat potestas dispensandi. ibi. n. 438. & seqq. An inferior validè dispense in lege Superioris. C. 16. n. 441. & 443. Utrum Episcopi dispensare valeant in legibus Pontificiis. ibi. n. 442. an etiam lex naturalis patiatur dispensationem. ibi. à n. 444. An valeat dispensatio Romæ obtenta, casu quo dubitatur de mente dispensantis. C. 16. n. 451. An Confessarius possit dispensare in esu carnum ibi. n. 450. Quid si cum sponsis dispenseetur cum hac clausulâ, *modo copula carnalis non intervenerit.* ibid. n. 453. Dispensatio in voto castitatis ad legitimandam prolem obtenta, quomodo debeat intelligi. ibi. n. 456. an talis dispensatio cesset, cessante motivo finali. C. 16. n. 457. an nova dispensatio in hoc casu sit petenda, & à quo. ibi. n. 459. & 460. Quid si dispensans moriatur prius, quàm dispensatio per delegatum sit executioni mandata. ibi n. 461. Dispensatio sub- & obreptitia, quid, & an valida. C. 16. n. 462. A quo petenda sit dispensatio, & cuinam valeat impertiri. ibidem. n. 463. & 464. quisnam dispensare possit cum peregrinis & vagabundis. n. 465. an summus Pontifex validè dispensaret in lege divina C. 16. n. 466. & 467. dispensatio merè præsumpta, an subditum excuset ab observantia legis, vel à peccato? C. 16. n. 468.

I N D E X.

Distinctio moralis specifica peccatorum, undenam desumenda sit. C. 19. n. 540. & unde distinctio physica. ibi. n. 541. undenam distinctio numerica peccatorum sit petenda. C. 19. n. 545. item n. 562. & seqq.

Diversitas præceptorum formalium, undenam possit, aut debeat colligi. C. 19. n. 542.

Dubium ut sic, quid, & quotuplex. C. 6. n. 142. quid dubium juris & facti. ibi. n. 144. quid dubium practicum, vel speculativum. ibidem. n. 145. quibus ex principiis conscientia dubia possit, vel debeat deponi. C. 6. à n. 150. an in dubio melior sit conditio possidentis. ibidem. an in dubio semper eligenda sit pars tutior. ibi. n. 154. Dubitans, an fecerit verum votum, an verò propositum duntaxat, abstinendi à carnalibus, ad quid teneatur. ibi. n. 156. Et quid, si certus de voto emissio, dubitet duntaxat, an voluerit vovere castitatem perpetuam. n. 160. Dubitans, an fœmina à se carnaliter cognita non fecerit potestatem sui corporis alteri, ad quid teneatur. C. 6. n. 161. Quid si fœmina ipsamet dubitet à quonam è duobus conceperit? ibidem. n. 162. & seqq. Sacerdos practice dubitans de statu gratiæ, an prætermissa confessione licite celebraret. C. 6. n. 165. dubitans, an sit naturaliter jejunus, an licite sumat Sacram Synaxin. ibi. n. 167.

Du-

Dubitans, an lex sit lata, ad quid teneatur. n. 169. quid in dubio, an lex obliget graviter vel non. C. 6. n. 170. quid denique de eo, qui dubitat, an satis deliberatè emisserit votum. ibidem n. 171. Subditus dubitans, an res à Superiore præcepta sit licita & honesta, ad quid teneatur. n. 172. quid si materia videatur nimis ardua. n. 173. Quid denique tenendum de iis, qui post peccatum jamjam perpetratum primum incipiunt dubitare, an graviter vel leviter peccaverint. C. 6. n. 174. undenam orto dubio colligendum sit, an poenitens satis deliberatè consenserit in peccatum, vel non. C. 20. n. 578.

E.

E*Brietas*, quid sit. C. 23. n. 660. quale sit peccatum. ibi. n. 661. quomodo peccet, qui alium provocat ad potum excessivum seu ebrietatem. ibi. n. 675. quid de iis, qui exhaustu respectivè modico prævident se inebriandos. ibidem n. 677. & 678. An semifatuus possit inebriari. ibi. n. 679. & seqq. quandonam peccatum mortale ebrietatis incurratur. C. 23. n. 685. quomodo peccet is, qui se exponit periculo ebrietatis n. 686. quid si prævideat, se tunc primum inebriatum iri, ubi se exposuerit aeri. ibidem. n. 687. præter omnem advertentiam inebriatus, an vel quomodo peccet. n. 688. quid denique de iis, qui qua-

I N D E X.

vis occasione oblata sese inebriare solent. C. 23. n. 689.

Epikeja legis, quid sit. C. 16. n. 449.

Episcopi quanta potestate legislativa gaudeant. C. 10. n. 269. & seqq.

Error, quid, & quid conscientia erronea. C. 51. n. 114. & seqq. Vide *conscientia erronea*. Erroneè existimans, se incurrisse impedimentum matrimonii v.g. affinitatis, num validè contrahat. C. 51. n. 131. an talis conjux licitè uteretur matrimonio, aut tactibus impudicis, ibidem n. 132. & 133.

F.

F*Amulus* sub pœna mortis adactus ab heroe suo ad homicidium innocentis, an licitè obediat. C. 2. n. 43. & seqq.

Fatum vel etiam semifatuum provocantes ad potum excessivum, vel ad iracundiam an, vel qualiter peccent. C. 23. n. 679. & seqq.

Feripeta præter, immò contra omnem intentionem unà cum fera simul trajiciens suum comitem, an vel qualiter peccaverit, & an possit propterea puniri. C. 2. n. 46. & 47.

Finis, alius dicitur in alius extrinsecus. C. 3. n. 64. quomodo actus humanus à fine sumat suam bonitatem vel malitiam. C. 3. n. 65. & 66. quid de actu ex duplici fine facto,

I N D E X.

facto, præsertim si unus eorum sit bonus, alter verò malus. C. 3. n. 83. an bonitas scilicet finis sufficiat ad reddendum actum moraliter bonum. ibi. n. 85. diversis mediis utens in ordine ad eundem finem, an propterea unum, vel verò plura peccata committat. C. 22. n. 640. & seqq.

Femina violenter oppressa, an, vel quando peccet. C. 2. n. 39. & seqq.

Fornicator, an teneatur in confessione exprimere, num cum eadem persona ter, an verò cum tribus semel habuerit rem. C. 4. n. 103. quid si veneri indulgens è collo portet scapulare, vel alias Reliquias. ibidem n. 104.

Furtum de bonis Parentum à Filio factum, an, vel qualiter in confessione sit exprimendum. C. 4. n. 100. furtum Clerico illatum, an quà tale necessario sit exprimendum in actu confessionis. C. 4. n. 107.

G.

G*ula* quid sit, & quotuplex. C. 23. n. 656. & 657. quale sit peccatum ibi. n. 658. & 659. quomodo peccet alterum provocans ad potum excessivum. ibidem. à n. 675. quid de iis censendum, qui quavis occasione obtenta sese ingurgitare solent. n. 689. quot sint filix gulæ. n. 664. & quæ-

nam remedia gulosis sint præscribenda. C. 23. n. 645.

H.

Hæretica Rusticorum conventicula, an à Principe Catholico rectè & justè prohibeantur. C. 12. n. 336. fœmina re ipsa hæretica, an fictè, duntaxat deponendo professionem fidei catholicæ, satisfaciat præcepto divino, & Ecclesiastico, ibi. n. 342. & seqq.

Hospes, vel hospitissa, an possit permittere aliorum peccata in suo domo, aut popina committenda. C. 1. n. 17. & 18. quid si ex contradictione aut prohibitione rationabiliter habeat timere damnum. ibi n. 19.

I.

Istans se de crimine vero, sive falso an, vel quomodo peccet. C. 21. n. n. 621. & 622.

Ignorantia quid. C. 2. n. 35. variè divisa explicatur. ibidem n. 36. ignorantia vincibilis alia dicitur affectata, alia non affectata. ibi. n. 37. quid sit ignorantia antecedens, concomitans, & consequens C. 2. n. 38. an, vel quomodo ignorantia sive vincibilis, sive invincibilis excuset à pœna. ibi. à n. 54.

utrum

utrum ignorantia legis excuset in foro externo. C. 15. n. 418.

Impeditiva voluntarii ut sic, quæ, & quot. C. 2. n. 26. & seqq. an ponens impedimentum legis observantiæ v. g. auditioni Missæ, peccet. C. 13. n. 375.

Impotentia an excuset ab observantia legis. C. 15. n. 419. an is, qui non potest totam, teneatur saltem partem legis adimplere. ibidem. n. 420.

Infantes, an, vel quibusnam legibus teneantur. C. 13. n. 356. an stringantur lege jejunii, saltem quoad abstinentioniam ab elu carnium. ibi. n. 367. an incurrant pœnas Ecclesiasticas. ibidem n. 368. quid si dubitetur, utrum infans jamjam sit adeptus usum rationis. C. 13. n. 369.

Infideles, an teneantur legibus Ecclesiasticis. c. 13. n. 376.

Intentio faciendi opus præceptum, & intentio satisfaciendi præcepto quomodo inter se differant. C. 14. n. 384. qualis intentio sit necessaria ad hoc, ut legi vel præcepto satisfiat. ibi. n. 385. & seqq. audiens Missam ex intentione captandi vanam gloriam, an satisfaciat præcepto Ecclesiæ. C. 14. n. 394. quid, si audiens devotè, haberet positivam intentionem non satisfaciendi præcepto Ecclesiastico. ibi. n. 395. & 396.

Inventus solvens debitum, aut decimas, an satisfaciatur obligationi Legis. C. 14. n. 398. & seqq.

Interpretatio legis, quid sit, & quotuplex. C. 16. n. 447. quænam regulæ sint observandæ circa interpretationem legum, vel etiam dispensationum. ibi n. 448. quidnam sit observandum circa interpretationem privilegiorum. C. 18. n. 500. & seqq.

Invidia, quid sit, C. 22. n. 633. an sit de se mortaliter peccaminosa. ibi. n. 634. quænam sint hujus filiæ n. 635. & quænam remedia contra hanc à Confessario sint præscribenda. C. 22. n. 636. quomodo peccet is, qui alteri ex invidia imprecatur gravia mala. ibi. n. 644. & 645. qui de bono alterius tristatur, eo quod ipse non gaudeat eodem bono, an possit, vel mereatur dici invidus. C. 22. n. 655.

Ira quid sit, & quale peccatum. C. 23. n. 666. & 667. quot dentur filiæ iræ. ibi. n. 668. quæ remedia contra iracundiam sint præscribenda à confessario. ibi. n. 669. ad iracundiam alium, etiam fatuum aut semi-fatuum provocantes, an, vel qualiter peccent. C. 23. n. 680.

Irritatio legis, quid sit. C. 15. n. 413. an lex naturalis aut divina irritari valeat auctoritate humana. ibi. n. 421. & seqq. An Maritus valeat irritare vota suæ Uxoris. ibi. n. 423. lex irritans, & irritatio legis quomodo

I N D E X.

modo inter se differant. C. 15. n. 431. quot modis lex possit irritari. ibi. n. 432. lex generaliter irritans, an præjudicet priori legi speciali, vel consuetudini rationabiliter receptæ. ibidem. n. 433. & 434. an lex irritans indigeat promulgatione. C. 15. n. 435.

Judex condemnando reum non satis convictum, nec confessum, an, vel quomodo peccet. C. 7. n. 197. an vel qualiter peccet decidendo causam in favorem sui amici, quando jura partium sunt æqualia. ibidem. n. 198. an etiam in foro conscientia teneamur acquiescere sententiæ Judicis. C. 6. n. 163. item C. 7. n. 193.

L.

Levionum praxis, in pondere defraudantium, an sit toleranda. C. 17. n. 487.

Lex quid sit. C. 9. n. 235. quæ, & quot conditiones necessariæ sint ad veram legem. ibi. n. 236. quotuplex sit lex. ibi. n. 237. & 238. an vel quanta promulgatio necessaria sit ad hoc, ut in actu 2do obliget. C. 9. n. 242. Utrum dependeat ab acceptance populi. ibidem. n. 247. quomodo lex differat à præcepto. n. 250. Utrum constitutiones seu leges Pontificiæ Romæ promulgatæ, illico habeant vim, immò actu obligent in Germania. C. 9. n. 255. & seqq. sciens

sciens pragmaticam proximè publicandam, an tali notitia privata licitè utatur cum detrimento proximi ignorantis. ibidem n. 257. & seqq. Omnis vera lex debet constringere, seu obligare subditos. ibi. n. 260. quid si dubitetur, sitnè lex justa vel non. n. 261. unde iustitia legis colligenda. n. 263. quæ differentia versetur inter promulgationem & divulgationem legis. n. 265. quid si lex à majori parte communitatis non observetur. C. 9. n. 266.

Legislativa potestas, quibusnam competat. C. 10. n. 267. & seqq. An Principes sæculares gaudeant potestate ferendi leges ecclesiasticas. ibi n. 270. An S. Pontifex vel Episcopi possint ferre leges civiles. ibi. n. 269. & 271. Quid circa hæc valeat Imperator n. 273. Et quid Principes, statūsque Imperii, ibidem n. 274. Utrum taxa v. g. frumenti &c. à Principe sæculari posita & præscripta, habeat vim obligandi Clericos. C. 10. n. 275. an Clericus non observans talem legem possit puniri à Principe sæculari, ejusdemvè Officialibus. ibi. n. 276. & 277. an, vel quanta potestate legislativa gaudeat in nostro S. Ordine R. P. Commissarius Generalis. C. 10. n. 278. an Ordinationes ab eodem præscriptæ alicui Provinciæ habeant vim legis, & quamdiu obligent, ibi. n. 279. quanta potestas Legislativa competat Capitulo Provinciali. n. 280.

I N D E X.

n. 280. Utrum etiam Abbatissæ vel aliæ Superiorissæ Monialium gaudeant potestate legislativa. C. 10. n. 281. & seqq. Cur nonnullæ ordinationes in capitulis factæ sæpius promulgari soleant, esto non habeant vim legis, ibidem. n. 286. Monialium potestas gubernativa, an debeat esse subjecta potestati Superiorum Religiosorum. n. 288. Religiosi exempti, an, vel in quibus casibus teneantur ad leges municipales Ordinariorum. C. 10. n. 289. & 290.

Lex naturalis & divina, quomodo obligent. C. 11. n. 291. quomodo leges humanæ. ibi. n. 292. Undenam colligendum, an Legislatores voluerit obligare &c. ibi. n. 293. quomodo obliget Lex moralis, pœnalis, & mixta ibidem. à n. 295. an, vel quando lex humana obliget cum periculo vitæ. C. 11. n. 298. & 299. An Legislatores humani ad materiam gravem possint obligare leviter, ac vice versa. ibidem. n. 301. & 302. an Princeps valeat obligare suos subditos ad manifestandam bonorum suorum quantitatem seu possessionem. C. 11. à n. 303. An Religioso sub gravi culpa prohiberi valeat v. g. contractatio sclopeti, vel alterius generis armorum, ibidem. n. 307. quid, si finis hujusmodi prohibitionis cessare videatur. ibidem. à n. 308. Utrum Leges humanæ obligent cum periculo mutilationis, alteriusve gravis damni. C. 11.

I N D E X.

c. 11. n. 314. an lex jejunii Ecclesiastiei obliget cum periculo infirmitatis. C. 11. n. 315. transgressor legis pœnalis, utrum ipso facto incurrat pœnam ibidem. n. 318. & seqq. undenam colligendum, sitne lex aliqua merè pœnalis vel non. C. 11. n. 296. & seqq.

Legis naturalis materia quæ. C. 12. n. 323. quænam sit materia legum humanarum. ibi. n. 324. unde desumenda vel colligenda sit gravitas materiæ. n. 327. & 328. quænam sit materia absolute, & quænam respectivè gravis. C. 12. n. 329. an actus merè internus sit materia legis humanæ, ibidem. n. 330. an auctoritate humana præcipi valeat aliquid inhonestum seu illicitum, vel aliquid impossibile C. 12. n. 345. & 346. an præcipi possint valde ardua. ibi. n. 347. utrum lex humana sese extendat ad actus jam præteritos. C. 12. n. 348. & seqq.

Legibus quinam subjiciantur. C. 13. n. 352. an Legislator teneatur legibus propriis. ibi. an omnes teneantur ad observantiam legis naturalis ac divinæ. n. 354. quinam stringantur legibus Pontificiis, ibidem. n. 355. & seqq. An vel quando teneamur prævenire obligationem & observantiam legum, aut certè nullum ponere obstaculum. C. 13. n. 375.

Legibus quomodo satisfaciendum sit C. 14. n. 384.

I N D E X.

n. 384. qualis intentio in hunc finem sit necessaria. ibi n. 385. an per actum malum satisfieri possit legi ibidem n. 287, an uno, eodemque actu satisfieri possit pluribus obligationibus. C. 14. n. 389. & seqq. an coactè solvens debitum, vel compensans damnum illatum, satisfaciat legi justitiæ. ibi. n. 398. & seqq. an lex necessario adimpleri debeat per actum charitatis. ibidem. n. 404. an eodem tempore possit satisfieri pluribus obligationibus. C. 14. n. 391. & 408.

Lex quomodo cesset per abrogationem, vel cessationem causæ finalis. C. 15. n. 409, vide *abrogatio legis*.

Lex fundata in præsumptione juris vel facti, quid, C. 15. n. 316. an, vel quando cesset obligatio legis fundatæ in præsumptione periculi. ibidem n. 417. Quomodo lex cesset per dispensationem, Epikeiam, & interpretationem. C. 16. n. 436. & seqq. Vide *dispensatio Legis*, an Lex naturalis sit dispensabilis. ibi. n. 444. & 445. quomodo obligatio legis cesset per consuetudinem. C. 17. à n. 469. Vide *consuetudo*.

Libertas arbitrii humani, in quo consistat. C. 1. n. 8. quotuplex sit. ibi. quomodo arbitrium humanum defacto sit liberum ibidem. n. 9. qualis libertas necessaria sit ad actum humanum. C. 1. n. 10. item n. 23.

Luxuria quid sit. C. 22. n. 623. quale sit peccatum ex suo genere, ibi n. 624. quænam hujus sint species principales. ibidem. à n. 625. quæ, & quot sunt filix luxuriæ. C. 22. n. 631. quænam remedia contra luxuriam præscribenda à Confessario. ibi. n. 362. ex intentione libidinosa abutens Sacramento extremæ unctionis, qualiter peccet, & an incurrat casum reservatum. C. 22. n. 637.

M.

M*Alefactor*, an peccet effringendo carcerem, & fugam capeffendo. C. 11. n. 311. an aliis licitum sit hujusmodi Reo fugam consulere, vel in hunc finem suppetias ferre. ibi. n. 313.

Malitia moralis, in quonam consistat. C. 3. n. 60. unde desumatur. ibi. n. 61. quomodo malitia debeat esse cognita aut volita, ad hoc, ut in actum derivetur C. 3. n. 67. an in eodem actu possibiles sint malitiæ specie distinctæ. ibi n. 81. an idem actus possit esse simul malus & bonus. C. 3. n. 82.

Materia legis naturalis & humanæ, quæ sit. C. 12. n. 323. quænam censenda sit materia levis, aut gravis, & undenam hæc gravitas petenda sit. ibidem n. 327. an actus merè interni sint materia legum humana.

I N D E X.

manarum. ibidem à n. 330. item. n. 340. qualis, vel quanta materia sufficiat ad mortaliter peccandum. C. 20. n. 592.

Matrimonium contractum cum impedimento existimato seu imaginario duntaxat, an valeat. C. 5. n. 131.

Metus quid sit, & quotuplex. C. 2. n. 30. an causet involuntarium simpliciter. ibi. n. 31. an vel qualiter metus excuset à peccato. C. 2. n. 48. & seqq. an excuset ab observantia præceptorum naturalium, vel saltem humanorum. C. 2. n. 50. & seqq.

Missam audire an quis possit, dum actu est occupatus circa chorum aut musicam. C. 14. n. 392. quid, si Missa audiatur ex vana gloria, vel alia adhuc peiori intentione. ibidem n. 394. & 406. quid si audiatur die festo sine omni prorsus reflexione ad diem festivum, vel obligationem eo die incumbentem. C. 14. n. 405. quid, si ebrius, vel si impos assistat SS. Missæ Sacrificio. ibid. n. 407. an obligatus pluribus titulis ad audienda duo aut tria sacra, possit eodem tempore plura simul audiendo satisfacere huic obligationi? C. 14. n. 408.

Monialium Superiorissæ, an gaudeant potestate legislativa. C. 10. n. 281. 282. & 288.

R. P. Elbel de Art. Hum. & Leg. Bbb Mu-

I N D E X.

Mulier violenter oppressa, an, vel quando peccet. C. 2. n. 39. & seqq. mulier dubitans à quonam è duobus conceperit, an ab utroque possit prætere alimenta prolis. C. 6. n. 162. an tuta conscientia jurare possit, quod ab uno determinato ex illis conceperit. n. 164.

Musici circa chorum actu occupatus, an possit simul satisfacere præcepto de audiendo uno, alterovè Sacro. C. 14. n. 392. & 393.

N.

Novitius sine justa causa Religionem deserens, an peccet. C. 5. n. 125.

O.

Opinio probabilis, quid sit, & quid probabilior. C. 7. n. 175. quotuplex sit. ibi. n. 176. & seqq. quid sit opinio tuta, & quid opinio moraliter certa, aut communis. ibidem. & n. 179. & 180. an opinio reddi possit satis probabilis per auctoritatem unius duntaxat Doctoris. C. 7. n. 181. sitne licitum, relicta opinione probabiliore ac tutiori sequi minus probabilem. ibid. n. 183. & seqq. quid si res non sit amplius integra. ibidem. n. 190. quid si poenitens probabiliter duntaxat videatur dispositus. ibidem n. 193. & seqq. Opinio Sacrae Scriptu-

I N D E X.

pturæ, vel rationi contraria non est verè probabilis. C. 7. n. 200. Undenam colligenda sit vera probabilitas alicujus opinionis. 201. sitne licitum amplecti opinionem tenuiter duntaxat probabilem. Ibi. n. 205. quinam singulariter teneantur ad sectandas opiniones probabiliore. ibidem. n. 206. & seqq. minùs tutam opinionem amplecti non semper expedit. n. 208. Unde, qui semper ex professo quærunt aut sectantur opiniones laxiores, malè faciunt. C. 7. n. 209.

Oscula, vel tactus impudici an liceant sponſis de futuro? C. 3. n. 77.

P.

P*arentibus* propriis mala gravia impreans, vel aliquid subtrahens, an teneatur hanc circumſtantiam explicare in confeſſione. C. 4. n. 99. & ſeqq. Parentes avertendo filium aut filiam ab ingreſſu Religionis, an peccent. C. 5. n. 126.

Pæſtor oviculam, ſeu animam ſuæ curæ concreditam ſeducendo an committat ſpeciale peccatum, & an teneatur hanc circumſtantiam explicare in confeſſione, præſertim ſi occasione confeſſionis ſumpſit anſam ſeducendi. C. 4. n. 97. & 98.

Peccatum ex ignorantia, infirmitate, vel ex mera malitia committi poteſt; & quodnam ex his ſit gravius. C. 2. n. 53.

I N D E X.

Peccator aut peccatrix gravis, quomodo à Confessario tractari debeant. C. 3. n. 71. & seqq. an ad impedienda majora peccata licitum sit mentiri. ibidem n. 74.

Peccatum, ut sic, quid sit, & quotuplex. C. 19. n. 531. quid sit peccatum actuale. ibidem. n. 537. in quo hujus malitia formaliter consistat. n. 538. quid importet peccatum habituale. ibidem. n. 539. unde nam desumenda sit distinctio moralis specifica peccatorum. C. 19. n. 540. unde petenda distinctio moralis numerica. ibid. n. 545. quomodo peccet is, qui generaliter proponit, quòd velit committere peccatum grave, & consentire in id, quòd delectat. C. 19. n. 548. & 550. plures ac diversas contumelias ex eodem impetu passionis eidem inferens, an committat plura número peccata. ibidem n. 552. quid tenendum de eo, qui proponit deinceps vitam licentiosam ducere. ibidem n. 554. & seqq. an Deus, vel solus homo dici possint auctor peccati. ibidem n. 558. & 559. quot committat peccata, qui tempore quadragesimæ tali die, in quem incidit vigilia, non servat jejunium. C. 19. n. 560. tempore Sacrificii audiendi studiis, vel lusi vacans, an peccet dupliciter. C. 19. n. 564.

Peccatum mortale ex genere suo, quid sit, & quid mortale per accidens. C. 20. n. 565. & 566. quanta libertas & advertentia

tentia sit necessaria ad mortaliter peccandum. ibidem n. 567. in quo consistat plena advertentia, & quandonam talis intervenisse censenda sit. ibidem n. 569. & 570. Quid sit peccatum veniale ex genere suo, & quid veniale per accidens. C. 20. n. 571. & 572. quot modis peccatum ex suo genere mortale transire possit in veniale, & vicissim. ibidem n. 573. & 574. quid sit, peccare cum-vel ex contemptu. n. 575. quænam universaliter loquendo censeantur peccata ex suo genere mortalia, & quænam venialia. ibidem n. 576. 577. & 590. quibus ex capitibus in dubio colligendum sit, an pœnitens satis deliberatè consensum præbuerit, proptereaue mortaliter peccaverit. n. 578. Utrum aliquis possit peccare in somno. C. 20. n. 579. & seqq. quid si sponsus ex familiari conversatione cum sponsa sentiat se commoveri ad libidinem. ibidem n. 584.

Peccata venialia multiplicata, an coalescant in unum peccatum mortale. C. 20. n. 587. & seqq. item à n. 593. quænam materia sufficiat ad mortaliter peccandum. n. 592. an propositum *nullum veniale vitandi*, sit mortaliter peccaminosum. C. 20. n. 596. an graviter peccet, qui prævidet se ex ultimo furto, de se levi, graviter damnificaturum suum proximum ibi. n. 597. quid si hoc faciat sine omni prorsus reflexione ad

I N D E X

priora furta. ibidem n. 598. Et quid, si talis supponatur priora furta mediante confessione sacramentali jamjam retractasse. C. 20. n. 599.

Peccata capitalia sunt septem. C. 21. n. 600. ap omnia ex suo genere sint mortalia. C. 23. n. 690.

Peregrinus quisnam propriè sit censendus. C. 13. n. 361. an peregrini teneantur legibus particularibus locorum. ibi. n. 361. & 363. an liceat peregrinari, seu aliò migrare eo præcisè animò, ut quis sese eximat à legibus proprii territorii. ibi. n. 370. item n. 381. & 382. quid si talis peregrinus alicubi nanciscatur, aut figat domicilium. C. 13. n. 383.

Pistorum praxis & consuetudo, in mensura & pondere defraudantium, an toleranda. C. 17. n. 487.

Pœna, an incurratur ab ignorante, C. 2. n. 54. & seqq. lex pœnalis quid sit. C. 11. n. 235. & seqq. pœnæ, an, vel quænam ipsò facto incurrantur. ibi. à n. 318. an pœnæ Ecclesiasticæ incurrantur à pueris. C. 13. n. 368.

Pœnitens peccata mortalia merè dubia adferens, an possit absolvi, vel quomodo debeat examinari. C. 1. n. 11. 12. & 13. pœnitens veneri nimium deditus, quomodo sit tractandus. C. 3. n. 78. & seqq. quid tenendum de illo pœnitente, qui ait, se nec cogi-

cogitationes lubricas, neque ipsam etiam pollutionem habuisse pro peccato. C. 5. n. 127.

Pollutio in somno passa, vel etiam procurata, an sit peccaminosa. C. 20. n. 579. & seqq. utrum liceat desiderare pollutionem in somno eventuram, vel de tali delectari ex post facto. C. 22. n. 652.

Potestas legislativa quibusnam competat. C. 10. n. 267. vide *legislativa potestas*. Potestas dispensandi in legibus, penes quos resideat. C. 16. n. 438. & seqq. vide *dispensatio* &c. Potestas concedendi privilegium, quibus competat. C. 18. n. 496. vide *Privilegium*. quomodo interpretanda sit potestas dispensandi, absolvendi, & eligendi Confessarium. C. 18. n. 526.

Præceptum ut sic, quomodo differat à lege. C. 9. n. 250. an, vel quando exspiraret cum morte præcipientis. ibi. n. 251. qua cum intentione adimplenda sint præcepta. C. 14. n. 384. & seqq. an præcepta necessario sint adimplenda ex motivo charitatis. ibi. n. 404. quænam sit differentia inter præceptum affirmativum, & negativum. C. 18. n. 535. unde colligenda sit diversitas præceptorum formalium. C. 19. n. 542.

Principes saculares, an possint ferre leges Ecclesiasticas vel obligare personas Ecclesiasticas. C. 10. n. 270. & 274.

I N D E X.

Privilegium quid sit. C. 18. n. 493. quod-
 tplex. ibid. n. 494. quisnam possit con-
 cedere privilegium. n. 496. quibusnam dari
 aut concedi valeat. ibi. n. 497. quando-
 nam privilegia suum sortiantur valorem.
 ibidem à n. 498. quomodo privilegia sint
 interpretanda. ibid. n. 500. & seqq. quæ-
 nam privilegia Religiosis in communi sint
 concessa. C. 18. n. 504. qualis communi-
 catio privilegiorum defacto detur inter Re-
 ligiosos, tum mendicantes, tum etiam non
 mendicantes. ibidem à n. 506. quibus ex
 capitibus privilegia cessare, seu etiam ex-
 spirare soleant. C. 18. n. 509. quantum
 Superiores nostri Religiosi vi privilegiorum
 valeant in suos subditos. ibi. n. 514. &
 seqq. quidnam possint respectu sæcularium,
 postulantium sepulturam in nostris Eccle-
 siis. C. 18. n. 517. & seqq. quid, quoad
 privilegium, & jura asyli. ibidem n. 520.
 utrum privilegia integris familiis concessa
 censenda sint realia vel personalia. n. 523.
 undenam colligi possit aut debeat, num
 privilegium aliquod sit reale; vel potius
 personale ibidem. n. 524. an, fas sit uti
 privilegio etiam extra territorium conce-
 dentis. C. 18. n. 525. quomodo interpre-
 tari debeant privilegia Religiosorum. C. 18.
 n. 529. & 530.

Promulgatio legis quid. C. 9. n. 242.
 qualis, vel quanta sit necessaria ad hoc, ut
 lex

I N D E X.

lex obliget in actu secundo. ibi. n. 243. & seqq. quomodo promulgatio differat à divulgatione legis. C. 9. n. 265.

Pueri ac Puella, an, vel quibus legibus teneantur. C. 13. n. 356. quasnam pœnas incurrant, agendo contra leges ecclesiasticas. ibidem n. 368. quid, si dubitetur, utrum jam potiantur usu rationis, nec ne. C. 13. n. 369.

R.

R*egularium* Superiores, an, vel quanta gaudeant potestate legislativa. C. 10. n. 269. item n. 287. Regulares exempti, an teneantur ad leges municipales locorum, seu etiam R. R. Ordinariorum. ibid. n. 289. & 290. An Superior Regularis sub gravi culpa possit suis subditis prohibere contrectationem sclopeti, vel alterius generis armorum. C. 11. a. n. 307. Regularis Superior, vel Religiosus aperiens litteras alterius, quas in sui præjudicium scriptas suspicatur ad Superiorem, an peccet, vel incurrat casum reservatum. C. 21. n. 616.

Religiosus in alieno territorio existens, an puniri valeat à suo Superiore. C. 13. n. 380. Religiosus dubitans an hæc vel illa consuetudo sit legitimè & cum intentione obligandi introducta, quomodo se habere debeat, C. 17. n. 480. & seqq. quænam privile-

gia Religiosis, aliisque Clericis in communi sint concessa. C. 18. n. 504. qualiter Religiosi gaudeant mutua communicatione privilegiorum. ibi. n. 506. seqq. quidnam valeant Religiosi Superiores circa benedictenda paramenta ecclesiastica, dispensationem Regulæ, sepulturam sæcularium. C. 18. n. 514. & seqq. Religiosorum privilegia an latè vel strictè sint interpretanda. C. 18. n. 529. & 530.

Reliquias Sacras, scapulare, vel aliud quid apud se portans dum veneri indulget, an propterea specialiter peccet. C. 4. n. 104.

S.

S*artor* adstringendo famulos suos ad laborandum serviliter die festivo, an peccet. C. 20. n. 587. an famuli intuitu talis laboris extraordinarii tutà conscientia possint clepere de fragmentis, & an clependo incurrant obligationem restituendi. ibidem n. 588. & 589.

Scrupulus propriè dictus quid sit, & quid esse scrupulosum. C. 8. n. 211. & 212. quænam soleant esse radices scrupulorum. ibi. n. 213. quibus ex indiciis scrupulositas dignosci valeat. ibi. n. 214. quomodo poenitens scrupulosus sit tractandus. n. 215. Scrupulos oportet deponere, immò contemnere, & quomodo. C. 8. n. 117. &

118. quid scrupuloso agendum sit, casu quo totaliter perplexus apprehendit, se peccaturum, quidquid demum egerit, vel è duobus elegerit. n. 219. quid agendum cum scrupuloso circa intentionem necessariam in ordine ad percipienda, seu etiam administranda Sacramenta. ibi. à n. 220. quid cum illis, qui putant, se hactenus nunquam fuisse validè confessos. C. 8. n. 223. quid agendum cum illis scrupulosis, qui continuo exagitari solent tentationibus v.g. contra fidem, castitatem &c. ibidem n. 226. & seqq. quænam sint discrimina inter scrupulosum & timoratum, seu conscientiosum. C. 8. n. 232. an, vel quando scrupulosus à Confessario sit deferendus. ibi. n. 233. an præstet, esse scrupulosum vel verò laxum. C. 8. n. 234. scrupulosus efficaciter proponendo, quòd proximè velit consentire tentationibus, & graviter peccare, quomodo peccet. C. n. 548.

Semifatuum, vel fatuum provocantes ad potum excessivum, vel ad iracundiam, an vel qualiter peccent. C. 23. n. 679. & seqq.

Simulare falsam sectam, an liceat eo fine, ut deprehendatur, quinam sint hæretici. C. 12. n. 338.

Sponsa, an liceat blandiri suo sponso. C. 3. n. 76. an sponsis de futuro liceant tactus & oscula. ibi n. 77. an sponsi dispensati cum hac clausula: *modo copula carnalis non interverit &c.*

nerit &c. licitè aut validè contrahant, esto intervenierit copula occulta. C. 16. n. 453. in voto castitatis dispensati eo fine, ut proles jam suscepta legitimetur, an adhuc validè contrahant, tametsi proles interea supponatur fuisse mortua. ibidem n. 457. sponsus, advertens ex ulteriori conversatione cum sponsa sibi imminere periculum lapsus, an tutà conscientia possit eandem frequentare. C. 20. n. 584. Utrum sponsis de futuro licitum sit, delectari de copula aliquando exercenda. C. 22. n. 651.

Subditus, tam physicè, quàm moraliter proprium territorium egressus, an teneatur legibus sui territorii. C. 13. n. 359. & 360. An subditus licitè egrediatur proprium territorium eò præcisè animo, ut se eximat legibus ejusdem territorii v. g. de servando jejunio, aut die festivo &c. ibi n. 370. & 371. an egressurus proprium territorium die festivo, teneatur prius audire sacrum. C. 13. n. 374.

Superbia quid, & quotuplex. C. 21. n. 601. 602. 603. quæ, & quot sint hujus filix. ibi. n. 604. an sint de se mortaliter, vel venialiter duntaxat peccaminosæ. ibi. n. 605. quænam remedia à Confessario præscribenda sint superbis. C. 21. n. 606. Utrum is, qui appetit promotionem, vel eminentiam super alios, dici debeat superbus. ibi. n. 611. Utrum regulariter loquen,

I N D E X.

quando poenitentes de superbia sese accusantes censendi sint graviter peccasse, vel non. C. 21. n. 620.

T.

T*actus* vel oscula, an liceant sponsis de futuro. C. n. 77. Tangens impudicè alium vel aliam, an in confessione teneatur dicere, in qua parte corporis contigerit hujusmodi contactus. C. 4. n. 110.

U.

V*Agabundi*, quinam sint censendi. C. 13. n. 361. an teneantur legibus particulariis locorum. ibi. n. 364.

Vidua, an licitè delectetur de copula carnali olim admissa. C. 22. n. 651.

Violentia quid. C. 2. n. 28. an causet involuntarium simpliciter. ibi. n. 29. an vel quando peccet fœmina violenter oppressa. C. 2. n. 39. & seqq. famulus à suo hero violenter adactus & coactus ad committendum homicidium, an peccet. C. 2. n. 43.

Voluntarium perfectum, in quo consistat. C. 1. n. 6. voluntariè dans causam peccato, an teneatur hoc explicare, præsertim si ante effectum secutum doluit de causa


I N D E X.

causa posita. C. 1. n. 24. & 25. quot sint
impeditiva voluntarii. C. 2. n. 26. &
seqq.

Votum ab Uxore emissum, an à Marito
valeat irritari. C. 15. n. 423. *Votum* fa-
ctum ad impetrandum hæredem masculi-
num, an, vel quamdiu obliget. C. 15. n.
424. & seqq.

A. M. D. G.

Finis.



MAG 2005232

